


ОМИНА Шенликүғли



МАРИЯ

Роман

Шенлиқўғли Омина.

“Мария” / ҳаётий-манишӣ роман / турк тилидан Зулфия Абдухоликова ва Эргашбой Матёқубов таржимаси / “Жаҳон адабиётининг бестселлери” туркуми – Тошкент: “ZUKKO KITO BXON” нашриёти, 2021. – 288 бет.

Нашрга тайёрловчى, қўшилича изоҳ ва иқтисодларни киритувчи:

Эргашбой МАТЕҚУБОВ

Хурматли Китобхон!

Сизга “Насроний атиргули”, “Виждон азоби”, “Иномнинг манекен қизи”, “Дор остидаги аёл”, “Жоҳилистон келини” каби асарлари билан таниш бўлган туркиялик адаб Омина Шенлиқўғлининг яна бир машхур асарини — “Мария” китобини ўзбек тилида тақдим этмоқдамиз. Бу адабининг қайси асарини ўқиманг, ҳаммасида инсонни камолотта чорлайдиган, эътиқодни мустаҳкамлайдиган панд-насиҳатларни учратасиз. Айниқса, қўлингиздаги асарни — “МАРИЯ”ни ҳеч бир муболағасиз эътиқод улуғланған буюк обида дейишингиз аниқ.

Ушбу асарни адаб ҳаётий воеа асосида — бош қаҳрамоннинг хикояси бўйича ёзган. Асар воеалари Германия ва Туркияда бўлиб ўтган.

Асарнинг асосий қаҳрамони насроний қиз — Мария асар бошлида иркчи ва хатто миллатчи шахс сифатида кўзга ташланади. Лекин вақт ўтиши билан бошка ирк ва миллат вакиллари ҳам ўзлари каби инсон эканлигини англайди.

Тасодифни каранг, Мария иккита мусулмон йигит — мисрлик Абдулаҳҳоб ва туркиялик Мехмет — билан танишиб, дўстлашиб қолади. Мехмет билан Мария орасида муҳаббат пайдо бўлади. Улар ўзаро турмуш қуриши учун кимдир ўз эътиқодидан воз кечиши керак...

Абдулаҳҳоб ким ва у Мариянинг ҳаётуда қандай роль ўйнайди?

Мехмет аслида ким эди ва у ўз эътиқодини ўзгартирадими?

Мариянинг отаси Сэм ва онаси Тереза қандай инсонлар эди?

Абдулаҳҳоб ва насронийлар епискоти ўтасидаги баҳс қандай яқунланади ва Мария бу парнинг баҳсидан кейин қай аҳволга тушиади?

Мария Туркияга нима учун келади ва у мақсадига эришадими?

Мария, ҳақиқатан ҳам, Мехметни севармиди ёки?..

Мехмет ва Мария ўзаро турмуш қуришадими?

Абдулаҳҳобнинг тақдирни қандай яқунланади?

Ушбу саволларга асарни ўқиш давомида жавоб топасиз!

КОР

Ўша куни қор майдалаб ёғарди. Одамлар автобус бекатларида кутишарди. Мен эса иссиққина машинамда якка ўзим олийгоҳга кетаётган эдим.

Автобус бекатига яқинлашгач ҳар доимгидек бекатга назар ташладим. Мана ўша йигит... Ҳар доимгидек бекатда автобус кутаётган эди. Бу ёш йигитнинг кўриниши бошқача ва бу ҳолат эса менинг эътиборимни тортарди!

Мен ўз ирқига жуда содиқ инсонларданман. Бир қанча йиллар: “Бошқа ирқ вакиллари юртимизни тарқ этсин! Келгиндилар йўқолсин”, — деган шиорлар билан на мойишларга қатнашиб келганман. Лекин сўнгги йилларда бошқача фикрлайдиган бўлиб қолгандим. Охир-оқибат ҳамманинг инсон эканлигини тан олдим.

Ўша бекатда турган йигит... Устига-устак африка-ликларнинг бири... Менимча, у бечора ҳам оиласининг қашшоқлигига чидолмай бу ерларга келиб қолган бўлса керак. “Шуни машинамда манзилига олиб кетсамми?” — деган фикр келди хаёлимга. “Ажабо, у рози бўлармикан?” — деб ўйладим.

Шуларни хаёлимдан ўтказар-ўтказмас машинам-

нинг орқа ғилдиракларидан бирининг шинаси ёрилса-я? Африкалик йигит олийжаноб экан: кўриши билан югуриб келиб, менга ёрдам бера бошлади. Қор ёғишда давом этарди. Жуда озода кийинган эди. Кийимининг ифлосланишини ҳам ўйламасдан машинаминг шинасини алмаштириб берди. Миннатдорчилик билдириб машинамга ўтирарамман:

— Ўтилинг, борадиган жойингизга ташлаб қўяман,
— дедим.

Ўша йигит бироз ўйлаб тургач, бекатда турган иккита қизни қўрсатиб:

— Бу қизлар ҳам биз билан кетса бўладими?

Тўғрисини айтсам, бундай дейишини ҳеч кутмагандим. Ноилож ўша қизларни ҳам машинамга таклиф қилдим. Қизларнинг биттаси биз билан кетишни хоҳламади. Иккинчиси олд ўриндиққа ўтирди. Африкалик йигит эса орқа ўриндиққа жойлашди.

Жимгина йўлда давом эта бошладик. Кувлигим тутиб, африкалик йигиттага гап отгим келди, энди гапирмоқчи бўлиб оғиз жуфтлаган эдим ҳамки, унинг ўзи мендан олдин гап бошлаб қолди.

— Сиз нега мени машинангизга таклиф қилдингиз?
Ёки биз бирон жойда танишганмизми?

— Сизни ҳар куни шу бекатда кўрардим. Африкаликларга катта қизиқишим бор. Мени энг кўп ҳайратлантирадиган жой Африкадир.

Бироз тараддуланиб турдим-да, тилим учida турган саволни бермоқчи бўлиб гап бошладим:

— Ҳалиги... Бир нарсани сўрамоқчи бўляпман-у, лекин сизни хафа қилиб қўйищдан кўркяпман-да.

— Сиз билан таниш бўлмасак, қанақасига мени хафа қилишингиз мумкин?

Сўрайдиган саволимнинг қандай таъсир қилишини кўриш учун машинамнинг олд кўзгусидан орқада ўтирган африкалик йигитнинг кўзларига қараб:

— Бу гапингиз билан мени дадиллантирдингиз, лекин, барибир, хижолат бўляпман. Майли, сўрай қолай: африкаликлар одам гўшти ейишадими? — дея сўрадим.

Биламан, берган саволим аҳмоқона эди.

Африкалик йигитнинг бирдан афт-ангари ўзгариб, жаҳди чиқди ва:

— Бу нима деганингиз? Африкани ўзларига қарам қилиб олган ўғри мустамлакачиларнинг ёлғон бўхтони-ку бу, ахир! Сиз ҳам шу гапларга ишонибсиз-да. Нима, сизнинг университетда африкалик талабалар ўқишмайдими? Ёки ўшалардан биронтаси сизни ейиш учун ҳамла қилдими? Бундай дейиш сизга ҳеч ҳам ярашмади. Одам гўшти ер эканмиз-а?! Сизнинг мени бундай ҳақорат қилишга нима ҳаққингиз бор, ўзи?! Тўхтатинг машинани, мен бундай инсонлар ёнида бир сония қололмайман!

Мен унинг шунчалар жаҳл қилишини ҳеч ҳам кутмагандим.

У кутилмаганда бирдан орқага ўгирилдим-да:

— Майли, майли... Сиздан кечирим сўрайман. Калтафаҳмлик қилиб қўйдим, бундай аҳмоқона саволни бермаслигим керак эди ўзи, — дедим.

— Бундай оғир туҳмат осонликча кечирилмайди? Гарб дунёсининг жосуслик билан шуғулланадиган ўғри, маданиятсиз, калтафаҳм ёшлиари доим бизни пастга уриб, камситиб келишган. Албатта, сиз ҳам бундай бўхтонларга ишонгансиз-да, бўлмаса сўрамасдингиз. Илтимос, ҳозироқ машинани тўхтатинг!

Ўзимдан ўзим хафа бўлаётгандим. Жаҳл билан тормозни босдим-да, унга қараб, бақира кетдим:

— Сиз қанақанги мусулмон одамсиз ўзи? Сизларнинг динингизда узр сира қабул қилинмайдими? Бунинг учун узр ҳам сўрадим-ку, яна нима қилай?! Билдим: мен аҳмоқлик қилиб кўйдим. Яна бир бор узр сўрайман. Мулоийим кўринганингиз билан жуда ҳам жаҳлингиз тез экан. Демак, исломда бағрикенглик йўқ!!! Марҳамат, дарров тушинг!

У жаҳл билан машинадан тушаётганида ёнимда ўтирган немис аёли гапга кўшилди:

— Исломда бағрикенглик йўқми?! Онам бир мусулмонга турмушга чиқсан эди. У жуда кечиримли инсон эди.

Машинадан тушиб ҳали эшикни ёпишга улгурмаган бояги африкалик йигит бу гапларни эшитгач орқасига ўтирилиб гапга кўшилди:

— Тўғри, мусулмонларнинг дини бағрикенг, кечиримлидир, лекин баъзи аҳмоқ мусулмон эркаклар ўз аёлларига қонлар қустиришади. Ислом динининг қонун-қоидаларини яхши билмаган бундай аҳмоқлар ўз жазманларига ва уларнинг болаларига эса меҳрибонлик қилишади. Бундай инсонларнинг фикрлаши-ю дунёқарашига суюниб мусулмонлар ва ислом дини ҳақидаги хуоса қилишнинг ўзи ноҳақлиkdir.

Африкалик йигит бироз ўйлаб олди-да, яна менга қараб гапира кетди:

— Гарб дунёси эса ҳеч қачон ислом динига ва мусулмонларга нисбатан бағрикенглик қилмаган. Ҳар доим улардан нафратланишган ҳамда улар ҳақида нотўғри фикрда бўлишган. Масалан, сал аввал менга нисбатан қилинган ноҳақлик бунинг яққол далилидир. Ҳеч қандай одам мен эшитган бундай ҳақоратни ҳазм қилолмайди.

Гапнинг айланиб яна менга қаратилгани жаҳлимни чиқарганди. Чидай олмай баланд овозда гапира бошлидим

ва:

— Бўлди-да энди, мунча эзмаландингиз! Сиз ҳам мени: “Фарб дунёсининг калтафаҳм одами”, — дедингиз. Бу кам ҳақоратми?..

— Лекин сиз менинг жаҳлимни чиқардингиз-ку!..

— Хўп, хато қилдим, тан оламан, лекин кечирим ҳам сўрадим-ку! Сиз қанақа одамсизки, узрни қабул қилмаяпсиз!

— Сизлар одам гўшти емайсизлар-у, нега энди биз ейишимиз керак? Бу қандай аҳмоқона савол: одам одамнинг гўштини ейдими!?

Дамим ичимга туша бошлаганди. Мен ҳам юмшоқроқ оҳангда гапира бошладим:

— Фақат Иди Амин¹ одам гўшти еярмиш. Буни бутун дунё билади-ку?..

— Бу гап сиз томондагиларнинг ислом оламига отган туҳмат тошидир. Бу ислом динига душманлик қилаётган матбуотда ўзларича “мухбир” бўлиб фаолият юритаётган пасткашларнинг онгсизларча тасаввури, холос. Бунақа иш бўларми? Сиздай ақли расо ёш қиз бунга қандай ишонган — ҳайронман!..

Мен қайта-қайта кечирим сўрардим ундан:

— Илтимос, кечира қолинг энди. Ахир: “Оммавий ахборот воситалари мусулмонлар ҳакида ёлғон хабар тарқатишади”, — деб ўйламагандим-да. Мен ёлғон хабарларнинг курбони бўлдим. Кечиримли бўлиш сизга ярашади. Илтимос, мени кечира қолинг. Агар ислом динида кечиримли бўлиш йўқ бўлса, майли, кечирмай қўя қолинг.

¹ Дада Уме Иди Амин (1925–2003) — 1971–1979-йилларда Уганда президенти ва ҳарбий кўмандони. Баъзи бир манбалар унинг одамхўр бўлганлигини ва ўлдирилган ракибларининг тана аъзоларини ейиш учун музлаткичда саклаб кўйиши ҳакида маълумотлар берган. Бу маълумотларнинг ёлғон ёки ҳақикатлиги ҳакида аниқ маълумотлар йўқ.

Үйлашимча: “Ислом динида кечиримли бўлиш йўқ бўлса”, — деган гапим унга таъсир қилди, шекилли. У машинадан тушган бўлса ҳам, иккинчи марта фикридан қайтиб олдинги жойига ўтирди.

Мен йўлда давом этар эканман, африкалик йигит ҳам яна гапини давом эттира бошлади:

— Сизнинг алданганингизни тушундим. Лекин дилим оғриди. Барибир, бу гапларингиздан ўзимга келишим қийин бўляпти. Майли, сизни кечираман. Аммо қалбимда очилган яранинг тезда битишини қутманг. Қалб ярасининг битиши анча вакт талаб қилса керак. Тўғрими?

— Ишонинг: сиз тўғри гапирдингиз. Умуман алданмайдиган инсонлар ҳам баъзан алданишади ва мана шундай аҳмоқликлар юзага келади. Мени эса Африка ҳақида тарқатилган бу мишишларнинг ёлғон-ростлиги қизиқтираётгани йўқ. Мени қизиқтирган нарса — саҳродаги ҳаёт. Одамлар саҳрова қандай яшашади, нималар қилишади — жуда ҳам билгим келади.

Қор эса ҳамон ёғишида давом этарди.

— Ажабо, Африканинг яна нималари сизни қизиқтиряпти экан-а? Дарҳақиқат, мен ҳам шу онда сизни қизиқтираётган нарсаларга қизиқяпман-да!

— Аслида, мен эхромларга қизиқаман. “Мисрнинг қадимий ёдгорликлари” музейига... Африкадаги очарчилкда яшаётган инсонлари ва чайлаларда яшовчиларнинг ҳаёт тарзига...

Африкалик йигитнинг менга нафрат аралаш ғалати титроқ билан қараганини ҳис қилдим. Машинанинг кўзгусидан секингина унга кўз югуртирсам, яна жаҳл отига минганди:

— Ғарбнинг айрим жоҳил мухбирлари ёлғон хабарлар тарқатишади, қолган одамлар эса бунга ишонишади.

— Узр сўрайман, яна билмасдан гапириб қўйдим.
Мени кечироласизми?

— Бу сафар кечира олмайман. Камситишларингиз-
нинг охири кўринмайдиганга ўхшайди: бири тугаяпти,
иккинчиси бошланяпти. Биз нима учун чодирларда
яшашимиз керак?

— Ахир, мен сиздан кечирим сўраяпман-ку. Нима
сизларда кечирим сўрашнинг ҳеч ҳам қадри йўқми?

— Сизни тушунмадим: бир тарафдан кечирим
сўрайсиз, иккинчи тарафдан эса ҳақорат қиляпсиз. Бун-
дай ҳақоратларни кечириш осонми? Илтимос, инсоннинг
қадр-қиммати билан ўйнашмасдан гапиринг! Гапларимни
тушундингизми? Европанинг тантиқ эркатойи!.. Илтимос
мени тушириб қолдиринг!

Жаҳл билан машинанинг тормозини босдим. Энди
менинг жаҳлим чиқаётганди:

— Хўп, қани энди, тушинг-чи машинадан. Сўраган-
ларимга пушаймон бўлсам-да, сиз кечира олмаяпсиз!.. Ис-
лом динида бағрикенглик йўқлигини шундоқ ҳам билар-
дим.

У жаҳл билан машинадан тушди. Тушиши билан
қорга сирпаниб кетиб, ерга чўккалааб қолди. Аммо дарҳол
ўрнидан туриб, ўзини тўғрилаб олди. Қор майдалаб ёғар-
ди. Жойида туриб қолди, бироз ўйланиб турди-да, орқага
қайтиб:

— Ҳали шунақами? Демак, мендаги камчиликларни
динимга тўнкамоқчи бўляпсиз. У ҳолда мен ўз ғуруримни
ўйламасдан яна машинангизга қайтиб ўтираман. Лекин
сиз ҳам чин дилдан афсусланганингизни билдириш учун
қасам ичасиз.

— Қасам ичаман. Албатта, ҳабашларни яхши била-
ман. Балки, қора танли арабларни яхши билмаганим учун

бўлмағур гапларни гапиргандирман.

Яна қайтиб жойига ўтирди. Вазиятни юмшатишга ҳаракат қилдим:

— Ишонсангиз: олдингизда жуда ҳам уятли бўлдим. Бўлмаса ким одамхўрлар ҳақида бўхтонлар тарқатган?

— Африкада ҳеч қандай одамхўрлар қабиласи йўқ. Аммо, боя айтганимдай, бу — бир туҳмат. Бу — Африкани истило қилганлар томонидан тарқатилган ваҳшиятдир. Одамлар ҳам бундай ёлғонларга дарров ишонишган. Мен Мисрдан келганман. Биз ҳеч кимни емаймиз, лекин бизнинг қонимизни ичаётганларни биламиз, кўрамиз ва фақатгина томошабин бўлиб тураверамиз. Бутун бир гуноҳимиз — томошабинлигимиз ва фақатгина араб эканлигимиздир.

— Ажабо, ўз юртининг хўрланганига гувоҳ бўлган африкалик йигитни биринчи бор кўришим. Немис тилида яхши гапирап экансиз. Нега энди бу ерда — Германиядасиз?

— Вазият тақозоси билан. Шу ерда ўқийман. Охирги курс талабасиман.

— Исмингиз нима?

— Абдулваҳҳоб.

У билан сұхбатимизни давом эттириш учун худа-бехуда — хаёлимга нима келса, шуни гапирадим.

— Исмим — Мария. Мен немисман. Ўтмишим ҳақида баъзи бир гапларни эшитганман. Лекин суриштириб кўрмаганман. Айтишларича, менинг дадам туркиялик эмиш. Жуда ҳам қашшоқ бўлишгани учун боқолмай мени немис оиласига бериб юборган эмиш. Мен бунга ишонмадим, албатта.

Кейин тўсатдан хаёлимга бир савол келиб қолди-ю, гапни дарров ўша ёқقا бурдим:

— Тұсатдан савол туғиљди менда: қызик, нега сизлар бизнинг тилимизни ўрганасизлар-у, биз сизларнинг тилингизни ўрганмаймиз? Сиз ҳам шуни ўйлаб күрганмисиз?

Шунда тұсатдан унинг худди ток ургандай титраб кетганини ҳис қилдим. Ранги ўзгарди. “У билан яна дуч келамизми-йўқми?” — деб күп гапларни сўраб-билиб олишни хоҳдагандим.

Лекин ўзи гап бошлиб қолди:

— Менинг энг нозик жойимни нишонга олдингиз! Битмаган ярамни очиб, унинг устидан туз сепдингиз.

Сұхбатни давом эттириш учун машинани кераксиз күчаларга ҳам бурадим: йўлни узайтиришга ҳаракат қиласардим. Кор остида сайр қилишнинг ҳам ўзгача завқи бор эди мен учун.

Ёнимда ўтирган немис қиз:

— Қаерга кетяпмиз? — деб сўраб қолди.

— Хавотирланманг: шу кўча охиридан керакли кўчага чиқиб оламиз, madam¹, — дедим.

Кейин машинамнинг кўзгусидан Абдулваҳобга қарадим:

— Демак, сизларга зулм қилишган деб ўйлайсиз. Империализм² сизларни ҳам ўз домига тортибди.

— Табиийки, шундай бўлган. Агар билсангиз, ўша империалистлар сизлар, яъни гарбликлар. Мусулмон ўлкаларни ўзингизга қарам қилиб олиб, таҳқирлайсизлар. Ҳамма нарсангизни кўз-кўз қилиб ёшларимизнинг ҳавасини келтирасизлар. Лекин биз бу қарамлик уйқусидан ҳали

¹ Madam (французча) — хоним.

² Империализм (французча: imperialism — ёки латинча: imperium — буориши; бошқариши; хокимиият) — худудларни кенгайтиришга, мустамлакалар босиб олишга, бошқа давлатлар устидан сиёсий ёки иктисадий назорат ўрнатишга қаратилган давлат сиёсати.

үйғонмадик. Шунинг учун шундай бўляпти. Тилларнинг ҳаммасини Оллоҳ яратган. Лекин босқинчилар ўз тилини муқаддас тилга айлантириб олди. Бошқа тилларни ҳақорат қилган ҳар ким фашистдир. Аслида тилларнинг ҳеч қандай айби йўқ. Бутунги кунда ҳамма жойда инглиз тили ҳукмрон бўлса, бу инглиз тилининг гўзаллигидан эмас, балки босқинчилик сиёсатининг натижасидир. Агар инглизлар арабча гаплашганларида эди, ҳозирги кунда французча ва инглизчага қизиқаётганлар арабчага қизиқиб қолган бўларди.

Уни кўзгудан кузатиб турардим. Қор ёғиши яна ҳам тезлашди. Йўлни кўриш қийинлашганди. Одимни кўролмаётганимни баҳона қилиб, йўл четига ўтиб машинамни тўхтатдим ва орқага ўгирилиб, Абдулваҳҳобдан сўрадим:

— Яъни: “Мусулмонлар калтафаҳам”, — дейишни хоҳлаяпсизми?.. Нега бўлмаса ўзларини бошқаларга хўрлатиб кўйишган?

Абдулваҳҳоб анча вакт жим турди. Машинамнинг кўзгусидан унга қараб турардим. Паришонхотир эди. Африкалик йигитнинг кўzlари ёшланганини сезиб қолдим. Ростини айтсам, мен уни бу ҳолатга туширганим учун афсусдаман.

Бироз ўйланиб турди-да кейин жавоб берди:

— Ҳа, бизнинг пок туйгуларимиздан фойдаланиб аҳмоқ қилдингизлар.

— Бўлмаса нега бизнинг юртимизда юрибсизлар?

Ёнимдаги немис қиз машинадан тушмоқчи бўлганди кўлим билан ишора қилиб: “Тўхтаб тур”, — дедим.

Абдулваҳҳоб гапида давом этди:

— Шуларни билиш учун мени машинангизга чиқардингизми? Унда эшитинг: айтаман.

Она жайрон ҳам бағридаги жигарбандини юлиб ол-

ган айқнинг ини атрофидан узоққа кетолмай айланиб юрар экан. Бизнинг аждодларимиз ҳам ғарбликларнинг, айниқса, инглизларнинг истилосида қурбон бўлишган. Бизнинг бор-будимиизни тортиб олгансизлар, ўзимизни эса орқангиздан эргаштириб келяпсизлар. Мана сиз машинада юрасиз, мен эса мана шу қорли об-ҳаво шароитида автобус кутаман. Агар билсангиз: шу машинангнинг битта фидираги меники, иккинчиси эса укамники. Биздан тортиб олганларингизни бизни эксплуатация¹ қилиб қурдирган завод-корхоналарингизда қайта ишлаб: “Янги техникалар яратдик”, — деб, бизга кибрланасиз. Мени нотўғри тушунманг: бу айтаётгандаримнинг сизга таалуқли жойи йўқ, хоним...

— Мария.

— Айбга буюрманг.

Ёнимда ўтирган немис қиз ҳам гапга қўшилди:

— Сиз бизни қаллоб демоқчи бўляпсизми?

Абдулваҳҳоб зарда билан жавоб берди:

— Менинг гапларимга эътибор қилманг. Тортишаман деб ҳамма айбни сизларга тўнкаётгандай бўлиб қолдим. Бўлди, бошқа буларни гаплашмайлик.

— Айтгандай, менинг исмим — Моника. Мен Миср ҳақидаги баъзи ривоятларга қизиқиб юрибман. Масалан, эхромлар. Бизнинг китобда ёзилганларнинг ҳаммаси тўғрими? Мисрда ҳам эхромларнинг қандай қурилганлиги ҳақида баҳс-мунозаралар бўладими?

— Ҳа, факат Миср эхромларининг барпо бўлиш жараёни билан бирга ўзгача аҳамиятга эга бошқа томони ҳам

¹ Эксплуатация (французча: exploitation — ишлатиш, фойдаланиш; фойда олиш) — 1) ишлаб чиқариш воситалари эгаларининг ўзгалар меҳнати маҳсулини ўзлаштириб олиши (асарда шу маъпода); 2) табиий бойликларни казиб олиб, улардан фойдаланиш; ер, саноат корхоналари, транспорт воситалари, бинолар ва шу кабилардан фойдаланиш, уларни ишлатиш.

бор. Ғарбликларни бу томони қизиқтирмайди.

Моника сўради:

— Нима экан?

— Масалан эҳромлар мустамлакачилар рухини ифода қиласи. Булар ваҳший Фиръавнларнинг маҳбусларни қандай ишлатаётгани ва ўзларининг нафс-эҳтиёжларини қондириш учун уларнинг меҳнатидан қандай фойдаланаётганлигини кўрсатади. Ғарб давлатлари шу томони билан эҳромларга ўхшайди. Эҳромлар ҳам кимларнингдир пешона териси эвазига барпо қилингандир. Ғарб давлатлари ҳам қарам қилингандарнинг меҳнати эвазига, уларнинг ширин жонлари хисобига ривожланмоқда.

Немис қизининг жаҳли чиқди:

— Вой, сизни қаранг-у, ҳамма нарсада Ғарбни айбдор қилиб кўрсатяпсиз. Лекин ўзингиз шу ерда юрибсиз.

— Бизнинг динимиз душманимиз бўлса ҳам, ғайридинлар юртига боришни; керак бўлса, уларга ёрдам беришни; зарурат туғилса, улардан ёрдам сўрашни тақиқламайди. Бирорвга жабр қилишни ва бирордан зулм кўриш тақиқданган. Сизга айтганимдек, ғайридинлардан ёрдам олишни Оллоҳнинг амири деб қабул қиласиз. Ислом дунёси ҳали ҳам уйқуда. Бир кун келиб уйғонар, уйғонгандага ҳам зўр бўлиб уйғонар деган умиддаман. Ҳали ҳам 1930-йилларнинг таъсирида юрибмиз. Кўрамиз: келажагимиз қандай бўларкан. Балки, бир кун келиб сизлар менсимаган Миср ҳалқи ҳам тараққиётга эришар.

Моника бундан ортиғига чидай олмай машинадан тушиб қолди. Университетга яқинлашиб қолгандик. Мен ўзимни қизиқтирган бошқа нарсаларни ҳам сўрагим келарди. У гапиргани сари мен ўзимни шиллиқтуртга ўхшата бошладим. Йигитнинг ўзини тутиши эътиборимни тортганди.

- Уйланганимисиз? — дея ундан сўрадим.
— Йўқ, унаштирилганман. Жуда ҳам ажойиб бир қизга. Уни ибо-хаё тимсоли десам ҳам бўлади.

Мен кутилмаганда ўзим танимаган, билмаган бу қизга ҳасад қилдим. Севгилиси уни қандай самимий мақтади. “Демак, бу мусулмонлар мана шунаقا экан-да”, — дедим ичимда. Мен ғалати хаёлларга ғарқ бўлган ҳолда ундан сўрадим:

- Ҳозир қайлифингиз қаерда, жаноб Абдулдаҳад?
— Мисрда. Исмим — Абдулаҳҳоб, Мери хоним.
— Мери эмас, Мария. Сиз бу ердалигингизда унинг бирга сайрга чиқадиган бошқа дўстлари ҳам борми?

— Бу нима деганингиз? Биз ғарбликларга ўхшамаймиз. Турмуш ўртоғимизни, қайлиғимизни бегона эркаклар билан сайр қилишига йўл кўймаймиз. Бизда бу жуда катта гуноҳ саналади. Аслида сизларнинг динингизда ҳам бу гуноҳ ҳисобланади-ю, аммо... Юртимиздаги қизларимизнинг аксарияти хаёли-иболи. Аммо ғарбликларнинг турмуш тарзига тақдид қиласидиган, Худодан қўрқмайдиган қизларимиз ҳам йўқ эмас. Кам бўлса-да, бор. Оллоҳга иймон келтирган мусулмон қизларимиз гуноҳ қилишдан қўрқишиади. Ҳар қандай иймони бутун мусулмон буларни жуда яхши билади.

— Ҳўш, эркакларингиз-чи? Сизларда фақат қизлар ор-номусли бўлиши керакми? Эркаклар ҳам ориятли бўлишмайдими?

— Албатта, эркаклар ҳам ор-номусли бўлиши шарт! Бизнинг эътиқодимизда эркакнинг ҳам аёлнинг ҳам масъулияти бир хилдир. “Ҳаромга қараманг” деганда эркак аёл ажратилмайди. Зино қилган эркак ҳам, аёл ҳам бир хил жазоланади. Аммо, афсуски, бугунги кунда Англия ўз мустамлакаси бўлган Мисрнинг ёш йигит-қиз-

ларини ҳам алдади. Лекин, боя сизга айтганимдай, менинг қайлиғимга ўхшаган садоқатли қизларимиз жуда кўп. Қизларимиз ҳам бор, эркакларимиз ҳам бор... Менинг қайлиғим ҳам шулардан бири. Жуда пок ва ростгўй мусулмон қиз. Ўз динига ҳам, менга ҳам хиёнат қилмайди. Мен ҳам унга хиёнат қилмайман.

“Ўзаро ишончнинг бўлиши қандай яхши-я!” — дедим ўзимга ўзим. Фақатгина ўзигагина тегишли бўлган муҳаббатни тушунтираётганди у. Оҳ, кошки, Ҳанс ҳам шунга ўхшасайди!.. Лекин Ҳанс замонавий йигит. Бундай гапларни эшитса, энсаси қотиб, мазах қилиб роса кулади.

“Бу қандай замонавийлик?” — деган саволга бир йилдир жавоб тополмаётгандим. Майли, ислом динида ақидапарастлик бор дейлик, лекин Ғарб тамаддуни эса инсонийликнинг ахлоқий қоидаларини топтаб йўқ қиляпти. Бирор билан бирорнинг иши йўқ. Мусулмон эркаклари ўз аёлининг қўлини бошқа эркакка ушлатмайди. Европаликлар эса рақсга тушаётганда ҳам ўз аёлинни бегона эркакнинг қўлига тутқазиб қўяди. Африкалик йигит қайлиғини қанчалар яхши кўриши, гапларидан билиниб турарди. Агар бу йигит ғарблик йигитларга ўхшаб бошқа қизлар билан кўнгилхушлик қилиб юрганида қайлиғини шунчалар қадрламаган бўларди.

Бу йигитга жуда ҳам ҳавасим келди. Ҳанснинг ҳам шу йигитга ўхшашини хоҳлардим. Лекин бу имконсиз эди. Ҳанс билан ажрашаман. Менинг дидимга тўғри келмайди. Дадам хоҳлагани учун унга яқинлашгандим, энди эса қаттиқ афсусдаман...

Битта немис дугонам: “Баъзи аёллар ўзининг қадр-қимматини мусулмон эркаклар орқали англайди”, — деганди. Унинг гапи тўғри, шекилли.

Мен учун жуда қизиқарли бўлган бу сухбатимиз ту-

гамасидан машиналар тирбандлигига қолиб кетдик. Бироздан кейин ажраламиз. Аслида мусулмонларни жиним сүймасди, лекин бу йигит бошқача эди. Ўзига бўлган ишончи кўриниб туарди. Бундай туриши эътиборимни тортганди.

Уни синаб кўриш мақсадида:

— Коллежда ўқисангиз кераг-а? Немис қизлари сиз билан юришни хоҳлашмайдими? — дея сўрадим.

— Албатта, хоҳлашади... Аммо мен ориятли йигитман. Бундай қилишларига йўл қўймайман. Буни уларга ўша заҳоти ҳис қилдириб қўяман.

— Бемаънилик! Қайси замонда яшаяпсиз ўзи? Ҳозирги замонда инсонларнинг бирга бўладиган яқин дўстга эҳтиёjlари бор-ку. Сизни бу ерда ким ҳам кўрарди? Қайлиғингиз, ўҳ-хў, ўша узоқ Мисрда бўлса...

Йигит менинг гапларимга ҳайрон бўлиб қараб қолди-да кейин жавоб берди:

— Эҳтиёт бўлинг, Мария хоним. Эҳтиёj деганингиз бундай муносабатларнинг касрига ярим миллион бола онасиз, отасиз етимхоналарда эмаклаб юришибди. Сиз тирик етим бўлиб қолган болаларнинг эмас, ўз нафсини жиловлай олмаганларнинг тарафини оляпсиз. Сиз ўз нафсини илоҳийлаштирумокчи бўлганларни ёқлаяпсиз!.. Сиз уларга ачингунча тирик етимларнинг тақдири ҳақида ўйласангиз, яхши бўларди, гапим тўғрими, Мери хоним?

Яна исмимни “Мери” деди. Эси пастми бунинг ўзи? Йўқ. Ҳайронман! Мен ёмон деб ўйлаган мусулмонлардан бирортаси шу қадар яхши гапирганми? Ваҳоланки, дадам улар ҳақида гап бошлаганида кўнглим айнирди. Дарҳақиқат, шуни яхши тушунган эдимки, агар инсон ўзи ким-дандир нафратланса, бошқаларни ҳам ўшалардан нафратлантира олар экан.

Ўкув биносининг ёнигача келдик. Йигит менга раҳмат айтди.

Мен ҳам пайтдан фойдаланиб ундан аламимни олдим:

— Арзимайди. Ахир, машинамнинг битта ғилдираги сизники, иккинчиси уканлизники-ку. Демак, ўзингизнинг машинангизда келдингиз. Миннатдорчиликка ҳожат йўқ.

Менга мийифида жилмайиб, маъноли қараб, раҳмат айтиб машинадан тушди. Орқасидан қараб қолдим. Унга навбат бермай фақат ўзим гапирибман. Лекин у билан сұхбатлашарканман мени қийнаб келаётган саволларимга жавоб топардим. Чунки уни бир неча ойдан бери кўрар эдим ва доимо сұхбат қургим келарди.

Ёки бу йигитни севиб қолдимми?..

Тушуна олмасдим. Ҳар тонг кўзимни очишими билан уни ўйлардим...

Ажабо, нега?..

Ҳайронман нега бундай экан-а?

* * *

Уйга келганимда Ҳанс, ойим, дадам, укам Бил, холам ва холамнинг қизи Селин дастурхон атрофида ўтиришган экан.

Ойим ҳазиллашиб Ҳансга гап ташлади:

— Ҳанс! Мария ҳар куни кеч келадиган одат чи-қаряпти: сенга хиёнат қилаётган бўлмасин тағин?

Ҳанс хандон отиб кулди-да ва пасткашларча:

— Агар хиёнат қилаётган бўлса, мен ҳам унга хиёнат қиласман: ана ўшанда тенглашган бўламиз.

Ҳеч қачон бундай пасткашга турмушга чиқмайман!

Шундоқ ҳам у билан орани очиш учун баҳона излаб юрган-

дим.

Укам Бил — озғин, новча бўйли, ёқимтой йигит. Лекин инсон қиёфасидаги малъун наркотик моддалар сотувчилар Билни ҳам ўзларининг ифлос ботқоғига тортишганди. Бу эса уларнинг ўзларига ёқмайдиган одамларнинг болаларини йўқ қилишнинг энг яширин йўли эди. Билни ҳам аста-секин ўлдиришаётганди илонлар. Билиб қолишим билан тўскенилик қилдим. Малла сочли, яшил кўзли укагинамни у ботқоқдан чиқариб олдим. Лекин унинг наркотик моддаларга мойиллигини тўхтатолмадим.

Ойим — ҳақиқий католик аёли. Ислим — Тереза. Холам ҳам католик мазҳабига чин дилдан эътиқод қиласди. Холамнинг исми — Маргарета. У сариқ сочли, яшил кўзли, узун бўйли қадди-қомати келишган аёл. Унинг эри битта рус қизига илакишиб қолгани учун холамни ташлаб кетган. Холам эрининг хиёнатини кўтаролмай, руҳий изтироблар оқибатида фалаж бўлиб қолганди. Бечора холам ногиронлар аравачасига михланиб қолганди. Узун сариқ сочли, яшил кўзли Селин саккиз ёшга тўлганди. Жуда ҳам ширин қиз. Дадам қўйкўз, малла соч, узун бўйли одам. Бизнинг оиласизда фақатгина дадам қўк кўз эмасди.

Дадамнинг қандайдир қалтис, мавҳум ишлар билан шугулланишига аминман. У диннинг ашаддий душмани. Боболарим бу дунёдан ўтиб кетишган. Бувиларим ҳам... Амаким йўқ, тоғаларим билан ойим гаплашмайди. Улар ҳам бизникига келмайди.

Етти нафар немисмиз. Кёльн шахрида яшаймиз. Дадам — жуда бой одам, ойим — нафақадаги давлат хизматчиси. Аслида дадам ҳам нафақага чиқкан, лекин — боя айтганимдай — қандайдир мавҳум ишлар билан шугулланади.

* * *

Якшанба кунларининг бирида дўстларимиз билан саирга чиқдик, роса айландик. Маза қилиб қорбўрон ўйнадик. Кечга яқин уйта қайтдим. Уйга киришдан олдин бир енгилтак аёлнинг дастидан бева қолган қора танли хотиннинг уйига кирдим.

Стефана қизи билан бирга яшайди. Эри бир немис қизга илакишиб қолгач, уларни ташлаб кетган. У ҳам хиёнатнинг изтиробларини кўтаролмай бир неча ой кўчага чиқолмай қолганди. Бечораларга раҳмим келади. Бегона шаҳарда ёлғиз қолишган. Қизчаси жуда ҳам ширин. Исми Софи... Уни холамнинг қизи билан бирга ўйнасин деб баъзан уйимизга олиб келардим. Лекин бу ишим ойимга ёқмасди, мендан жаҳди чиқиб, уришиб берарди.

Уларнига киргач Софи билан бирга маза қилиб ўйнадим. Софи — жуда ҳам чиройли қиз. Танасининг қора рангда бўлгани учун роса сиқилади. Шунинг учун ҳам унга кўпроқ меҳр кўрсатишга ҳаракат қиласман. Бутун ҳам уйга йиғлаб келганини ойиси секингина менга шипшитиб қўйганди.

Буни унинг ўзидан эшитмоқчи бўлдим:

— Сени бугун хафа қилишибди, тўғрими? Қани, менга тушунтир-чи?

Шундай дейишим биланоқ у йиғлай бошлади:

— Кирларни оқартирувчи маҳсус кукун билан сувда чўмилсам ҳам, барибир, рангим ўзгармайдими? Ҳамманинг ранги оппоқ, мен эса қоп-қораман. Ҳамма устимдан кулади.

Уни юпата бошладим. Унга ачинардим.

Софининг йиғисига юрагим эзилди. Қора танли бўлишнинг ҳеч қандай ёмон томони бўлмаганидек, оқ танли бўлишнинг ҳам ҳеч қандай устунлиги йўқлигини унга ту-

шунтиришга ҳаракат қилдим. Лекин бундай гапларнинг мағзини чақишига ҳали у ёшлик қиласиди. Халқ орасида одамларни рангига қараб ажратишлари бу қизалоқни қандай аҳволда келтирибди-я. Танасининг рангидан уяладиган қилиб қўйишган.

Одамийликнинг энг жирканч тушунчаси эмасми булар?

* * *

Африкалик йигит ҳақида ўйламасдан туролмасдим. “Қизик, яна у билан учрашиб қолар эканманми?” — деган хаёллар билан машинада кетаётган эдим. Хайрият, яна уни учратиб қолдим. Уни машинамга таклиф қилдим:

— Раҳмат, Frau¹, мен бугун бирозгина пиёда юрмоқчиман, — деди.

Мен ҳам баланд овоз билан унинг нозик жойидан босдим:

— Сизни емайман, Herr² Абдулваҳҳоб! Ёки мендан кўркяпсизми?

Корлар эрий бошлаганди. У пиёда юриб борарди, мен ҳам машинамни у билан баробар ҳайдай бошладим. Қараса, бўлмайдиган: “Бошга битган бало бўлдинг-ку”, — дегандай машинамга ўтирди.

Унинг жуда жаҳли чиққанди:

— Мария хоним! Эътиборга олинг: бир нарсани тушунишингизни хоҳлардим. Балки, сизнинг маданиятингизда бундай нарсалар йўқдир. Лекин биз бегона аёллар билан бир жойда ёлғиз ўтирмасликка ҳаракат қиласмиз. Мен қайлиғимни бегона эркакнинг машинасига чиқишини хоҳламаганим учун ҳам бегона аёлнинг ма-

¹ Frau (немисча) — хоним.

² Herr (немисча) — жаноб.

шинасига чиқмайман. Мен ислом динимга ҳам, қайлиғим-
га ҳам хиёнат қилмайман. Илтимос қиласынан: бундан кейин
мени машинанғизга таклиф қилманды, хүпми?

Нақадар ажайиб содиқдик! Абдулваҳұбдан ҳайрат-
ландым. “Мусулмонлар шундай инсон экан-да”, — деган
фікір яна үтди хаёлимдан.

Сабабини билмайман-у, негадир ҳаяжонланыётганды-
мим. Африкалик йигит менге раҳмат айтиб университеттеге
етмай тушиб қолды.

* * *

Үйга келгач, ойимдан дадамнинг қандайдыр сирли
йиғилиш үтказиш учун жиғдий тайёргарлик күраётгана-
ни билиб олдым. Шундоқ ҳам ҳар йилнинг маълум бир
вақтларида дадамни кам күрардым. Дадамнинг бундай
йиғилишлар билан боғлиқ ишлари мени оздирар даражада
ғазаблантиради.

Яна жаҳлим чиққанди.

— Ойижон! Дадам дүстлари билан бизникида йиғи-
лишганида нимани муҳокама қилишади ўзи? Болалығымда
унча эътибор қилмасдым, энди билгим келяпты. Агар да-
дам шундай йиғилишларга сарғлаган вақтини менге аж-
ратганды, ҳар ҳолда, баҳтли қизлардан бири бўлардим. Да-
дам менинг ота меҳрига тўймаганимдан баҳтсиз бўлга-
нимни билармикан?.. Биласизми, мен ана шуларга қи-
зиқяпман, ойи.

Дадам — узун бўйли, малла соч одам. У — ҳақиқий
немис. Салобатли, қўйкўз, ҳаммага гапи ўтадиган, эркин-
ликни севувчи замонавий одамлар тоифасига киради.

Мен, ойим ва холам художўй, дадам ва укам Бил эса
динсиз эди.

Ойим — кичкина, ўрта бўйли жаҳли тез аёл. Мутаас-

сиб католик бўлгани учун дадамнинг динсизлигига жаҳли чиқарди. Шунинг учун ҳам унга нисбатан гаплари нафрат ва маломат эди:

— Даданг дўстлари билан дунёдаги барча динларни йўқ қилмоқчи. Шуларнинг касрига бир қанча черковлар ёпилиб кетган. Исо Масихнинг¹ гапига кирмаган даданг сенга кулоқ солармиди?..

Ойим — шафқатсиз аёл. Мусулмонлардан қаттиқ нафратланарди. Холам эса ойимнинг акси. Ўз динига амал қилаётган мусулмонларни ҳам хурмат қиласади. Холам, ҳақиқатан ҳам, насронийларнинг яхшиси бўлса, ойим эса ёмони эди.

Онамнинг бу сўзларидан кейин мен тўсатдан ҳаётимда ҳеч қачон қилмаган нарсани ўйлаб қолдим. Буни ойимга ҳам айтаман деб оғиз жуфтлагандим, кутилмаганда меҳмонхонага қирқ ёшларга бориб қолган, нозик гавдали, очиқ чеҳрали холам қизи билан бирга кириб келди. Эри уни Катарина исмли рус қизига илакишиб ташлаб кетганди. Холам жуда қаттиқ сиқилишдан шол бўлиб қолганди. Энди ногиронлар аравачасига михланиб қолганди.

Нима бўлганда ҳам, холам эрининг хиёнатига тезда ўрганиб қолди. Яна олдинги ҳолатига — меҳрибон ва хушчақчақлигига қайтди. У жуда самимий ва покиза қалбли эди. Кечирасиз, буларни олдин ҳам айтгандим-а? Холам эрига ҳаддан ташқари боғланиб қолган эди. У келгунча овқат емас эди. Унинг энг катта хатоси унга ҳаддан ташқари ишониш эди. Тўғри, эр-хотин ўртасида ўзаро ишонч

¹ Исо Масих — Куръонда тилга олинган пайгамбарлардан бири. Исломда Мухаммад саллоллоҳу алайхи вассаламдан олдинги пайгамбар сифатида алоҳида эъзозланади. Куръонда, шунингдек, “ал-Масих” (“Худо ярлақаган”), Ибн Марям (“Маряминг ўғли”), Абдуллоҳ (“Аллоҳнинг кули”), Расулуллоҳ (“Аллоҳнинг элчиси”), Аллоҳнинг мукарраби (якини), “Ҳакни сўзловчи”, деб таърифланади. Унга Инжил нозил қилинган.

бўлиши керак, албатта. Лекин холамнинг хатоси шунда эдики, эрига кўр-кўронга ишонар эди, унинг хиёнатини кўриб, кўрмасликка оларди.

Селин жуда хафа эди, лекин у ҳар доим ўз қайғусини биздан яширишга уринди. Аммо ўша кун унинг қайғусини яширмади. Юзида қайғу бор эди. Кичик маъюс кўзлари атрофга сўлғин боқарди. “Сенга нима қилди?” — дегандай унинг кўзларига қарадим. У бўйнимдан қучоқлаб:

— Дадам ҳали ҳам келмади. Мендан кўра ўша рус қизини кўпроқ яхши кўрадими. Ахир, у менинг дадам-ку. Ёки ўша рус қизининг дадасими?

— Йўқ, ягонам, у фақат сенинг даданг бўлади. Яқинда, албатта, ёнингга қайтади, ягонам. Сенинг даданг келади, бир кун, албатта, келади...

Ақлим ҳали ҳам боя хаёлимга келган гапда эди. Сабрим чидамай ойимдан хаёлимга келган нарсани сўрадим:

— Ойи! Дадамнинг суҳбатини эшитсак бўладими?
Ойим кўркув ичида:

— Нима деб валдираяпсан сен? Даданг эшитиб қолса, иккаламизни ҳам ўлдиради-ку! Аммо унинг бу ишлари сенга ҳам таъсир ўтказишидан кўрқаман. Улар черковларнинг душмани — динсиз осийлардин. Сени ҳам йўлдан уришади.

— Вой, ойимжоним-ей! Мен энди кап-катта қизман. Яқинда журналист бўламан-ку. Ҳали ҳам менга ишонмайсизми?

Ойим динсиз бўлишимдан, дадам каби фикрлашимдан кўркарди, бечора. Уф, художўй онанинг ва диндан чиққан отанинг қизи бўлишнинг қанчалар қийинлигини бир билсангиз эди! Қанийди, ҳамма боланинг оиласида

барқарорлик бўлса! Ахир, фарзандлар учун ҳам оиласа
барқарорлик бўлиши керак-ку!

Дарвоқе, менинг ҳақиқий дадам кимлиги тўғрисида
қандайдир гумоним бор. Жаноб Мишель деган бир ўзи
яшайдиган анча йиллик қўшнимиз бор. Ўшанда чамаси
беш ёшларда эдим. Бир куни, жаноб Мишель йўлимни тў-
сиб: “Биласанми, Мария, мен сенинг дадангман, ишон-
масанг, ойингдан сўра”, — деганди. Ўша кундан кейин
дадам кимлигидан гумонсираб юардим. Лекин бу ҳақда
оиймдан сира сўрамаган эдим.

Хозирча гумонлар ичида эдим. Лекин дадамни,
барибир, яхши кўраман, албатта. Фақат шу шубҳа-гумон-
лар мени қийнаётганди, холос. Буни, барибир, ойимдан
сўрашим керак: “Сем менинг дадамми ёки йўқми?” — деб.

Агар сўрасам, нима бўлади?..

Хаёлларим чалкашиб кетганди. Дадам бўлса ҳам,
бўлмаса ҳам мен Семни яхши кўтардим. Аммо буни аниқ-
лашни ақлимга тутиб кўйдим. “Лекин ичимни кемираётган
бу шубҳани яқинда тутатаман”, — дердим доимо ўзимга.

Дадам Францияда зобит бўлган экан. Дадамнинг у-
ерда нима иши бўлган билмайман. Ойим билан турмуш
қургач бошқа ҳеч қаерга кетмаган экан. Дадамнинг қан-
дай ишлар билан шуғуланишини сира билолмадим. Аммо
буни аниқлайман, албатта. Бу қадар бойлик?! Демак,
маоши йигирма минг франк¹ атрофига бўлса керак.

Ойим дадамнинг жосус бўлганини айтарди. Дадам
менга жуда яхши тарбия бериб вояга етказган. Баъзида у
ота сифатида менга етарлича вақт ажратмаган бўлса ҳам,
аммо мени жуда яхши кўтарди. Албатта, унинг ўз қизи-

¹ Франк — Франция, Бельгия, Швейцарияда, шунингдек, баъзи Европа ва Африка
мамлакатларида пул бирлиги (евронинг жорий этилиши муносабати билан айрим Европа
мамлакатларда мумаладан чикарилди).

манми-йўқми — ҳеч шубҳаланганини кўрмаганман. Қизи эмаслигимни билса ҳам, менга сездирмаган.

Үйимиз жуда катта. Ҳар қаватида тўртгадан хона-дон бор. Биттасида ҳабаш аёл қизи билан яшайди. Яна биттасида Туркиядан келган эр-хотин туради. Уларнинг уч яшар ўғли ҳам бор. Бошқасида немис оиласи яшайди. Уларнинг фарзанди йўқ. Уларнинг хонадонига тегишли бўлган меҳмонхонани ўша пайтларда дадам сотиб олган экан. Ўртадаги деворни олиб ташлаб иккита меҳмонхонани қўшиб юборган экан. Шунинг учун бизнинг үйимиз немисларнинг кичкина уйларига қараганда жуда катта. Қўшиб юбориш натижасида катта хона пайдо бўлган. Беш хонаси ва 150 киши сифадиган меҳмонхонаси бор. Меҳмонхонамизни шоҳона қилиб таъмирлатгани учун худди кинотеатрга киргандай ҳис қиласиз ўзингизни. Шунинг учун оддийгина фермернинг боласи бўлган дадамнинг қаердан ва қандай қилиб шунча бойликка эга бўлганини ҳеч тушунолмасдим. Бунинг жавобини тополмай юрагим сиқиларди.

Ойимга оёқ тираб туриб олдим. Ахири ойимни кўндиридим. Вақт йўқотмасдан отамнинг йиғилишида айтиладиган гапларни эшитиш учун тайёргарликни бошлаб юбордим. Мажлис бўладиган катта меҳмонхонага кирдим. Саҳннинг остига кириб олдим. Озгина очиқ жойи бор эди. Ичкаридан ташқарини кўрса бўладиган тирқиши бор, лекин ташқаридан ичкариси кўринмасди. Уч метрлик жой. Мажлис бошлангач эшикка яқин бордим. Ҳали бирор жумлани ҳам эшитолмадим. Лекин, қандай бўлмасин, мен у ердаги гапларни, албатта, эшитаман.

Ахири уларнинг гапларини эшита бошладим. У ерда айтилаётган гапларни эшитиб, карахт бўлиб жойимда қотиб қолган эдим.

* * *

Эртаси куни яна уларнинг гапини эшитишга тайёр эдим. Ойим ошхонада экан, ёнига яқинлашдим:

— Ойи, мен у ерга кирганим билан ҳеч нарсани эшитолмадим. Дарвоқе, укам Бил қаерда?

Ойимнинг жаҳли чиққан. Мендан юзини ўтириб қовоғи уйилган ҳолда жавоб берди:

— Бил ҳам йиғилиш хонасида. У ҳам ғазабда, аммо даданг нимагадир уни ҳам олиб кириб кетди.

Дадамнинг бу қилифидан менинг ҳам жуда жаҳлим чиққанди. Дадам нега мени йиғилишга киргизмади. Устига устак мен билан турмуш қурмоқчи бўлган йигит ўша ерда бўлса?..

Кечга яқин мажлис тугади. Қизиқиш билан дадамнинг ёнига бордим. Бил билан Ҳанс ҳам ўша ерда эди.

Дадамнинг бўйнига осилиб минғирладим:

— Дадажон! Аминманки, сиздан жуда ғазабланяпман. Нега мени мажлисга киритмадингиз?

Мен дадамнинг нима деб жавоб беришига қизиқиб кўзларимни отамнинг юзига қаратдим. Ажабо, у нима дер экан?..

Дадам эса баланд овозда ва қатъият билан жавоб берди:

— Сен ҳам Бил ва Ҳансга ўхшаб хурофотлардан воз кечиб, менинг буйруқларимни бажарсанг, мажлисга ҳам қатнашасан, топшириқ ҳам оласан.

— Дада, бизнинг епископимизнинг: “Мен қанча динсизларни кўрган бўлсам, уларнинг барчаси художўйларни хурофотчилар дерди”, — деганини эшитгандим. Сиз бизнинг динимизни хурофот дейсиз, тўғрими?

— Мария, қизим, шуни унутма: менимча, динлар-нинг ҳаммаси хурофотдир.

Мен кўп китоб ўқиганман. Шунинг учун диндан чиққан одамларнинг ўз ёғига қовурилиб ўз этини ўзи еган илонларга ўхшашини яхши биламан.

Дадамнинг ёнига ўтирдим, унинг кўзларига диққат билан тик қараб туриб:

— Бўлмаса менга тушунтириб берасизми, дада, атеизм¹ ўзи нима? Сизнингча, атеизмнинг одамларга қандай фойдаси тегади? Атеизм нега одамларнинг динга ишонмаслигини хоҳлайди? Атеизм, лаицизм², секуляризм³... Булар нима ўзи нима англатади?.. Атеизмнинг бор нарсани йўқ қилишдан бошқа қандай вазифаси бор? Бирор фойдали томони йўқ. Атайн кузатяпман. Бир йилдан бери: “Атеизмнинг инсонларга бирор фойдаси борми?” — деган саволга жавоб қидираман. Атеизмнинг “эркинлик” дея номланган ҳар бир иши одамларга зарар беряпти-ку. Сиз ҳам атеизмнинг тузоғига тушиб қолибсиз. Бил гиёҳванд моддалари қабул қилиб, уйга тонгга яқин кириб келади. Сиз бўлса “ҳамма эркин” деган сафсатага амал қилиб уни тергамайсиз ҳам. Дада, кейин жуда қаттиқ афсусланасиз. Буни бугун айтяпман. Лекин афсусланган кунингиз бу гапларни айтолмайман. Мен сизга икки марта азоб беролмайман.

— Нима учун афсусланишим керак? Ҳамманинг эркинлиги ўз кўлида: хоҳласа, ўзини яшатсин; хоҳласа

¹ Атеизм (юнонча: α — инкор+θεος — худо) — динни, диний таълимотни, Худони, умуман илоҳий кучларга эътиқод қилишни инкор этиш; даҳрийлик.

² Лаицизм — давлат ва жамиятни диндан озод қилиш ва дунёвийликни илгари сурниш гояси.

³ Секуляризм — диний муассасаларнинг давлатдан, жамиятдан алоҳида туриши кераклигини уткирувчи гоя ва йўналишидир. Секуляризмга кўра дин ва эътиқод кишинларнинг шахсий масаласи бўлмоги лозим. Секуляризм нафакат давлатни дин таъсиридан, балки динни ҳам давлат сиёсати таъсиридан узок тутади.

ўлдирсинг.

Дадам гапириб бўлиши билан ўрнидан туриб, тепа қаватга чиқиб кетди. Мен меҳмонхонанинг ўртасида нима қилишимни билмай туриб қолгандим. Тўсатдан хаёлимга бир фикр келди: Мен бу сирни Ҳанс ва Билдан ўрганмоқчи эдим.. Учаламиз бир-биrimизга қарадик. Кейин кичик меҳмонхонага ўтдик. Бор овозим билан Билга бақира кетдим:

— Нега менга сирларингизни айтмаяпсизлар? Нимани мендан яширяпсизлар? Қани, менинг яхши аъзо бўлмоқчилигим?

Дадамнинг қилаётган ишларини билишим керак эди, шунинг учун гапимни давом эттирудим:

— Инсон ёшлигида ҳар қандай ишни яхши деб билади, аммо энди улғайдим. Кап-кatta аёлман, ахир. Энди мен ҳам отамнинг нима билан шуғулланишини билмоқчиман.. Ҳанс, Бил, иккалангиз ҳам менинг дўстим ҳисобланасиз-ку. Агар бу уйда мендан яшираётган сирларингизни айтмасангиз, сизлар билан дўстлигимиз бузилади. Мендан сир сақлаяпсиз. Дадам ҳам менга бозорчиларга қарагандай муносабатда бўлади. Нега мен мажлисга кирмаяпман?! Нега менга маҳсус топшириқлар беришмаяпти?! Бу ишда қандай сир бор?..

Бил паст овозда хириллаб жавоб берди:

— Сен ҳали ҳам, ўша Исонинг бутларидан ёрдам кутаётган бечорасан, Замонга мослашиш нима — билмайсан. Сенга сирни ишониб айтиб бўладими?

— Динларнинг энг ёмони ҳам атеизмдан яхшироқ.

Бу қандай ташкилотки, икки йил ичida Билни бунчалик ўзгартириб юборди. Билни ҳам нодон, ҳам атеистга айлантируди. Аммо, барибир, мен уни жуда яхши кўраман. У — менинг ягона жигарим. Мен Билга ўтирил-

дим ва унинг юзига тикилиб қарадим ва:

— Бил, сен жуда ўзгариб кетибсан!

— Бирор-бир муаммоси борми?

Билнинг бу жавобидан асабийлашиб кетдим ва столнинг устида турган гулдонни Билга қаратада отдим.

— Пасткаш! Маҳмадона! Шу кичкинагина товукъмиянг билан, ўзингча, сир яширадиган одам бўлдинг-у, фикрлаяпсан-да, шундайми? Дадамга ўзингни яхши кўрсатиш учун Исо алайҳиссаломни ҳам инкор этдинг. Гўёки қорбободай раҳм-шафқат-у ҳиммат тимсоли бўлдинг-да а?.. Лекин мен ўз ғуурур-у қадр-қимматим билан яшамоқчиман. Мен шунга амин бўлдимки, энг тараққийпарвар ва замонавий инсонлар одамлар ҳам қизларини иккинчи даражали ҳисоблашаркан. Улар ўн мартараб тавба қилишсагина, кейин покизаланишлари мумкин.

Ҳали галим тугамасдан Бил хандон отиб кула бошлилади.

— Буни қара-я, Ҳанс. Ҳатто сизнинг севикли Мариянгизнинг мисоллари ҳам черков ваъзларидан келиб чиқяпти. Тушунмадим: нега биз бу қизни монастирга¹ юбормадик? Оиласизда яна битта Тереза она² пайдо бўларди.

Кейин Бил менга қараб:

— Опажон, бу ишлар меҳр-шафқат-у марҳамат билан эмас, балки ақл-идрок-у онг билан бажарилади. Сиз ҳали ҳам ёш боласиз, яъни ҳали ҳам улғаймабсиз. Ҳали ҳам тушунмаяпсан. Энди насроний дини йўқ — тутатдик. Ис-

¹ Монастир (юнонча) — 1) тарки дунё килган насронийлар — роҳиб(а)ларнинг муайян қонда ва мезёлрлар, белгили низомга амал килиб яшовчи диний жамоаси; 2) шундай жамоага қарашли черков, туаржой, ер-мулк ва бошқалар (асарда шу маънода).

² Тереза она (1910–1997) — асл исми Агнес Гондже Бояджиу бўлган бу аёл католикларнинг машхур роҳибаси бўлган. “Мехрибонлик” хайрия ташкилотининг асосчиси.

лом дини ҳам азоб чекмоқда — яқинда ислом динини ҳам тутатамиз!.. Ахир, улар психологик уруш қоидаларини билишмайды. Биз нимани хоҳласак, уларни шуни хоҳлаган қилишга мажбуруладик. Биз: “Бир-бирингизни ўлдиринг”, — дедик, улар бир-бirlарини ўлдиридилар. Буларнинг барчasi учун оқилона ёндашув талаб этилади. Чуқур илдиз отган динларни йўқ қилиш осонмас, албатта. Сиз олдин журналистика ўқишингизни тутатинг. Кейин эса мақолаларингда епископларнинг қандай тиланчилик қилишаётганини чиройли қилиб ёзарсан, улардан жаннатнинг калитини ҳам оларсан. Ҳа-я, агар сенга малол келмаса, жаннатдан менга ҳам имтиёз кўшиб ол... Сенга ҳам ташвиш орттирдим-да...

Билнинг бу сўзлари мени ақддан оздирди. Бу орада онам бизни тинглаётганини пайқадим. Ойим ёнимизга келди. Ранги докадай оқариб кетган эди. Йифи аралаш Билга бақира бошлиди:

— Берган оқ сутим сенга ҳаром бўлсин, Бил! Чўкинтирган руҳонийларимизга, илоҳларимизга тил теггизяпсан... Даданг... Даданг сени шу аҳволга олиб келди. Сизларни черковдан қувдирман¹...

Наркотик моддалар сотувчilar узун бўйли, яшил кўзли ёқимтой укагинамни яна ўзларига кўшиб олишганди. Яна наркотик моддалар истеъмол қила бошлаганди. Уни бу йўлдан қайтаришим керак, аммо қандай қилиб? Бу етмагандай дадамнинг жирканч ишларига ҳам аралашиб қолганди. Дадамдан ажратиб олиш қийин, қанийди, уни кутқаролсам. Ота-онам эса унинг бу ҳолатга умуман бефарқ эди. Айниқса, дадам укамнинг бундай ҳолатига

¹ Черковдан қувдирмок — насронийларнинг фикрича, черковдан қувдириш насронийликни инкор қилишга тенгглаштирилган.

умуман эътибор бермас эди...

Укам наркотик моддаларни қай ҳолда ва қачондан бошлаб истеъмол қила бошлади? Ҳозиргача ҳеч нарсадан дадамнинг хабари йўқ.

Билни кузата бошладим. Насроний ойимни жуда хурмат қиласиган Бил энди йўқ эди. Укамнинг ойимга масхараомуз гаплар қайтариши қалбимни яраларди.

Ойимнинг унга: “Мендан нега яшириняпсизлар? Сени черковдан қувдираман”, — деган гапидан жуда ҳам хафа бўлгандим.

Бил бунга ҳам сурбетларча жавоб қайтарганди:

— Боринг, ойижон, боринг, айтинг! Ўша епископга менинг номимдан салом ҳам айтинг. Ўн саккиз ёшимгача черков солиқлари учун мендан олган пулларни қайтариб берсин. У менга ёлғон гапирган экан.

Бу вақтда эса Ҳанс бир четда туриб бўлаётган оиласий жанжални кулиб томоша қиласарди.

Бизнинг бир хизматкоримиз бор. Унинг исми Тобиас эди. У доимо дадамни кўллаб-кувватларди. Унинг Чарли Чаплин¹ каби қобилияти бор, лекин буни унчалик намойиш этмайди. У ҳам мен билан биргаликда Бил ва Ҳансга жаҳд қилаётганди. Баъзан ойимга ҳам.

Ойим жуда талабчан, шунинг учун овқатларни хизматкорга ишонмай ўзи пиширади.

Ойим бақира-бақира ошхонага кетди. Жаҳлимдан туша олмай Ҳансга бақирдим:

— Сен нега ҳеч нарса демаяпсан, Ҳанс? Сен муқад-

¹ Чарлз Спенсер Чаплин (1889–1977) — американлик актёр, режиссёр, сценарийчи, продюсер. Актёр сифатида фаолият кўрсатиб, пантомима санъатини комик куч билан уйғунлаштира олишда энг юкори чўққиларга кўтарилган жаҳоннинг энг машҳур санъаткори сифатида танилди. Ўзининг клуонлик никобини oddий инсонлар тақдирли, хавотирини ифодаловчи, катта куулларни бирлаштириб турувчи инсон образига айлантира олган. 1928- ва 1972-йиллар махсус “Оскар” мукофотига сазовор бўлган. Халкаро тинчлик мукофоти лауреати (1954) бўлган.

дас билган қадриятларни таҳқирлашыпти-ку, күрмаяпсанми?

Ҳансдан олдин хизматкор орага суқилди:

— Жаноб Ҳанс! Мариянинг гапларини эшиятасизми? Инсонлар аслида ақли билан эшигади-ку, барибир, сўрагим келди-да.

Ҳанс хизматкорга эмас, менга жавоб берди:

— Нима ҳам дея оламан, Мария. Ҳар кимнинг фикри ўзига тегишли. Мен фикр эркинлиги тарафдориман. Ҳар ким ўз фикрини гапириши мумкин ёки айтмаслиги ҳам мумкин.

— Бу ерда ҳеч қандай фикрлар айтилмаяпти, Ҳанс. Менинг фикрим ҳақорат этиляпти, холос! Бундан ташқари, онам менга Бил туфайли ишонмайди. Черковларни ҳақоратлади, сен эса эшитиб туриб ҳеч нарса демадинг. Сен ҳам бирпасда атеист бўлиб олдингми? Товуқмия атеист! Тасодифан кўшилиб қолган ишингни улкан санъат асаридек кўз-кўз қилиб, кейин эса менга маслаҳат беряпсанми?

Ҳанс жавоб берди:

— Тушун, Мария, мен энди насроний эмасман. Янгидан туғилдим, яъни энди атеистман. Бундай баҳс-мунозараларга аралашмайман. Ҳозирги замонда диннинг эмас, билимнинг тифи ўткир. Унут бунақа машмашаларни, яхиси, виски ичайлик. Бугун ярашиш куни бўлсин.

Менинг динимни хурмат қилмаган Ҳансдан кўнглим айниди.

Ўз динимга содик бўлганим учун диндан чиқкан одамлардан кўнглим қолганди. Ойим мени черков илоҳлари таъсирида тарбиялаганди. Якшанба кунги черков ваъзларини ҳеч ҳам қолдирмасдим.

Ҳанс билга тортишувларимизнинг ҳеч қандай

фойдаси тегмади. Булар ҳам отам билан бир хил фикрда эдилар. Шунинг учун ҳам улар бир-бирини яхши тушунишарди.

Бу орада дадам пастга тушиб Билга топширик берди:

— Бил! Биз мажлисимиизнинг якуний қисмини келаси ҳафтанинг якшанба куни ўтказамиз. Хизматкорга айт: тайёргарликни бошлиасин. Бу сафар эътиборли 25 нафар киши қатнашади.

Демак, мажлиснинг давоми келаси ҳафтанинг якшанба куни бўларкан... Устига-устак якшанбада экан... Демак, уларнинг орасида насроний йўқ... Бугунги йиғилишда яхудийлар ҳам йўқ экан. Чунки насронийларнинг кўпчилиги якшанба куни черковга боришгани учун ишга чиқишимайди. Яхудийлар эса шанба куни ишга чиқишимайди.

Демак, буларнинг ҳаммаси диндан чиққан одамлар экан-да.

Жуда ҳам хафа бўлгандим. Ўша кеча Исо алайҳиссаломга, Биби Марямга¹, Тереза онага дуо қилиб чиқдим. Уларнинг руҳи ойим билан менга ёрдам бериши керак эди. Акс ҳолда биз динсизларга енгилиб қоламиз.

Шуларни ўйлаб ўтиргандим, Селин ёнимга кириб келди. У йифлаётганди:

— Мария, дадам яна келмади. Бугун менинг туғилган куним. На гул юборди, на шапка. Ўзи ҳам келмади. Лекин мен дадамни жуда ҳам соғиндим. Дадамсиз хурсанд ҳам бўлолмаяпман.

¹ **Биби Марям** — Куръонда тилга олинган такволи, сиддика аёл. Исо алайҳиссаломнинг онаси. Мусулмонлар учун у энг мўмина она, жаннатдаги аёлларнинг раҳнамоси. Туркистонда Марямга хурмат юзасидан “Биби” атамаси кўшиб айтилади. Куръони каримнинг “Марям” деб аталган 19-сурасида у хакида ривоятлар кептирилади.

Мен Селинни қучоқладим, ўпдим ва уни юпатишга ҳаракат қилдим:

— Бироз сабр қилинг, азизим. Қани, энди онангнинг олдига бор. Кут-чи, жоним, отангдан совға келармикан? Менимча, у совға юборади.

Селиннинг кўз ёшлари ёноқларидан оқаркан, менинг кўз ёшларим ичимга оқди. Бу қандай хатолик?! Ҳаммамиз унинг туғилган кунини унугтиб қўйибмиз.

Селин онасининг ёнига кетар-кетмас, кўчага отилдим. Дўконлар ёпилиб қолмасидан олдин Селин учун оила аъзоларимизнинг номидан совғалар олдим. Гул сотувчига Селиннинг дадасининг номидан гулдаста тайёрлатдим. Унинг номидан чиройли қилиб табрик сўзи ёздим:

“Миттигина фариштам менинг. Соғинч тўла севгимни сенга юборяпман. Тез кунларда ўзим ҳам бориб қоламан, ҳозирча ўз номимдан гул юборяпман. Туғилган кунинг қутлуғ бўлсин, жоним қизим”.

Совғалар билан уйга қайтдим. Ойимга, дадамга, Бил ва Ҳансга: “Совғаларни ўзингиз олгандай қилиб кўрсатинг. Унинг туғилган кунини унуганимизни сезиб қолмасин. Энг қисқа фурсатда унинг олчоқ дадасини ҳам топаман”, — дедим. “Тортни кўрсатмай тур, Бил”, — дея бақирдим.

“Аблаҳ! Ёш болага шунча азоб бериларми?!” — дея овоз чиқариб, гўёки Селиннинг дадасини ҳақорат қилдим.

Ойим менга қаради:

— Сен ақддан оздингизми, Мария? Кимга гапирияпсан? Ахир, ҳозир ёнингда ҳеч ким йўқ-ку.

— Майли-да. Уни топсам, худди шу гапларни юзига айтмаслик учун юрагимни бўшатяпман ҳозир.

Селиннинг туғилган кунини нишонладик. Бола бечора севинчдан осмонларга учарди. Гулдастадаги табрик сўзларини қайта-қайта ўпарди. Нега бунақа абллаҳ одамларни “ота” дейишади — тушунмасдим. Улар ўзларининг ифлос нафси учун қанча қалбларни ёкишяпти.

* * *

Соат кечки ўн иккиларни кўрсатар экан, ўйхәёлимни олдимиздаги якшанба кунги бўладиган мажлис банд этганди. Ётган жойимда у ёқдан бу ёққа ағдарила бошладим.

Кейин ақлимга бир фикр келди. Секин туриб ошхонага ўтдим... Кейин меҳмонхонага кирдим. Бу ерда бирпас ўтириб ўйландим. Якшанба куни мажлисда бўладиган суҳбатни, албатта, эшитишим керак. Аммо буни қандай амалга оширсам экан? Агар ойимга айтиб, у билан келишиб, бирга ҳаракат қылсак, мажлис бошланишидан олдин у ерга кириб бирон жойга яширина олардим. Ҳар ҳолда, французчани, инглизчани билардим. Туркчани ҳам бироз тушунаман. Лекин улар туркча гаплашишмайди. Агар улар инглизча гаплашишса, мен улар гапирадиган сўзларнинг аксариятини тушунар эдим. Немисча суҳбатлашишса, нур устига аъло нур — муаммо йўқ эди.

Тўсатдан зинапоялардан чиқиб келаётган оёқ товушини эшийтдим. Қўрқиб кетдим... Гўёки дадам менинг ичимга микрофон ўрнатган-у, мени эшифтгани учун ётоғидан турган ва ёнимга келаётгандай эди. Ким билади дэйсиз менга нималар қилишини?! Бунақа йиғилишлар туфайли отамдан кўрқадиган бўлиб қолгандим.

Оёқ товуши тўғри меҳмонхонага қараб келаётганди. Бу жуда даҳшатли ҳолат эди... Бироқ қаршимда ойимни

күргач кўнглим таскин топди. Ойим ҳам ухлай олмабди...
Секин ёнимга келди ва шивирлаб сўради:

— Мария, сенинг ҳам уйқунг келмадими?

— Ҳа, ойижон, ухлай олмадим.

— Мен ҳам укангнинг қилиғидан кейин ухлай олмаяпман. Бунга бирор чора топишимиз керак. Улар мажлисда нимани муҳокама қилишларини билишимиз керак.

— Мен ҳам шуни ўйлаётгандим, ойижон. Эртага йиғилиш хонасида мени яшира оласизми? Агар яшира олсангиз, уларнинг ҳамма гапларини эшитар ва қандай режа тузатгандарини ҳам билиб олар эдик. Биласизми, ойижон, бу мажлисда қатнашиш учун Буюк Британиядан, Миср ва Америкадан ҳам келган одамлар бор...

— Ҳа, нимадир бўляпти... Даданг менга шунча йилдан бери қаердан маош олаётганини сира ҳам айтмаган. Хаёлимдан дадангни ўлдириш хоҳиши ўтятпи. Бу кеча сал қолди уни ўлдириб қўйишумга. Черковнинг душмани бўлган тўнғиз билан яшаяпман, уни ўлдирсам ҳам ғазабим босилмайди. Ҳақиқатан ҳам, ўлдирмоқчи эдим... Ҳаттоки ўзининг қуроли билан... Кейин эса бу фикримдан қайтдим, чунки черковдан қувилишимдан кўрқдим.

— Хаёлингизга ҳам келтирманг, ойи! Дадамдан кўрқманг. Сиз кўрқсангиз, мен ҳам қўрқаман. Нега дадам жирканч ишлар билан шуғулланаётган экан-а? Олдин шуни аниқлайлик. Бундай воқеалардан жуда хафа бўлиб кетяпман.

Ойим эса бепарволик билан:

— “Лекин у сенинг...” — деди-да, лекин гапини охирига етказмасдан тилини тишлаб қолди.

Тушундим. “Сенинг отанг эмас”, — демоқчи эди. Лекин мен энди бу гапни эшитишни хоҳламасдим. Мавзуни бошқа ёққа бурдим.

— Қаранг, онажон. Бизнинг режамиз қуидаги:
сиз отамга: “Мария Вера билан кинога кетди”, — деб айта-
сиз. Мен эса уларни сұхбатларини бемалол тинглайман.

“Вера ким?” — деб сұрашса, у ҳақда айтиб берай.

— Вера — иккита дугонамнинг биттаси. Уни жуда
хам яхши күраман. У отасини ҳеч қачон күрмаган. Қиз
отасини таний олмайды, чунки онаси гиёхванд модда
истеъмол қылған куни кечаси ким билан бўлганлигини эс-
лай олмаган. Кўряпсизми, Farb тамаддуни ниҳоятда
бузилган.

Онам ваҳимага тушиб, қуёш нури билан янада пор-
лаб турадиган яшил кўзларини менга томонга бурди:

— Ажойиб режа бўлди, келишдик, лекин даданг
сенинг у ердалигингни сезиб қолса-чи?

Жимгина бир-биrimизга қараб қолдик. “Ҳеч нарса
бўлмас”, — дегандай елкамни қисдим. Менинча, режамиз-
ни амалга ошириш учун таваккал қилишдан бошқа чора-
миз қолмаганди.

Кейин мавзууни ўзгартириб, асли отам ким эканлиги
ҳақидаги шубҳаларни бартараф қилиш кераклигини ту-
шундим. Хижолат бўлиб ойимга қарадим.

— Ойи!

— Лаббай.

— Ойи, ҳозир бунинг мавриди эмас, лекин билишим
керак. Сем менинг ўз дадам бўлмаса ҳам: “Ўша аҳмоқ қўш-
нимиз сенинг даданг”, — деб асло айта кўрманг!!!

Ойим юзимга тикилиб қаради:

— У ким?

— Унинг ким эканлигини ўзингиз биласиз. Менга:
“Мен сенинг дадангман”, — деганди.

Ойим иккиланмасдан жавоб берди:

— Бўлмаган гап! Сенинг даданг Сем... Лекин бунақа

жирканч ишларидан кейин яна қачонгача сенинг даданг сифатида қолар — билолмайман.

Ойим хонасига чиқиб кетди. Мен ҳам холамнинг хонасига кирдим. Селинга қарасам, қўғирчоғи билан бирга ухлаб қолибди. Холам ётоғининг тунчироғини ёқиб китоб ўқиб ётган экан. Мени қўриши билан хурсанд бўлди, ўрнидан туриб ўтириб олди:

— А-а-а! Бу сенмисан? Кел, Мариям, кел. Анчадан бери суҳбатлашганимиз йўқ. Аҳволинг яхшими?

— Оҳ, холажон! Икки кундан бери миям ғовлаб кетди.

Холам тип-тиниқ сувга ўхшаган мовий кўзлари билан менга қаради:

— Ҳаммаси учун раҳмат, Мариям. Отаси унутса ҳам, сен унутмадинг Селинимни.

— Мен ҳали унинг дадасини ҳам топиб келаман. Бу ишга диплом ҳимоямдан кейин киришаман.

Кейин холамнинг кўзларига қараб сўрадим:

— Ҳали ҳам уни севасизми, хола?

Холам аччиқ кулди:

— Мени яхши билмас экансан. Мени тарк этган одамни асло севмайман. Фалаж бўлиб қолишимнинг саббини биласанми? У мени қаттиқ севарди. Гўёки менга сифингандай бўларди. “Қандай қилиб бу қадар алдандим?”

— деб ич-этимни емирғанимдан фалаж бўлиб қолдим. Мени жуда яхши қўриши унга сифинадиган даражада севишимга сабаб бўлди. Мени тушуняпсанми? Алданиш ҳисси муҳаббатнинг тугашидан ҳам аламли, мени тушуняпсанми?

— Албатта, тушунаман. Хиёнатини сизни шу аҳволга олиб келди. Шундок ҳам унга сиз ҳақингизда бир оғиз гап айтмайман. Аммо мен уни топиб, Селинга олиб кела-

ман. Бечора отасини жуда соғинган.

— Тұғри, мен учун унинг түнғиздан фарқи йўқ. Аммо Селиннинг ўй-фикрича, у — ширин ота. Мен унинг орзуларини бузмайман. Ҳа, майли, бизни кўявер, ўзингдан гапир-чи?

— Кеча битта африкалик йигитни севиб қолишимга сал қолди, балки, севиб қолгандирман. У унаштирилган қизини шунаقا мақтадики, эшитсангиз, бу мақтов ва ҳурматга ҳайрон қолардингиз. Шунда ич-ичимдан дедим: “Эр бўлса, шундай бўлсин”. Мен бундай одамни эр деб атайман. Биз уларни менсимаймиз. Уларнинг мана шунаقا феъл-атвори-ю эътиқоди олдида бизнинг маданияти-мизнинг қадри йўқ экан. Бу йигит мисрлик эди.

— Ҳаммаси ҳам ундей эмас. Менга ишон: Мисрда ҳам эрининг шафқатсизлигидан азоб чеккан аёллар кўп.

Бирпас жим бўлиб қолдик. Кечаги кун бўлган воқеалар хаёлимдан ўтди. Абдулахҳобнинг айтган гапларини эсладим. Ич-ичимдан унинг ҳақдигига тан берардим. Кейин холамга ўтирилиб:

— Йўқ, у аёлларни йифлатадиган эркак эмас. Ҳанс билан иккаласини таққослаб кўрдим. Калласи, қўли, оёғида ўҳашашлик бор. Иккаласи ҳам инсон зотидан. Ўҳшашлиги — шу, холос.

— Ошириб юборма... Художўй қизлар ўzlари турмуш қурадиган йигитни бошқаси билан қиёсламайди.

— Мен қиёслаётганим йўқ. Юрагим шуни хоҳлаяпти. Шунаقا гаплар. Агар бошқа қизга унаштирилмаганда эди, уни ўзимники қилиб олардим. Ҳансни ўйлаб ҳам ўтирмасдим. Агар қўлимда очик-ойдин бир “исбот” бўлса, шундоқ ҳам у билан ажралмоқчи бўляпман.

— Мен ҳам ўша бевафога бир кўришда ошиқ бўлиб қолгандим. У ҳам мени севиб қолганди. Лекин қаердандир

бир рус қизи пайдо бўлди-ю, кучли муҳаббатимизни пар-
чалаб ташлади. Эътибор қилма. Ҳар ёқтириб қолган
одаминг сеники бўлиши керак деган қоида йўқ.

Хонамга қайтгач, бирмунча вақт деразадан қорнинг
ёғишини томоша қилиб турдим. Кўчадан ўтиб-қайтиб юр-
ган хар бир одам мен учун гўёки Абдулваҳҳоб эди. ўхса-
тардим. Кейин дуо ўқиб жойимга ётдим.

* * *

Қор ёғишида давом этарди. Бугун яна Абдулваҳҳобни
кўрдим. Жин урсин! Томиримда оқаётган қонимга ёзил-
гандай, онгим ҳам фақат унинг исмини айтаётгандай эди.
Ўй-хаёлларим ҳам уни эсларди.

Мен машинамни кўчанинг бурчагига жойлаштири-
дим. Кўлларимни чўнтағимга солиб уйимизга яқинлашар
эканман, беихтиёр деразаларимизга қарадим. Холам де-
раза ёнида эди. Деразадан кўчага соатларча қараб ўтирган
бир ногирон аёл... Шунга қарамай ҳар доим кўтаринки
кайфиятда, жилмайиб ўтирадиган ажойиб инсон.

Уйга киришм билан унинг ёнига бордим. Қарасам,
нимагадир йиғлаган экан. Табиийки, жуда хафа бўлдим.

— Холажоним, нега йиғладингиз? Йиғлаш сизга
ярашмайди. Сизнинг ўша ёқимли табассумингизга ўрга-
ниб қолганимиздан сўнг бизни хафа қилишга ҳаққингиз
йўқ!

Аҳмоқона жумла эди бу. Йиғлашга ҳаққингиз йўқ-
миш. Бу нима деганим ўзи?

Бу вақтда ойим мева суви тайёрлаб холамга ичира-
ётган эди. Селин эса яна деразадан кўчага қараб ўтириб-
ди. Уни кучоқлаб ўпдим:

— Нега ҳанузгача деразанинг ёнидасан, азизим. Қор

ёғишини кузатяпсанми?

— Йўқ, дадамни кутяпман. Машинаси шу томонга ўтиб кетганди, ҳозир келиб қолади. Дадам ҳам мени роса соғинган.

Ичимда: “Даданг рус қизининг тузоғида, сен унинг хаёлига ҳам келмайсан”, — дедим. Бундай гапларни овоз чиқариб айтолмайман, уни хафа қилишни хоҳламайман. Болани ширин орзулар оғушидаги хаёллари билан ёлғиз қолдирдим.

Холам билан узоқ суҳбатлашдик.

— Менга хиёнат қилгани учун тамом бўлдим, Мария. Қандай қилиб унга кўр-кўrona ишондим, ўзимни кечиролмайман. Унга жуда ҳам ишонгандим. Худди Исо Масиҳга ишонгандай ишонгандим. Агар сизлар бўлмаганингизда, ойинг менга астойдил ғамхўрлик қилмаганда — аҳволим нима бўлар эди?..

Холам ҳар суҳбатлашганимизга шуни айтарди. Дастребки кунларда ҳар учрашганимизда камида ўн марта айтган бўлса, хайрият, энди эса бир марта айтяпти.

Деразадан кўчага қараб ўтирган Селин бизнинг суҳбатимизни эшишиб қолган экан. Турган жойидан бизга ўтирилиб, тўсатдан болаларча соддалик билан сўраб қолди:

— Ойи, сиз дадам туфайли юра олмаяпсизми?

Иккаламиз ҳам Селиннинг бу саволидан шошилиб қолдик. Холам жуда ҳам ақлли аёл эди. Шунингдек, фарзандининг ширин орзулар дунёсини барбод қилишни хоҳламасди. Шунинг учун саволни эътиборсиз қолдиришга уриниб:

— Менинг гўзал фариштам, сен катта бўлганингда нима учун юролмаслигимни айтаман, хўпми?

— Бўпти, ойижон, аммо шифокор бўлишим билан

сизни даволайман.

Ҳаммамиз аччиқ-аччиқ кулдик. Бу ичида заррача кувончи йўқ кулги эди.

* * *

Кичик меҳмонхонага ўтдим. Дадам билан Бил гаплашиб ўтиришарди. Ойим ҳар доимгидек ошхонада. Дадамнинг юзидан ўпид, ошхонага ўтдим.

— Салом, ойижон.

— Салом.

— Нима қиляпсиз?

— Тўнғиз даданг учун тўнғиз гўшти қовуряпман.

— Ойи, нега дадамни тўнғиз деяверасиз?

— Нима қилай, уни шундан бошқасига ўхшатолмадим. Мендан боламни олиб кўйди. Ўғлимни черков билан душман қилди. Ундан нафратланаман, аммо ажрашолмайман. Бизнинг динимизда ажрашишга ружсат берилмаган. Агар ружсат берилганда, Исо ҳаққи қасам ичаманки, бир соат ҳам ўйлаб ўтирмасдан ажрашиб кетган бўлардим.

Шунақа гаплар. Ойим билан суҳбатлаша бошласам, у дадамни қарғай бошларди.

Кичик меҳмонхонага қайтганимда Ҳанс ҳам келган экан. Менга қараб тиржайиб кўйди. Сақични бирам хунук чайнарди. Эркак кишининг сақич чайнаши сира ҳам яхши иш эмасди. Чапиллатиб овоз чиқариб чайнаши жаҳлимни чиқараарди.

Ёнимга келди ва худди шундай қилиқ билан:

— Мария, сени олиб кетгани келдим, — деди.

— Қаерга?

— Тунги клубга.

— Боргим келмаяпти. Уйдагилар билан сұхбатлашишни хоҳлайман.

Энсаси қотиб:

— Ўзинг биласан, мен кетдим.

Бундай феъл-авторли Ҳансга ҳеч илиқлик түймадим. Тез кунда уни ташлаб кетаман, аммо истайманки, бунга унинг ўзи сабабчи бўлсин. Мен ҳам ҳадеб битта гапни такрорлайдиган бўлиб қолдим. Қарияпман, шекилли.

Ҳанс кетиши билан ойим кирди. Бил эшикнинг ёнида эди. Бу пайтда турк қўшнимизнинг уйида қиёмат қўпарди. Эркак одамнинг овози келяпти. Туркча гапиряпти. Маъноси мен биламан. Аёл киши додлаяпти. Войдоднинг шундай бир тили борки, ҳамма буни тушунади:

— Менга қара, ҳой! Сен хотинни уриб ўлдирардим-у, кофирлар мамлакатида қамалиб кетишдан қўрқаман!

Ундан кейин хотини: “Урманг! Нима бўлар урманг! Вой-дод! Мени қутқарадиган одам йўқми?” — дея бақира бошлади.

Қарасам, ойим курсандчилигидан ўйинга тушарди.

— Оҳ, оҳ! Уларнинг ваҳшнийликлари очилиб бориши билан қандай гўзалдир! Мусулмон бўлган немис аҳмоқлари ислом зўравонлик дини эканлигини мана шунақаларни кўриб тушунишар, балки. Келсин, динимизга кирсин: насронийликка ўтишсин, роҳатланишсин.

Ногиронлар аравачасида кириб келган холам ҳам ойимни кузатиб туарди.

— Ундей дема, Тереза. Мен художўй насронийман. Эрим ҳам насроний эди, лекин мен йилига камида уч марта калтакланардим. Инсонларнинг орасида, албатта, шафқатсизлари ҳам бўлади. Бирёқлама фикрлама. Қайси динда бўлишидан қатъий назар, барча дин шунақадир. Ислом динига нисбатан бўлган бу нафратингдан воз кеч

энди. Тереза, кимки нафратланса, у тубанлашади. Қара, мен ҳам сенга ўхшаган насронийман, лекин сира ҳам мусулмонлардан нафратланмайман. Нима учун нафратла-нишим керак? Улар шунга ишонишган ва шу эътиқодда яшашяпти. Худо ҳаммамизни эшигади. Дунё ҳаммамизга етади.

Бояги турк аёли ҳали ҳам: “Кутқаринг”, — деб бақиришда давом этарди. Дарров полицияга хабар бердим ва полициянинг етиб келишини кутиб ўтирмасдан турк қўшнимизнинг эшигини тақиллатдим. Бир болакай эшикни очди. Рухсат кутмасдан, шошилиб ичкарига кириб, ёнига бордим. Унинг боши ва кўзлари қонга белангтан эди. Эри мен эшикни тақиллатишим билан диванга ўтириб олган, ўзини телевизор кўраётган одамдай кўрсатмоқчи бўларди. Болакай ҳам бир чеккага тиқилиб олганча баланд овозда хўрсишиб-хўрсишиб йиғларди. Бечора болага раҳмим келиб кетди. Унга қараб, юрагим эзилди.

Аёлнинг ярасини боғлаётганимда полиция ҳам етиб келди. Эрининг қўлини қайириб олиб чиқиб кетишаётганди ҳам: “Бу менинг хотиним эмасми? Хотиним бўлганидан кейин ураман ҳам, севаман ҳам”, — деб бақиради.

Дадам битта ўқитувчи ёллаб, менга мажбурлаб турк тилини ўргатганди. Шунинг учун унинг гапини мен тушиунгандим, полиция эса тушунмади. Улар шунчаки туркка қараб: “Биз юртимиизда аёл кишиларни калтаклатиб қўймаймиз”, — деб унга бақиради. Бу гапнинг шунчаки сафсаталигини, аёлларнинг калтакланиши бўйича Европа дунёда биринчи ўринда туришини ҳатто шу турк ҳам биларди.

Аёлга “Тез ёрдам” чақиргандик. У ҳам полиция билан бирга келди.

Йиғлаётган Усмонни ўзимизнинг уйга олиб кириб

дадамнинг кўлига топширдим ва болакайга: “Ойингни олиб келаман”, — деб тасалли бердим. Мен бояги калтакланган аёлга ҳамроҳлик қилиш учун ортидан бордим. Аёлни шифохонага олиб бордик. Ўша кеча аёлга уйга кетишига рухсат беришмади.

Эртаси куни шифохонага борганимда аёл анча ўзига келиб қолган экан. Аёлнинг исми Ойша эди. Ойшани шифохонадан чиқариб, уйига олиб келдим. Усмонни онасининг кўлига топширдим. Аёл шикоят қилмагани учун ўша жоҳил эрини бир кечагина назоратда ушлаб туришди. Тарикча ақди билан ўзининг ожиз қолаётган томонини яшириш учун хотинини дўлпослаб ўзини овутарди ўша тўнка эр.

* * *

Бу орада бизнинг Бил гиёҳванд моддалар туфайли мактабни ташлаб кетганди. У бунга бироз кўнишиб қолган, ҳатто унга ҳам қарам бўлган деб айтишим мумкин.

Ўша оқшом севгилиси Деми билан ярим тунда уйга кириб келди. Ойим тутақиб кетди, лекин дадам:

— Ҳамма эркин, ёшларни тинч кўй, — деб ойимга жаҳл қилди.

Мен эса дадамга ёлвордим:

— Дада, ўғлингизга оталингизни кўрсатинг, ҳар бир ота ўз фарзандини ҳомийси-ку, сиз эса “эркинлик” йўлида ўз фарзандингизни қурбон қиляпсиз, — дедим.

Лекин дадам пинагини ҳам бузмади, чунки дадамда бундай гапларни англаш қобилияти аллақачон йўқолган эди.

Деми сархуш эди. Қаерда эканлигини ҳам билмасди. Сархушланиб сўрарди:

— Бу ер бизнинг уйимиз эмасми, Бил? — дея-дея тепадаги қаватга чиқишиди.

Эркинлик дунёси баъзан менинг кўнглимни айнитарди.

* * *

Ниҳоят Селиннинг дадаси Клаусни топдим. Уни битта кафега олиб бордим. Маъшуқаси эса мени: “Клауснинг бошқа бир севгилиси”, — деб ўйлади, шекилли, менга ташланмоқчи бўлиб:

— Қўй, у — менинг севгилим, уни сенга бермайман, — деди.

Унга қараб:

— Ҳой, беҳаёл эр ўғриси! Юзингнинг ўртасига бир тириқ ташлайман, нима бўлганига ўзинг ҳам ҳам ҳайрон қоласан. Энди бизнинг ёнимиздан кет!

Аёл Клауснинг ёнига келиб:

— Бу нима деялти, Клаус? Унга ҳеч нарса демайсанми?

Клаус хижолат бўлиб секингина:

— Сен чиқиб тур, кейин ўзим сенга тушунтираман.

Аёл ташқарига чиқди, лекин кетиб қолмади. Кўчада кафенинг ойнасидан бизга қараб турарди.

Мен Клауснинг юзига тикилиб қарадим ва сўрадим:

— Болалардан биттаси эрта-ю кеч деразанинг ёнидан кетмайди ва: “Хозир дадам келади”, — деб кўчадан кўзини узмайди. Нима деб ўйлайсан: сенингча, бу болаким?

Виждонсиз Клаус ўзини тушунмагандай кўрсатиб:

— Тушунмадим.

— Тушунмайдиган ҳеч нарса йўқ. Жуда яхши тушуниб турибсан. Қизингни бориб кўрасан. Ногирон қилиб

ташлаб кетган хотинингни кўрмасанг ҳам қизингнинг ёнига, албатта, боришинг керак. Эртага бориб Селинни оласан-да, айланишга олиб чиқасан! Агар айтганимни қилмасанг, сенинг қўзларингга Германияни тор қиласман, — дедим.

Агар инсон ўз манфаати йўлида бировга бақирса, иккинчи томондаги инсонга оғир ботади. Агар бошқаси учун бўлса, оғир ботмас экан. Менинг бақириб-чақириб, катта кетиб гапиришимга қаршилик кўрсатмади. Айтадиганимни айтганимдан кейин кафедан чиқиб кетдим.

* * *

Эшиқдан чиқар-чиқмас Абдулваҳҳобни кўриб қолдим. Вой худойим! Юрагим яна дукуллаб тез ура бошлади. Жойимда туриб қолдим. У ҳам менга қараб қотиб қолганди. Кулиб салом бердим.

— Салом! Бу қандай тасодиф?

— Ҳа, шундай бўлди.

— Сизни бир пиёла чойга таклиф қилсан бўладими?

Бирпас менга қараб турди-да:

— Миннатдорман. Зарурат бўлмаса, ароқ ичиладиган жойларда чой ичмайман. Ишонинг, самимий таклифингиз туфайли чой ичгандай бўлдим, — деди.

У кетгач эса юрагим типирчилаб қолди. Бу юрак нима хоҳлаётган экан-а?..

* * *

Кор ҳали ҳам ердаги ҳукмронлиги тўхтатмаганди. Уйимизга келганимда ҳар куни Софининг ёнида тўхтайман деб қарор қилдим. Софи ҳақида сизга айтиб бергандим: ўша кичкина ҳабаш қизи. Мактабда уни яна хафа

қилишибди, күп йиғлабди:

— Нега ҳамма оппоқ, мен эса қора? Мен ҳар доим юзимни совун билан юваман, лекин у оппоқ күрингмайды. Нега? Мен уни оқартыргич билан ювдим, лекин ҳали ҳам фойда бермаяпти. Ёки балчиққа ётиб күрсам, оқарап-микан: сиз нима дейсиз, Мария хоним?

Унинг бу ҳолидан жуда эзилдим.

— Менга қара, азизим. Оқ марварид ҳам қора марварид ҳам жуда қадрлидир. Биз оқ марваридмиз, сиз эса қора марваридсиз. Агар сизнинг юртингизга оқ танли қизалоқ бориб қолса, у ҳам йиғлайди: “Нима учун ҳамма қоп-қора-ю, битта мен оқман?” — деб. Сен жуда ҳам шириң қизалоқсан. Ишон: шунақанги ёқимтойсанки, буни сенга тушунтириб беролмайман, — дедим.

Софи менинг гапларимга ишонди. Хурсанд бўлди. Ҳатто севинганидан бўйнимдан қучоқлаб олди.

Ўзим ҳали ёш бўла туриб ғамгин инсонларнинг қайғусини хис этишни хоҳламасдим. Лекин бошқаларга яхшилик қиласиган бувимдан — ойимнинг онасидан — беихтиёр ўрнак олганман, шекилли. Дардли кўринган инсонларнинг қайгуларини хис этаман ва уларнинг ғамларини тарқатишга ҳаракат қиласман.

* * *

Дадам ким биландир телефонда гаплашаётганди. Телефон ўртадаги меҳмонхонада эди. Телефонда гаплашаётганида ёнида хизматкор турарди, бизни эса хонадан чиқариб юборарди. Бу ҳам мени ҳайратлантиради. Кейинроқ эса, табиийки, мен ҳам телефондаги гапларини эшлишишга ҳаракат қила бошлагандим.

Телефонда гаплашилган сұхбатларнинг ҳаммасини бўлмаса ҳам баъзи гапларини тушунардим. Кейинги йил

бундай йиғилиш Буюк Британияда, кейин Жазоирда, ўн йилдан кейин эса Туркияда бўлиши режалаштирилаётган экан. Бир кун келиб бундай йиғилишлар яширинча эмас, ҳаммага ошкора қилиб ўтказилиши ҳақида гаплашишарди.

Мен ойимнинг овқат олиб келишини кутиб диванга ётардим ва ҳозиргина эшитган гапларимнинг мағзини чақишига уринардим. Дадамнинг қилаётган ишларини ўйлай-ўйлай ётган жойимда ухлаб қолибман.

Кўркув ичидаги кутардим. Дадамнинг одамлари бирин-кетин кириб келишди. Ўзларини таништириб бўлиши билан мажлис бошланиб кетди. Мен ҳам ҳаяжон, ҳам қизиқиш билан эшитаман деб, қора терга тушиб кетдим. Мен беркингандаги жой минбар остида эди. Жуда тор жой. Ҳар замон уларни кузатиб ҳам кўярдим. Битта нотиқ менинг тепамдаги минбарга чиқиб гапирди. Бошқалар эса уни диққат билан тинглаб, эшитганларини ёзиб ҳам олишарди. Дадам эса энг олдинда ўтириб, диққат билан тингларди.

Қайғу ичидаги кўзларимни очганимда буларнинг барчаси туш эканлигини тушуниб етдим. Дадамнинг овози эшитилди. Ёнида хизматкор ҳам бор эди.

Дадам баланд овозда гапирарди:

— Кулоқ солинг, жаноб, ўша дўстимиз Буюк Британиядан келганини айтди. У: “Мусобақалар уюштириб, мукофотлар бериб туришимиз керак. Одамларда мукофот берганларга қул бўлишга мойиллик катта бўлади”, — деди. Бундай деган одам қандай қилиб орамизга жосус бўлиб кириши мумкин.

Дадам бирпас бошқа томонни бироз тинглаганидан кейин яна баланд овозда гаплашишда давом этди.

— У мусулмонларнинг жосуси бўлиши мумкин эмас.

Үша аҳмоқдарнинг орамизга айғоқчи киргизишга журъати етмайди. Мен шундай деб ўйлаяпманми? Бўлиши мумкин, жаноб. Балки, адашгандирман. Албатта, жаноб, мен сизга ишонаман. Барча динлар йўқ қилинади. Катта-катта мукофотлар билан тақдирланадилар. Ким яланғоч суратга тушса, мақтовга сазовор бўлади. Омма яланғочликка одатланиб қолади. Бу реклама билан амалга оширилади, амалий иш маҳорат талаб қиласи. Айниқса, художўйларни қўлга олишимиз керак. Биз билан муроса қилган художўйларни намуна қилиб кўрсатамиз. Уларга катта имкониятлар берамиз. Ҳа тушундим, биламан.

Эй Оллоҳим! Бу қандай иш бўлди?! Бундай йўл тутиш шайтоннинг ҳам ақлига келарми, ажабо?

Туш таъсирида бошим титраб турарди. Мен овқат еяётганимда онам ётган жойимдан кетмади ва тинимсиз сўрарди:

— Сенда бир ғалатилик бор: айт-чи, нима бўлди?

— Дадамнинг телефондаги гапларини эшишиб қолдим. Ойижон, дадам ким? Кимларга хизмат қиляпти — билолмадим. Англаганим шуки, дунёни ўзига бўйсундирмоқчи бўлган қандайдир кучлар, дадамни бошқаряпти. Ашаддий дин душмани... У: “Агар Европа бутунлай диндан чиқса, мусулмон давлатлар ҳам ортимиздан эргашади”, — деди. Ислом динидан менга нима?! Буни ҳам мен ўйлашим керакми?! Ислом дини ҳақида мусулмонлар қайғурсин. Аммо насронийликни биз ўйлашимиз керак. Мен динимиз бошига тушаётган ғам-ташвишлардан жуда эзилдим, тушкун кайфиятдаман, ойижон. Эртага ўқишим бўлмаганда епископга учрашиб гуноҳларимга тавба қилиб келардим. Исо ва Биби Марям ҳаққи, бу қандай разолат, ойи! Мен динимдан чиқсан, дадам менга ҳам топшириқ берар экан. Мен уларнинг топшириғини оламанми?..

— Баракалла, сенга, қизим. Тереза она күлласин сени.

Бирдан хаёлимга бир аҳмоқона бир фикр келди. Отам нима қиласытганини билиш учун унинг дарсларида қатнашишим керак эди. Бунинг учун мен унинг таклифи ни қабул қилғандек бўлсам кифоя эди. Мен онамга фикримни айтдим:

— Ойижон! Эътибор беринг: хаёлимга бир фикр келди. Дадамни алдаб черков фойдасига ишлазимга рози бўласизми? Мен дадамга: “Мен ҳам атеист бўлдим, мен ҳам социализм учун хизмат қиласман”, — деб уни ишонтираман. Улар, барibir, ҳар қандай сирни дархол беришмайди. Дастроб юзаки топшириқлар беришар экан.

— Ох, Мариягинам! Сен билан фахрланаман. Сен зўр миссионер¹ бўласан. Черков сени тақдирлайди. Аммо кўрқаман: сен жосуслик қила олишинг мумкинлигига аминмисан?

— Албатта, ойижон, хавотир олманг: эплайман. Кўрасиз, мен отамни ишонтираман.

Қарор қабул қилдик. Энди дадамга диндан чиқишимни айтиб, унинг ишончига кириб олмоқчиман. Афсуски, баъзи инсонларнинг қалбига эътиқодли бўлганингизда кира олмайсиз, лекин диндан чиққач дарров кириб оласиз.

* * *

Орадан бир ҳафта ўтди. Бу ҳақда епископ билан ҳам суҳбатлашдик. У ҳам жуда хурсанд бўлди. Мен бу орада ҳар куни дадамга ўзимни диндан чиқмоқчи бўлаёт-

¹ Миссионер (французча: missionnaire — жўнатиш, топширик) — черков томонидан, одатда, хукумат ёрдамида бошқа диндаги кишиларни ташвиқот килиб, насроний диннiga киритиш учун карам ва мустамлака мамлакатларга юбориילган тарғиботчи.

гандай кўрсатардим. Табиийки, айни вақтда ўқишига ҳам келиб-кетишида давом этардим.

Бир куни Ҳанс билан сайр қилиб юргандик... Боғда дадам билан учрашиб қолдик. Иккаламизнинг бирга юрганимизни кўрган дадам хурсанд бўлганди:

— Салом, Мария!

— Салом, дада!

Дадам тўсатдан гап бошлаб қолди:

— Биласанми, Мария, бугун Ҳанс билан бемалол боғ кезиб юрган бўлсанг, демак, бунинг учун атеизмга раҳ мат айтишинг керак. Яъни замонавий дунёқарашга... Ааицизмга... Агар художўй қиз бўлганингда Ҳанс билан кўл ушлашиб юрмасдинг.

— Дада, нега тўсатдан бундай гап пайдо бўлди?

— Қани, келинглар-чи, шу боғда ўтириб бирозгина сұхбатлашамиз. Энди диний мутаассибликни бас қил ва асло бирорта шубҳанг қолмасин.

Кёльндаги “Дом” черковига яқин хиёбонда ўтиргандик.

— Эшит, қизим, динда эркинлик йўқлигини яхши тушунишинг керак. Насроний динининг уч юз йил олдинги Инжилининг¹ асл нусхасида ёзилишича, аёлларнинг эркакларни севиши, сенга ўхшаб эркаклар билан сайрга чиқишилари мумкин эмас. Бундай иш қилганлар ваҳшийларча қаттиқ жазоланар эди. Ҳаттоки аёллар эрларидан нафратлансалар-да, бутун умр у билан яшашга мажбур эдилар. Чунки католик эътиқодига кўра эридан ажрашиш мумкин эмасди. Биласанми, Инжилда ёзилишича, ким бева аёлга уйланса, зино қилган ҳисобланарди, буни билар-

¹ Иижил (арабча) — Аллоҳ таолонинг Исо алайхиссаломга Жаброил фарншта орқали оғзаки тарзда нозил қилган китоби. Насронийларнинг мукаддас китоби.

мидинг? Диндаги босим шу қадар кўпки, агар сен насронийларнинг номус тушунчасини англасанг, уларни мутаассиб ҳисоблашингга ишончим комил.

Дадам тўхтаб бир чукур нафас олди-да, кейин яна гапида давом этди.

— Атеистик дунёқарашиб... Яъни замонавий дунёқарашиб дин фалсафасидаги аҳмоқона қарашларни йўқ қилди. Бутун сен эркак киши билан бемалол севишиб юрганинг, бундан мен ҳам севингганим ва бунга мен қаршилик қилмаётганим учун атеистик дунёқарашибдан қарздормиз. Яъни маданийлик ва замонавийликдан буларни олдиндан кўра олганинг учун қарздорсан. Бутун дунёда шуларни амалга оширамиз. Ҳатто мусулмон ўлкаларининг ўраниб юрувчи маданиятсиз қизлари ҳам бир кун келиб сенга ўхшаб кийина бошлашади. Бошлирига рўмол ҳам ўрамайдилар. Ҳатто уларни ички кийимларисиз сайд қилдирашимиз. Уларни бошқа инсонларга айлантирамиз ва улар биз учун жуда муҳим муносабатлар намоён этишади. Эркаклар билан севишиб юришга рухсат бермайдиган динларни мазах қилишади. Бу дин, балки, ислом динидир, балки, бошқа диндир — фарқи йўқ.

Дадамнинг олдиндан севишиб турмуш курганлар гўёки ажрашмаётгандай тушунтиришини қаранг. Уни диққат билан тинглаётгандим. Ҳийла ишлатишда давом этаётгандим.

Шунда тўсатдан дадамнинг гапини бўлдим:

— Дадажон, кундан кунга сизнинг ҳақ эканлигинизга ишончим ортиб боряпти. Менимча, мен ҳам динсизлардан бири бўламан ва юрагингизга киришга муваффақ бўламан. Мен ҳам ўша учрашувларда қатнашаман. Ростини айтсам, мен Билга ҳасад қилдим. Қара, ҳаттоки Ҳанс ҳам мендан кўра сенга яқинроқ.

Дадамга: “Атеизм бутун дунёга отаси номаълум етим болалардан бошқа нима берди?” — дейишимга сал қолганди, лекин ақлим бошимга келди. Бошлаган ўйиними ниҳоясига етказиш учун сабрли бўлишим керак эди. Дадам бу хушомадимдан хурсанд бўлди, шекилли, менга ҳам хушомад қилди:

— Баракалла, менинг ақлли қизим. Бир кун келиб ҳақиқатни кўришингга ишонардим. Афсуски, ҳозирча бирон-бир аёлни йиғилишга олиб бормаймиз. Аммо керакли маълумотлар аёлларга ҳам берилади.

Унинг айтганлари ғалати эди. Эътиroz билдирамай, отамнинг юрагига биринчи пойдеворни қўйдим. Кечкурун уйда ойимга бўлиб ўтган бу суҳбатни қувонч билан айтдим:

— Биз муваффақиятга эришамиз, ойи, биз муваффақиятга эришамиз. Дадам менга қаттиқ ишонди. Насроний динимизни ҳимоя қилиш учун қилолмайдиган ҳеч бир иш йўқ мен учун. Ҳаттоқи дадамни киприк қоқмасдан ишонтирганимдан завқланяпман.

— Сен билан қанча фахрлансам, кам, қизим, Тереза она сени қўлласин. Биби Марям қўлласин... Даданг эса жаҳаннамга кирганида билади буларнинг барини.

Кунларимиз ойим билан англашганча ўтарди. Бил ҳам ҳаётидан хурсанд эди. Опасининг кундан кунга диндан чиққанига ишонар: “Эркинлик дунёсига хуш келдинг, Мария!” — дерди. Эркинлик дунёсининг унга тайёрлаб қўйган кўрқинчли ниҳоясини билмасди.

* * *

Бир куни уйимиз олдида кутилмаганда Ҳанс пайдо бўлди. У жуда нотинч эди. Мени ташқарига чақирди. Жуда ҳаяжонланиб турар ва:

— Мария, Америкага кетишим керак. Самолёт уча-
диган вақтгача сен билан хайрлашгани келдим, — деди.

Ўзимни хафа бўлаётгандай кўрсатиб:

— Бу гап қаердан чиқди энди? — дедим.

У жирканч табассум билан бошини эгиб деди:

— Хафа бўлма, азизим, мен келгунча битта турк
айигини топиб кўнглингни хушлаб турарсан. Менга та-
нанг билан хиёнат қилишинг мумкин, лекин қалбинг би-
лан хиёнат қилсанг, сени кечирмайман.

Каракт бўлиб қолгандим. Бу қандай дунёқараш ўзи?
Хайрон бўлганимни сездириброқ сўрадим:

— Қанақасига, яъни сен бу ерда йўқлигингда мени
бегона эркаклар билан юришимга рухсат берасанми?

У шунчалик хунук қаҳқаҳа отиб кулдики, буни сўз
билин таърифлаб бера олмайман:

— Ҳа-ҳа-ҳа-а-а!.. Нимаси ёмон, Мариям? Хиёнат
қалбан бўлади. Қалбинг менга хиёнат қилмасин. Буни кў-
таролмайман. Мен ҳам сенга қалбан хиёнат қилмайман.
Фақат кўнгил хушлаймиз, холос. Мен юзта қиз билан
юрсам ҳам, сенга қалбан хиёнат қилишим тўғрисида сўз
ҳам бўлиши мумкин эмас.

— Нима! Мендан кейин ёш-ёш қизлар билан юр-
моқчимисан? Лекин қалбан хиёнат қилмайсан!.. Буни қан-
дай тушунса бўлади?.. Ўзинг юзта қиз билан юрасан-да,
қалбингни бузмайсан, тўғрими?

— Хафа бўлма, азизим. Хафа бўладиган бўлсанг, ёш
қизлар билан кўнгилхушлик қиломайман. Балки, битта-
яrimta эркак топиб оларман. Айтишларича, унақалар
Америкада жуда кўпмиш.

Бирдан бошим айланиб, кўнглим айниди. Таъриф-
лаб бера олмайдиган бир ҳолатга тушгандим.

Овозимнинг борича бақирдим:

— Даф бўл! Йўқол, исқирт! Сендан жирканаман, Ҳанс! Йўқол ва қайтиб кўзимга кўринма!

— Ўзингни ор-номус тимсоли кўрсатиб бақирипсанми? Ёки роҳибаликка кетяпсанми? Замон ўзгарди, азизим. Замонавий, эркин ва демократик замонга ўтганимизни энди тан олдик. Кўзингни оч энди. Битта туркнинг хуштори бўлсанг, сендан нима кетади. Дўконимизда ишлайдиган турк сени севиб қолган, менимча, чунки мендан ҳар доим сени сўраб туради. Хоҳласанг, мен қайтгунимча ўша турк йигит билан айш-ишрат қил. Топган пулларини ўз ўлкаларига жўнатиб юбориши масин. Энсанг қотмаса, ҳар куни уни тунги клубларга олиб бор. Кўнглини топ. Ҳам кўнгилхушлик қиласан, ҳам пулларини ўзининг ватанига юбормасдан, ўзимизнинг ватанимизда сарф қиласди. Гапим ёмонми, ахир, ватанимиз учун хизмат қиляпмиз.

Ҳанснинг исқирт башарасини биринчи марта бу қадар яқиндан кўришим эди. Ва динсизликнинг ифлос юзини ҳам...

Агар Ҳанс қайси динда бўлса ҳам, чинакам художўй бўлганида эди, бунчалик эркин ва бу қадар ифлос бўлмаган бўлар эди.

Ўзимни тута олмасдан қичқирдим:

— Даф бўл! Даф бўл, тўнғиз! Сени кўргунча илонни кўрсам бўлмасмиди...

Йўқ, сўзни нотўғри кўлладим. Бунинг номи эркинлик эмас, бунинг номи ифлослик! Бунинг номи дегенерация¹. Мен сен билан ҳеч қачон турмуш кур-

¹ Дегенерация (латинча: degenero — бузиламан) — ўсимлик, ҳайвон организмидаги бирор хил биология белгига ва хусусиятнинг ирсий касалликлар ёки яшаш шаронтигининг оғирлашиб колиши туфайли бузилиши, ёмонлашиб айниб қолиши. Баъзи орган ва тўқималарнинг нормал индивидуал ривожланиш жараёнида йўқолиб кетиши (масалан, итбаликлар ўсиб, бақага айланганда думининг йўқолиши), филогенетик тараққиёт жараёнида кичрайиб, бошкacha бўлиб

майман.

Ҳанс кетганидан кейин мен боғчага чиқдим. Каражт бўлиб қолган эдим. Мен ўзимга ўзим мингириладим. Атеизм... Ҳа, Ҳансни шу ҳолга динсизлик олиб келди... Лаънат бўлсин сенга!.. Атеизм номи остида келган нарсаларга лаънатлар бўлсин!..

Бир қанча йиглаганимдан сўнграгина ўзимга кела олдим. Демак, мен у билан турмуш курсам ҳам унга оид бўлмас эканман-да. Менга буюмга қарагандай қараган бўларди. Лаънатлар бўлсин сенга, Ҳанс!

Ўша кечам жуда ҳам оғир ўтди. Эртаси куни дарсга кеч қолмаслик учун нонушта қилмасдан чиқдим. “Университет ошхонасидан бирон нарса ерман”, — дедим.

Ҳаво яхшигина совуқ эди. Машинамни зўрға ўт олдириб йўлга чиқдим. Йўлда кетарканман, Абдулваҳоб билан дадамнинг айтган гапларини солиштириб қайси бири ҳақиқатни айтаётганини ўйлаб кетдим. Ҳақиқатан ҳам, биз мусулмонларнинг бор-будини тортиб олиб шундай ҳолга келган бўлмайлик тағин? Айниқса, Буюк Британия билан Франция уларнинг қонлари, уларнинг жонлари эвазига ривожланганми?

Шулар ҳақида ўйлай-ўйлай бирдан насронийлигим тутиб қолди.

Ўзимга ўзим овоз чиқариб гапирдим:

— Менга нима йўқ бўлиб кетмайдими шу мусулмонлар! Уларни йўқ қилиш учун бирлашмадикми, салиб юришлар¹ қилмадикми? Мусулмонларни йўқ қилиш учун

coliши ёки моддалар алмашинуви ўзариши натижасида емирилиши ҳам дегенерация дейилади. Асарда эса инсон наслининг бузилиши маъносида келган.

¹ Салиб юришлари — 1096–1270-йилларда Фарбий Европа зодагонлари ва католик чёркови томонидан Яқин Шаркка (Суряя, Фаластан, Шимолий Африка) килинган босқинчилик урушлари. Салиб юришларининг босқинчилик моҳияті диний шиорлар (ғайридинларга (мусулмонларга) карши кураш ва “Худо қабри” ҳамда “Муқаддас ер”ни (Фаластанни) озод

уч марта уриниб кўрдик, аммо бўлмади.

Кейин ақлимга тұсатдан шу гап келди: Инжилда: “Душманингни ҳам севажаксан”, — дейилмаганмиди?.. У ҳолда “салиб юришлар” билан “душманингни ҳам севажаксан”нинг бир-бирига қандай уйғунлиги бор?..

Мен шундай деб ўйлаган бўлсан ҳам, ичимда мени безовта қиласиган бир савол бор эди. Нега биз уларни қарам қилишга уриняпмиз-у, улар бизни қарам қилишга уринишмаяпти.

Бундай қарама-қарши фикрлар билан кетаётганимда Абдулваҳҳобни кўрган бекатта келдим. Бу сафар у битта йигит билан биргалиқда автобусни кутиб турган экан... Олдиларига яқинлашдим:

— Келинг, сизни борадиган жойингизгача олиб кетаман, — дедим.

Абдулваҳҳоб бироз тортингандай бўлиб:

— Миннатдорман, Мария хоним, биз кутаётган автобус ҳозир келади.

— Келинг, келинг, ўтиринг, сизни еб қўймайман, дўстингизни ҳам чақиринг.

Икки ёш йигитни мажбурлаб машинамга ўтқаздим. Иккинчи йигит жуда самимий оҳангда саломлашди:

— Вой, бу сенмидинг, Мари... Салом! Ўша кундан бери сени қидираман.

Бирдан ўтирилиб орқага қарадим, гапирган йигитнинг юзига қараб, кейин таниб қолдим:

— А-а-а! Сени танидим, исминг нима эди? Мехмет эмасмиди? Туркияликсан. Лекин инглизчани жуда ҳам чиройли гапирасан-да.

килиш) билан никобланган. Салибчилар, одатда, кийнмларига салиб (хоч) белгисини тикиб олишган (юришларнинг номи шундан). Жами 8 марта салиб юришлари бўлган.

— Хотиранг жуда ўткир экан... Лекин менга ҳеч ҳам телефон қилмадинг... Биласанми, ўшанда сени ёқтириб қолгандим. Неча кунлаб исмингни тилимдан туширмадим, ҳатто касал бўлиб қолгандим.

Юқоридан пастга тушиш мени бироз безовта қилсада, бу жумлалар қулогимга хуш ёққанди:

— А-а-а! Нима сабабдан? Биз сизга шунчалик яқин бўлмаган эдик-ку!

— Тўғри, менда сенга сўз билан тушунтириб бера олмайдиган бир ҳолат юзага келди.

“Мени рашк қилармикан?” — деб Абдулахҳобни кузатдим. Нега рашк қилиши керак? Ўйлаган аҳмоқона фикримни қаранг.

Мехмет менга эътибор бериб, унга қўнғироқ қилишимни кутаётганидан жуда ҳайрон қолдим. Беихтиёр ўзимга номаълум бўлган бир туйғу билан ўзимни Мехметга яқиндай ҳис этдим. Аммо хаёлимдаги қизиқ бир нарсани сезиб қолдим. Мен Мехметдан Абдулахҳобни қидираётгандим. Мехмет Абдулахҳобнинг нусхасига ўхшаб кўринган эди менинг кўзимга.

Абдулахҳоб мавзуни ўзгартирди.

— Сиз қаерда турасиз?

— Порзда... Сиз бир учida, биз эса бошқа учida.

Мехмет менга қотиб қолганга ўхшаб қараб турарди. Ойнада қараб, унинг мендан кўзини узмаётганигини пайқадим. Кейин кундалигидан мен учун ёзганларини ўқиб берди.

Мехмет ўша куни мен билан учрашиш учун бир кунни белгилашимни илтимос қилди. Хўп дедим. Чунки ўшанда Мехмет менга ҳам ёққан эди. Шунингдек, менга бу қадар ошиқ бўлган инсонни ҳеч кўрмагандим. Мени деб касал бўлиб қолган инсонни ҳам биринчи кўришим эди.

Ҳафтанинг охирга куни учрашдик... Мени ёқтиришини айтди. “Лекин”, — деде гап бошлади у:

— Сен католиксан, мен художўй католик билан турмуш куролмайман. Мен сизнинг ҳис-туйғуларингиз билан ўйнашишни хоҳламайман. Мен сенга жуда ошиқман. Энди нима қиласман — билмайман.

— Илтимос, сиқилма, Меҳмет. Дўст бўлиб қоламиз. Ёки сен ҳам Абдулваҳҳобга ўҳшаган консервативмисан?

— Абдулваҳҳоб — яхши йигит. Лекин менинг асли кимлигимни яхши билмайди. Яна ҳам тўғрироғи, буларни гаплашишга ҳали вақт бўлмади.

— Менга ўзинг ҳақингда бироз гапириб бер, Меҳмет. Мамлакатингиз, оилангиз, мақсадингиз ва фикрларингиз ҳақида гапир.

— Менинг ўлкам янгидан тикланмоқда. Мутлақо бошқа давлатга айланади. Инсон ҳаққига ҳурмат, адолат, тенглик ва тўғрилик... Менинг келажагим ҳам, ўлкам ҳам бошқача бўлади. Мамлакатни қайта куриш учун қўйилаётган тамал тошининг биттаси бўлиш учун ҳаракат қиляпман. Бир кун сенга бизнинг Туркиямизни кўрсатаман. “Мўъжиза”, — дейсан, “Туш кўряпман”, — дейсан. Жуда қисқа вақт ичида инсоннинг ақдига келмайдиган, қиёси йўқ ишлар қилдик.

Меҳмет таърифлагани сари тезроқ Туркияга боргим келарди. Бошқа бир оламдан, бошқа ҳаётдан гапиради. Аммо менинг фикр-хаёлим Меҳмет илгари кимнидир севган-севмаганлиги ҳақида эди. Сўрадим: йўқ экан. Менга кўп илтифот кўрсатди, гўё мен билан қайта туғилганиш ва яна нимадир... Абдулваҳҳобни ният қилиб, Меҳметга ошиқ бўлдим.

* * *

Хар қандай ҳолатда ҳам, Селин ва Софи билан сухбатлашишга ҳам вақт ажратардим:

— Қалайсан, менинг қора марваридим, Сени анчадан бүён күрмадим... Ахволинг яхшими?

У мени кўриши билан оқ марваридга ўхшаш оппоқтишларини кўрсатиб, кулиб, бўйнимдан қучоқлаб олди:

— Яхшиман, Мария. Сенга катта раҳмат, энди қора бўлганим учун ҳасфа бўлмайман. “Мен қора марваридман”,

— деяпман ҳаммага, — деди, менга оқ марварид каби оппоқтишларини кўрсатиб.

Онаси ҳам тасдиқлади. “Энди қораман деб хафа бўлмаяпти”, — деди. Жуда ҳам хурсанд бўлдим. Демак, хафа бўлганларнинг кўнглини кўтариш ҳам фойдали экан-да.

* * *

Орадан ҳафталар ўтди. Якшанба куни бўлиши кутилаётган мажлисни баъзи сабабларга кўра бошқа кунга қолдиришибди.

Энди ҳар куни ўқишига Мехмет билан бирга қатнайдиган бўлдик. Унга жуда ҳам боғланиб қолгандим. Мехмет Абдулваҳҳобга ўхшаб истарали эмас эди. Лекин кўнглимни кўтаришни амалларди. Уни кўрмасам, туролмайдиган бўлиб қолгандим. Унинг фикрларини яхши англай олмагандим. Англашни ҳам хоҳдамасдим. Менга телбаларча ошиқ эди. Унинг севгиси иккаламизга ҳам етарли эди. Фақат у мусулмон эди. Бундан жуда хафа бўлар эдим. Мехметнинг менга бўлган севгиси хафалигимни йўқ қиларди. Севгидан сархуш эди. Унинг муҳаббати мени ҳам ром қилиб олганди. Фақат ўртамиизда дин муаммоси бор эди... “Мен художўй католик қизга уйланолмайман”, — деган гапи хаёлимдан сира кетмасди. “Демак, у менга уйланишни хоҳлар экан-да”, — деб ўйладим. Ё у католик бўлиши керак

эди ёки мен мусулмон бўлишим керак. Сабрим чидамай бу вазиятни онамга ҳам айтдим. Ойим карахт бўлиб қотиб қолганди:

— Нима!? Яъни сен мусулмон бўлмоқчимисан?

— Худо асрасин, ойи. Мен ҳеч қачон мусулмон бўлмайман. Уни насроний қилмоқчиман. Аммо буни қандай қилишни билмаяпман.

— Ҳеч тўхтама, қизим. Битта мусулмонни насроний қилишдан ҳам ортиқ баҳт бормикан бу дунёда — билмайман. Яҳудийлар билан, буддавийлар билан, жойи келса, келиша олишимиз, биргаликда қарор қила олишимиз мумкин, лекин мусулмонлар тўнғизга ўхшайди. Вой, улардан ҳазар қиласман. Қизим, ўзингни кўрсат-чи. Мехметни насроний қил, ғалаба бизники бўлсин!

— Ҳеч ҳам, хавотир олманг, ойижон. Мен, албатта, уни насроний қиласман ва биз никоҳимизни черковда ўқитамиз.

Мехмет билан боғлиқ бутун хаёлларим биргаликда турмуш қуриш ҳақида бўлар эди. Энди Мехметсиз ўтмайдиган бир оним ҳам йўқ.

— Сени баҳтли қиласман, Мария. Сени рўёлар олами — ўлкамга олиб кетаман. Яп-янги бир дунё барпо қилганимизни кўрсатаман сенга.

Бу менга қилинган уйланиш таклифи эди. Мехметнинг менсиз яшай олмаслигига энди, шубҳасиз, ишонардим. Менга ошиқ эди. Мени севарди. Аслида у билан бир ўлкага саёҳатга чиққанимизда танишиб қолгандик. Саёҳатдан қайтгач мени роса қидирганмиш. Биринчи кундаёқ мени севиб қолган экан. “Сенга уйланмасам, ўлиб қоламан, сенсиз яшай олмайман. Лекин ўртамиздаги тўсиқлар бор. Бу тўсиқлар бизнинг қовушишимизни хоҳла-маяпти”, — дерди.

Яна у билан биргаман. Сайр қиляпмиз. Бутун черковга ҳам бормадим. Эй худойим, мен қандай осий қизман. Илк учрашган кунимиздан унга рўйихушлик бердим-а. Йўқ! Мехметта рўйихушлик кўрсатмаслигим керак.

Соат неча бўлганини сўрадим, кейин шошиб:

— Мехмет, мен ҳозироқ черковга кетишим керак, улгуришим керак... Сен ҳам бирга борасанми? “Мени ташкарида — машинада кутасан”, — дедим.

— Албатта, кутиб тураман, Мариям. Сен хоҳласанг бўлди. Агар хоҳласанг, сен билан бирга кириб ўша маросимни ҳам томоша қилиб чиқаман.

Ўзимни хурсандчиликдан ақлдан озгандек ҳис қиласдим. Энди бақирмоқчи эдим, ақлим бошимга келди. Бирдан ўзимни тұхтатиб қолдим. Оғирроқ бўлишим керак. Унинг черковга киришининг менга аҳамияти йўқдай қилиб кўрсатдим ўзимни ва:

— Албатта, хоҳласанг, майли, киришинг мумкин, яна ўзинг биласан. Балки, сен учун ҳам бир ўзгариш бўларди, —дедим.

Бирга черковга бордик. Черковда айтилаётган илохий ваъзларнинг биронтаси қулоғимга кирмасди... Ақлахәёлим фақат Мехметда эди. Мехмет бутун борлиғимни эгаллаб олганди. Абдулваҳҳоб хаёлимга келиб қолса, тезлик билан уни хаёлларимдан ҳайдаб чиқаришга ҳаракат қиласдим. Баъзида Абдулваҳҳоб хаёлимга келарди, лекин ундан ҳеч умидвор бўлмаганим сабабли уни ақлимдан чиқариб ташлардим. Ҳатто баъзан шунақанги ошириб юборардимки, насроний бўла туриб ўзимни мусулмондай ҳис қиласдим.

Кечқурун уйга борганимда ойимга бўлиб ўтганларнинг ҳаммасини гапириб бердим. Ойим ҳам жуда хурсанд бўлди.

— Биринчи марта сенинг бунчалик ошиқ бўлганингни кўриб турибман... Севган одаминг билан қовушишингни тилайман.

— Ойи, сиз ҳам севиб қолғанмисиз?

— Мен... Мен ҳам севганман, лекин у бошқасини танлаган. Ўзинг яхши биласан: аёллар тез-тез эркакларни, эркаклар эса аёлларни тез-тез алмаштириб тургани учун ошиқ бўлишига улгурмасдик. Эркакларимиз ҳам шу. Аекин мен шунга қарамай ошиқ бўлиб қолдим. (Ойимнинг айтишича, олдинги замонда ғарбликларда ошиқ-маъшук бўлиб юриш мумкин бўлмаган экан. Энди замон ўзгарди...) Шунча юрганларимнинг орасида биттасига ошиқ бўлганман, кейин бошқа ҳеч ҳам севмагандим. Дадангни кўргач, яна севиб қолгандим. Сен менга қараганда севгини жуда ҳам қадрлаб, ўзингни хароб қиляпсан. Арзимайди, қизим. Мусулмонлар сенинг севгингга арзимайди. Жуда ҳам хавотирдаман, Мариям, жуда ҳам. Агар Мехмет насроний бўлмаса!.. Баъзан жаҳдим чиқади: қаердан топдинг шу мусулмонни?

— Лекин улар севгилиларини рақс тушиши учун ҳатто бошқа эркакнинг кўлига тутқазиб кўйишмайди. Ҳанснинг қилиқларини тушунсангиз-чи. “Кўнгилхушлик учун бошқасини топиб тур”, — деди менга. Аммо бундай гапни биронта мусулмон асло айтмайди.

— Қизим, сен айтаётган мусулмонлар Куръон китобида қолиб кетган. Мусулмон давлатлари рақс тушаётганда хотинини бошқа эркакнинг кўлига тутқазадиган эркаклар билан тўлган. Улар кимлар, мусулмонлар эмасми?

— Лекин уларга рақсни биз олиб бордик. Шунингдек, улар Абдулаҳҳоб каби мусулмон эмас. Мен унга ўхшаганларини яхши кўраман.

— Унисининг аҳамияти йўқ, ўрганмасинлар эди.

Аҳамиятлиси шуки, бизнинг маданиятилизни қабул қилганликлари дир... Тўнғизларни қандай қилиб ўзимизга ўргатдик-а? Мени хафа қилган нарса, ўз динимизнинг бузилиши бўлди. Қанийди, улар ўзимизнинг маданиятилизни сингдирсак-да, лекин динимиз бузилмасайди! Уларнинг маданиятини биз хароб қилдик, лекин ундан олдин ўзимизнинг йўлдан чиқиб кетганимизни сезмай қолдик. Исо бизни қўрисин! Бунинг охири яхши бўлмайди. Эҳ, Гарбдаги барча эркакларни Ҳансга ўхшатишинг нотўғри. Биласанми, баъзи эркакларимиз хотинлари ва севгилиларини рашк қилишади.

— Ойи, ўтмишни кўя туринг, ҳозир мен Меҳметни қандай қилиб кўндириб, насроний динига ўтказаман? Сиз менга шуни айтинг.

— Сен бу масалада епископдан ёрдам сўрашинг керак.

— Тўғри маслаҳат бердингиз, раҳмат ойижон.

Ўша кеча ҳеч ҳам уйқум келмади. Меҳметни насроний динига ўтказиш йўлларини ўйлаб чиқдим. Кечамда ҳам, кундузимда ҳам хаёлим Меҳметда эди.

Эрталаб нонушта пайти Селин билан ҳам, холам билан ҳам сұхбатлашиб ўтиридик. Ойим ногирон опасини жуда яхши парвариш қиласади. Мен эса Селинга қарапдим, ҳатто у билан “хола-хола” ҳам ўйнардим.

Ҳали дастурхон бошидан турмаган эдик Билнинг севгилиси Деми кириб келди. Тинимсиз йиғларди. Билдан ҳомиладор экан. Кечадан бери Билни тополмаётганмиш. Ўша кеча Бил ярим тунда маст ҳолатда уйга судралиб кириб келиб ухлаб қолганди. Уни зўрға уйғотгандик.

Деми ҳўнграб йиғлаб:

— Ҳомиладорман Бил. Нима бўлса бўлсин турмуш курайлик. Оиламдагиларнинг тушунчаси бошқача. Ҳали

ҳам номус ҳақида ўйлашади. Ҳомиладор бўлганимни билса, дадам мени яшатмайди!

Бил тутақди:

— Жинни бўлганмисан? Мен турмуш қуришни ўйла-
майман!

Билга биз ҳам ялиндик, ҳар гапирганимизда тута-
қиб кетарди, Деми ҳам йигларди, ҳам гапирарди:

— Менга эришгунча: “Сенсиз дунё керакмас”, —
дегандинг. Ҳозир нега энди ўзгариб қолдинг, Бил?

Кейин йиглай-йиглай чиқиб кетди. Бил ҳеч нарса
бўлмаган каби хонасига чиқиб кетди.

Мана алданган қизларнинг дарди!..

* * *

Меҳмет бизникига келганда ойим унга тўнғиз гўшти
едирав, лекин бу сигир гўшти деб алдарди. Ойим бу ишни
қиларкан, мен эса ойимнинг бу ишидан хурсанд бўлар-
дим. Ойим шу орқали уни насроний динига ўтгандай та-
саввур қиласарди. Аммо мен онамнинг бундай қилишларига
кейинчалик қарши чиқдим, чунки виждан азобида қийна-
лардим...

Меҳметнинг ислом динидан бироз чекинган менга
ёқарди. Чунки у исломнинг баъзи қоидаларига амал қил-
маётганилигини кўрадим: ароқ иcharди, рақста тушарди.
Бу қилифи мени яна ҳам жасоратлантиради.

Ўзимни унга телбаларча ошиқ каби ҳис этарканман,
Меҳмет кутилмаганда тўсатдан Туркияга кетди. Тезда
орқага қайтишини айтди. “Онамни сенга уйланишимга
ҳозирлаб, кўниктириб бораман”, — дерди.

“Онасига мен ҳақимда айтар экан”, — дея жуда
хурсанд бўлардим... У мени хатсиз қолдирмайди, кейин
эса мени Туркияга чақириб, орзулар юрти бўлган ўлка-

сини күрсатмоқчи эди.

Вазиятдан дадамни хабардор қилдим. Ярим тун бўлса ҳам, биз дадам билан ҳамон сухбат қуардик.

Дадам менсимагандай қилиб:

— Мөхмәт кетиб қолди, дегин. Хафа бўлма, қизим, яна бошқа Мөхмәтларни топасан.

— Лекин, дада... Мен бошқасини хоҳламайман. Уни насроний...

Ҳиқиллаб тутилиб қолдим. Бирдан асл мақсадим эсимга тушиб қолди. Ахир, мен ўзимни диндан чиқкан қилиб кўрсатаётгандим-ку. Гапни бошқа ёққа бурдим.

— Мен уни ҳақиқий социал-демократга айлантирмоқчидим... Табиийки, диний эътиқоди йўқ бўларди...

— Сенинг бир турк йигити билан учрашганингдан хурсандман. Сени Туркияга ўз одамимиз қилиб жўнатмоқчи эдик. Энди тезлаштиришга ҳаракат қиласиз. Биз берган топшириқларни бажариб, мақсадларимизнинг Туркияда ҳам амалга ошишга хизмат қиласан.

— Яъни мен Туркияда қоламанми?..

— Доимий эмас. Олти ой у ерда яшасанг, олти ой бу ерда яшайсан. Сени журналист сифатида Туркияга жўнатишни режалаштираётгандим. Чиройлисан! Жозибалисан. Агар Мустафо Камолни¹ кўлга олсанг бўлди, у ёғи осон кечади.

— Лекин мен Мөхмәтга хиёнат қилолмайман, дада. Асло бўлмайди...

Яна оғзим бўшлиқ қилди. Лекин сир бой бермасдан

¹ Мустафо Камол (1881–1938) — Туркия Республикаси асосчиси ва 1923–1938-йилларда Туркияning биринчи президенти, ҳарбий саркарда. Туркияда фамилия жорий қилингач, Буюк милят мажлиси томонидан унга Огатурк фамилияси берилган. Истанбул инглизлар томонидан ишғол қилингач, барча ватанпарвар кучлар уннинг атрофида тўплланган. 1922-йил охирида турк армияси Отатурк раҳбарлигига тўлиқ ғалабага эришган. Туркия республика деб эълон қилинди. Уннинг таълимоти Туркияда отатуркчилик, Фарбда эса камолизм деб баҳоланганди.

бошқача қилиб тушунтира бошладим:

— Мен уни насроний қилмоқчиман. Кейин уни атеист қилмоқчиман.

— Эътиқодинг учун, мақсадинг учун кимнидир курбон қиласан. Бу — табиий ҳолат, Мария! Черков билан муносабатинг қандай? Черков тутган йўлингни ҳали ҳам билишмайди, шундай эмасми?

— Черковдан яхшигина совидим. Ўртамиизда қолсин-у, дадажон, ойим хафа бўлмасин деб, якшанба кунги маросимларга бориб турибман. Лекин шу маросимларни мутлақо бемаъни деб биламан.

— Баракалла, қизим... Ақлли одамнинг Инжилга эҳтиёжи йўқдир...

Кулай вазият келгани учун пайтдан фойдаланиб, бояги хатомни тузатиш учун гап бошладим.

— Йўқ, дадажон, фикримдан қайтдим, Мехметни насроний қилиб ўтирмасдан, балки тўғридан тўғри атеист кила оламан.

Отам қувонч билан бош иргади ва давом этди:

— Кейин сенга худонинг ҳам кераги бўлмайди. Нега унинг учун сиқилиб юришинг керак.

Охиригай айтилган гаплардан рангим оқариб донг қотиб қолган эдим. “Сенга Худонинг кераги бўлмайди”, — дегани нимани англатади? Мен нафас олаётган тоза ҳаво, ичаётган сувим, мени кўтариб турган шу замин, қуёш, ой, юлдузлар, ноз-неъматлар... Ҳаммаси Оллоҳники эмасми? Оллоҳ бизга берган бу неъматларини қайтариб олса, ҳолимиз нима кечади. “Ақлли одам Инжилга муҳтоҷ эмас”, — дегани нимаси энди. Инсон онги яхши биладими ёки Худоми? Демак, ёшларни мана шундай гаплар билан диндан чиқаришаётган экан-да. Энди тушунгандим улар бошлаган ишларининг сирини.

Дадамдан күнглим муздай қолғандай ҳис этардим ўзимни. Лекин унга қарши чиқолмасдим. Уларнинг ташкилотига кириб олишим учун булар зарур эди.

Бу орада ёнимда турган укам Бил ёнимда аҳмоқона тиржаярди:

— Мен сенга нима дегандим, Мария, сен художўй бўладиган қолоқ қиз эмассан. Ана энди ўзингга келяпсан.

Сездириб кўймаслик учун уларга қаттиқ тайинладим: — Ойимга айтиб кўйманг, — дедим, — ойимнинг ҳурматига черковга боряпман.

Бил билан дадамнинг хурсанд бўлишини бир кўрсангиз эди. Худди осмонда учайдигандай эдилар.

Эртаси куни бу аҳволни ойимга айтиб бердим:

— Эҳтиёт бўлинг, ойижон, ҳеч нарсани сездириб кўйманг.

Ойим яна жинни бўлаёзди: — Хоин тўнғизлар!.. Қизимни ҳам ўзларига ўхшаган осий бўлади деб ўйлашдими?

Кунларим дадам билан ойимнинг ўртасида айғоқчилик қилиш билан ўтаётганди... Мехметдан хат келишини кута бошлиган эдим. Одам севиб қолса, туйғулари ўзгариб қолар экан, иложи йўқ ишларни ҳам қиласар экан. Уч кун бўлди кетганига. Қандай қилиб дарров хат ёзади?

Бир неча кун ўтгач кутилмаганда Мехмет телефон қилиб қолди. Фақат ойим менга бермай гўшакни кўйиб кўйди. Роса йиғлагандим, аммо на чора. Мехмет ҳам қайтиб яна бир марта телефон қилмади. Бир ҳафтадан кейин хат келди. “Севгилим сени жуда ҳам соғиндим, кейинги ҳафта бораман”, — деб ёзганди.

* * *

Мусулмон қўшнимиз полицияга тушганидан кейин анча вақтдан бери жанжал қилмаётганди. “Ўрганган

күнгил ўртанса кўймас”, — деган гап бор халқимизда. Кеча яна хотинини калтаклаганмиш. Хизматкоримиз полиция чақирганмиш. Ойим севинчидан туриб ўйнаганмиш. Факат бу оқшом немис кўшнимизнинг уйидан жанжал шовқини эшитилгач, ойимнинг кайфияти бузилди:

— Балки, бирон жойга ўт кетгандир, хабар олиш керак, — деганди.

Аслида ёнғин чиқмаганини ўзи ҳам яхши биларди. Аёл эса тинимсиз: “Мени кутқаринглар”, — деб додларди.

Борсак, турк кўшнимиз ҳам ўша ерда экан. У немис аёлни немис эрининг кўлидан кутқараётган экан. Буни кўргач ойимнинг кайфияти яна ҳам тушиб кетди. Немис аёлни кутқариш учун полиция чақирдим. Бунинг учун ойим мени роса уришиб берди. Бу ишим билан насронийларни шарманда қилибман.

Мусулмонларнинг олдида насронийларнинг камчилигини беркитишим керак экан. Беркитадиган нимадир қолганмикан?

* * *

Ўзимдан жаҳлим чиқа бошлаганди. Қани, Мехметни ислом динидан чиқарганим? Бунинг учун эътиборсизлик қилиб, ҳеч қандай ҳаракат қилмагандим. Ўйлаб-ўйлаб ахири Мехметни ислом динидан чиқариш йўлини топган эдим. Бунинг учун ислом динининг энг мантиқсиз, замонга тўғри келмайдиган қоидасини топиб Мехмет келгач ундан сўрашим керак эди. Мехмет бунга жавоб тополмагач, аста-секин ислом динидан кўнгли совий бошлайди. Йўлини топганим учун ўзимни ўзим мақтаб, ўша кеча мириқиб ухлагандим.

Эртаси куни биринчи ишим черковга бориш бўлди.

Порздаги Марям она черкови епископи¹ жуда яхши одам эди. Унга ниятимни айтган эдим, мени епископларнинг хонасига бошлаб борди. Битта стулни кўрсатиб:

— Қани, ўтириңг-чи, бўтам, сизни нима қийнаяпти?

— Хурматли епископ жаноблари. Мен бир йигитни севаман, аммо у йигит мусулмон. Мусулмонлар билан турмуш қуришга черков рухсат бермайди. Осий бўлишини ҳам истамайман. Шунинг учун мен у ёш йигитни насроний динига киргизмоқчиман. Менга ёрдам беришингизни хоҳлайман.

— Қандай ёрдам?

— Менга ислом динидаги энг ёмон, одамларни тескари қилиб ташлайдиган қоидаларни ўргатинг. Унга шундай савол берайки, жавоб тополмай қолсин. Лекин мен берадиган саволларнинг жавоби бизнинг муқаддас китобимизда бўлиши керак. Шунда мен ҳам мақтаниб: “Сизнинг динингизда бунинг ечими йўқ, аммо бизнинг динимизда ечими бор”, — дейишим керак. Бизнинг динимизга ҳавас қилсин. Бунинг учун унга қандай савол берсан бўлади? Сиздан шу масалада ёрдам керак. Менга ислом динининг камчиликларини топиб беринг.

Епископ Адольф бироз ўйлади:

— Савол керакми? Шундоқ ҳам уларнинг динида мантиқсиз, бўлмағур қоидалар кўп.

— Масалан, қайси бири, епископ жаноблари?

— Масалан, ундан тўртта аёл ҳақида сўра. Ишон: у сизга жавоб беролмайди. Уйланишга рухсат берилганини сўрасанг, жавоб тополмайди. Пайғамбарлари ҳам кўп хотинга уйланган. Ушбу замонавий дунёда бундай динга

¹ Епископ (юонча: episkopos — нозир, назорат қилувчи) — православ, католик, англикан чёрковларида олий мартабали руҳонийлардан бири, чёрковга қарашли маъмурий-худудий бирлик (спархия) бошлиги.

ишониш оқилона бўладими?

— Жуда яхши, епископ жаноблари. Зўр савол экан. Мехмет бу саволга жавоб тополмай ерга қараб қолади. Мантиқий, изоҳди жавоби йўқми бу саволнинг?

— Асло! Бу саволга мантиқий изоҳ йўқ ва бўлиши ҳам мумкин эмас!!!

У ердан хурсанд бўлиб чиқдим. Машинамга ўтириб тўғри уйга кетаётган эдим ва тўсатдан хаёлимга бир фикр келди. Бу саволнинг жавобини Абдулаҳҳобдан ҳам эшитгим келди. Бу билан битта ўқ билан иккита қуён овлаган бўлардим ҳамда унга қандай таъсири қилишини кўрадим.

Яхши ҳамки, Мехмет бир куни Абдулаҳҳоб яшайдиган ётоқхонани кўрсатган экан. Уни топишим қийин бўлмади. Нимагадир совуқ кутиб олди мени. “Бу йигит жозибам таъсирига тушиб қолишдан қўрқса керак”, — деб ўйладим ўзимча. Мен билан самимий гаплашишдан ҳам тортинарди.

Мени ётоқхонанинг меҳмонлар учун ажратилган хонасига таклиф қилди. Хонасига киргизишга жасорати етмади. “Менга ташланиб қолади”, — деб қўрқдими дейман? Тан олишим керак, Мехметни жуда севишимга қарамай Абдулаҳҳобни кўриб қолсам ёки уни эсласам, беихтиёр юрагим тез уриб қоларди.

Ҳар доимгидек олийжаноблик билан сўради:

— Марҳамат, Мария хоним! Сизни эшитаман.

— Мени бир савол қизиқтириб қолди, Абдулаҳҳоб.

Сизнинг динингиздаги баъзи нарсаларни билишни хоҳлайман.

— Бу қизиқишингизнинг сабабини билсан бўладими?

— Шунчаки қизиқдим. Масалан, сизнинг динингизда бир нечта никоҳга рухсат берилган. Ҳатто тўрттагача

уйланиш мүмкін экан. Бундай бемаъни динни нега қабул қылғансызлар? Пайғамбарингиз ҳам күп хотинли бўлган экан. Шундай пайғамбарнинг ҳам орқасидан эргашасиз-ларми?

Ўйлаб ўтирумасдан жавоб берди:

— Бўлмаса сизнинг пайғамбарингизнинг орқасидан эргашайликми? Нима дейсиз?

Ҳайратландим. Сездирмасликка ҳаракат қилдим. Лекин озгина хурсанд ҳам бўлгандим, албатта. Берган саволим шунчалар тез таъсир қилғанлиги учун.

— Албатта, жуда яхши бўларди — дедим.

— Агар бунинг мантифини ахтарсак, охирини тополмаймиз. Сизнинг пайғамбарингиз умуман уйланмаган. Унинг мантифига қарасак, унда ҳеч ким уйланмаслиги керак, тўғрими? Демак, у сизлар таърифлаганингиздек, Худо эмас — у пайғамбар! Уни илоҳийлаштириб унга тухмат қиляпсизлар. Биз Исо алайҳиссаломга ҳам иймон келтирганмиз. Мен ўз эътиқодим йўлидаман. Айтинг-чи, одамлар турмуш курмай ўтишлари керакми бу дунёдан?

Яна ҳайратим ошди. Тўғрисини айтсам, суҳбатнинг бу нуқтага келишини ҳеч ўйламагандим. Дарҳақиқат, бу бизнинг ақлимиизга шу пайтгача ҳеч келмаганди. Тутила-тутила жавоб бердим.

— Йўқ, турмуш қуришлар керак. Исо уйланишни тақиқламаган.

— Бизнинг Пайғамбаримиз ҳам битта никоҳни тақиқламаган. Ҳаттоқи, зино қилмаслик шарти билан ҳеч қачон турмуш курмасликка ҳам рухсат бор.

— Лекин сизнинг динингизда хоҳлаган одам тўрт мартараб уйлана олади.

— Кел, бу масалани шошилмасдан муҳокама қила-миз. Пайғамбаримизнинг кўп никоҳлари ўша даврга кўра

турли сабабларга асосланиб қурилган. Ўша пайтларда құпчилик әрқаклар әллик-олтмишта аёлларга эгалик қилишарди. Ислом дини ҳали келиб бўлмаганди. Ер юзига ёйилмаган эди. Ҳазрати Мұхаммад саллоллоҳу алайҳи васаллам 53 ёшлигача ўзидан ўн беш ёш катта, икки марта турмуш кўрган Ҳазрати Ҳадича билан яшаганлар. Ҳазрати Ҳадича онамиз ўн беш йилдан кейин: “Мен қариб қолдим. Сиз бошқа биттасига уйланинг”, — дейди. Лекин Пайғамбаримиз ёш бўлсалар ҳам бошқасига уйланмаганлар. Чунки пайғамбаримиз ўз шаҳвати учун уйланадиган одамлардан бири эмас эди. Агар нафсини ўйлаганида атрофида шунча ёшгина қизларнинг бўлишига қарамай йигирма беш ёшигача бўйдоқ юрмасдилар. Ҳарамга кирган бўларди. Ўз нафси учун уйланиш гуноҳ ёки айб эмас. Буларни эса уларнинг ўз нафси учун кўп хотин олмаганига далил келтириш учун айтяпман. Ўйлаб кўрсангиз-чи, бизнинг пайғамбаримиз йигирма беш ёшлирида икки марта турмуш курган қирқ ёшдаги Ҳадича онамизга уйланган. Ҳазрати Ҳадича онамиз ўлгунича бошқа хотинга уйланмаган. Ҳазрати Ҳадича онамиз олтмиш етти-олтмиш саккиз ёшлирида вафот этганлар. Эътибор қилинг, Ҳадича онамиз етмишларга бориб қолганда, Пайғамбаримиз әллик ёш бўлишига қарамай бошқасига уйланмаганлар. Ҳазрати Ҳадича онамиз ўлганларидан кейин бир неча йил ўтиб Ҳазрати Ойша онамизга уйланадилар. Кейин ўша замоннинг шартларига кўра бир нечтасига уйланадилар. Эрлари ўлдирилиб, хотинлари бева бўлиб қолган аёллар, унинг ҳимоясига киришни хоҳлашган. Арабларнинг одатига кўра эри бор хотинга гап отишмасди. Қари аёллар ҳам унинг ҳимоясига киришни исташган. Битта уйда яшамасалар ҳам “Расулуллоҳ Мұхаммаднинг завжаси фалончи”, — деб аташларини хоҳлашарди. Айниқса, душма-

ни бўлган қабилалардан қиз олиб улар билан қариндош бўлишган. Арабларда бунга катта аҳамият беришар эди. Бир нечта қабилалар: “Мұхаммад биздан қиз олди, у бизга куёв бўлди”, — деб мусулмон бўлишган. Ҳатто онажоним ҳам: “Америкаликларнинг мусулмон бўлишига ишонсан, эримни Америка президентининг қизига уйлантириб қўярдим”, — дерди. Мусулмон аёлларининг ягона ғояси эрлари эмас, эътиқодлари эди. Эътиқодлари ҳурматига эрларининг бошқа хотин олишига рухсат беришади.

Буларни эшитиш хаёлимдаги барча режаларни бузган эди. Охирги ҳаммамни қилиш учун сўрадим:

— Унда ҳозирги эркакларнинг тўртта хотин олиши шарт эмас, тўғрими?

— Шундоқ ҳам Куръон китобида: “Тўртта хотин олишингиз шарт”, — деган амр йўқ, бунга фақат рухсат берилган. У ҳам шароитга қараб ўзгарадиган бир ҳолат. Шундай эркаклар борки, уларга икки хотин тутул битта хотин олишга ҳам рухсат берилмаган. Бундай гапларни бирдан тушунишингиз қийин, албатта. Бунинг учун исломий таҳсил олиш керак. Энди иккинчи саволингизга келсак. Оллоҳ Куръонда: “Сиз учун энг хайрлиси битта хотинликдир”, — деб буюрган. Шундоқ ҳам эркаклар биттадан ортиқ хотинга уйланишмайди. Бу математик жиҳатдан ҳам, мантиққа кўра ҳам, моддий ва маънавий томондан ҳам тўғри келмайди.

— Қанақасига?

— Эшит, ҳозир ҳисоблаб бераман. Айтайлик, Ер юзидағи инсонлар исломий асосларга кўра яшаяпти, дейлик. Дунё аҳолиси сони тахминан беш миллиард бўлди дейлик. Ҳар бир эркакнинг тўрттадан хотинга уйланиши учун бир миллиард эркакка тўрт миллиард аёл керак бўлади. Ҳозирги замонда бунга имкон топиладими? Йўқ. Мод-

дий томондан имконсиз. Эркаклар ва аёллар сони ҳисобланса, аёллар сони эркакларга қараганда икки-уч миллион кўп чиқиши мумкин. Шунда ҳам ҳар бир эркак эмас, баъзи бир эркакларгина иккита хотин олиши мумкин.

Абдулваҳоб шунча нарсани тушунтиргандан кейин қарши ҳужумга ўтди:

— Энди мусулмон бўлмаганларни кўрайлик. Никоҳларига олмасалар-да, кўпгина лаицизм аристократлари ёки бошқалари никоҳсиз яшашади. Уларнинг камида ярми ўз ҳаётларини битта хотин билан ўтказмайди. Аёллар ҳам умрининг охиригача битта эркак билан яшашмайди. Ислом динига кўра эркакларга кўп хотин топилмаслиги мумкин, лекин Farb маданиятига кўра эркаклар оилали аёллар билан ҳам алоқа қилиши, хоҳлашса ўнталаб хотинлар билан алоқа қиласавериши мумкин ва қилишяпти ҳам. Ғалати томони: аёлларнинг ўнталаб кундоши бўлишини тақиқламаган маданиятни танқид қилмайсиз-да, кўп хотинлилик мингтадан биттага тўғри келадиган, ислом дини руҳсат берган ҳаётни танқид қиляпсизлар. Шунингдек, ислом динига асосан туғилган боланинг ҳамма харажатлари отанинг бўйнида бўлади. Бирга яшасалар ҳам, ажрашиб кетсалар ҳам. Лекин ривожланган мамлакатда ношаръий туғилаётган болаларнинг кўпчилиги ўз оталари кимлигини билмайдилар. Нега энди, ҳайвонларнидан ҳам баттар бўлган маданиятингизни муҳокама қилмайсизлар? Ўша болалар бунга лойиқми? Айниқса, битта эркакка бир кечада ўнта аёл киритилгани ҳакида Инжилда айтилган воқеани биласизми? Билмайсиз. Ҳа, майли, гапирса гап кўп. Сизларда саноғи йўқ кундошлар, отасиз болалар... Бизда эса никоҳнинг сони бор, болаларнинг отаси бор. Қайси бирида инсонийлик бор?

Нима дейишни ҳам билмасдим. Гапи тўғри эди. Ҳеч

ким эътибор қилмаса-да, бир-бирларига хиёнат қилишади. Битта эркак, балки, юзларча аёлларнинг ҳаётига киргандир. Аёллар эса эркакларнинг... Менинг дадамнинг ҳам кимлиги ҳам аниқмасдир, балки.

Епископ мени алдабди... “Бу саволнинг мантиқли изоҳи йўқ”, — деганди. Лекин Абдулваҳҳоб мантиқли далиллар билан изоҳлаб берди.

Афсусланиб яна епископнинг ёнига бордим. Жуда ҳам хафалигимни айтиб ёлвордим:

— Жаноб епископ! Менга ҳеч қандай изоҳи бўлмаган далиллар топиб беринг. Кўп хотинлик масаласи ўтмади.

Епископ бошини қашлади. Бироз ўйлаб олгач бошқа масалани ўргата ташлади:

— У ҳолда мени яхшилаб эшит. Ислом динида закот масаласи бор. Бизнинг ўйлашимизча, Пайғамбар закотни ўз фойдаси учун жорий қилган. Йўқса нега ўз-ўзидан буни ўйлаб топади? Чунки ўшанда Хадичанинг пуллари тугаб қолади. Нима қилишини билмаган айёр Мұҳаммад, дарҳол: “Оллоҳ буюрди”, — деб ўзига пул тўплашнинг йўлини топган.

— Ўҳ-ҳӯ, бу зўр масала бўлди. Дарҳол буни айтиб, уни бурчакка тақаб қўяман!

Епископ эса бу йигитдан бироз хузурсиз бўлганди, шунинг учун: — Мария, унинг олдига бормаганинг яхши эмасми? — деди.

— Йўқ, жаноб епископ. Мехмет қайтгунча жуда яхшилаб тайёрланиб олишим керак. Уни насроний динига киргизмасам, қандай қилиб турмуш қурамиз?

Ҳаяжон билан машинамни ўт олдирдим-у, Абдулваҳҳобнинг ёнига кетдим. Яна ўша жойда ўтиридик. Ўзимга ишончим комил бўлгани учун дадил сўрадим:

— Сизнинг пайғамбарингиз динингизни ўз фойдаси

учун күллабди.

— Йүр-ей! Қандай қилиб билдингиз буни?

Кайфиятим тушиб кетди. Чунки бу сафар мени ўққа тутаётганди, фақат сездирмасликка ҳаракат қилиб:

— Йўқ, йўқ, янгишдим. Ҳали саволимни бермадим-ку.

Ўзимдан ҳам берадиган саволимдан ҳам кўнглим шунчалар тўқ эдик, жойимда туролмаётгандим ва:

— Нега закот деган нарсани ўйлаб топди Муҳаммад? Пули тугаб қолган, шунинг учун, тўғрими? — дедим.

Мени одоб билан тинглагач гап бошлади:

— Эй, Исо ва Марямни бутга айлантириб, кейин ўша бутларга сифинган қиз! Сен билан танишган илк кунимиз жанжал билан билан бошланган эди, ҳар ҳолда, бу сўнгги кунимиз, жанжал билан тугамас, иншооллоҳ. Мени диққат билан эшит ва шуни унутмаки, ислом дини сенинг епископинг тушунтирган дин эмас. Ислом Ҳазрати Муҳаммад саллоллоҳу алайҳи васаллам тарғиб қилган диндир. Яхши ниятли насроний руҳонийлар ислом динига оид бор ҳақиқатни билишади. Лекин сенинг ўша ақлли епископинг бу масалада ҳам бир хатога йўл қўйди. Ислом динида Пайғамбарнинг закот олиши тақиқланган. Ҳатто оила аъзоларининг ҳам закот олиши тақиқланган. Агар хоҳласанг, мисол келтиришим мумкин. Бир кун закот қилиб тарқатилиши учун пайғамбаримизнинг уйига ташлаб кетилган хурмодан бир донасини ҳазрати Ҳасан олади. Пайғамбаримиз ўша бир дона хурмони едирмаган ҳазрати Ҳасанга. Ҳазрати Ҳасан пайғамбаримизнинг невараси.

Иккинчи марта ҳайратим ошиши эди:

— Нима... Нима дедингиз? Яъни закот олиш пайғамбарга мумкин эмасми?

Мен сиқилиб турарканман, у ўзига ишонган ҳолда

жавоб берди:

— Ҳа, афсуски, шундай, Мария хоним. Лекин бошқа мусулмонларнинг камбағалларига берадиган закоти ҳаром эмас. Динимиз одамларга сахийликни тавсия қилади. Закот ҳалол ёрдам фондидир. Камбағалларнинг бойларнинг молидан оладиган ҳаққидир. Бойларнинг бойлик солиғидир. Камбағал учун эса ҳалодир. Лекин бойлар закот бермаса, бу закот бойлар учун ифлос пулга айланади. Ислом олами буни нотўғри тушунади. Агар ҳамма бойлар закотга қўшиб солиқ ҳам тўлашса, дунёда камбағал қолмасди. Бутун муаммо — шундай тизимни ўrnата билишда. Баъзи жоҳил одамлар камбағалларга бериладиган закотни ҳаром пул ҳисоблашади. Ахир, бу пуллар камбағалларники, нега ифлос бўларкан? Кечирасан, мен қаерларга кетиб қолдим-а, сени қизиқтирган нарса бу эмас эди-ку. Эшит, буюк Оллоҳ оятда нима демоқчи: “Оллоҳ фазл-у карами билан ато қилган нарсаларининг (закотини) беришга баҳиллик қилган кимсалар ҳаргиз бу қилмишларини ўзлари учун яхшилик деб ҳисобламасинлар! Йўқ, бу қилмишлари ўзлари учун ёмонликдир. Баҳиллик қилиб бермаган нарсалари қиёмат кунида бўйинларига илон бўлиб ўралаҗак (Барча жонли ва жонсиз нарсалар кетар ва) осмонлар-у ер мерос бўлиб Оллоҳнинг ўзига қолур. Оллоҳ қилаётган амалларингиздан хабардордир”. (*Оли Имрон сураси 180*).

“...Дунё матоси озгинадир. Оллоҳдан кўрқсан кишига охират яхшироқдир. Сизларга хурмо данагининг ичидаги қилчалик зулм қилинмас...” (*Нисо сураси 77-оят*).

Абдулваҳҳоб Куръон оятларини ўқиётганида жуда самимий ва хушмуомала эди.

Сўнгра давом этди:

— Ҳа, биз шунга эътиқод қиласмиз. Намозни вақтида

адо қылғанлар, закот беріб, бошқа амаларни ҳам жойида бажарғанлар энг кичик зулмни ҳам күрмайдилар. Лекин Оллоҳнинг Пайғамбарига тұхмат қылғанлар бор-будини берсалар ҳам дұзах азобидан омон қолмайдилар. Ўзлари буюк ислом динига ишонмайдилар, ишонмагани етмагандай, Ислом динининг камчиликларини қидиришади. Эшит, бу ҳақда Оллоҳ Иброҳим сурасида нимани буюради: "...Коғирлар шундай одамларки, инсонларни Оллоҳ йўлидан қайтаришга уринадилар, Ислом динидан хато қидирадилар. Улар ҳақ йўлидан йироқда бўлган гумроҳдирлар..." (*Иброҳим сураси З-оят*).

Ҳижр сурасининг иккинчи оятига кулоқ солсак, эшитамизки, у кун, яъни қиёмат куни инкор қилувчилар: "Кошқи, биз ҳам мусулмон бўлсайдик", — дейишади. Ислом дини заҳматсиз тез ўрганиладиган дин эмас. Сен ҳам мусулмон бўлмасанг, ўша куни пушаймон бўласан.

Ақдим талатўп бўлиб қолган эди. Куръон ўзимни ўзимга англатаётган эди... "Ўша коғирлар шундай одамларки, инсонларни йўлдан ураг, ислом динидан хато қидирап", — дер эди. Худди мен... Ҳа, ҳа мени айтаётган эди Куръон. Мен атайлаб хато ахтарар, ҳатто хато топишга буортма бераётган эдим. Мен, ҳа менман бу! Чунки мен ислом динидан хато ахтараётган эдим.

Жуда ҳам таъсиранган эдим. Дарҳол ўзимга келиб, бу шунчаки тасодиф деб ўзимга ўзим тасалли бердим. Епископдан жуда қаттиқ ғазабландим. Мени Абдулваҳҳобнинг олдида юзимни ерга қаратиб, хор қилиб, хижолатда қолдирган эди. Йиғлаганча чиқиб кетиб яна черковга бордим. Епископ кетган экан... Фурурим поймол бўлиб, қадрим тушгандай бўлди. Буни епископга ҳам айттолмадим. Ўзимни замонавий, Абдулваҳҳобни жоҳил деб ўйлаганимда ўзим жоҳил бўлиб қолгандим. Кўз ёшимни тия ол-

май анчагача күчаларда тентирадим. Мен тенгдошларим орасида динимга ишонган ягона қиз эдим. Самимий эдим. Кечагача жаҳл қилиб, пастга урган одамларим олдида ўзимни жангда мағлуб бўлган кўмондонга ўхшатардим.

Кўп йиғлаганимдан кўзим қизариб кетган, шекилли, эшикни очган дадам нега йиғлаганимни сўради. Мендан хавотир олди. “Мазам йўқ”, — деб қўйдим. Тўғри ётоқхонамга кетдим. Бўкириб-бўкириб йиғладим. Мехметнинг келишига уч кун қолгани учун куяйми ёки бунақа шарманда бўлганимни ҳазм қилолмаганим учун куяйми?

Лекин мен буни шундай қолдирмайман. Қарор қилдим. Эртага бошқа епископга бориб ундан энг ишонарли саволлардан топиб ўша зоти паст мусулмонга бориб айтиман. Уни тилим билан ҳақорат қилса ҳам, қалбим ҳақорат қилмаётган эди. Бу қандай ҳол? Юрагимда унга нисбатан яширин ҳамда жуда яширин қизиқиш бор эди. Ўзимдан яширсам ҳам, аслида, бир ҳақиқат эди.

* * *

Ҳар замонда Софини кўргани бориб тураман, Селин билан ҳам кўришиб тураман. Фақат онаси калтакланган Усмондан ҳеч ҳам хабар олмасдим.

Ўғил бола онасини ҳақорат қилган ва калтаклаган отадан нафратланса, бошқа эркаклардан ҳам нафратланар экан. Бир марта: “Эркак бўлиш ёмон, мен қиз бўламан”, — деганди. Бола хаёлот дунёсида ўзини қиз боладай тасаввур қилаверса, жинсий гармонлари қиз бола каби шаклланиб қолар экан.

Буни унинг золим дадасига гапириб бердим:

— Хоҳласанг, гапимни эшит; хоҳламасанг, эшитма,
— дедим.

Дадаси жуда таъсирланди.

— Бундан кейин боланинг ёнида хотинимни асло калтакламайман, — дедим.

— Ҳеч қаерда ҳеч қачон калтакламасдан ҳам яшаса бўладими? — дедим.

— Албатта, яшаса бўлади, — деди.

* * *

Меҳмонхонамизда ўтказилиши режалаштирилган якшанба мажлисинг бошланишига ҳам оз қолган эди. Ойим билан турадиган жойимни ҳал қилиб соат ўн бирларда уйдан чиқдим. Дадам ва Бил билан хайрлашдим. Дадам жуда ҳам тушунган одам. Менга ҳеч қачон ҳеч нарсани тақиқламаган.

Тушдан кейин бошланадиган мажлис учун ҳозирданоқ мўлжаллаган ерга кириб жойлашиб олишим зарур. Улар кундузги дам олиш хонада ўтиришганида мен орқа эшикдан кириб, мажлис ўтказиладиган хонага кириб ўз жойимни эгаллаб олгандим. Сем бошқасини ҳақиқий отам бўлса ҳам “дада” демайман, шунинг учун уни бу жирканч ишлардан қутқаришни хоҳлардим. Ҳақиқий отам бўлмаса ҳам. Аммо баъзан ҳақиқий дадамнинг кимлиги ҳақида гумонлар мени тарк этмай қоларди.

Дадамнинг қандай жирканч ишлар қилаётганини бугун билиб оламан. Фақат, мажлисда айтиладиган галлардан эшитадиганларимдан тушкунликка тушиб қолишдан кўрқаётгандим. Ҳаяжоним босилмай юрагим қинидан чиққудай бўлиб тез-тез ура бошлади. Бир-икки соатдан кейин ҳаммасини билиб оламан. Нихоят, мен кутган он келди.

Меҳмонхонамизнинг ўнг қисмидаги йиғилиш иштирокчилари ўтирадиган саҳнинг тагига яширинганман. Худди тушимда кўрганимдагидай. Нақ бошим устида

дадамнинг оёқ товуши эшитилди. Микрофонни тўғрилаётган эди. Бил унга ёрдам берётган эди. “Гапириладиган гапларни ташқаридан бошқа бирор техник мосламалар ёрдамида эшитмасин”, — деб, микрофонга мусиқа улаб кўйишар экан.

— Бил, ўғлим, шу томонга бориб эшитиб кўр-чи, овоз яхши боряптими?

Бил кўрсатилган жойга бориб дадамга белги беряпти, шекилли.

Дадам:

— Бир икки... алоқа... мени яхши эшитяпсанми, Бил?

Микрофон ишини ҳам ҳал бўлганди. Вой юрагим... Эй қалбим... Исо, Марям ҳаққи, секироқ. Бунчалар тез урма, юрагим! Мени эшитиб қолиши, ўламан!

Бил дадамга савол берди:

— Дада! Нега юзта одам қатнашса ҳам Марияга йигирма беш киши дедингиз?

— Кўп одам келишини бирон жойда гуллаб қўйса, биз учун яхши бўлмайди. Биз ҳар доим яширин ва усталик билан ишлашимиз керак. Келганларни нима учун орқа эшикдан бештадан қилиб чиқариб юборишимни ҳали ҳам тушунмадингми? Художўй аҳмоқлар бирон жойда йиғилиш ўтказиб, тарқалишаётганда ҳаммаси бирдан чиқиб кетади. Биз эса уч-беш киши бўлиб тарқаламиз. Шунинг учун фаолиятимизни бошқалар асло сезишмайди. Кўп ишлаб, озга эга бўлаётгандай кўринишнинг фойдаси катта. Тўдалашиб юриш зарар беради. Уларга имкон бермаслик керак. Ақлли одамлар ишларининг сирини бегонага билдирамайди.

— Дада! Мария бу ишлар ундан сир тутилаётганидан ғазабланяпти. Бунақада уришиб қоламиз. Унга ҳам

айтсак-чи?

— Гапинг түғри, лекин мени шубхалантирган нарса бор. Мария ўта художүй. Сени онангнинг таъсиридан кутқардим, лекин Марияни кутқаролмадим. Мария сирдан воқиғ бўлгач биронта руҳонийга айтиб бериши мумкин. Кейин режамиз чиппакка чиқади. Бироз сабр қил. Бир кун Мария ҳам художўйликдан воз кечади. Ўшанда унга ҳам топшириқ берилади. Бекорга шунча ўқитяпманни уни? Ривожланган маданий ҳаёт учун у ҳам хизмат қилади. Лекин қиз бола бўлгани учун ташкилотнинг режалари га қўша олмаймиз. Аммо уни диндан чиқариш учун ҳаракат қилишимиз керак. Уни Туркияга тайёрлаяпман.

Бу гапларни эшитганим яхши бўлди. Демак, дадам яширин режаларини мендан яширяпти. Қизиқ, у қандай сир экан-а?

Айни вақтда меҳмонхона одамлар билан тўлган эди. Тирқишдан меҳмонхонани кўряпман. Қойил! Нақадар жимжитлик — сукунат бор бу ерда. Юқори даражадаги учрашув...

Эшикдан кираётганларни бирма-бир кўриб турардим.

Уларнинг паспортлари ва ушбу ташкилот томонидан берилган рухсатномаси текширилди. Буюк Британия, Франция, Америка, Жазоир, Германия, Миср, Корея, Эрон... Қойил, Саудия Арабистонидан ҳам келганлар бор! Сурия, Ироқ ва Туркиядан келганлар ҳали жуда ёш экан.

Иштирокчиларнинг исмлари ва юртларининг номи бирма-бир ўқилди. Галатиси шу эдики, диндан чиққанлар, мутаассиблар ва маданий инсонлар бир мақсад учун бирлаша олган эди.

Йифилишни Франция вакили очди. Гоятда маданий савияли, меҳмонларга илтифот кўрсатиб, топширилган ишларни яхши бажаришганини, уларнинг ҳар биридан

фаҳрланишини айтди ва мисол келтирди. Ислом давлатларидаги бурнини ҳам кўрсатмай ўраниб юрган аёллар эндиликда эркакларнинг ёнида чўмилиш кийимида юришаётган экан. Бу ҳолат бўйича Туркия биринчи ўринда эканини айтиб уларни мақтади. Тинимсиз ислом давлатларида бажарилган ишларидан гапириб берди. Энди билсам, маданиятли қилиш дегани фақат аёлларнинг очиқ-социқ юриши экан. Эронда қилинган ишлардан хурсанд бўлишди. Шоҳ Муҳаммад Паҳлавийни¹ роса макташди. Нотиқ анча гапирди, нутқи тугагач давомли олқишилар билан жойига ўтириди.

Минбарга француз чиқди. Гапларининг ҳаммасини ҳам яхши тушунолмадим, лекин менинг ишимга ярайдиган фикр берди:

— Дўстлар! 1789-йил биз учун қайта туғилиш ҳаракатидир. Катта мақсадни кўзлаб йўлга чиқдик. Худди шу тезликда тартибли ва режали ишимизни тўхтамасдан давом эттирсак, араб ва турк ҳалқининг жилови қўнимизда бўлади... Биз учун қайта туғилиш бўлган 1789-йил инқилоби соясида черковларни қўлга олдик деса бўлади. Ислом дунёсини ҳам ишғол қилишимиз мумкин эди, фақат ислом динида ибодатхоналарни вайрон қилиш камлик қиляпти. Куръон деб номланган китоби бор уларнинг. Бу китобни уларнинг қўлидан олиб қўйишимиш керак. Лекин ҳали ҳам Куръонни йўқ қилолмадик. Биз ҳамма нарсани қилдик, лекин нима учун буни қилмадик — билмайман. Энди биз янги стратегия орқали уларнинг Куръонга бўлган ишончини йўқотишимиш керак. Биз ҳамма нарсани

¹ Муҳаммад Ризо Паҳлавий (1919–1980) — 1941–1979-йилларда Эрон шохи, бош қўмондон. Паҳлавийлар сулоласи асосчиси Ризошоҳ Паҳлавийнинг ўгли. Отаси Ризошоҳнинг исьтесидан сўнг таҳтга ўтирган. 1979-йилда таҳтдан ағдарилган ва мамлакатдан кувгин килинган.

қилдик, лекин нима учун буни қила олмадик — билмайман. Бу борада Жазоир, Миср, Сурия ва Туркияда катта ютуқларга эришилди. Мустафо Камол жуда ақлли президент. Унинг ёрдами билан Туркия замонавийлашди. Туркияда жуда яқин вақтда Европа даражаларига кўтарилади. Кўрасиз, йигирма беш-үттиз йил ичидаги барча чегара-ю тақиқлар олиб ташланади ёки бизнинг раҳбарлигимизни тан олишади ва биз бунга эришамиз... Биз бу мамлакатда “Керима Нодир” гўзаллик танловини ўтказдик.

Мен мавзуни аста-секин тушунаётгандим. Ростини айтганда, бу жуда заарли нарса эмас эди. Улар ўша пайтдаги менинг нуқтайи назаримдан яхши гапиришди. Аммо черковга душманлик қилишлари яхши эмас эди.

Нихоят, отам минбарга чиқди. Ўзига ишонч билан гапира бошлади:

— Биродарлар! Дўстларимиз ҳам таъкидлаганидек, замонавий дунё учун қилган ишларимизни қиёси йўқ — уларни баҳолаб бўлмайди. Энди: “Мен атеистман, фикр эркинлигини ёқлайман”, — деб бемалол айтадиган ўқитувчилар ва давлат хизматчиларининг сони кўпайган. Менимча, бу ҳолат сизнинг мамлакатларингизда ҳам худди шундай ривожланиб бормоқда... Жазоирлик дўстимиз ўз мамлакатида бу масалада қандай ишлар амалга оширилгани ҳақида ҳисобот берадими?

Инглиз тилида хирқироқ овозда гапира бошлаган жазоирликнинг нутқини жуда қийинчилик билан эшигдим. Аммо, барибир, унинг гаплари тушунарли эди.

— Бизнинг мамлакатимизда атеизм ғоя ҳали жуда ривожланмаган. Биласизми, гарчи французлар бизнинг мамлакатимизда бўлса ҳам, мутаассиблик устунлик қилади. Жазоирнинг баъзи мусулмонлари ўз динларига жуда

содиқдирлар. Улар бизнинг тамаддунимизни ёқламадилар. Ҳар қандай ҳолатда ҳам ислом динининг қудрати қораланмади. Улар мамлакатимизни мустамлакачиликдан қутқариш учун ҳаракат қылмоқдалар. Бизнинг халқимиз, айниқса, ёшлар французларга ҳавас қилишади, лекин улар биз ҳоҳлагандай динидан воз кечмадилар. Лекин шунга қарамай, менда яхши янгилик бор. Агар французларга бўлган ҳаваслари нафратга айланмаса, жуда қисқа вақтда Жазоир француз маданияти билан таъминланади. Фақат ягона ҳавф бор: кучли художўйларнинг: “Французлар дўст эмас, кўзингизни очинг. Мусулмон бўлмаган биз билан дўст бўлолмайди”, — деб халқقا таъсири ўтказишяпти. Бундай инсонларининг кўпини ёлғончига чиқардик. Улар яна ҳам кўп ҳаракат қилишиб, халқقا таъсири ортяпти. Ёшларда динини ҳимоя қилаётган мусулмонларга қаршилик кўрсатишга эътиқодлари кучли. Шу боис уларни художўйлардан нафратлантира олдик. Келажакда Жазоирда араб ёки динга тааллуқли ҳеч нарса қолмайди. Художўйларни яхшилаб чалғитдик. Албатта, баъзан алдануб қолган жойларимиз ҳам бўляпти. Шунча уринсак ҳам баъзи ёшларни диндан чиқаролмаяпмиз. Агар яхшилаб ҳаракат қилсак, уларни ҳам қутқарамиз.

Яна қарсак чалишди. Ўтирган араб ҳам ўз юртига сотқинлик қиласпти. Қуръонда тўғри айтилибди. Мусулмон бўлмаган мусулмон билан дўст бўлолмайди. Залдаги ҳолатда мен ҳам кўрдим буни. Ким ёзган экан-а бу китобни? Мақсадни аниқ кўрсатган, жуда маъноли.

Дадам энди мисрликдан сўради:

— Сизда аҳвол қанақа?

Мисрлик ҳам ўз юртини сотганилар орасида эди:

— Бизнинг юртда ҳеч ким: “Мен диндан чиқдим”, — деб айттолмайди. Айтмайди ҳам. Лекин одамларнинг кўп-

чилиги диндан чиқа бошлаган. Тилларида айтмасалар ҳам, ислом дининг кучи деярли қолмаганинги амаллари билан кўрсатишяпти. Баъзи бойларнинг дарвозасида турадиган қоровуллари бетонда ётишади, хўжайини уларга битта кўрпа ҳам бермайди. Агар ўша одам художўй бўлганда эди, уларга еганидан едирап, кийганидан кийдирди, бетонда ётқизмасди. Англаган бўлсангиз, одамларнинг диний қоидалари йўқолган. Фақат Миср хур ўлкага айланяпти. Бу биз учун жуда ёмон. “Ислом динида босим кўп”, — десак, ҳеч ким ишонмаяпти. Чунки қанча мачит бўлса, шунча черковлар қуриляпти. Шу Ҳасан ал-Банно¹ пайдо бўлмаганида ҳаммаси яхши бўлаётган эди. Фақат 2000-йилгача нима бўлишини билиш қийин. Агар “Мусулмон биродарлари”² ташкилоти яхши ривожланса, ҳаммаси ўзгариши мумкин. Чунки Миср ёшлари биз кутгандан ҳам кучли чиқишиди. Шунча тажовузга учрасалар ҳам, ўлдириб юборилсалар ҳам, барибир, ўз динларидан чиқмадилар. Биз қойил қолдик уларга. Афсуски, сизларга ваъда беролмайман.

Навбат Туркияга келган эди. Яна ўз юртини сотгандардан бири сўзга чиққан эди:

— Бизда инглизлар босимидан, кечирасиз, ёрдами йўқ. Лекин ҳалқимиз европаликларга жуда ҳам катта ҳавас билан қарашяпти. Ислом динидан хато топишимиз

¹ Шайх Ҳасан иби Аҳмад ал-Банно (1906–1949) — мисрлик сиёсатчи ва ислогоҳчи.

² “Мусулмон биродарлар” — диний-сиёсий ташкилот. 1928-йилда Мисрнинг Исломия шаҳрида Шайх Ҳасан ал-Банно раҳбарлигида тузилган. Ташкилотнинг мақсади мусулмон ўлкаларда “исломий адолат” тамошларнга асосланган жамият барпо этишдан иборат. Унинг фаолияти кеңг изтиномий катламларни камраб олган бўлса-да, ташкилот аъзолари талаба ёшларни ўзларининг асосий зарбдор кучи деб хисоблаганлар. Ҳасан ал-Банно вафотидан сўнг “Мусулмон биродарлар” фаолияти янада сиёсийлашиб кетган. 1950-йиллардан бошлаб “Мусулмон биродарлар” харакати экстремистик фаолияти учун фақат Мисрда эмас, балки бошка давлатлarda ҳам гайриқонуний деб ўзлон қилинниб ман этилган. “Мусулмон биродарлар” харакати Миср, Сурғи, Иордания ва Ливандаги фаолият кўрсатиб, бу мамлакатлардаги сиёсий жараёнларга катта салбий таъсир килган.

билан оммага тарқатяпмиз. Уларга афюн бердик. “Динни ўрганма, агар ўрганиб бажармасанг, гуноҳкор бўласан”, — дедик. Бу бизга анча кўл келди. Бизнинг одамлар жоҳил. У ҳар бир эшитган нарсасига тадқиқотга эҳтиёж сезмасдан ишонади. Шунинг учун бизда замонавий дунёқарашиб ўз самарасини беряпти. Исломнинг камчиликларини қидираётган ёшлар гурӯҳи ҳар куни нималарни дир тошияпти. Биз бу камчиликларни ҳар хил йўл билан ёшларнинг қулоғига эшиттиряпмиз. Жуда катта ютуқларга эришяпмиз. Сизга бурнигача ўранганлар юртидан битта газета олиб келдим. Шу газетага қаранг, ярим яланғоч қизлар гўзаллик танловида қатнашяптилар. Марҳамат, “Миллият” газетаси... Куръон таълимоти асосида вояга етган юртимиз қизларининг, ёқаси ва елкаси очик аёлларнинг расмини газеталарга чиқиши катта ютуғимиздир. Ўлкамиз деярли очик-сочик юрадиганлар оломонига айланмоқда. Дадам айтарди: “Юртбошимиз Отатурк қатъий фармон чиқарган. “Коммунизм ва шариатни қаерда кўрсангиз, йўқ қилинг”, — деб. Халқимизда ислом билан шариат битта деган дунёқарашиб бор. Шариатни йўқ қилиш учун ҳамма нарса қилишяпти ва бу, албатта, ислом динига таъсир қиляпти. Дўстларимиз Отатуркка бир илтимос билан чиқишган. Агар буни уддасидан чиқишича, биз зафар қозонамиз. Лекин кайфиятимни туширадиган гап эшитиб қолдим. Отатурк Куръон тафсири ёздираётганмиш. Биз: “Уни диндан чиқардик”, — деб хурсанд бўлиб юрганимизда, унинг Ҳамди Язир исмли исломшунос бўлганлиги бизнинг умидларимизни пучга чиқаради. Энди бошқача стратегик ҳарита чизмасак бўлмайди. Яширин ҳаракат қилишимиз керак. Агар режамиз ўртага чиқиб қолса, улар бизни йўқ қилишади. “Ёзувчиларимиз ҳам замонавий бўлиш учун Туркияни европаликларга ўхша-

тиш учун ҳаракат қилишяпти”, — деган эди отам. Яширинча жуда кўп ишларни амалга оширдик. Кинолар суратга олдик. Очиқ-сочиқ юрган қизларни киноларда, телеканалларда ҳар хил хабарларда кўрсатиб ҳалқимизнинг кўзини мослаштиридик. Ўз-ўзидан бўлганий йўқ. Интилиш кучли. Аҳамияти катта ишларни амалга оширдик. Мусулмонни мусулмон билан душманга айлантиридик. Биттаси эътиқод қилганига иккинчиси бўйсунмаса, душманга айланишади. Ҳолбуки бундай гап исломда йўқ. Бир-бирларига бўлган ишончни йўқ қилдик. Жуда катта ишлар қилдик. Университетларда ҳам ислом динини камситадиган ҳофизлар тайёрладик. Ҳақиқатан, кўп ишлар қилдик. Ҳали келажакка олиб кўйган ишларимиз ҳам бор.

Залда яна қарсаклар жаранглади. Европаликларга ўхашни тарғиб қилиб асар ёзган ёзувчилар олқишлиандилар. Шуни англадимки, Европага ўхаш диндан чиқиш билан баробар эди. Абдулваҳҳобнинг нима демоқчи бўлганини энди тушундим. “Европанинг никоҳсиз туғилган болалари бор-будимизни тортиб олиб, ғуруrimиз билан ўйнашяпти”, — деганди. Шуни яхши тушундимки, “никоҳсиз туғилган болалар” деган атама дунёning ҳамма жойида бор экан.

Дадам яна гап бошлади:

— Ҳақиқат шуки, Туркияда, Ироқда, Ливияда, ҳамма ислом дунёсида катта ишларни амалга оширдик. Оддимизда бизни катта вазифалар кутиб турибди. Мустафо Камолни инглизлар томонидан мукофот билан тақдирашимиш керак. Шу йўл билан инглизларга шафқат туйғусида бўлишади. Турк ҳалқи ғалаёнга келиши керак. Булар режамиизда бор. Энди энг асосий мавзуга ўтсак. Сизларга бутуннинг маърузасини ўқиб бермоқчиман. Бунинг устида яхшилаб ишласак, Ислом дунёсининг динга оид бор

давлатдан юзтадан одам чақирсак, етади. Кейин улар мөхнат фаолиятида эришган ютуқлари учун мукофотланадилар. Уларга докторлик унвони ёки бирон медаль бердикми — тамом... каклик түрга тушди деяверинг. Фақат исломий идроки қучлиси бўлмасин. Иймони кучли бўлса, унга мукофот берсак ҳам, саройда яшатсак ҳам, бизга фойда бермайди.

Вой худойим! Бу қандай мудҳиш режа режа!

Бир лаҳза залга сукунат чўкди. Қизиқ, бу қандай сукунат бўлди? Ўтирган жойимдан ўнг томондаги охирги ўриндиқ кўринмасди. Ҳамма ўша томонга қараётганди.

Яна дадамнинг овози эшитилди:

— Сизлар бунинг учун нималар қилдингиз? Бизга бу ҳақида бир нечта мисоллар келтира оласизми?

Қайси давлатдан келганини билмайман, ўнг томонидан менга кўринмаган одамнинг овози эшитилди:

— Албатта... Ғуур билан айтаман. Инқилобларга фақат ёзиш ва нотиқлик билан эришилмайди. Ҳалқ орасидан қаҳрамонларни излаб топиш керак. Масалан ўтган йил кўкрагини газетачига кўрсатган роҳибага матбуот уюшмаси номидан жасорат медали бердингиз. Барча газеталар “жасур роҳиба” деб уни мақтаб мақолалар ёзишиди. Бу билан мингларча ёш қизларни жасоратлантирингиз. Биз ҳам шу йўлдан давом этяпмиз. Аёллар ҳукуқлари ҳақидаги фильмда суратга тушган аёлга ечингани учун кино уюшмаси томонидан мукофот бердик. Мукофотдан ташқари: “Жасоратли, баракалла, танасини кўрсатишдан кўркмайди”, — деган шиорлар айтилди. Бу билан юзларча актёр-у санъаткорларга ечиниш жасоратини бердик. “Рӯҳонийнинг севгилиси” романи муаллифига ҳам чиройли мукофот берилиди. “Рӯҳонийлар тўполон кўтармасин”, — деб, унинг ҳам йўлини қилдик. Газеталарда:

“Хозирги замон руҳонийлари руҳонийнинг севгилиси романига жуда яхши муносабат билдирилар. Фикр эркинлигини хурмат қилишларини айтдилар”, — деб ёздиқ. Мана шу иборалар руҳонийларни сокиналаштириди. Бу гапдан кейин қайси руҳоний қарши чиқади? Агар бош кўтаратидиган бўлса, миллатчиликда айблашларидан кўрқади... Мусулмон художўйларига ҳам худди шундай психологик йўлни қўлласа бўлади. Энг яххиси, ҳар бир ўлка ҳалқининг онгига икки хил дунёқарааш бердингизми — марра сизники бўлади. Биттаси — “тафаккури кенг художўй”, иккинчиси — “миллатчи художўй”. Бундан кейин художўйлар ўзларини тафаккури кенг художўй қилиб кўрсатишга ҳаракат қиласидар, бунинг учун ҳамма нарсага тайёр бўладилар. Ҳар бир соҳада бунга ўхшаган мисолларни кўпайтириш мумкин. Энг диққатни тортувчи мисоллардан биттаси отасиз фарзанд дунёга келтирган аёлларни ёқлаб мақташдир. Агар, биронта баччавозни ўртага чиқарсак, унга: “Қаранг мен баччавозман, ҳеч кимдан яширмайман”, — деб айттиrolсак, ҳалқ олдинига бош кўтариб қаршилик қиласи, вақт ўтиши билан қулоқлари ўрганиб қолади ва баччавозларга безътибор қарай бошлайдилар. Ҳалқ буни қабул қилган кун марра бизники ва сизники бўлади... Шарқдаги ва Европадаги ҳамма дин тутатилади. Ҳаммамиз бирлашамиз. Бунинг учун олдин инқилобга эришишимиз керак. Одамларни секин-секин тайёрлаб боришишимиз керак. Хуллас, дўстлар Ер юзида дин деган тушунча қолмайди. Европа маданиятига хос дўстлик ва биродарлик бутун дунёга кенг ёйлади. Бешинчи ва энг зарур бўлган масала шуки, энди учинчи дунё мамлакатларига оғир саноат ишлаб-чиқаришига имкон бермаймиз. Уларни йиғма монтаж ишлари билан машғул қилиб турамиз. Мана, масалан Туркияда самолёт ишлаб-чиқа-

риш корхонаси қурилиши мұлжалланған эди, аммо Америка олиб қўйди. 1926-йилда корхона мутлақо тугатилади. Фақат Туркия оёққа турмасин деб. Американинг бу қилиғидан ўз манфаатимиз йўлида фойдалансак бўлади. Учинчи дунё халқлари битта нарсага ишонишлари керак: “Бизнинг ўлкамиз орқада қолибди, дин бизни қолоқ қилиб ташлабди”, — деб. Ҳеч кимнинг ақлига ҳам келмайди бу нинг ўйин эканлиги. Майли, даврамизда олға қараб интилишимиз учун ҳар хил паст ишларга рухсат берилган. Яна учинчи дунё одамлари щунга ишонишлари керак: “Биз ҳеч қачон самолёт машина ишлаб чиқарадиган корхоналар ишга туширолмаймиз”, — дейишлари керак. Улар халқ истеъмоли ишлаб чиқариш корхоналарини ишлатишлари керак. Ўйлаб кўринг, юз тонналаб пахта етиширувчи инсон, неча йиллаб ишлагандан кейин бор-йўғи битта дона самолёт олиши мумкин. Халқнинг қувватини тугатиш керак. Бир қанча ўлкалар уйғонгунча социалистик, замонавий ва илғор Европа давлатларига ҳаваслари ошади. Биз ҳеч иккilanmasdan уларнинг орқада қолиш сабабларини ислом динига тўнкадикми — бўлди, ишимиз битади. Шундоқ ҳам аёлларнинг очиқ-сочиқ юришларида катта натижага эришдик. Унутманг, замонавий ривожланиш йўлида аёлларнинг бошларидағи ёпинчиқларини олдингизми — энди ич кийимларини кўрсатиб юришларига ҳам эришасиз. Бунинг ҳаммаси бизга боғлиқ. Ҳурматли меҳмонларимиз хафа бўлмасинлар. Оддин ўзимиз уларга ўrnak бўлишимиз керак. Шундоқ ҳам сизнинг ўлангиз бизники бўлади, бизнинг ўлка эса сизники бўладику...

Бундай сұхбатнинг охири кўринмайдиганга ўхшарди.

Энди уларнинг гали меъдамга тега бошлаганди.

Дадамниг режаси тугай демайди. Ким томонидан тузилган бўлса, жуда ҳам мукаммал режа эди.

Нихоят танаффус берилди. Тамадди қилиб олиш учун меҳмонхонанинг орқа томонига ўтдилар. Менинг ҳам кормим очди, ҳам жуда ҳам чанқаган эдим. Кўнглим айниб, ҳушимдан кетаёзгандим. Бошқа чидай олмасдим. Қарасам, ўриндиқларда ҳеч ким кўринмаяпти, ҳаммаси тамадди қилиш учун чиқиб кетган, шекилли. Жойимдан сакраб турдим-да сахннинг орқа томонидаги эшикдан ўзимни ташқарига отдим.

* * *

Дадамнинг ниятини англаганим сари мен қўрқардим. Эшитганларимнинг ҳаммасини ойимга гапириб бердим. Ойим кўпроқ ислом ўлкалари билан шуғуланишаётгани учун унча эътибор қилмади. Мен эса икки кунгача ўзимга келолмадим. Демак, дунё кутилмаганда ўзидан ўзи динсиз бўлиб қолмаган. Бунга эришиш учун хизмат қилганлар эса ўз улушини оларди.

* * *

Роҳиба Элизанинг ёнига бордим. “Менга ислом динининг камчиликларини айтинг”, — дедим. Ниятим нима эканлигини тушунтирдим, албатта. У менга: “Исломда эркак аёлининг вужудини кўрмасдан бирга бўлсин” деган оят бормиш, жуда ҳам кулгили, шу сенга етадими?” — деди. Ҳеч вақт ўтказмасдан Абдулаҳҳобдан буни ҳам сўрадим. Менга шунақангি ачиниш билан қарадики, ўзим ҳайрон бўлиб қолдим.

Абдулаҳҳоб бу сафар жуда қисқа гапирди:

— Мария хоним, сен жуда ҳам ақлли, ёш қизсан ҳамда университетда ўқийсан. “Бундай бўхтонни, ўта

пасткашлар, атеист ёки даюслар, дин душманлари айтишлари мумкин", — деб ҳеч ўйлаб кўрмадингми? Шуям гап бўлдими? Ислом дини эр хотиннинг бир бирига ўранниб эмас, балки жозибали кўринишлари учун ҳаммасига рухсат берган. Сенга нотўғри йўл кўрсатибди.

Яна мени ҳайрон қолдирди. Яна ғуруримни оёқости қилгандай бўлдим. Ўзимдан уядим. Уйга боришим билан хонамга кириб кетдим. Мен тушган бу ҳолат жуда ачинарли эди. Шунчалар кўп йигладимки, сўз билан тушунтириб беролмайман. Йиглаб-йиглаб ухлаб қолибман.

Ўйғонганимда ойим ёнимда ўтирган экан. Уни кучоқлаб яна йигладим ва:

— Тасаввур қиляпсизми, ойижон, оддий бир мусулмон мени қандай эзди. Ачинарли ҳолатда тушдим. Руҳонийлар, роҳибалар исломни тан олмаслик учун нотўғри маълумотларга таянишадими? Ҳайратдаман, ойи, нима қилишимни билмай ҳайронман. Мехмет насроний динига ўтмаса, тамом бўламан? Усиз яшай олмайман, ойи! Руҳонийларнинг берган маълумотларидан Мехмет насроний бўлмайди.

Бирдан хаёлимда янги фикр пайдо бўлди. Жойимдан туриб деразанинг ёнига бордим. Ойимга ўгирилиб ғазаб билан ҳаммасини гапириб ташладим:

— Ёки менга тўғри йўл кўрсатишади, ёки мен черковдан бўйин товлаб, осий бўлишга ҳам тайёрман.

— Сен бундай қилмайсан, сени яхши биламан. Қаердаги жоҳил мусулмонни деб Исони, Марямни хафа қилмайсан. Худони хафа қилмайсан, бир эркак учун Инжилни сотмайсан.

Мен бироз ҳаддан ошгандим. Ҳовурумдан тушиб, сал ўзимга келгандай бўлдим. Бўлмағур гапларни гапирганим нимаси?

— Албатта, сотмайман, ойижон. Менинг гапларимга эътибор қилманг. Бемаъни гаплар гапирдим... Жуда ҳам хурмат қилган ўша епископдан жаҳдим чиққанди.

— Тавба қил, Мария! Епископга тил теггизма.

Ўзимни тутолмай бақириб ташладим:

— Оий! Епископга тил теггизганим йўқ. Диљдаги ғазабим тилимга чиқиб кетяпти. Атайнин қилаётганим йўқ.

— Тарбиясизлик қилма! Ғазаблансанг ҳам епископни ҳақорат қилишга ҳаққинг йўқ!

— Оий! Епископ ҳам, роҳиба ҳам мени шарманда қилишди. Жаҳд қилишга ҳам ҳаққим йўқми? Тушунсангизчи, битта мусулмоннинг ёнида мени пастга уришди. Эртага бош епископ...

Бирдан дадамни эшик ёнида турганини кўриб қолдим. Дадам нимани гаплашаётганимни билмади-ю, аммо епископга қарши исён қилганимни эшлибди. Чехраси очилиб, хурсандчилигини сездирмасликка ҳаракат қилиб жавоб берди:

— Гапинг тўғри, қизим. Руҳонийлар ва бошқа художўйларга ақлли гап гапирдингми — сендан ёмони йўқ. Дарҳол исён қилишади. Ҳар бири гўё бир пайғамбар, гўё бир худо бўлиб олишади.

Дадамнинг гапларидан ҳам ғазабланардим, аммо жим турардим.

Ўша кеча яна ухлай олмадим... Сал кўзим илинди дегунча, тушимда ўзимни Абдулваҳҳобнинг ёнида шарманда бўлган ҳолатимни кўтардим.

* * *

Ниҳоят бош епископнинг ёнига бораман. Қалбим ҳаяжондан чирпинарди. Қизиқ, менга қандай маслаҳат берар экан, нима дер экан?

“Шу ҳолимга қаранг”, — дердим. Куръон китобида ёзилганидек, Ислом динининг хатосини қидираётгандим.

Кўп ўтмай бош епископ келди. Ўрнимдан турдим. “Ўтири”, — деди илтифот билан, ўтиридим. Ҳаммасини бошидан охиригача гапириб бердим. У ҳам сабр билан эшилди... Гапим тугагач, қаҳқаҳа отиб кулди ва ўзига бўлган ишонч билан жавоб берди:

— Бекорга шунча сиқилибсан, Мария. Мен сенга шунчалар мукаммал маълумот бераманки, ўша бола сенинг ёнингда бир дақиқа ҳам туролмайди.

— Вой, ростданми, жаноб епископ? Тангри сизни қўрисин! Мени хурсанд қилдингиз.

— Биринчи бўлиб у билан Куръонни муҳокама қил. Тангри Инжил тургандга нега бошқа китобни юборсин? Муҳаммад Куръон сўзларини Инжилдан кўчириб олган. Улар бу сўзларни оят деб аташади. Сен олдин шуларни муҳокама қил. Иккинчи ва жуда керакли масала — аёлларга нисбатан қилинган ҳақсизликлари. Ўзинг ўйла, мероснинг яримини аёлларга, ҳаммасини эркакларга беришади. Яъни аёллар бир ҳисса, эркаклар икки ҳисса олишади. Бунинг сабаби эса шуки, мусулмонларнинг шариатига кўра, аёллар ярим одам деб қабул қилинган. Шунинг учун меросни ярим олишади.

Булар жуда зўр маълумотлар эди. Абдулваҳҳоб энди бунга жавоб топиб беролмайди. Меҳметни унутиб Абдулваҳҳобни нишонга олгандим. Қўрқанимдан яна сўрадим:

— Епископ жанoblари, башарти бунга ҳам жавоб берса-чи.

— Бўлиши мумкин. Лекин мантиқли жавоб топиши қийин.

— Ҳа, гапингиз тўғри, ҳақлисиз. Инжил бўла туриб нега Куръон китобини туширди экан-а? Мерос масаласи

ҳам жуда керакли масала.

— Икки хотин ҳисобига битта эркакни гувоҳ қилиш масаласи бор. Бир эркакнинг ёнида иккита хотин гувоҳлик қиласди. Муҳаммад таълимотида икки аёл битта эркакка тенглаштирилади.

— Ҳақиқатан ҳам? Ҳақиқатан ҳам, Куръонда шундай дейилганми?

— Худди айтганимдай. Куръонда аёлларни камситиш ҳолатлари бор...

— Ана энди Абдулваҳҳобни паришон қиласман. Аҳмоқ Абдулваҳҳоб аёлларнинг шунчалик хўрланишига қандай кўз юмган экан-а.

Қай тарзда бош епископга ташаккур айтиб, қандай қилиб у ердан чиқиб кетганимни эслолмайман. Машинани катта тезлиқда ҳайдаб, Абдулваҳҳобнинг ёнига учиб келгандим. Ҳалокатга учрашимга ҳам сал қолганди ўшанда. Ҳаяжондан машинани ўт олдирганда кўл тормозини туширишни унуглан эканман.

Ётоқхонага етиб борганимда Абдулваҳҳоб эшик ёнида турган экан. Мени кўриб ҳайрон бўлиб қолганди.

— Тинчликми, Мария хоним! Яна нима бўлди?

— Бу сафар сен карахт бўлиб қоласан. Кел, хоҳласанг, биронта кафега бориб ўша ерда суҳбатлашамиз.

— Кафегами? Йўқ, бўлмайди. Кел, яхшиси, ётоқхонанинг меҳмонлар учун ажратилган хонасида ўтирамиз.

Ўзимча: “Сенинг ҳозир кунингни кўрсатаман”, — дедим. Хурсанд эдим. Бунга қарши изоҳ топиши мумкин эмасди.

— Абдулваҳҳоб! Куръон Оллоҳнинг сўзи эмас экан, шуни билармидинг?

Масхараомуз оҳангда сўради:

— Йўғ-ей! Буни қандай кашф қилдингиз?

— Сиз Инжилнинг Оллоҳдан келган китоб эканлигига ишонасизми?

— Албатта, ишонаман! Аммо ҳақиқий Инжилга ишонаман.

— Агар Оллоҳдан келган экан, нега Оллоҳ битта юборган китобининг орқасидан яна Куръонни юбориши керак?

— Сиз Тавротга¹ ишонасизми?

— Албатта.

— Унда нега Таврот бўла туриб Инжил келган?

Бирдан бошимга болға билан бўлди. Нима дейишими билмасдим. Жим туришни танладим.

У гапида давом этди:

— Таврот бўла туриб Инжилнинг тушиши, Инжил бўла туриб Куръоннинг тушиши суннатdir. Ҳаммасидан олдин Эллик саҳифа² бўла туриб, Ўн саҳифа³; Забур⁴ бўла туриб, Таврот туширилганди... Оллоҳ ҳар бир умматини

¹ Таврот (яҳудийча: "тора" — таълимот, конун) — иудаизм динининг мукаддас китоби. Таврот 5 та китобининг (Ибтидо, Чикниш, Ловий, Сонлар, Иккинчи конуннинг) умумий номи. Иудаизм ва ислом ақида бўйича, Таврот Аллоҳнинг Мусога Жаброил орқали туширган китоби. Кўпинча у "Мусо конунлари" деб хам аталади. Куръонда Таврот ҳакида бир канча оятлар бор. Куръонга кўра, Инжилдаги каби Тавротда ҳам яхудийлардан бўлмаган Аҳмад исмли пайгамбарнинг дунёга келиши ҳакида айтилган. Мусулмон адабиётida "Қадимги аҳд"да учрайдиган барча китобларни Таврот деб атайдиilar.

² Эллик саҳифа — Оллоҳнинг томонидан Шис алайхиссаломга туширилган илоҳий саҳифалар.

³ Ўн саҳифа — 1) Оллоҳнинг Одам алайхиссаломга туширган илоҳий саҳифалар (айrim манбаларда Одам алайхиссаломга йигирма бир илоҳий саҳифалар туширилганлиги ҳакида ҳам маълумот бор); 2) Оллоҳнинг Иброҳим алайхиссаломга мазазон ойининг илк кечасида туширган илоҳий саҳифалар. 3) Оллоҳнинг Мусо алайхиссаломга Тавротдан олдин туширган илоҳий таълимот. (Бизнингча, адаб 10 саҳифа деганида Иброҳим алайхиссаломга ёки Мусо алайхиссаломга туширилган саҳифаларни назарда тутган. Валлоҳу аълам бис-савоб (Тўгрисини Аллоҳнинг ўзи билади). Одам алайхиссаломга, Иброҳим алайхиссаломга ва Мусо алайхиссаломга (Тавротдан олдин) илоҳий саҳифалар туширилгани аник, лекин саҳифаларнинг сони ҳакида ишончли маълумотни топа олмадик. Уларга илоҳий саҳифаларнинг туширилганлигининг исботи тарикасида эса Куръон китобида келтирилган қўйндаги маълумотни тақдим этамиз: "Дарвоке, бу (оятлар) аввалги (пайгамбарларга нозил бўлган) саҳифаларда — Иброҳим ва Мусо саҳифаларида (ҳам) бордир". (Аъло сураси: 18–19-оятлар. Шай Абдулазиз Мансур таржимиаси ва тафсiri)

⁴ Забур — Довуд алайхиссаломга туширилган самовий китоб.

бошқа шариат билан, яъни ҳуқуқ билан имтиҳон қилган. Аммо асосий қоидалар Ҳазрати Одам алайхиссаломдан бери ўзгармаган... Бешинчи синфни битириб, олтинчи синфга ўтган ўқувчи ҳар хил китоб ўқиб имтиҳон топширади, аммо асосий қоидалар, ҳарфлар бир хиллигича қолган ўзгармайди. Бу масала бўйича бешта китоб ёёса бўлади. Буларнинг ҳаммасини ҳозирнинг ўзида беш дақиқа ичida тушунтириш қийин. Шуни билишингни хоҳлардим: Куръон ўзидан олдин келган ҳамма китоблар ичida устунидир. Куръон Инжилнинг, Тавротнинг тўлдирилган, бойитилган нусхасидир. Инсонлар Оллоҳга қарши нонкўрлик қилиб исён кўтардилар. Забурга, Тавротга, Инжилга ўзгартириш киритдилар. Оллоҳнинг китобини бузиб, ўз хоҳишлирига кўра ўзгартириш киритганлари учун Оллоҳ ҳар гал ўз кулларига амрларини бошқа янги китоб орқали жўнатган. Куръонга ўзгартириш киритилмайди. Уни ҳимоя қилишни Оллоҳ ўз зиммасига олган.

Кутганимдай бўлмаган эди. Абдулваҳҳобнинг тушунтиришлари олдида гапириш учун қалима тополмаётган эдим, шунинг учун иккинчи масалани сўрадим:

— Хўш унда мерос масаласи-чи? Нима учун ислом динида аёлларга бир ҳисса, эркакларга икки ҳисса мерос берилар экан. Ислом динида аёллар ярим инсон ҳисобланар экан, шу тўғрими?

Бошим ғувулларди. Ўзимни ҷалғитиши учун ўнггачапга қараб атрофни кузатдим. Узун залнинг деразасида чиройли гуллар бор экан. Менинг ичимдаги қора рангларга қарши гулларнинг ранги гўзал ва ёрқин эди. Қаршимда ўтирган Абдулваҳҳоб вазминлик билан жавоб берди:

— Мени яхшилаб тингла. Қисқа қилиб тушунтиришга ҳаракат қиласман. Ислом динида аёлларнинг моддий жиҳатдан бирорвга муҳтоҷлиги йўқ. Тушунсангиз-чи, ахир.

АЁЛ-НИНГ БОШ-ҚА-ЛАР-ГА МУҲ-ТОЖ-ЛИ-ГИ ЙЎ-Ү-ҮҚ.
Олдин нима учун аёлларнинг муҳтож эмаслиги сабабини тушунтираман. Аёлнинг руҳияти жуда ҳам сокин, моддиятни ўйлашига ҳожат йўқ. У на боласининг нафақасини, на эрининг пулларини сақлашга мажбур эмас. Бир хонадоннинг иккита фарзанди бор деб тасаввур қилайлик. Биттаси — қиз фарзанд, иккинчиси — ўғил фарзанд. Вақт келиб, биттаси турмушга чиқди. Иккинчиси уйланди. Иккаласининг ҳам учтадан фарзанди бўлди деб тасаввур қилайлик. Ўғилнинг оиласидаги одам сони қанча бўлишини ҳисоблайлик: фарзандлари — 3 та, турмуш ўртоғи — 1 та, ўзи — 1 та, ота-онаси — 2 киши. Ҳаммасини ҳисобласак 7 киши бўлди. Энди шу 7 кишини ўғил фарзанд боқиши керак. Ана шу ўғил фарзанднинг синглиси эса ҳеч кимни боқишга мажбур эмас. Агар қиз фарзанднинг ўзи бой бўлиб, ота-онаси камбағал бўлса, ўшандагина ота-онасини боқиши керак бўлади. Аёлларга доимо оилада меҳр кўрсатилиб, рағбатлантириб турилмаса, оилада мувозанат йўқолади. Аёлнинг яшаш шароити қийинлашган кундан эътиборан шафқат қанотлари чўка бошлайди. Аёллар юриш-туриши, еб-ичиши учун пул топишни ўйламайдилар. Оилани боқиш эркакнинг бўйнида. Энди ўзинг айт: нима учун эркаклар аёллар билан бир хил миқдорда мерос олишлари керак? Агар мерос тенг бўлинса, тенглик сақланган бўларди, аммо бу вижданга тўғри келадими — ўйлаб кўр.

- Бўлти,унда гувоҳлик масаласи-чи?
- Гувоҳлик масаласида нима бўлибди?
- Битта эркак учун иккита аёл гувоҳлик қилиши шартмиш. Тўғри, сизлар аёлларни ярим инсон деб қабул қилганингиз учун бўлса керак-а?
- Ростданми? Устозинг шундай дедими? Сизларга

жуда ҳам ачиняпман. Нукул алданар экансизлар. Қаранг, Мария хоним. Ислом дини сиз эшитган ёки күрганингиздек эмас. Сиз ҳозирги замон мусулмонларининг яшашларига қараб баҳо берманг. Ҳаммасини энг яхши билгувчи Оллоҳдир. Ўша масала бўйича Оллоҳ шундай дейди: "...Агар эркак бўлмаса, гувоҳ сифатида битта эркак ва иккита аёл келтиринг. Аёллардан бирининг эсидан чиққанини иккинчиси эслатсин..." (*Бақара сураси 282-оят*). Бунда эслаш қобилияти ҳақида гап бўляпти. Аёллар эркакларга нисбатан жуда ҳам таъсирчандир. Болалар тарбияси билан кўпроқ улар шуғулланишгани учун ҳам унутиши мумкин. Улар кўпроқ ҳиссиётга берилувчан бўлишади, шунга кўра шарҳлаши мумкин. Лекин бу уларнинг ийманини синаш ҳақидаги бир оятдир. Аёл ҳиссиётга берилувчи нозик хилқатдир. Балки, унутиши мумкин. Бу саволнинг бир нечта жавоби — шу. Агар сизнинг ярим инсон деган қарашингиз тўғри бўлганда ислом динида аёлларга бошқача муносабатда бўлиш амри берилган бўларди. Мисол келтираман, ислом динига кўра битта одам бошқа биттасини ўлдириб қўйса, у ҳам ўлим билан жазолантирилади. Агар ислом дини хукмлари тарғиб қилишда аёл эркакдан фарқланганда эркакни ўлдирганга ҳам, аёлни ўлдирганга ҳам бир хил жазо қўлланмаган бўларди. "Аёл ярим инсон бўлса, жазонинг ҳам яримини берамиз", — деган бўларди. Лекин бундай эмас. Эркакни ўлдирганга ҳам аёл ўлдирганга ҳам бир хил жазо қўлланилади. Кўрдингми, буларнинг ҳаммасини сизларда бошқача қилиб айтишар экан. Ҳатто шундай вазиятлар бўладики, унда фақат аёлнинг гувоҳлиги эътиборга олинади, эркакни олинмайди. Бунга нима дейсизлар? "Эркак ислом динида одам ўрнида кўрилмайди", — деб гап чиқарасизларми?

— Нима! Эркакларнинг гувоҳлиги ўтмайдиган жойи

ҳам борми?

— Ҳа. Битта она сутини эмган ака-укалар. Ўшанда эркакнинг гувоҳлиги ўтмайди. Баъзи бир масалаларда аёлнинг гувоҳлиги эркакнинг гувоҳлигидан устун туради.

— Мумкин эмас. Руҳонийларнинг буни менга раво кўришлари мумкин эмас! Худойим, ўлгим келяпти, ўлиши ни хоҳдайман!

Ўзимни тутолмай бу сафар овоз чиқариб йиғлай бошладим.

Абдулваҳҳоб аҳволимга тушунолмай ҳайрон бўлиб қолди:

— Нега йиғлайсиз, Мария хоним? Сизга қандай ёрдам берсам бўлади?

— Беролмайсиз! Менга ёрдам беролмайсиз! Сизнинг ёнингизда динимизни ҳимоя қиломаяпман.

— Аммо ҳеч ким Куръонга қарши туролмайди-ку! Бунда сизнинг айбингиз йўқ. Куръонга қарши чиқиб бўлмайди. Қарши чиқсан ютқизади. Асосан бу иймонга боғлиқ, мантиққа эмас. Хафа бўлманг, Мария хоним. Мусулмон бўлинг, ҳам Инжилга, ҳам Ҳазрати Исога, ҳам Ҳазрати Марямга бўлган ишончингизни давом эттиринг... Нега бунча хафа бўласиз?

Ич-ичимдан: “Энди ўз динимнинг муаммоларини менинг динимга ишонмайдиган одамга тушунтиришга мажбур эдим! Тангirim, бу қандай пасткашлик!” — деб йиғлардим.

Зўрга бир-икки гап айтодим:

— Мен мусулмон бўлмайман, Абдулваҳҳоб! Мен сенинг олдингда ютқизиб қўйганимга уяляпман.

— Бунинг нимасига уяласиз, Мария хоним? Агар менинг ҳам диний билимларим бўлмаганда мен ҳам сизнинг саволларингизга жавоб тополмай уялиб қолардим.

Фақат сиз эмас, епископингизни олиб келсангиз ҳам, Ислом динини яхши билганларнинг олдида ютқазишиңгиз аниқ! Шунинг учун сиз хафа бўлманг.... Жавоб тополмаган сиз эмассиз. Ютқазганлар сизга: “Насроний дини — энг устун дин”, — деб ўргатган черковдагилардир.

Ожизлигимдан йифлайвериб бир аҳвол бўлиб қолгандим. Аекин таслим бўлиш йўқ.

Охирги ҳамлага ўтдим:

— Сизни епископимизнинг ёнига олиб борсам, у билан тортишасизми?

— Албатта, тортишаман. Лекин ҳаммасини ҳам билмайман-да. Мен билган саволларни берса, албатта, керакли жавобни бераман. Ислом динига бундай тұхматлар қилишига йўл қўймайман, унинг овозини ўчираман. Жим қилолмасам-да, гапирган гапларининг қадри қолмайди. Фақат эътиroz қилиш учун гапириши мумкин бўлади.

— Илтимос қиласман, бизнинг художўйларимизга тил теггизманг.

— Аслида мен илтимос қилмоқчиман. Тил теггизиш нимаси! Шубҳасиз, уларнинг ичида ҳам яхшилари ҳам бордир. Бу гапим фақат динимизга ва Инжилга тұхмат қилғанларга тааллуқли, маъсум бўлган немислар ёки инглизларга тааллуқли эмас.

— Қанақасига?

— Инжилни: “Замонга тўғри келмаяпти”, — деб ўзгартириш киритдилар. Нотўғри тушунманг, биз немис халқига ёки ҳақиқий насронийларга тил теггизмаяпмиз. Насронийлар билан ишимиз ҳам йўқ. Чунки Оллоҳ: “Куръон ҳақиқий ва ўзгармайдиган ва ҳукми қиёматгача ўз кучини йўқотмайдиган охирги китобдир”, — деб буюргани учун Куръонга иймон келтирдик. Ўзгартириш кирит



тилмаган Инжилни ҳам тан оламиз ва ҳеч нарса йўқотмаймиз.

— Илтимос қиласман... Энди сизнинг сафсаталарингизга тоқат қилолмайман. Епископ билан учрашув белгилайман. Нима гапингиз бўлса, унга айтасиз.

Келишиб олгач хайрлашдик. Уйга қайтганимда дадамни асабий ҳолатда кўрдим. Хизматкорни ишдан бўшатибди. Хизматкорнинг ғалати қиликлари бор эди. Зарурат туғилиб қолса, сизларга кейин гапириб берарман. Ўша куннинг ўзидаёқ янгисини олиб келибди.

“Нега бундай қилдингиз, дада?” — деганимда, хизматкорни ўзининг энг яқин дўстларидан бири эканлигини тан олди. Жуда ҳайрон бўлдим.

Нимагадир ўтган куни бўлган йиғилишни яширинча тинглаганимни дадамга айтгим келди ичимдан. Лекин дадамдан кўрқардим. Майлига, қўрқсан ҳам айтишга қарор қилдим.

Янги уй ишчимизнинг исми Вера эмиш. Верага иккита қаҳва тайёрлашини айтиб дадамнинг хонасига чиқиб кетдим:

— Кел, гўзал қизим, қани, ўтири-чи, жигарим. Бир ота-қиз бирга ўтириб ҳасратлашайлик. Сени охирги пайтларда кўпинча кайфиятингни бузуқ кўряпман?

— Тўғри кўрибсиз, дада, жуда ҳам кайфиятим бузуқ.

— Ҳанс учун хафамисан?

— Худо асрасин! Ҳансни ҳаётимдан чиқардим, дада. Мехметни биласиз-ку, яқинда келмоқчи.

— Ҳанс Америкага кетгани учун шундай деяпсан. Уни мен шошилинч жўнатган эдим. Махсус хат олиб бориши керак эди.

— Дада, бекорга овора бўлманг. Ҳанс мени зарра-

чалик қизиқтиrmайди.

Бироз жим тургач гапни мутлақо бошқа томонга буриб юбордим:

— Дада, эсимга тушганда сўрамоқчиман. Сиз Инжилдан қандай қилиб воз кечгансиз?

— Оддий, замонга мос келмаганини кўрдим.

— Яъни Тангри юборганига ишонармидингиз?

— Албатта.

— Бўлмаса сиз Худога ишонасиз.

— Ишонаман. Албатта, атомни¹ моддага, моддани ҳужайраларга² айлантирган, хромосомаларни³ эътибор билан бошқараётган бири борлигини биламан.

— Бўлмаса, қандай қилиб уни хато қиласди деб ўйлайсиз? У бизнинг замонимиздаги ишларнинг қандай бўлишини билмасмиди? Йўқ, сиз Инжилни Тангри юборганига ишонмайсиз. Агар ишонганингизда саккиз миллиард йилдир табиатнинг қонунлари ўзгармаганини, буларнинг ҳаммаси Оллоҳ томонидан бошқарилиши ҳам исбот бўларди сизга. Нега шунча чиройли қилиб бошқараётган Оллоҳ китобни хато ёёсин?

— Вой! Мени хафа қиляпсан, Мария. Мен сенинг атеист бўлишингни кутиб юрганимда, нега бундай гапларни гапиряпсан? Инжилни Худо юборган бўлса, Оллоҳ тўғри гапираётган бўлса, нега руҳонийлар Оллоҳнинг сўз-

¹ Атом (юонча: atomos — бўлинмас) — кимёвий элементнинг барча хусусиятларини ўзида саклаган энг кичик массали ва ўлчамли зарраси.

² Ҳужайра (арабча: кичкина хона, ҳужрача; катакча) — такомиллашиши, тузилиши ва яшаш жараёнларнинг асоси бўлган элементар тирик система (моддалар алмашинувида иштирок этиши, янги ҳужайра ҳосил қилиши ва доимо янгиланиб туриши ҳужайранинг ўзига хос хусусияти хисобланади).

³ Хромосомалар (хромо... ва юонча: soma — тана) — ҳужайрадаги генларни ўзида сакловчи, ҳужайра ва яхлит организм учун хос хусусиятларни белгиловчи органоидлар. Ўз-ўзидан кўпайиш хусусиятига эга. Организмлар хромосомалари тузилиши ва функциясига кўра бирбиридан фарқ қиласди.



тилмаган Инжилни ҳам тан оламиз ва ҳеч нарса йўқотмаймиз.

— Илтимос қиласман... Энди сизнинг сафсаталарингизга тоқат қилолмайман. Епископ билан учрашув белгилайман. Нима гапингиз бўлса, унга айтасиз.

Келишиб олгач хайрлашдик. Уйга қайтганимда дадамни асабий ҳолатда кўрдим. Хизматкорни ишдан бўшатибди. Хизматкорнинг ғалати қиликлари бор эди. Зарурат туғилиб қолса, сизларга кейин гапириб берарман. Ўша куннинг ўзидаёқ янгисини олиб келибди.

“Нега бундай қилдингиз, дада?” — деганимда, хизматкорни ўзининг энг яқин дўстларидан бири эканлигини тан олди. Жуда ҳайрон бўлдим.

Нимагадир ўтган куни бўлган йиғилишни яширинча тинглаганимни дадамга айтгим келди ичимдан. Лекин дадамдан кўрқардим. Майлига, қўрқсан ҳам айтишга қарор қилдим.

Янги уй ишчимизнинг исми Вера эмиш. Верага иккита қаҳва тайёрлашини айтиб дадамнинг хонасига чиқиб кетдим:

— Кел, гўзал қизим, қани, ўтири-чи, жигарим. Бир ота-қиз бирга ўтириб ҳасратлашайлик. Сени охирги пайтларда кўпинча кайфиятингни бузуқ кўряпман?

— Тўғри кўрибсиз, дада, жуда ҳам кайфиятим бузуқ.

— Ҳанс учун хафамисан?

— Худо асрасин! Ҳансни ҳаётимдан чиқардим, дада. Мехметни биласиз-ку, яқинда келмоқчи.

— Ҳанс Америкага кетгани учун шундай деяпсан. Уни мен шошилинч жўнатган эдим. Махсус хат олиб бориши керак эди.

— Дада, бекорга овора бўлманг. Ҳанс мени зарра-

чалик қизиқтиrmайди.

Бироз жим тургач гапни мутлақо бошқа томонга буриб юбордим:

— Дада, эсимга тушганда сўрамоқчиман. Сиз Инжилдан қандай қилиб воз кечгансиз?

— Оддий, замонга мос келмаганини кўрдим.

— Яъни Тангри юборганига ишонармидингиз?

— Албатта.

— Бўлмаса сиз Худога ишонасиз.

— Ишонаман. Албатта, атомни¹ моддага, моддани ҳужайраларга² айлантирган, хромосомаларни³ эътибор билан бошқараётган бири борлигини биламан.

— Бўлмаса, қандай қилиб уни хато қиласди деб ўйлайсиз? У бизнинг замонимиздаги ишларнинг қандай бўлишини билмасмиди? Йўқ, сиз Инжилни Тангри юборганига ишонмайсиз. Агар ишонганингизда саккиз миллиард йилдир табиатнинг қонунлари ўзгармаганини, буларнинг ҳаммаси Оллоҳ томонидан бошқарилиши ҳам исбот бўларди сизга. Нега шунча чиройли қилиб бошқараётган Оллоҳ китобни хато ёёсин?

— Вой! Мени хафа қиляпсан, Мария. Мен сенинг атеист бўлишингни кутиб юрганимда, нега бундай гапларни гапиряпсан? Инжилни Худо юборган бўлса, Оллоҳ тўғри гапираётган бўлса, нега руҳонийлар Оллоҳнинг сўз-

¹ Атом (юнонча: atomos — бўлинмас) — кимёвий элементнинг барча хусусиятларини ўзида саклаган энг кичик массали ва ўлчамли зарраси.

² Ҳужайра (арабча: кичкина хона, ҳужрача; катакча) — такомиллашиши, тузилиши ва яаш жараёнларнинг асоси бўлган элементар тирик система (моддалар алмашинувида иштирок этиши, янги ҳужайра ҳосил қилиши ва доимо янгиланиб туриши ҳужайранинг ўзига хос хусусияти хисобланади).

³ Хромосомалар (хромо... ва юнонча: soma — тана) — ҳужайрадаги генларни ўзида сакловчи, ҳужайра ва яхлит организм учун хос хусусиятларни белгиловчи органоидлар. Ўз-ўзидан кўпайиш хусусиятига эга. Организмлар хромосомалари тузилиши ва функциясига кўра бирбиридан фарқ қиласди.

ларини ўзгартирди? Улар Худодан ҳам яхши билишадими?

— Дада! Оллоҳ бу гапларни бошқа китоб орқали билдираётган бўлса-чи?

— Масалан?

— Масалан, Куръон...

Дадам қотиб-қотиб кулиб олгач жавоб берди:

— Кулгимни қистатма, қизим. Мен ҳозир Оллоҳнинг сўзларига ишонган Куръон тарафдорини кўряпманми? Оллоҳдан хабар олганлар шундай бўлишадими? Мана Миср, Сурия, Жазоир, Албания, Озарбайжон, Туркия... Қаерга борсанг, бор — ўша ўлка одамлари, айниқса, ёшлилари кимнинг гапини тасдиқлашаётган экан.

— Фақат бу билан Куръоннинг қадри йўқолмайди-ку. Куръоннинг ҳукмларига мусулмонлар томонидан итоат қилинмагани исбот қилинади.

— Сен мусулмон бўлмоқчимисан?

— Мусулмонлар айтганидек, Худо асрасин, дада! Бу нима деганингиз? Буларнинг ҳаммасидан беҳузур бўлганим учун сўрадим. Руҳонийлар жаҳлимни чиқаришди. Қаердаги калтафаҳм мусулмоннинг, олдида паст бўлиб қолдим. Эртага роҳиба Моникадан дарс ўрганаман.

Тўсатдан эсимга тушиб қолди, ахир, мен дадамга ўзимни динсиз қилиб кўрсатмоқчийдим-ку. Бирдан гапни бурдим:

— Нега бормоқчиман биласизми, дада, насронийлик ҳакида кўп нарса ўргансам, унга, яъни насронийликка қарши ичимдан ишончсизлик пайдо бўларди деб ўйлаяпман. Кейин афсусланмаслик учун.

— Ишончинг комилми?

— Албатта, дада.

— Лекин унақага ўҳшамаяпти. Охирги пайтларда

паришонхотир бўлиб қолгансан. Ҳафасан. Ҳоҳласанг, динингда қолишинг мумкин. Аммо: “Меҳмет учун ислом динига кираман”, — десанг, сени ўлдираман. Ўзинг яхши биласан, мен замонавий дунёқарашиботаман. Лекин ислом динига кирсанг, мендан яхшилик кутма.

— Вой дадажон-ей... Бу гапни қаердан олдингиз энди? Меҳметни жуда ҳам яхши кўришим тўғри, лекин битта Меҳметни деб мен ўз эътиқодимдан воз кечмайманку.

— Ислом дини биз учун доимо хавфли саналиб келган: буни сира унутма!

Қаҳваларимиз ҳам келганди. Ойимнинг уйда йўқлиги яхши бўлганди. Дадам билан яна суҳбатимизни давом эттиридик. Суҳбатимиз яна Мустафо Камолга бориб тақалди:

— Қизим... Жон болам... Сен жуда ҳам чиройли қизсан. Мустафо Камол сени кўриши билан ёқтириб қолади. У шахсий ҳаётида жуда кўп аёллар билан бирга бўлган. Сен ҳам унинг ҳаётига кириб борсанг, уни мусулмон аёлларнинг чўмилиш кийимида юришаётгани учун мақтаб табрикласанг бўлди, шунинг ўзи етарди. Агар у билан турмуш курсанг борми... Туркия эртаси куниёқ бизники бўларди. Аммо жуда ҳам ақдли одам экан. Сенга уйланадими-йўқми билмайман-у, лекин сен билан бирга бўлиши, яшашини аниқ биламан. Ҳар ҳолда, бир аёл билан бирга бўлиш унга масъулият юкламаса керак. Эркак бўлгандан кейин нега аёллар билан юрмаслиги керак? Отатурк жуда ҳам чиройли экан. Ҳа... уни кўришинг билан сен ҳам ошиқ бўлиб қоласан...

— Дада... Илтимос мени ҳам тушунинг ахир. Мен Меҳметнинг севгисини Камол билан алмаштиrolмайман. Унинг чиройли бўлиши ҳам мени қизиқтирмайди.

— Қизим, ахмоқлик қилма. Бу сен учун жуда катта фурсат-ку. Француз журналисти Мадам Гавлис омади чопиб қандай ютуқни кўлга киритганини биласанми? Туркияning Буюк Миллат Мажлисида қатнашган илк аёл бўлди. Аммо уни Отатурк билан яқин муносабатга кирган деб ўйламайман. Чунки у унчалик жозибали аёл эмас. Балки, Отатурк унга илтифот ҳам қилмагандир. Лекин сенга, албатта, қарайди... Менинг айтганимга кўна қол, Мария! Кейин маданиятимизни, эркин ва замонавий дунёқарашларимизни кенг ёйган бўлардик...

— Вой, дада... Туркия шундоқ ҳам гўзаллик танловларида қатнашаётган эмиш. Аёллар аллақачон чўмилиш кийими кийишаётган эмишлар, яна нима керак сизга?

— Чўмилиш кийимида юриши билан иш битмайдику. Мусулмонларнинг ҳаммасини шундай ҳолатга келтироламиزم? Отатуркни ҳам ёқтирмайдиганлар бор у ерда. Ўша ерда Отатуркни ёлғиз ташлаб қўймаслигимиз керак. Ҳар ишида унинг ёнида турмоғимиз даркор.

Дадам гапиргани сари ҳайратим ошиб бораради. Яширинча мажлисга кирганимни айтмоқчи бўлгандим, жасоратим етмай бирдан фикримдан қайтдим.

Энди хаёлимда мени қийнаётган тўртта нарса бор эди: биринчиси — Меҳмет, иккинчиси — дадамнинг динсизлиги, учинчиси — ҳали биттаям моддасини чиппакка чиқаролмаганим Куръон китоби-ю ислом дини ва тўртинчи — Абдулваҳҳобнинг епископимиз билан бўладиган тортишуви.

Худойим, қандай шайтон тўрига тушиб қолдим-а? Нега ҳамма ташвиш менинг бошимда?

Нима учундир ҳали ҳам Меҳметдан хат келмади?

Ўзи ҳам келмаяпти. Шунчалар бехузур бўлганимдан ўзимни йўқотиб қўйдим.

Худойим-ей, нега ҳам уни севдим!?
Шунақа ҳам севги бўладими, Оллоҳим?
Биттаси учун бошқасини севиб бўларканми?
Ёки Мөҳмёт билан бирга бўлиб ўзимни алдадимми
— йўғ-ей, Худо сақласин.

* * *

Роҳиба Моникага бориб дардимни англатдим. Яхши аёл эди Моника. Менга яхши гаплар гапириб, тасалми берди... Мен унга юрагимни тўкиб, енгил тортганимдан сўнг унинг уйидан чиқиб кетдим.

* * *

Яна Селиннинг дадасини ахтариб кўчага чиқдим. Ўша, холамни шол қилиб ташлаб кетган одамни... Аслида ўлсам ҳам унинг ёнига бормасдим, лекин Селинни жуда яхши кўраман. Буларни у учун қиласардим. Бечора қизалоқ дадасини кута-кута хароб бўлди.

Ниҳоят топдим, ўша тўнғиз отани. Жиддий оҳангда гап бошладим:

— Зудлик билан Селинни кўргани боришингиз керак. Бу оқшом боришнинг иложи топиладими?

Уриб ташламаслик учун ўзимни зўрға босиб турардим. Мен бошқа немис қизларига ўхшамайман. Уришқоқман. Қора белбоғ соҳибиман. Лекин ҳали ҳам аччиғим босилгани йўқ.

* * *

Селиннинг дадасини олдимга солиб уйга олиб келдим. Меҳмонхонага кўйиб, ўзим ичкарига кирдим.

Селин мени қучоқлаб:

— Мария, дадамнинг машинаси кўчамиздан ўтди,
лекин тўхтамади.

Селиннинг гапларини эшитиб турган ўша виждони
могорлаган ота ҳам, холам ҳам ҳайрон бўлиб қолганди.
Селинни кўп куттиришни хоҳламадим.

— Сели-и-и-ин, қара-чи, ким келибди?

— Ким?

Селин қўлида совға кўтариб турган дадасини кўрди.
Кўриши билан югуриб бориб оёқларидан қучоқлаб олди.
Кейин уни ура бошлади:

— Қаерда эдингиз дада? Рус қизини севиб қолиб-
сиз... У қиз мендан ҳам чиройлими? Мен бошқа дада
топмадим, нега сиз бошқа қиз топдингиз?

Дадасининг нигоҳи қизидан ҳам қўпроқ холамга
қадалганди. Ногиронлар аравачасидан кўзини узолмасди.
Раҳми келди. Ҳаттоки жуда ҳам ачинганди. Холамга салом
берди. Холам бошини силкиб саломига алик олди. Краус
жойидан қимиirlамай қотиб қолганди. Кейин ўзига келиб
сўради:

— Мени деб бу аҳволга тушдингми?

Холам Селинни кўрсатиб жавоб берди:

— Нега энди сени деб бўларкан? Ахир, сиз дунёдаги
энг яхши одамсиз. Мени хафа қилмайсиз-ку.

Краус хиёнатининг боласига айтилмаганини бил-
гач, Селинга қараб: “Ҳозир келаман”, — деб йиғлаганча
чиқиб кетди.

* * *

Мен ҳозир маст одам каби айланиб юрардим.
Ишончи алғов-далғов бўлгач ўзини бўшлиққа тушиб қол-
гандай ҳис қилас экан инсон.

Бир куни ҳайвонот боғига бордим. Ўзимни чалғи-тишга уринаётгандим, аслида. Ҳайвонларга ҳам шунчаки қарадим. Уйга қайтгач кўп юриб чарчаганимни хис қилдим.

Уйга қайтганимда боғимизга яқин жойда ўртоғимни кўриб қолдим. Ўзимга янги ўртоқ топгандим: уйимиздаги ишчимиз Вера. Нимадандир сиқилсам, Веранинг ёнига борарадим. Яна унинг ёнига бордим. Бўйнидан қучоқлаб роса йиғладим. Мени уйига олиб кирди...

— Гапир, — деди. — Сенга нима бўляпти?”

Унга бўлиб ўтган гапларнинг ҳаммасини бирма-бир гапириб бердим.

Веранинг тасаллиси бошқача бўлди:

— Ақдинг жойидами, Мария? Жондан ортиқ севган инсонингдан битта динни деб воз кечасанми?

Йўқотадиган ҳеч нарсаси бўлмаган инсонлар учун ҳамма нарса бир хил эканлигини билмасдим:

— Мен воз кечмаяпман. У: “Сен жуда художўйсан, бу бирга бўлишимиз учун муаммо туғдиради”, — деганди. Мен уни насроний қилмоқчи бўляпман.

— Ҳеч уриниб кўрдингми?

— Йўқ, лекин тайёргарлик кўряпман. Фақат рухонийлардан хафа бўляпман. Динимдан шубҳалана бошладим... Мени Тангри қўрисин! Қаттиқ тушкунликка тушиб қолдим.

— Шунга ҳам сиқилиб ўтирасанми, Мария. У насроний бўлмаса, сен мусулмон бўларсан.

Бу қандай таклиф бўлди энди. Бирдан чўчиб тушдим.

— Мени Тангри қўрисин! Исо қўлласин мени. Ўлсам ҳам, мусулмон бўлмайман. Мусулмонларнинг ўзлари динларини ёқтирумай, исломнинг қоидаларига бўйсуниш-

майди-ю, мен бўйсунаманми?

— Во-о-й, қўйсанг-чи шу дин муаммосини қайси динда бўлишнинг нима аҳамияти бор? Ёки иккаласи ҳам бўлмаса, нима ўзгаради?

— Вой худойим! Сен ҳам атеист бўлдингми?

— Албатта-да, замонавий аёл бўлишни хоҳласанг, ўзинг кучли бўлишинг керак, динга ва Оллоҳга эҳтиёжинг қолмайди. Ҳур бўлишинг керак. Биронта эркак сени хафа қилдими, башарасига туфлаб, бошқасини топиб кетасан. Биз бекорга европаликмизми? Дунёда эркаклардан кўпроқ нима бор? Масалан, турклар бизни деб ўз оиласидан, болаларидан воз кечишлиги. Демак...

Қолган гапларини эшишишга бардошим етмади. Худойим!.. Одамларга нима бўляпти ўзи? Нега динсизлик уларни ўз домига тортиб оляпти? Сирдошим деб Верадан тасалли кутарканман, у мени яна ҳам тушкунликка тушибириб қўйди. Чунки у тасалли беришда номусга зид бўлган усуллардан фойдаланаарди. Яхшиси, яна ойим билан маслаҳатлашиб кўраман.

* * *

Орадан анча вақт ўтди. Меҳметдан яна битта хат олдим. Фақат: “Мени кечир”, — деб ёзганди. Вой худойим! Бу нима дегани энди? Сабабсиз, изоҳсиз. Жуда ёмон ҳолатга тушиб қолдим. Хиёнатга учрагандай ҳис қилдим ўзимни.

Жуда ҳам бахтсиз эдим. Йифлайвериб ҳамманинг эътиборини ўзимга тортгандим. Ўзимга қарамай қўйгандим. Кийинишимга ҳам эътиборсиз бўлиб қолгандим. Битта кофтани бир ҳафталаб кийиб юравердим. Диний муаммоларим ҳали ҳам давом этаётганди.

Бизнинг ёзги дала-ҳовлимиз бор эди. Унинг боғига яқинроқ жойда битта булоқ бўларди. Бир куни машинамга ўтириб ўша булоққа бордим. Булоқнинг бир четига ўтириб, анча вақт сувнинг оқишини томоша қилиб ўтирдим. Ҳеч нарсани ўйламасдим. Эҳ, Абдулваҳҳоб! Сени деб Мөхмётга кўнгил қўйгандим. Энди тушиб қолган шу ҳолимга қара!

Кечкурун уйга келганимда ойимни жуда хурсанд ҳолатда кўрдим.

— Хушхабар, Мария! Сенга сюрпризим бор!

— Ойи, Мөхмёт келдими? Ёки бирон хабар борми?

— Ҳа, азизим, хат келди. Мусулмонларнинг хатини олишга жирканаман, аммо сени баҳтли кўриш ҳаммасига чидайман. Мана ол.

Эй Худойим! Туш кўрмаяпманми? Мен қаердаман ўзи Худойим! Тангри!

Хатни ойимнинг қўлидан қандай юлиб олганимни эслолмайман. Қўлимга олишим билан қайта-қайта ўпиб олгандим. Очишга жасоратим етмаётганди. Шундай ҳис қиласадимки, гўё Мөхмёт хатнинг ичидаги турибди-ю, хатнинг жиалдини очишм билан у чиқиб учига кетадигандай бўларди. Бир одамни шунчалар севишининг нима кераги бор экан-а, Худойим? Мен жинниманми нима бало? Шунақа севишимга арзирмикан у?

Кўлларим қалтираб, зўрга хатни очдим... Чиройли қилиб инглиз тилида ёзибди:

“Севгилим Мария!

Биламан: мени кечирмайсан. Ҳаққинг бор... Сендан кечирим сўрашга юзим чидамаяпти.

Нега узр мактуби ёзмаганимнинг сабабини билсанми? Сени унумтоқчи бўлдим. Сени унумтишининг ягона йўли ўртамиздаги алоқани узиш эди. Аммо мен буни қила

олмаслигимни — сени жуда яхши күришимни яна бир бор англадим. Бошқа сабрим етмади. Ўн кундан кейин ёнингга бораман...”

Диваннынг устига ўзимни ташлаб юбордим. Демак, мендан воз кечолмабди. Мени яна ҳам қаттироқ севиши англашиларди, бу ҳолатдан...

Агар мубтало бўлибдими, демак, воз кечолмас эканда, одамзод?!

Энди мен учун байрам бошланганди... Бирдан хурсандчилигим бўғзимда қолди. Ахир, мен ҳали уни насроний қилиш учун тайёргарлигимни кўрмагандим-ку.

Ўша кеча яна дадам билан гаплашдик. Ҳанс телефон қилганмиш. Дадам унга Меҳмет ҳақида айтганмиш. “Менга аҳамиятий йўқ, Мария кўнглига қарасин, борганимдан кейин ҳал қиласман. Қачон қайтаман?” — деб дадамдан сўраганмиш.

Келгач ҳал қиласмиш аҳмоқ Ҳанс! Ўзини ким деб ўйласа? Менинг бутун қалбим билан Меҳметга оидлигимни билмайди-да. Агар келиб менга оғзини очиб кўрсин, башарасига тупураман.

Ётогимга киришим билан эртанги кунни ўйлай бошлагандим. Ёз фасли бўлгани учун бир ўзим сайр қилиш учун боғларга, канал бўйларига борардим.

Ўйлаб кўрсам, Меҳмет бир ҳафтага деб кетганди. У кетганда қиши фасли эди. Аммо бу ҳафта кетиш икки фасл давом этибди.

Эртанги кунни ўйлаётган эдим. Эртага дадам кимларнинг одами эканлигини билиб оламан. Қизиқ, дадам ким экан-а? Ақлим эртанги кун билан Меҳмет орасида тинмай худди пружина каби бориб-келиб туради.

* * *

Билнинг севгилиси яна келди. Бил уйда йўқ эди. Қиз бечора жуда хафа. “Бола катталашиб боряпти, дадам се-зиб қолса, мени ўлдиради”, — деб йиғларди. Дардини тў-киб сочиб кейин яна кетди.

Бу жоҳил қизлар шаҳвоний истакларига берилиб кетишади, шунда улар фақат отасиз болалар муаммосига дуч келишади.

Бил кечаси ҳам келмади.

Дадамга:

— Бу қадар эркинлик ортиқча, дада. Бу кетишда Билни бой бериб қўясиз. Ҳар қандай отанинг бола олдида оталик хурмати бўлиши керак. Замонавий дунё, инсонларга хурлик, эркинлик деб, болангизни йўқотяпсиз, Озгина эътибор қилсангиз-чи, — дедим.

Бил — укам. Унинг учун жуда ҳам қайғуряпман. Лекин Демига ҳам ачиняпман. “Бил унга уйлансин”, — деб қўлимдан келганча ҳаракат қиляпман. Аммо Бил: “Биз ўз хоҳишимиз билан бирга бўлдик, мен унга уйланаман деб ваъда берганим йўқ”, — дейди. Ваъда бермаган бўлса ҳам Худодан қўрқмаган эркакнинг мақсадига эришгунча гапирмаган гапи қолмайди-да. Буни киноларда кўрсатиб, асарларда ёзишган. Шунга қарамай ҳали ҳам алданган қизлар кўп? Фақат қизлар эмас, ҳаттоки, оиласи аёллар ҳам алданиб қолишаپти. Ёки дунё шаҳвоний истакларнинг касрига тубанлашмоқдами?

Қиз йиғлайди: “Ҳомиладорман, менга уйланиши учун уни кўндириб беринг”, — дейди. Аммо Бил: “Мен билан бўлмаса, барибир, бошқаси билан бўларди, биз оила қуришга тайёр эмасмиз”, — дейди. Қиз бўлса: “Мени севишингни айтардинг”, — деса, Бил: “Эркаклар севаман

демаса, қайси қиз у билан бирга бўлишга кўнарди”, — дейди.

Эртаси куни эрта саҳар туриб епископнинг ёнига бордим. Мени бироз хижолат бўлиб кутиб олди. Мен дарров мақсадга ўтдим.

— Ҳурматли епископ! Бу Абдулваҳҳоб деган йигитга мен ҳеч нарсани тан одиролмадим. Уни сизнинг ёнингизга олиб келмоқчиман. Сиздан илтимос: бор ҳунарингизни ишга солинг. Ҳафалигимдан тушкунликка тушиб қоляпман. Тез кунда севган йигитим ҳам келиб қолади. Лекин мен ҳали биттаям арзирли сабаб топганим йўқ.

Епископ меҳр тўла кўзлари билан менга қаради. Ўйлаб ҳам ўтирумай жавоб берди:

— Бўлди, қизим... Бор олиб кел уни. Унинг сен билан баҳслашиши мен билан баҳслашишига ўхшамайди.

— Мен ҳам сизларнинг ёнингизда ўтирсам бўладими?

— Албатта, сен ҳам ёнимизда ўтиришинг мумкин.

Жуда ҳам хурсанд бўлган эдим. Абдулваҳҳоб турадиган ётоқхонага бориб епископнинг гапларни унга айтдим. Абдулваҳҳоб мени сабр билан тинглади. Кейин бехосдан кўзларимиз учрашиб бир-биримизга тикилиб қолдик. Вой Худойим! Булар кўз эмас, булар мен ўзига ром қилиб жон оловчи жоду кўзлар.... Факат у яна менга совуққина қараб:

— Сиз нега мени олиб кетиш учун бир ўзингиз келдингиз?

Қоронғи кечада денгизга қарагандай унинг кўзларига қараб қолгандим:

— Армия билан келишим керакмиди?

Бу гапим Абдулваҳҳобни кулдирди. Иккинчи марта кўришим эди унинг шунақанги чиройли кулишини. Менга нималар бўляпти ўзи? Ё, Худо! Битта юрагимда иккита эркакка жой бердимми? Мумкин эмас! Мен бундай ёмон қизлардан бўлишими мумкин эмас. “Ҳа шу ишларни охирига етказай, кейин Абдулваҳҳобни бошқа ҳеч ҳам кўрмаслигим керак”, — дедим ўзимга ўзим.

У менинг: “Армия билан келишим керак эдими?” — деган гапимни такрорлаб, жавоб берди:

— Албатта, сен ҳам ўз дунё қарашингга кўра ҳақлисан. Ёш қиз билан эркакнинг ёлғиз бир-бирлари билан самимий муносабатда бўлишлари яхши эмас, лекин буни билмас эдингиз.

Ўзимни тушунмаганга солиб:

— Вой, сиз ҳеч ҳам хавотир олманг. Сизга нисбатан ҳеч қандай туйғу йўқ менда. Менинг Мехметим бор, кўрқманг.

Қатъий оҳангда жавоб берди:

— Мени сиздан кўрқди деб ким айтди? Кечирасиз сиздан... Бундай ҳолатда фақат бир томондан кўрқилмайди.

Чақмоқ чаққандай бўлдим:

— Тавба, тавба! Бу нима деганингиз энди? Сиз ўз қайлифингизни севсангиз, мен Мехметни севаман, унга хиёнат қилмайман. Эй, кимдан ва нимадан кўрқяпмиз ўзи?

— Сизнинг бундай нарсаларни тушунмаслигингиз табиий... Сиз кўрқмаслигингиз мумкин. Мен иккита нарсадан кўрқаман. Биринчиси бандаси сифатида Оллоҳдан кўрқаман, маҳлуқот сифатида эса... Майли, бунисини айтмай қўя қолай.

— Вой! Биз билан бирга гаплашиб ўтирганимиз учун Оллоҳ сизни кўркитяптими?

Яна кулди, аммо кулишида маҳзунлик бор эди:

— Кўявер, сен буларни тушунмайсан, Мария.

Махлуқот сифатида кимдан кўркишини билмоқчи бўлиб сўрадим:

— Хўш, иккинчиси?

Яна жим эди.

— Бўлти, бу гапга эътибор қилмайлик.

— Унда кетдикми? Епископ сизни кутиб ўтирибди.

Неча кундан бери менга имкон бермай ўзингизни ҳақ кўрсатишиш нималигини энди кўрсатаман сизга.

— Куръоннинг кучини билмаслигинг шундоқ кўри-ниб турибди. Бораман, бораман... Агар бормасам: “Епис-копдан кўрққани учун бормади”, — деб ўйлашинг мумкин. Бундай дейишларига йўл қўймайман. Шошма, ҳозир такси чақирай.

— Йўқ, кераги йўқ. Ташқарида битта ғилдираги сизга, иккинчи ғилдираги укангизга тегишли бўлган яrim машинангиз турибди-ку.

— Тушунарли, ўшанда айтганларим сенга қаттиқ тегган экан-да.

— Ҳеч ҳам ундей эмас. Фақат менинг машинамда ўзингизнинг ҳақингиз бордай ҳис қилганингизга ҳайрон бўлгандим.

Машинага миндик. У орқа ўриндиққа жойлашди.

— Арабларингиз Европанинг барларидан, ишрат-хоналаридан чиқишимайди. “Тунги капалаклар” билан тонг оттиришади. Ана ўшалар хотинлардан кўрқмайди-ю, сиз нега мендан бунча кўрқасиз, шунга ҳайрон бўляпман. Қа-ранг: кўрққанингиз учун ҳатто олд ўриндиққа ҳам ўти-мадингиз. Сиз ўша бир кечада рақкосаларнинг устидан

пулларини сочайтган қора олтин — нефть қироллари бўлмиш арабларингизни кўрмаяпсизми? Ўшалардаги маданий жасорат нега сизда йўқ?

Менинг гапларимдан жаҳли чиқди. Аслида мен ҳам унинг жаҳдини чиқариш учун гапирган эдим. Лекин у яна сокинлик билан жавоб берди:

— Биринчидан, ҳарамга жасоратнинг кераги йўқ. Ҳарамда жасоратли бўлиш сизнинг маданиятиңгизда бор. Айниқса, ўша бизнинг араблар бизнинг мусулмонлардан эмас. Иккинчидан, итнинг орқасидан қувган ит ўзини жасоратли кўрсатиб мақтаниши мумкин. Агар кўнгли тусаган ишни олди-ортига қарамай амалга ошираётган бўлишса, бунга “маданий жасорат” дейиш тўғрими? Ҳайвонларгина ўз нафсини жиловлай олмайди. Фақат инсон зоти ўз нафсини жиловлай олади. Лекин инсонда... инсонлар... инсон ўз нафсини жиловлай олгандагина инсон бўлади. Жиловлай олмаса, ҳайвондан фарқи қолмайди. Ундан ҳам паст ишларни қилиши мумкин. Ўзинг ҳам фильмларда, витриналарда кўряпсан. Маданий европаликларнинг витриналарида сотилаётган аёллар расми турибди. Инсонлар яна қанча тубанлашишлари мумкин. Мен инсонман... Ҳайвонларнинг ҳаётига ўхшаган ҳаётни эмас, инсонларга хос ҳаёт тарзини танлайман.

— Яъни сен арабларни ит деяпсанми?

— Йўқ. “Ҳамма ҳалқда бўлганидек, арабларда ҳам итлар бор”. Шунингдек, олийжаноб араблар ҳам бор, лекин улар сизга кўрсатилмайди ёки сиз уларни кўра олмайсиз. Сизнинг маданиятиңгизда ҳиссиётини жиловлай олганларнинг устидан кулишади. Ҳайвоний ҳаёт тарзи тарафдорисизлар.

Бундай дейиши жаҳлимни чиқарди:

— Бизнинг маданиятимизга қаршисиз, аммо биз-

нинг маданиятилизга муҳтоҗсиз.

Кўзгудан кузатсан, кўчага қараб хаёл сурин кетаётган экан. Бир неча дақиқа гапирмади. Кейин кўзларини орқа энсамга қаратса қисқа ва лўнда жавоб қайтарди:

— Халқимизни талаб, пулларини, келажагини, саодатини ўғирлашларингиз оқибатидан шу ердаман. Инглизлар юртимни талон-тарож қилмаганида эди, ҳозир биз мисрликлар сизларга муҳтоҷ бўлмас эдик.

Ўйлаб кўрсан, тўғри гапираётган эди. Лекин ҳозир буни унинг олдида тан оладиган аҳволда змас эдим. Жавоб бермадим. Менинг хаёлим епископнинг олдида бўладиган сухбатда эди. Шунчалар ҳаяжонланаётган эдимки, иккичи марта йўл-ҳаракати қоидаларини буздим. Йўл четидаги белгиларга ҳам эътибор қилмаётгандим. Битта аёлни уриб кетишимга ҳам сал қолган эди.

Ниҳоят епископнинг ёнидамиз. Епископ Абдулваҳҳобни чин дилдан ва самимий кутиб олди. “Хуш келибсиз”, — дегач, уни ўтириш учун диванга таклиф қилди. Абдулваҳҳоб ўтиргандан кейин епископ ҳам ўтирди. Епископ ўтираётгандан ҳам Абдулваҳҳобдан кўзини узмади. Столи-нинг устида турган китобларни кўрсатиб:

— Кўряпсизми, столим устида Куръон ҳам бор. Охиригача ўқиб чиқдим.

Абдулваҳҳоб кулиб жавоб берди:

— Куръонни ўқиш билан тушуниш орасида фарқ бор. Ҳатто, билиш ва иймон келтириш...

— Тўғри, биламан. Лекин мен тушуниб ўқидим.

— У ҳолда сиз мусулмон бўлибсиз!

— Йўқ, мен насронийман.

— Куръонни тушуниб туриб ўқиганлар, албатта, мусулмон бўлишган... Шунинг учун сўрагандим. Шуни ҳам айтиб ўтишим керак, Куръоннинг ҳикматини мусулмон-

лардан бошқа ҳеч ким тушунмайди, фақат тушундим деб ўйлади. Бугун Куръондан эмас, Инжил ҳакида гаплашмоқчи эдик. Агар хоҳласангиз, кейин яна Куръондан баҳс этишимиз мумкин. Айниқса, Куръонни хато топиш мақсадида эмас, балки, ўқиши хоҳлаб ўқиган бўлсангиз, сизга миннатдорчилик билдираман. Оллоҳнинг ва Куръоннинг йўлидан юрадиганлардан бўлишингизни тилаб қоламан. Сизни ислом динида кўриш бизни жуда севинтиради. Ислом дини билан шарафланган бўласиз.

Епископ пинагини бузмасдан жавоб берди:

— Жуда ҳам ҳазилкаш экансиз... Сиздан баъзи нарсаларни сўрамоқчи эдим. Бу қизимизнинг қалби севинч билан тўлишини истайман.

Абдулваҳҳоб оппоқ тишлигини кўрсатиб кулади. Биринчи марта биттасининг кулиши иккинчи одам томонидан кузатилганини кўришим эди. Лекин дарров ўзимни кўлга олиб унинг нима дейишига кулоқ солдим:

— Мен ҳам айнан шуни хоҳлайман.

— Сизга биринчи савонни бераман. Муҳаммад нима учун ўзини пайғамбар деб эълон қилди?

Абдулваҳҳоб кўрсаткич бармоғини кўтариб эътиroz билдириди:

— Янглишдингиз. Ҳазрати Муҳаммад саллоллоҳу алайҳи васаллам ўзини пайғамбар деб эълон қилмаган. Уни Оллоҳ пайғамбар деб эълон қилган. Саволингизга жавобни Оллоҳнинг ўзидан оламиз... “Муҳаммад Оллоҳнинг элчисидир”. Фатҳ сурасининг йигирма тўқизинчи оятининг бошида келади.

Епископ эътиroz билдириди:

— Аммо менга Куръондан ўқиб беришингиз ярамайди. Мен Куръоннинг Оллоҳ томонидан юборилганига ишонсам, аллақачон мусулмон бўлар эдим.

Епископ чираниб гапираётганди. Абдулахъоб кулимсиради:

— Миннатдорман, жаноб епископ. Очик гапиришингиз сұхбатимизни енгиллаштириди. Биринчидан, мен мусулмонман, албатта, ислом динидан мисол келтираман-да. Исботим ёки Қуръон бўлади, ёки Ҳадиси шариф бўлади. Бизнинг эътиқодимизда асло бошқа манбалар бўлмайди. Аммо, майли, сиз буни қабул қилас экансиз, сизга Инжилдан мисол келтираман. Ҳаммасидан олдин Оллоҳ таоло, Муҳаммад саллоллоҳу алайҳи васалламнинг келишини ҳатто Инжилда билдирган экан. Аммо яхудий ва насронийларнинг аксарияти Муҳаммад саллоллоҳу алайҳи васалламнинг араб миллатидан чиққанлиги сабабли унинг келишини ҳазм қила олмадилар. Шунинг учун яхудийлар ҳали ҳам бошқа бир элчининг келишига ишона-дилар. Элчи келди, аммо бу элчи яхудий миллатидан бўлмагани учун Муҳаммад саллоллоҳу алайҳи васалламни қабул қиласидилар. Яхудийларнинг бир қисми, ўзлари миллатчи бўлишгани учун Оллоҳни ҳам миллатчи деб ўйла-дилар. Аммо Баҳира роҳибга¹ ўҳшаганлар ҳам бор, албатта. Яхудийларнинг ичида ҳам бошқа миллатларни инсон сифатида кўрадиганлар ҳам бор. Ҳолбуки бизнинг эътиқодимизда ҳамма тилда ва ҳар бир қавмга пайғамбар кел-

¹ Баҳира (Бухайро) роҳиб (VI–VII) — насронийлик динига эътиқод қилувчи роҳибининг исми (Бухайро Роҳиб ҳам дейилади). VI–VII асрларда Рум императорига карашли Шом вилояти чегарасида Бусро деган кишлоқ бўлган. VI асрнинг охиirlарида Баҳира роҳиб мана шу кишлоқда яшаган. Унинг асл исми Жиржис бўлган. Муҳаммад саллоллоҳу алайҳи васаллам амакилари Абу Толиб билан бирга Шом шаҳрига илк бор тижорат қилиш учун сафар килган. Улар мана шу кишлоққа кириб келгандарида, уларни Баҳира роҳиб кутуби олган ва яхши меҳмон қилиб, охиригина пайғамбар чикиш вақти келгани ва Абу Толибнинг 12 ёшда бўлган бу Муҳаммад исми жиянида нубувватлик белгиларини кўрганингини айтган. Баҳира роҳиб бу белгиларни ўзидағи илоҳий китоблардан ўрганган. Баҳира роҳиб Абу Толибга жиянлари Муҳаммад саллоллоҳу алайҳи васаллам билан бирга Шомга бормасдан, шу ердан ортга қайтишини маслаҳат бериб, агар Шомга борадиган бўлсалар, уларга Шомдаги ахли китоблар озор берини мумкинларини айтган. Баҳира роҳибининг маслаҳати билан мана шу ердан Маккага қайтишган.

гандир. Аммо биз учун асосийси миллати ёки тили эмас, пайғамбарнинг пайғамбар эканлигидир.

— Сиз ҳозир бу гапларни кўя туринг “Инжилда ба-шорат қилинган”, — дедингиз, айтоласизми, қандай ба-шорат экан? Инжилни ўз ҳолингизча таҳдил қиляпсиз. Ин-жилда бундай ёзилмаганини ҳозир билиб оласиз.

Ўзимда йўқ хурсанд эдим. Яшасин епископ! Ўзига бўлган ишонч билан ҳамда жуда чиройли тарзда гапириб Абдулаҳҳобнинг тушунчаларини чиппакка чиқаарди. Кўнглим анча таскин топган эди. Демак, Абдулаҳҳоб шунчаки гапирган экан. Мен Инжилни яхши билмаганим учун ҳеч нарса дея олмаган эканман.

Епископ Инжилни столнинг устига қўйгач, Абдулаҳҳобга қараб кулимсиради:

— Қани, йигитча, менга топиб кўрсатинг-чи, Ин-жилнинг қаерида ёзилган экан “Мендан кейин бир ҳалоскор келади” жумласи.

Юрагим тўхтаб қолай дерди. Абдулаҳҳоб секингина жилмайиб епископнинг юзига қаради.

Епископ ҳозир айтган гапини такрорлаб:

— Мана олинг, йигитча, гапингизни исботланг-да, Инжилдан битта далил топиб беринг-чи, — деди.

Абдулаҳҳоб кулиб Инжилни қўлига олди:

— Майли, беринг: ҳозир кўрсатаман, — деди.

Абдулаҳҳоб Инжилни вараклай бошлади. Бир неча дақиқадан сўнг епископга қаради. Ҳазрати Исонинг: “Мендан кейин бир ҳалоскор келади, унга тобе бўлинг”, — деган шаклдаги ёзувни кўрсатди.

Епископ олдинига ҳайрон бўлиб, унга қараб қолди. Қизиқ қандай жавоб қайтарар экан-а? Бир муддат жим тургач жавоб берди:

— Уми? У рух ҳақида. Исо: “Мендан кейин сизни

кутқариш учун рух келади”, — деялти.

Абдулваҳҳоб дарҳол эътиroz билдириди:

— Бу гапдан “рух” деган маъно келиб чиқиши қийин. Лекин гапимда қаттиқ туриб олмайман. Сиздан бошқа нарсани сўрамоқчиман:

— Юҳанно¹ Инжилининг кириш қисмида — 1:17 бандида Ҳазрати Исо айтадики: “Ҳеч ким Худони кўрмади”. Сизлар қандай қилиб ўзгартириб юборгансизлар. Бугун Исога ҳам Оллоҳ, ҳам ота, ҳам ўғил дейсизлар. Бу томондан: “Худони ҳеч ким кўрмаган”, — дейди Инжил.... Яна Юҳаннода: “...Одамнинг хоҳиши билан эмас, Тангрининг иродаси билан туғилган?”, — дейилади. Кейин Инжилга жуда кўп ўзгартиришлар киритгансизлар, асосий Инжилдан кам ҳукмлар қолган. Масалан, Инжилда ароқ ичиш тақиқланган, лекин сиз: “Гуноҳ эмас”, — дейсиз.

— Йўқ, Инжил шаробни тақиқламаган.

— У ҳолда марҳамат Лука³ Инжилининг 1: 14-15 бандини биргаликда ўқийлик.

Жуда ҳам ҳайрон бўлгандим, ҳатто караҳт ҳолатга тушиб қотиб қолгандим. Оёғим қалтираб, ичимга ғалати титроқ киргандай бўлди. Абдулваҳҳоб столнинг устида турган Инжилни олди ва ўқий бошлади:

— Марҳамат, епископ жаноблари, ўқияпман. “...(14) Сенга қувонч ва баҳт олиб келади. У туғилганда кўплар курсанд бўлади (15). Чунки у Раббимнинг олдида буюк инсон бўлади. Шароб ва маст қилувчи хамр ичмайди”. Хўш бунга нима дейсиз? Сизлар “Исонинг қони” дея номлаб шароб ичасизлар, “Исонинг гўшти” дея номлаб нон

¹ Юҳанно (6-100) — Исо алайхиссаломнинг 12 ҳаворийларидан бири.

² Қаранг: THE NEW TESTAMENT IN TURKISH C V NITED BIBLE SOCIETIES 1988. Printed'm Turkey. UBS 1988 5 m 260 ISBN 975-462-013X. Rota ofset. 152 49 70.

³ Лука (?-тахминан 100) — Исо алайхиссаломнинг 12 ҳаворийларидан бири.

ейсизлар. Инжилга қарши чиқиши эмасми булар? Кейин Маркдан¹ яна битта бандга эътиборингизни қаратмоқчи-ман: "...Оллоҳдан бошқа ким ҳам гуноҳларни кечира олади?..." Сизлар бу ҳукмга қарши гуноҳларни кечиряп-сизлар. Оллоҳнинг номидан қарорлар чиқаряпсизлар. Ўғил болаларни суннат қилишни ҳатто яхудийлар инкор қилма-ганда, сизлар инкор қилдингиз. "Бу билан яхудийларни мақтаяпти", — деб ўйламанг. Фақат суннат қилиш маса-ласида айтяпман, холос. Инжилда ҳам ўғил болаларнинг суннат қилиниши ёзилган. Мана қаранг: "Саккизинчи куни болани суннат қилиш учун келишди". Лука Инжили-нинг 1: 59 банди. Нега суннат қилиш Инжилда ёзилган бўлса ҳам бекор қилдингиз? Ишончим комилки, бир кун келиб, эҳтимол, суннатни қабул қиласизлар. Яна қайси бирини айтишим керак? Оллоҳни мантиғига сиғдира ол-магани учун ҳам Оллоҳ ҳақида кўп хатоларга йўл қўйилган. Оллоҳни одам қиёфасида тасвирлашган. Ҳатто Оллоҳни ўз тасаввурингизда ўзгартирдингиз. Тўғри, Оллоҳ ҳақидаги тушунчаларини ўзгартирган насронийлар ҳам бор. Фа-қат улар жуда камчиликни ташкил қиласиди. Сиз черков аъзолари Оллоҳни тасаввурингизга сиғдиролмаганингиз учун ҳам одамни: "Оллоҳ", — дедингиз. Бу билан гуноҳ-ларингизни бўйнимга олишни истамайман. Баъзи насронийлар Мұҳаммад саллаллоҳу алайҳи васалламнинг пай-ғамбар эканлигини тан олишган. Бу борада уларга ҳеч нарса демайман, аммо, барибир, ислом динига тўғри кел-майдиган томонлари ҳам бор. Бошқа бир мазҳабдагилар: "Исо пайғамбар", — дейишади. Лекин улар ҳам охиратни инкор қилишади. Ҳаммаси битта жойдан чиқяпти. Хурматли епископ жаноблари, энди сиздан шуни сўрамоқ-

¹ Марк (?–68) — Исо алайҳиссаломнинг 12 хаворийларидан бири.

чиман: инсонлар Оллоҳдан ҳам яхши билишадими?

— Асло! Бизда ҳам бундай гап йўқ. Келганингиздан бери сиз гапирияпсиз, ружсат берсангиз, энди мен ҳам гапирай, менинг ҳам сиздан сўрайдиган саволларим бор. Сизнинг динингизда ҳам қарама-қаршиликлар бор. Масалан, тўртта мазҳаб...

— Эътиборингиздан четда қолган бир масала бор бу хусусда... Биздаги мазҳаблар кунлик масалаларнинг ечимини топиш ёки ҳадиси шарифларни таҳлил қилишда бაъзи тушунчаларининг қарама-қаршилиги натижасида юзага келгандир. Аммо тўртта мазҳабнинг ёки бошқа мазҳабларининг алоҳида-алоҳида Куръон китоблари йўқ. Ҳаммасидаги Куръон китоб биттадир, бир хилдир, битта оят кам ҳам эмас ёки кўп ҳам эмас, ёки бошқача қилиб ёзилган ҳам эмас. Аммо сизда тўртта бошқа-бошқа одамлар томонидан Исонинг ҳикояларини англатган Инжил китоби бор. Бу Инжилдаги мавзууларнинг кўпи бир-биридан фарқ қиласи. Аммо сиз бунинг ҳам ечимини топдингиз. “Бири иккинчисини тўлдириб келган”, — дейсиз. Бизда мазҳабларнинг борлиги сизни хурсанд қилмасин. Диндаги фарқлар бошқа, мазҳабдаги фарқлар бошқа. Қисқаси, епископ жаноблари... Сиз ҳалол инсонга ўхшайсиз. Марҳамат, Ислом динини таҳлил қилинг. Агар Оллоҳдан келмаган бўлса, нима учун Исонинг ўликларни тирилтирганини айтиб мақтайди ва қабул қиласи? Агар: “Муҳаммад тўқиб чиқарган”, — деб айтадиган бўлсангиз, шунча ақлли бўлган одам ўзида бўлмаган хислатни бошқасида бўлганини айтиб, Исонинг обрўсини оширадими? Исо алайҳиссаломнинг ўликларни тирилтириш мўъжизасини тан олмай ёлғонга чиқариши ҳам мумкин эди-ку. Марҳамат, Оллоҳ бандаларига қандай вазифаларни юклаганини ўрганинг. Ислом динига киринг. Ҳазрати Исо

алайҳиссаломдан ҳам, Ҳазрати Марямдан ҳам айрилмаган бўласиз. Инжилга ўзгартириш киритилганини ва ҳақиқий Инжилга яқин бўлган Барнабас¹ Инжилининг ҳам йўқ қи-линганини яхши биласиз. Ишонинг: Куръон сизларнинг ҳам тарафингизни олган. Баъзи насронийларнинг эътиқодли бўлганини айтган.

Абдулаҳҳоб бирпас тўхтаб, чукур хўрсинди-да, галини давом эттириди:

— Инжил шу қадар ўзгартирилдики, инсонлар бой бўлишини гуноҳ деб ўйлай бошлидилар. Инжилда қашшоқлик мақталди. Буни ислом оламига ҳам олиб кирдингиз. Ҳолбуки пайғамбаримиз қашшоқлик қўрқинчли дейди. “Қасамёд қилиш учун деярли сабаб бўлар эди”, — дейди у қашшоқликка. Жаҳолат даврида аёллар бозорда сотиларди, динсизлик даврида эса витриналарда сотиляпти. “Динлар тақиқласа, бизда мумкин”, — дейишди. Яъни бозор билан витринанинг фарқи шу. Яхудийлар эса дунёнинг ҳамма жойида бой бўлиш учун ҳаракат қилишди. Черковларнинг йўналиши 1789-йилдаги инқилобдан кейин бутунлай ўзгарди. Европаликларга хос “ҳақиқий янги туғилиш” деган жаҳолатга етакловчи тузум барпо қилин-

¹ Барнабас (?-61) — Исо алайҳиссаломнинг 12 ҳаворийларидан бири. Барнабас Исо алайҳиссаломдан эшитганларини ўзгартиримасдан ёзib колдирган эди. Барнабас Инжилида Аллохнинг бир эканлиги айтилган эди.

Болус-Паулус-Павлос исмли бир яхудий пайғамбар яхудийлардан келмади деб, ўзини насронийларга исавий қилиб кўрасатиб, ўзини дин олими сифатида танитиди. Исо алайҳиссаломдан кейин биринчи ишни ҳақиқий Инжилини йўкотиш бўлди. Исо Аллохнинг ўғли деди. Шаробни ва тўнгизни халол қилди. Қиблаларини Катъбадан куёш чикадиган тарафга алмаштириди. Аллоҳ ҳам битта, ҳам учта деди. Диндан қайтган бу яхудийнинг сўзлари дастлаб ёзилган тўрт Инжилга, хусусан, Луканинг Инжилига аралашиб кетди. Исо алайҳиссалом сұхбатларида бўлган, ҳазрати Исонинг дўсти, ёрдамчиси, яъни ҳаворийлардан бўлган Барнабас ҳазрати Исодан эшитганларини ўзгартиримасдан ёзib колдирган эди. Лекин бузук тўрт Инжилга алданганлар, фирмаларга бўлинди. Бир-биридан фарқи 72 та фирмә хосил бўлди. Павлоснинг хиёнати фош қилиниб, Куддусда иккни марта ҳибса олинди. Сўнгра Римга жўнатилди. У ерда Нерон томонидан боши танасидан жудо этилди (Валлоҳи аълам бис-савоб). Манба: ahlisunnat.uz

ди. “Диний таълимотлар тараққиётта тұсқынлик қиляпты”, — деган инқилобчи демократлар, дин билан давлатни бир-биридан ажратиб: “Тангрини черковда үлдирдик”, — дейишигача боришли. Динни давлатдан, таълимдан, маорифдан узок тушишли. Вақт ўтиши билан шунга асосланиб Куръонни ҳам танқид остига олдилар. Куръонни ҳам давлат ишига аралаштирамадилар. Бир қанча давлатлар бунга амал қилишли ва шунчалар тубанлашиб кетдики, витринада аёллар сотувга күйилди. Мусулмонларнинг динини ҳам Инжил билан қиёслаб насронийлар билан бир эканлигига ишонтирудилар... Францияда ёзилган диний китоблар мусулмонларнинг тилига таржима қилинди. Француз ёзувчиси черковга қасдашиб: “Дин бизни қолоқ қилиб қўйди”, — дегач, франциялик ўкувчилар бу дин насроний дини деб тушундилар. Аммо Туркиядаги ёки Мисрдаги, ёки бутун ислом ўлкаларидағи ёшлар, бу дин ислом дини экан деб тушундилар. Алалхусус, мусулмонларнинг динни яхши билмаслигидан фойдаланиб, бизларни шу ахволга солишли. Бунинг сабабчиси эса Гарбдир.

Тўғриси Абдулваҳҳобнинг гапларига қулоқ соларканман, унинг гапларига қойил қолардим. Аммо ўзимни бу ҳиссиётдан дарҳол узоклаштирадим.

У гапида давом этди:

— Келинглар, яхшиси, вақт борида мусулмон бўлинглар. Ўзгартирилавериб-ўзгартирилавериб, жиналар-парилар, хаёлот дунёсига айланган эртаклар оламидан чиқиб, ислом динига киринглар. Ҳозирги ҳолингизда сизга уйланиш тақиқланган. Фитратингизга қайтинг. Уйланинг, фарзандларингиз ва турмуш ўртоғингиз бўлсин. Агар эътиқоди мукаммал художўй бўлишни хоҳласангиз, яна бўлинг. Яхши ва ҳақиқий мусулмон сизларнинг қарашингиздаги “эътиқоди мукаммал художўйдир”.

Вой худойим!

Мени титроқ тутиб жағларим бир-бирига тегиб шакиллай бошлади. Энди хушимдан кетай деб турганимда епископ гап бошлаб қолди:

— Инжил одамларни камбағалликка даъват қиласи деб ким айтди сизга?

— Инжилларингизни ва маърузаларингизни тақрор кўздан кечирсангиз, билиб оласиз. Мана қаранг шу Матто¹ 5: 27,3-бандидан бошлаб ўқиймиз. Мана шундай ёзилган: “...Оилангдан бошқаси билан жинсий алоқада бўлмайсан...” Бу қараши жуда яхши. Ҳар ҳолда, ҳақиқий Инжилдан қолган экан. Қаранг энди, айнан шу банд қандай давом этяпти: “...Сизга шуни айтишим керакки, кимдир бир аёлга ёмон кўз билан қараса, ўша ондан эътиборан у ўз жуфтидан ташқари бошқаси билан жинсий алоқа қилгандай бўлади”. Эҳ... буниси ҳам, яна давомини эшитинг: “...Агар ўнг кўзинг сени гуноҳ қилишга олиб бораётган бўлса, ўша кўзингни ўйиб ол-да, отиб юбор”. Ҳа, худди шундай деб ёзилган. “Ўша кўзингни ўйиб ол-да, отиб юбор”, — дейилган. Сиз эса, епископ жаноблари, бегона аёлга суқданиб қарагани учун ўз кўзини ўйиб олган биронта одамни кўрдингизми? Масалан сиз, шунча очиқ-социқ юрган аёлларни кўрасиз, уларга қараб ҳеч хаёлингиз бўлинганми? Кечирасиз, балки, бирон сабабга кўра сизнинг хаёлингиз бўлинмагандир. Миллионларча насроний ва руҳонийлар ичидан биронтасининг бегона аёлларга ёмон кўз билан қараганлари бўлмадимикин? Эркак киши бўла туриб, айниқса, бўйдоқ ҳолида шунча ноз-у карашмалар билан ярим яланғоч юрган аёлларни кўради-ю, ҳеч қандай ҳис-туйғуга берилмай юра оладиларми? Уларда

¹ Матто (?–74) — Исо алайҳиссаломининг 12 хаворийларидан бири.

пайғамбарларга берилган хислатлардан йўқ-ку. Ҳаттоки, пайғамбарларнинг ҳам шаҳвати бўлган ва бу гуноҳ эмас-ку. Гуноҳ томони шаҳватнинг истагини ҳаром йўллар билан қондирмоқ. Гарчи, сизларда уйланишга қарши бўлмаган мазҳаблар ҳам бор. Фақат роҳибларга уйланишни тақиқлаганлар ҳам кам эмас. Инсон ўзидан ҳам олдин ўзининг феълига жавобгардир... Инжил инсон қалбига қарши чиқа оладими? Менимча, Маттони ёзганинг аёлларга нисбатан ҳеч қандай туйғуси бўлмаган, шекили, эркакларнинг ҳиссиётига қарши шунча сўз ёзибди... Ҳа, майли, Маттога эътиқод қилганиларни камситгандай бўлиб қолмайлик. “Аёлга ёмон кўз билан қараган қайтиб қарамасин ва қалби бузилган бўлса, тавба қилсин”, — демасдан: “Кўзини ўйиб олсин”, — дейди. Худо ҳаққи, бу нимаси?

Епископнинг жаҳди чиқди, лекин сездирмай муло-йимлик билан сўради:

— У мажозий маънода ёзилган. Бундай гаплар Куръонда ҳам бор.

— Яхши, айнан шу бандни ҳали охиригача ўқимадик. Мажозийми-йўқми — кўрамиз. Келган жойимдан давом этаман. “...У кўзни ўйиб ол. Чунки сен учун тана аъзоларингдан биттасининг йўқ бўлиши, бутун танангнинг жаҳаннамда ёнишидан яхшироқдир. Агар ўнг кўлинг сени гуноҳ қилишга тортаётган бўлса, уни ҳам чопиб ташла. Чунки сен учун тана аъзоларингдан биттасининг йўқ бўлиши, бутун танангнинг жаҳаннамда ёнишидан яхшироқдир”. Бу гаплар Маттода ёзилган. Мажозий маъно йўқ бу ерда. Жаҳаннамни тушунтирумокда. Менимча, бу Инжилнинг ўзгартирилмаганига ишонган ва жаҳаннамни

инкор қилган “Яхова шоҳидлари”га¹ керакли маълумот бўлган. Инжилингизнинг мантиғига кўра, дунёning барча эркаклари жаҳаннамга кирад экан. Ёки гуноҳ қилган жойини шартта кесиб олиб ташлаш керак экан. Европаликларнинг аҳволига қаранг. Гуноҳга ботиб қолган, фикру у хаёли зинода... Куй-қўшиқларида ҳам уятсиз шаҳвоний сўзлар бор. Лекин уларнинг кўзлари ҳам бошқа аъзолари ҳам жойида турибди.

— Гўёки сиз мусулмонлар динингизнинг ҳукмларини бажараётгандай гапиришингизни қаранг.

— Ҳақлisisiz. Лекин биз шахсий хатоларни гапирмаяпмиз. Биз диннинг муҳокамасини қиляпмиз. Бизнинг мусулмонлар гуноҳкор, аммо динимизнинг гуноҳи йўқ. Яъни динимизда хато йўқ. Қўлимизда ҳеч қачон ўзгармаган Куръон деган китобимиз бор. Бизнинг бу аҳволга келиб қолишимизнинг биринчи сабаби динимизни яхши билмаслигимиз, иккинчисига сизлар сабабчисиз. Маъноси йўқ, инсоннинг ақдига хаёлига келмайдиган хурофотлар ислом оламига сизлардан кириб келган. Ислом дунёсининг ислом динини билмайдиган қисми: “Инжил ва Тавротдаги ҳақиқатга қарши айтилган сўзлар Куръонда ҳам бор”, — деб ўйлашади. Аммо: “Фақат сизлар сабабчи бўлдингиз, мусулмонларнинг айби йўқ”, — деб ҳам айтолмайман.

Епископнинг жаҳди чиқиб:

— Ҳаддингиздан жуда ошяпсиз. Бизнинг ибодат-

¹ “Яхова шоҳидлари” — АҚШлик Чарльз Тейз Рассел (1852–1916) томонидан асос солингган ташкилот. 1870-йилларда 18 ёшли Чарльз чёрковга қарши чиқиб насронийликка янги тарикат киритади ва “Тўлик инжил насронийларн” деб атайди. 1874-йилга келиб эса Исо Масихни осмондан ерга тушиб, ўз бошқарувини ўрнатганини давво килиб чиқишиади. Чарльзнинг таълимоти дунё бўйлаб кенг ёйла бошлашди. Унинг тарафдорлари ва издошлари ўзларини энг ҳак Масихийлар деб эълон килиб, миссионерлик ҳаракатларини кучайтира бошлашади. Чарльз Тейз Расселнинг вафотидан сўнг бу оқим аъзолари орасида ихтилоф келиб чиқади ва 1932-йилга келиб ушбу секта иккига бўлинниб кетади. Улардан бир қисми ўзларини “Яхова шоҳидлари” деб номлашади. Шу тарика “Яхова шоҳидлари” оқими пайдо бўлади....

хонамизда бизни ҳақорат қилишингизга йўл қўймайман.

— Кечирасиз, ҳақорат қилиш ниятим йўқ эди. Аммо сиз бизнинг мачитларимизда, ўлкаларимизда, ҳаётимизда ҳар доим, ҳар фурсатда, ҳар жойда бизни ва динимизни ҳақорат қилдингиз. Епископлар ёки роҳиблар учун айтмаяпман. Илтимос, мени тушунишга ҳаракат қилинг. Мана Инжилга қаранг. Битта Инжилда Оллоҳ сўзи ўн марта ҳам тилга олинмаган. Аммо камида уч юз марта Исо тилга олинган. Ҳамда: “Раббим Исо”, — деб айтилган. Ҳазрати Исонинг ҳаётини ёзганлар, яъни Матто, Марк, Лука, Юҳаннога ўхшаганлар Оллоҳнинг номидан ҳам кўп Исони тилга олишган. Бизнинг йўлдан чиқкан тариқатларга ўхшаб... Оллоҳни унугтиб, Оллоҳдан хабар олиб келгани ёзишибди. Биздаги тариқатларнинг яхшиси ҳам бор, аммо йўлдан чиққанлари сизларга ўхшайди. Бир жойга тўплангандаридан ўн марта Оллоҳ дейишса, энг камида юз марта шайхларининг номини тилга олишади. Сизникилар ҳам Оллоҳни унугтан кўринадилар. Бундай қарайдиган бўлсак, Оллоҳ номидан кўра Исонинг исми кўп такрорланган китобни Оллоҳ юборган китоб дейиш мумкинми? “Ким бева хотинга уйланса, хиёнаткор, яъни ахлоқий бузуқликка йўл қўйган ва зино қилган бўлади”, — деб ёзилган сўзларни Оллоҳдан келган деб бўлар эканми? Бева аёллар Оллоҳнинг бандаси эмасми? Қайта турмуш куриш ҳуқуқини қандай қилиб йўқ қилишади? Ёки гапларим ёлғонми? Матто 5:32-бандгага қарасангиз — балки, рақамларида адашган бўлишим мумкин — Инжилга кўра бевага уйланиб бўлмайди. Аммо ҳозирги маданиятингизда бокиралигини сақлаб юрган қизларнинг устидан кулишади. Энди бир жинсдагиларнинг ўзаро турмуш куришларига ҳам рухсат бергансизлар. Аёлларни паст кўрган маданиятингиз ўз айини бизга ағдармоқчи бўляпти... Инжил-

ни ҳам ўз фойдаларингизни ўйлаб ўзгартиргансиз. Мана ҳозир Марк Инжилидан мисол келтираман. “(25) Исо жавоб берди. “Довуднинг ва яқинларининг қорни очиқиб овқат егилари келганида қандай йўл тутганларини ҳеч ҳам ўқимадингизми? (26) Абиатар¹ епископлик қилган замонларда қандай қилиб Оллоҳнинг уйига кириб муқаддас нонларни еганини... Ўша нонларни ейиш фақат епископларга рухсат берилмаганмиди?” Бошқа Инжилда эса: “Халқнинг ҳам, пайғамбарларнинг ҳам ўша нонлардан ейиши мумкин эмас.Faқат епископлар ейди”, — дейилган. Ўйлаб қолдим... Халқ емайди, пайғамбарлар емайди, аммо епископлар ейди. Бундай ажратишлар қаердан келган епископларга? Худога яқин десак, пайғамбарлар улардан ҳам яқин эмасми?

— Хўш, Инжилда ҳеч ҳам Оллоҳдан келган амрлар йўқми?

— Бор, албатта, Масалан, мана шулар: “...Исо шундай жавоб берди: Одам ўлдирмайсиз, зино қилмайсиз, ўғирлик қилмайсиз, ёлғон гувоҳлик бермайсиз, отангизни ва онангизни ҳурмат қиласиз”. Булар Матто: 19: 13-19-бандларида ёзилган. Шуларга ўхшаган ислом динига ва Оллоҳнинг қоидаларига тўғри келадиган сўзлар бор. Лекин сони кам ўн беш-ийигирматадан ошмайди. Масалан, Инжилда: “Ер-юзида ҳеч кимга ота демайсан” (Матто 23:9), — дейилган. Сизнингча, бу Оллоҳнинг амри бўлиши мумкинми? Бир томондан: “Ота-онангизни ҳурмат қилинг”, — деса, иккинчи томондан: “Ҳеч кимни ота деб айтмайсан”, — дейди. Ақдга сифадиган гаплар эмас булар! Куръонда ёзилганига кўра, сизлар Инжилга ўзгартиришлар киритгансиз. Инсон ҳолатига қарши келадиган қилиб

¹ Абиатар — Инжилдаги образ.

ўзгартиргансиз. Роҳиб билан роҳиба турмуш қуролмайди! Ҳаромга қараса, кўзларини ўйиб олиши керак! “Бахтсиз яшаса ҳам аёл эри билан ажрашолмайди”, — дейилгани учун ҳам инсонларнинг бу диндан кўнгли совиган. Кучи билан, тафаккури билан Оллоҳнинг қудратига ҳеч қандай алоқаси қолмаган Инжилдан кўнгли қолган. “Диннинг чиқиш йўли йўқдир, монастирда ёлғиз қолиб кетишдир”, — дейишиб диндан чиқаришди ҳамда у ажратишларни динга қарши қўллаб, одамларнинг жонига тегиб, тинкасини қуритган. Мана шундай йўл тутишган. Ўз динини йўқотганлар ислом динининг оёқда туришига чидай олармиди? Албатта, чидай олмадилар... Энди бор кучини ислом динини йўқотишга қаратган. Аммо улар тез орада ислом динининг қордан яралмаганини ва ҳеч қачон эrimаслигини кўрадилар.

Уларнинг сухбатини жон қулоғим билан ҳайратим ошиб, ҳаяжон билан тинглар эдим. Битта мусулмон бизнинг Инжилимизни ўқиб ва у ҳақида шунчалар кўп изланышлар олиб борган экан. Епископга қарши гапиргандა ҳам кўр-кўрона бир тарафлама эмас, онгли равища қарши чиқар эди. Абдулваҳҳобнинг айтганлари олдида епископ ҳам шошиб қолганди. Аслида жуда ҳам олийжаноб бўлган епископнинг жаҳди чиққанди:

— Жаноб, сизга Муҳаммад: “Баҳсга кирганингда ёнингдагига гапириш фурсати берманг”, — деганми?

Менинг ҳам жаҳлим чиққанди. Абдулваҳҳобнинг илми олдида ҳақиқатга таслим бўлиш ўrniga тарафорлигим тутиб чорасизликдан басма-бас бақира бошлигандим:

— Норозилик билдираман, Абдулваҳҳоб! Епископга гапиришга навбат бермаяпсиз. Сиз ҳам, епископ жаноблари, илтимос, сиз ҳам гапиринг, худо ҳаққи, барча муқад-

дас билимларингиз ҳаққи, сиз ҳам гапиринг!..

Ўзимни йифлашдан зўрға тутиб турардим.

— Жаноб епископ, гапиринг илтимос! Бошқа чидолмайман! Бу мусулмоннинг гаплари ёлғонлигини айтинг!

— Бу йигит умуман хато қилмади, Мария. Аммо баъзи хатолари мавжуд, холос. Тўхтовсиз гапиряпти. Факат ҳимоя қиласпти. Бизнинг ҳимояланишга эҳтиёжимиз йўқ. Шунинг учун мен Инжилни ҳимоя қилмаяпман.

Ҳайратдаман. Қанақа ҳимоя, ахир, у ўзининг ишончини гапиряпти ва тасдиқлаяпти-ку. Кўрсатган Инжил оятларини бандларини адаштирган бўлса ҳам кўпини тўғри айтаётган эди. Жинни бўлаётгандим. Эй Худо!.. Кулоқларим шангиллаб бошим айланаетган эди. Абдулваҳҳоб ўзига хос услубда жавоб берди:

— Миннатдорман, епископ жаноблари, Ҳакиқатларни тан олиш ҳам олийжанобликдир.

Епископ ҳеч иккимасдан очиқ гапирди:

— Тўғрисини айтсан, мен ҳам баъзи масалаларда шубҳаланардим.

Епископнинг охирги гапи мени қуюшқондан чиқарган ҳам эди. Жойимдан сакраб тушдим. Ҳаёлларим сувга тушганди. Умид гулларим сўлиб тушганди бир кунда:

— Ета-а-а-ар! Ета-а-а-а-ар! Жаноб епископ, гапларингизни эшитишни хоҳламайман! Оллоҳнинг қаҳрига учрай! Олинг бўйнимдаги хочни ҳам, олинг! “Олинг！”, — дедим сизга! Сизнинг хочингизни истамайман! Мен ўзини ҳимоя қилолмаган ожиз динни хоҳдамайман!

Бақира-бақира зинаපоялардан пастга туша бошлидим. Кўчага чиққанимда ҳам жинниларча югурадим. Абдулваҳҳоб ҳам орқамдан чопиб келаётган эди.

— Тўхтанг, Мария! Илтимос, тўхтанг!

— Жаҳаннам бўлинг! Ҳеч қайсингизни кўришни истамайман! Орқамдан келманг, мени тинч қўйинг!

— Тўхтанг, гаплашамиз. Бир дақиқа...

Мен олдинда чопиб кетаётгандим, у бўлса орқамдан югуриб келаётганди. Ҳамма бизга қараётганди. Худди шу пайт черковнинг қўнғироқлар чалиниб қолса денг! Ўзимни тута олмадим. Ақди жойида одам қилмайдиган жинниликини қилдим. Жойимда тўхтаб, атрофдаги одамларга овозимнинг борича оғзимга келган гапни қайтармай бақира бошлагандим:

— Эй одамлар! Бу қўнғироқларга ишонманг! Бу қўнғироқлар ҳакиқий Инжилни намойиш қилмаяпти! Чалинманг! Чалинманг қўнғироқлар! Энди сизларга ишонмайман! Ичимда сизларни ўлдирдим! Черковларни ҳам ўлдирдим! Роҳиб ва роҳибаларни ҳам ўлдирдим! Чалинманг... “Чалинманг!” — дедим сизларга! Сизни юрагимдан чиқариб отдим, мени эшитинг!..

* * *

Паришонхотир эдим, телбаларча тентирадим кўчаларда. Шаҳарнинг қаерида юрганимни билмай ҳайрон бўлиб туриб қолдим. Атрофга аланг-жаланг қарадим-да, турган жойимда ерга ийқилиб тушгандим. Ўзимга келиб, кўзимни очсан, Абдулваҳҳоб тепамда ўзимга келишимни кутиб турган экан. Кўлимдан ушлаб, мени машинамнинг ёнигача олиб борди. Зўрға машинамга чиқдим. Рулни ушлашга ҳам мадорим йўқ эди...

Абдулваҳҳоб:

— Агар хоҳласангиз, мен ҳайдай машинангни, — деди.

— Яхши бўларди. Ҳайдовчилик гувоҳноманг борми?

- Ҳа бор. Ҳар эҳтимолга қарши олиб юраман.
- Бўпти, қаерга борамиз.
- Сиз қаерни хоҳласангиз, ўша ерга.
- Сиз айтяпсизми, бу гапларни?
- Ҳа, мумкин эмасми?
- Сиз аёллардан ўзингни тортардингиз-ку?
- Ҳали ҳам шунаقا. Аммо ҳозир сизни шу аҳволи-нгизда ташлаб кетолмайман.
- Жуда ҳам хурсандсиз, тўғрими?
- Нега хурсанд бўлишим керак?
- Нега бўларди? Менинг исёнимни кўрдингиз.
- Сизнинг қаршингизда қадрим тушиб, паст бўлиб қолдим.
- Сиз ютдингиз. Художўй епископнинг билими етмади.
- Бўлиши мумкин. Баъзан бизнинг художўйлари-миз ҳам етарлича маълумотга эга бўлмасалар, кутилган жавобни бера олишмайди. Ўз динини яхши билмаган мусулмонлар эса сизнинг роҳибларингиз олдида енгилиб қолишияпти. Мен динимни ҳам, динимизни ҳам яхши била-ман ва, албатта, ҳеч ким мени диним билан алдолмайди. Аммо сени паст кўришим хусусида янглишдинг, Мария! Сен мусулмон бўлсанг, хурсанд бўлардим. Насронийликни ҳам ташлаб динсиз бўлсанг, хафа бўламан. Энг ёмон, энг паст ишончсизлик ҳам динсизликдан яхшидир.

— Яъни фақат менга мусулмон бўлишни таклиф этяпсанми?

— Йўқ. Сенинг ҳозирги тушкунлик ҳолатингдан чи-қаришда ёрдам бериб, инсонийлик вазифамни бажар-моқчиман.

— Жуда ҳам яхши инсонсан... Аммо мен чорасиз-ман. Энди ҳолим нима бўлади? Мен энди черковга бор-майман.

Бирдан ақлимга бир гап келиб қолди-ю, шартта ай-

тиб юбордим:

— Қизиқ, Оллоҳ, ростдан ҳам, йўқмикан?

— Нотўғри! Шунақаси ҳам бўларканми? Оллоҳ бўлмаса сен ҳам бўлмасдинг. Сен йўқликдан йўқ бўлиб яралганмисан? Йўқликдан яралганмисан?

— Ёки тасодиф бўлсам-чи?

— Йўқликдан тасодиф ҳам туғилмайди. Ўзи туғилмаган қандай қилиб туғдиради? Ўзингга қара-чи: йўқликдан туғилганга ўхшайсанми? Сенга: “Тана аъзоларингнинг жойини алмаштири”, — десалар, нимангни қаерга кўярдинг? — деганиш бизнинг мутафаккирларимиздан бири. Мувофиқсизликда математик ҳисоб бўлмайди. Мана шу биз нафас олаётган ҳавонинг кислороди 21 % эмас, бироз кам бўлса ёки бироз кўп бўлса, бирида бўғилиб қолардик, бирида эса ёниб кетган бўлардик. Инсоннинг бош миясини олиб қарайлик, агар нинанинг учидай озгина қон бўлаги биронта қон томири ўртасида тиқилиб қолса, одам танасининг қайсиdir аъзоси ишламай шол бўлиб қолади ёки оғриқ бериб қийнайди. “Оёқнинг ишламай қолишига сабаб бўлган ўша заррадан ҳам кичкина бўлакнинг қон томирга тиқилиб қолишининг ўзи мукаммал бошқарувчи борлигидан хабар беряпти”, — дегани эмасми? Кўзингга кўринаётган ҳар бир нарсага синчилаб қара. Қара: ҳам маси мукаммал яратилган. Сантиметр-миллиметрларигача ҳисобга олинган. Математика силсиласи яратилган дейсан гүё. Кўз шифокори неча йил ўқигач, кўз шифокори бўлади? Менимча, ўн олти-ўн етти йил бўлса керак... Тушуняпсанми, биттагина кўз санъатини ўрганиш учун нечталаб китоб ўқиб, қанча дарсга қатнашиши керак бўлади. Тасодифнинг китоби борми? Тасодифдан дарс олиб бўладими?

— Жуда яхши гапирдингиз.

— Нимани?

— Тасодифдан дарс олиб бўлмайди, тўғри. Агар ҳамма нарса мувофиқсиз — тасодиф бўлса, мингларча билимлар, касблар, бир нечта бўлимдан иборат мавзулар бор. Нима учун ўқишида уларни бизга ўргатишяпти?

— Офарин! Жуда яхши ўйлабсан. Мехметнинг омади бор экан. Сендай ақлли қиз билан бирга бўлгани учун жуда баҳтли бўлса керак.

— Оббо! Энди муносабатларимизни Мехмет билан қандай давом эттирамиз — билмайман. Ўша ошиқ йигит кетди-ю, ўрнига мени тарбиялайман деб бошқаси келди. Уч кунда келаман деб кетган эди. Ўн кун ўтди, кейин ўн ой бўлди, лекин ҳали ҳам келгани йўқ. Хат ҳам ёзмай кўйган. Ошиқнинг бу қадар эътиборсиз бўлиши яхши эмас. Кўй энди, шу Мехметга чалғимайлик, гапингни давом эттир... Аммо менинг аҳволим яхшимас. Ўзимни ёмон ҳис қиляпман. Яххиси, мени уйга олиб бор...

— Албатта, жоним билан. Факат ўзингни қўлга олсанг бўлди.

Абдулваҳҳоб газни босиб уйимга томон ҳайдай бошлиди. Ундан сўрадим:

— Қандай эплайман?

— Нимани?

— Қандай қилиб ўзимга келаман? Бошим алғовдалғов бўлиб қолди. Ўзимни бошқаролмаяпман, ўзимга ўзимнинг гапим ўтмаяпти. Бўронга дуч келиб ҳар тарафга тўзғиб кетгандайман. Бутун умр эътиқод қилган черковимдан ҳам бир соат ичидан воз кечдим.

— Сен шундок ҳам черковнинг қоидаларига амал қиласдинг-ку... Аммо ўзингни у ерга оид билардинг. Ўзингда художўй қизларга хос бирор хислатни кўрганимисан? Художўй насроний қизлар сенга ўхшайдими?

Унинг бундай дейишидан жаҳлим чиққанди:

— Бу билан нима демоқчисан?

Менга қараб:

— Атеист қизлар билан ёнма-ён турганингда улардан қайси жиҳатинг билан ажралиб турасан?

— Оббо!.. Қайси жиҳатим бўлса, шуниси билан...

Тугади ҳаммаси, тугади... Ҳаммаси тугади энди. Фақат сендан илтимос қиласман бутун бўлган ишларни ойимга сошиб қўйма. Агар сенга қовоғини солса ҳам унга аҳамият берма.

— Нега менга қовоғини солиши керак? Ҳали мени кўрмади-ку.

— Ойим мусулмонларни ёқтирумайди. Менинг насронийлигимдан фахрланади. Ҳозирги ҳолатимни билиб қолса, юраги кўтаролмайди. Сени ҳам уйга киритмайди.

— Зарапи йўқ... Нима бўлган тақдирда ҳам одамларнинг бизга ёвқарашиб қилишини биламиз ва ҳам биз бунга ўрганиб қолганмиз.

Кўз ёшларим тинганди-ю, лекин кўзим атрофи шишиб кетганди.

Абдулваҳҳобдан илтимос қилдим:

— Мени озгина сайд қилдироласанми? Уйимдагиларнинг йифлаганимни билиб қолишларини хоҳламайман. Ҳеч бўлмаганда кўзимдаги шишлилар қайтгунча...

Озгина кайфияти тушди, бунга ишончим комил. Фақат менга сездирмасликка ҳаракат қилиб:

— Албатта, сайд қилдиралман. Бугун сен учун бошқача кун бўлди. Сенинг ёнингда бўлиш мен учун бурч.

Уйга келганимда кеч соат ўн бир бўлган эди. Абдулваҳҳобни уйга таклиф қилдим. “Эркаги йўқ уйга киришим менга тўғри келмайди”, — деди. Уйда дадам борлигини айтдим. Шу пайт дадамнинг деразадан қараганини кўриб

раъйимни қайтармади. Абдулваҳҳоб билан уйга кирдик. Ойим билан дадам, холам ва жияним меҳмонхонада ўтиришган экан. Бизни қўриши билан дадам ўрнидан турди:

— Ў-у-ӯ! Менинг гўзал қизим ниҳоят уйга келди. Хуш келибсиз. Қаерларда юрибсан, Мария? Кеч келишингни айтмаганинг учун сени кутиб ўтирибмиз.

— Бироз сайр қилдик. Бу — дўстим Абдулваҳҳоб.

Селин келиб бўйнимга осилди. Холам ҳар доимгидек гўзал ва очиқ чехра билан Абдулваҳҳобга салом берди. Дадам ҳам меҳр билан кутиб олди Абдулваҳҳобни.

— О-о-о, жуда ҳам хурсанд бўлдим. Қизимнинг дўсти менинг ҳам дўстимдир. Марҳамат, келинг, шу ерга ўтиринг.

Дадам меҳмонларни жуда чиройли кутиб оларди. Ойим Абдулваҳҳобнинг юзига ҳам қарамади... Дадам бирдан кўзимга қаради.

— Мария, йиғладингми?

Кўзимни олиб қочдим:

— Аҳамияти йўқ, дада.

— Нега аҳамияти бўлмас экан. Нима сабабдан йиғладинг? Ҳозироқ билишим керак. Шуни унутма: журналистлар йиғламайди.

Абдулваҳҳоб гапга қўшилди, кулимсираб ойимга қаради:

— Гапингиз тўғри, журналистлар йиғламайди, йиғлатадилар... Фақат Марияга ўшаган виждонилари йиғлайди, аммо йиғлатолмайди.

Кулишга ҳаракат қилдим. Ойим пичирлаб:

— Гапир, сенга нима бўлди, Мария?

— Ҳеч нарса бўлгани йўқ, ойи! Озгина юрагим сиқил-ганди.

— Меҳмет учун хафа бўляпсанми? Ўзингни хароб

қилма. Ҳеч ким бунчалик хароб бўлишга лойиқ эмас.

— Гапингиз тўғри, ойи, аммо нима қилай Мехметсиз ҳаётимни тасаввур ҳам қилолмайман.

Дадам сўради:

— Дарвоқе, сен бугун епископнинг ёнига бормоқчи эдинг, бордингми?

Дадамга кўзим билан ойимни кўрсатиб:

— Кейин гаплашамиз, дада.

Дадам секингина қулогимга эгилиб:

— Бечора ойинг... Сени ҳали ҳам католик деб ўйлаяпти. Баракалла, ролингни яхши ўйнаяпсан.

Кейинроқ ойим ҳам худди шунаقا қилди қулогимга эгилиб:

— Баракалла, дадангнинг ёнида динсиз ролингни яхши ўйнадинг.

Дадам билан Абдулваҳҳоб кичик меҳмонхонамизга ўтишди. Бироздан кейин мен ҳам уларнинг олдига бордим. Дадам гапираётган эди:

— Қани, йигитча, гапиринг-чи, қаерликсиз?

— Мисрликман, афандим.

— Ў-ў-ў!.. Миср... Мисрни жуда яхши биламан. У ерда бир йиллик хизмат вазифамни ўтаганман.

— Қанақа хизмат вазифасида бўлгансиз, афандим?

— Ёшлигимда епископ бўлишга қизиққандим. Черков томонидан мени Мисрга юборишган. Арабчани ҳам яхши билардим.

— Нима сабабдан юборишган?

— Насронийликни кенг тарғиб қилиш учун. Бир йил Мисрда қолиб кетдим. Фақат биттагина мусулмонни насроний қила олгандим. Шунда ҳам унинг бобоси насроний бўлгани учун кирган эди. Лекин иккита епископ дўстим мусулмон бўлишди. Зериқдим, кейин орқага қайтдим.

Кейин умуман динни ташлаб атеист бўлдим. Динлар мени ўзига чорламади.

— Динлар эмас, “насронийлик” дeng. Динлар десангиз, ислом дини ҳам ичига киради.

— Фарқи йўқ. Ҳамма дин бир хил.

— Катта фарқи бор ва динлар бир хил эмас. Бошқа динлар билан ислом дини бир-бирига ўхшамайди. Ислом дини Оллоҳнинг инсон фитратига тўғри келадиган ҳабаридир. Ислом динини математикага, тиббиётга, шеърга ўхшатса бўлади. Ҳеч ўзгармайди.

Бирдан мавзуни ўзгартиришим кераклигини тушундим.

— Дадам динсиздир, Абдулваҳоб. У билан динни тортишма. Яхшиси, сен бутунги гапингни айт.

— Қайси гапни?

— Ҳалиги: “Тасодифларнинг дарси бўлмайди”, — дегандингиз-ку. Менга ёққанди.

Дадам эътиroz билдириди:

— Мария, атеистилигимни айтиш сенга ёққанга ўхшайди. Қизим, “динсиз” дема, “атеист” де. Динсизлик гуноҳ эмас-ку.

— Нега дада? Динсиз сўзи билан атеист сўзининг орасида қандай фарқ бор. Иккаласи ҳам бир хил эмасми?

— Албатта, бир хил. Аммо таъсири ҳар хил. Ҳалқимиз “динсизман” деган гапдан чўчийди. Аммо “атеистман” дейилса, атеистликни замонавий дунёқарашдай кўришиди. Шунинг учун биз “динсизман” деган гапни ҳеч ҳам оғзимизга олмаймиз. “Атеистман” деймиз... Ёки социал-демократга ўхшаган гаплар.

— Социал демократлар динсиз бўладиларми?

— Амал қилмасалар ҳам баъзи бирлари динни яхши кўришини айтишади. Агар самимий гапираётган бўлиш-

са, нима учун динсиз бўлишсин? Аммо баъзилари: “Динни яхши кўрамиз”, — дейишади, факат диннинг ҳукмларидан нафратланишади. Энди буниси яхшимас. Диннинг амридан нафратланадиганлар художўй ҳисобланмайди. Гап исломга бутундай ишонишадир.

Абдулваҳҳобга қараб:

— Сен шу тасодифлар мавзусини гапирсанг...
Балки, дадам ҳам Оллоҳга ишонар.

— Қизим, номи Оллоҳми ё бошқами — билмайман, аммо, барибир, қандайдир яратувчи борлигига ишонаман. Абдулваҳҳоб бунинг нимасини тушунтиrsин? Ҳеч нарсани тушунтиrolмайди ҳам, сўрай олмайди ҳам. Биз у кунлардан ўтиб бўлганмиз.

— Шошма, Мария, дадангга мен жавоб бермоқчиман... айтоласизми, Оллоҳнинг борлигига қандай қилиб, нимага асосланиб ишонасиз?

— Билмасам... Қандайдир яратувчи бор.... Қара, арилар ҳам ақлли ҳаракатланишади. Ариларнинг яратилиши ҳам тасодиф эмас. Кичкина арининг ўзида ҳайратланарли даражада ажойиботлари бор. Тангридан бошқа ҳеч ким бундай мукаммал яратолмас. Тўғри, Тангри бор. Биология ўқитувчимиз айтганди: “Ўпканинг пуфакчаларини ёйишнинг имкони бўлса, саксон тўрт квадрат метр бўлар эди”. Яъни битта хонадон дегани бу. Тангри шунақангি ақлли ва муҳташам санъат соҳибидир. Кичкина ўпкага катта майдонни эгаллайдиган пуфакчаларни жойлаштирган. Шунинг учун бор деб ўйлайман. Коинот ичкариси ва ташқариси ҳам ўз-ўзидан пайдо бўлмаган.

Дадамнинг гапларини ҳайратланиб эшитар эдик.

Ҳайратини яширолмаган Абдулваҳҳоб деди:

— Жуда ҳам чиройли тушунтирас экансиз. Сиздай буюк идрок соҳиби бўлган инсон қандай қилиб динсиз

бўлди? Ростдан, ҳидоят — бошқача тушунча. Аммо сиз бу кетишида... Ўзингиз шунчалар идрок қила туриб...

Бу суҳбат дадамни завқлантирган эди. Гапида давом этди:

— Бу ҳали ҳаммаси эмас, агар сизларга буйракни тушунтиrsам, эсингиз оғиб қолади.

— Гапириб беринг, дада, илтимос. Сизнинг гапларингизни маза қилиб эшитяпман.

— Эшит, эшитгин-у, дадангнинг онгсизларча атеист бўлмаганини тушуниб ол. Эшитинг, ҳар битта буйракда бир миллиондан икки миллионгача нефрон¹ бўлади. Қон шу миллионарча нефронлардан ўтиб тозаланади. Бу нефронларни ким ва нима учун у ерга жойлаштирган? Энг қизифи, табиат нефронларни қаердан билади? Тозаланган қон — гломерулларга² келган қон бу ерда бир кунда 170–180 литр атрофида қонларни фильтрлайди. Вужуди миздаги парчалар, қонимизнинг фильтрланишига эҳтиёжи борлигини қаердан билсин?

Абдулваҳҳобнинг дадамга ҳайрон бўлганидан оғзи очилиб қолганди. Ҳар икки гапнинг бирида: “Демак, ҳамма нарсани билиш иймондан эмас, деган гапнинг сабаби шу экан-да”, — дерди. Дадам художўй бўлган пайтлари олган билимларининг ҳаммасини тўкиб сочаётган эди.

— Тана аъзоларимизнинг ақли йўқ-ку: ўзларини бошқариб, тўғри ва фойдали ишлар қилишса. Аммо ҳаммаси буйруқ занжирига боғланган. Бир-бирига тобе бўл-

¹ Нефрон (*юнонча: nephros* — бўйрак) — бўйрак килнайчалари. Умурткали хайвонлар ва одам буйрагининг асосий структуравий-функционал бўлаги (элементи). Бўйрак копточаси ва ундан тармокланиб чикувчи бўйрак каналчаларидан тузилган. Нефронлар сийдик хосил бўлиш жараёнида қондан моддалар алмашинуви маҳсулотларини чиқариб ташлайди; бирламчи сийдик таркибидан сувнинг қонга қайта сўрилишини таъминлайди; оксил, сув-туз, ишкорий-кислотали муҳитни идора қилади, қон таркибини бошқаради. Ҳар бир бўйракда тахминан бир миллионгача нефрон бўлади.

² Гломерул — бўйрак копточаси.

ган ҳолда ўз устига тушган вазифани бажаришади. Агар тана аъзоларимиздан биттаси ўз вазифасини бажармай кўйса, қийналиб қоламиз. Неча асрлардан бери инсоннинг мия фаолиятини ўрганиб келишмоқда. Агар у ўз-ўзидан пайдо бўлган тасодиф бўлганида, шунча ривожланган бўлишига қарамай, ҳали ҳам инсон миясининг муаммолари ечимини топиш билан овора бўлишармиди? Тиббиёт олимларини беш юз йилдан бери изланишдан тўхтатолмайдиган даражадаги мукаммаллик оддийгина тасодифдан эмаслигини билдиради.

Абдулаҳҳоб ҳайратдан қотиб қолган эди.

Ойим ҳам ўз ҳайратини яширолмай: — Вой худойим!.. Мария шуларни даданг гапиряптими?

— Ҳа, ойижон...

Дадам бизга жавоб қайтарди:

— Оббо! Ошириб юборманг! Буларни олдиндан биламан, тўғри келиб қолгани учун айтяпман.

Абдулаҳҳоб сўради:

— Динсиз бўлишингизнинг сабаби нима? Мен сизчалик мукаммал тушунтириб беролмасдим.

— Мени қийнаётган нарса ҳам шу аслида. Қанча уринсам ҳам, ўзимни худосиз қилолмаяпман. Атроф муҳитда нима бўлса, ҳаммаси битта нарсага бориб тақалади. Шунинг учун яратувчини ақдимдан чиқариб ташлай олмаяпман. Шунга қарамай ўзим атеистлар гурухидаман.

— Ҳеч ким Тангрисиз эмас. Шунинг учун бизнинг эътиқодимизда “Худосиз”, “Тангрисиз” деган сўзларни ишлатмаймиз. Динсиз Оллоҳни тан олмаса ҳам, унинг Оллоҳи ҳам Оллоҳдир. Фақат илоҳлар ўзгарган. Ленинни¹ ёки унга

¹ Владимир Ильич Ленин (Ульянов) (1870–1924) — Россия большевиклар (коммунистлар) партиясининг асосчиси. СССР деб аталган “қизил империя”нинг ташкилотчиси.

үхшаганларни илохийлаштирган бўлсаларингиз, гапирадиган гапим йўқ.

— Нима? Яъни инсон Тангрига ишонмаса, уни динсиз дейишмайдими?

— Дейилмайди. Ҳозир айтдим-ку. Чунки унинг ҳам Оллоҳи бор. Тан олмаса ҳам уни Оллоҳ яратган. Лекин у бунга ишонмайди. Ишонмаганлиги учун уни худосиз яратилган деб бўлмайди.

Қизғин сұхбатимиз анча давом этди. Дадам Абдулваҳҳобга тинимсиз: “Ҳали ёшсан, динга суюниб қолма”, — деб таъкидласа, у ҳам: “Ҳам яратувчи ақлли дейисиз, ҳам бутун коинотда яратилган жонзотларнинг нафас олиш йўлларигача ўйлаган яратувчининг инсонларга бир раҳбар, бир тузум юборган бўлишини тушунмаяпсиз. Ҳаммасини мукаммал ўйлаган Оллоҳ бизга бизни қаердан юбориб қаерга олиб кетишини айтмайдими? Бизни чексиз коинот узра, миллиардларча юлдузлардан фақат биттасининг устига яъни нима учун бу ерга олиб келганини билдирамайдими?” — дерди.

Дадам: “Бу йигитдан қўрқаман, мени йўлимдан қайтаради!” — деб, ҳазиллашган бўлди-да, бошқа диний гаплардан гапирмади. Ўша кеча дадам Абдулваҳҳобнинг кетишига рухсат бермади. Абдулваҳҳоб бизникида ётиб қолди. Ҳамма ётгани ўз хонасига тарқалди.

Ўша кеча ҳам кўп йифладим... “Мехметим... Сенсиз яшай олмайман, Мехметим. Келсанг бўлмайдими... Энди мен католик эмасман...” — дея ухлаб қолибман.

Эрта тонгдан, яна ҳам тўғрироғи, ҳали қуёш чиқмасдан қорнимнинг очлигидан кўнглим айниётганини ҳис қилдим. Ўйлаб кўрсам, кечаги нонуштам билан юрган эканман. Бир кунда руҳиятим ўзгарганди. Буларни ҳазм қилиш менга осон бўлмади. Пастга тушсам, Абдулваҳ-

ҳобнинг уйғониб, меҳмонхонамизда бир нималар ўқиётганини кўрдим. Дарҳол сўрай қолдим.

— Тинчликми, Абдулваҳҳоб! Эрта тонгдан нима қилиб ўтирибсан?

Мени кўргач чўчиб тушди.

— Дуо қиляпман, намоз ўқигандим.

— Мен овқатланмоқчиман. Тўғрироғи, чой ичиб, нонушта қилмоқчиман. Сен ҳам ичасанми?

— Йўқ. Мен даданг билан бирга ичаман.

— Бўлмаса мен шу ерда сенинг ёнингда ўтириб нонуштамни қиласан. Бир ўзим ўтиргим келмаяпти.

— Тонг саҳардами?

— Тунни кутиш керакми? Нега тонгда бўлмайди? Тонг саҳардан Оллоҳ билан гаплашяпсан-ку, мен билан ҳам гаплашасан. Оллоҳ сени яна ҳам яхши кўради. Чунки яхшилик қилган бўласан. Менинг кайфиятим яхшимас.

— Бўлмайди, Мария! Мендан бошқа муносабат кутма. Саволларинг бўлса, менга хат ёз.

— Яна ўша гаплар! Бўлди, тушундим сен мендан кўрқасан. Наҳотки, тушунмасанг? Менинг кўзим Мехметдан бошқасини кўрмайди.

— Бўлиши мумкин.

Унинг кўзларига қараб:

— Бу билан нима демоқчи бўляпсан?

Мендан кўзларини олиб қочаркан:

— Шуни унутмаки, мен сенинг кўзларинг ҳақида галирмаяпман.

Тушунгандай эдим:

— Бўлмаса ўзингнинг кўзларингга ишонмаяпсанми?

— Бундай гапларни галириш менга қийин. Илтимос Мария... мени тушун... Эътиқодимга қарши боролмайман.

Айниқса, қайлиғим Селва бизни күриб қолса, кечиролмайди.

Хайратим ошиб яна сұрадим:

— Ы-ү-ү! Ыша қызнинг дунәқараши шунчалар торми?

— Йүқ... Мени жуда севади. Севса, рашқ қилади. Аммо Ғарб маданияти рашқ қилишни уят, пасткашлик деб тушунишади. Одамларнинг бошини шохлар босиб кетиб, калласи күрінмай қолган. Шунинг учун Селвага ўхшаганларни сизлар тушунмайсиз.

— Сени тушунмаяпман. Мен дардлашмоқчи бўлгандим. Худди сени еб кўядигандай нега мендан қочяпсан? Сизнинг динингизда чорасиз қолган қизларни ўз ҳолига ташлаб кўйишадими? Дардимни дўстларимга айтсан, устимдан кулиб масхара қилишади. Сен бундай дессанг. Мен нима қилишим керак энди? Мен билан гаплашаётганда ҳам баъзан “сен” дейсан, баъзан “сиз” дейсан. Мен билан гаплашаётганингда ҳаяжонланаётгандай бўласан.

— Сизга нима қилдим, Мария хоним?

— Мана, яна расмий оҳангда гаплашяпсан. Кеча “сен” деб гапираётгандинг, бутун “сиз” деяпсан.

— Мени шошириб қўйгандинг. Бир кунда қирқ ийлилк дўстларга ўхшаб қолгандик. Сенинг руҳий ҳолатинг туфайли шундай бўлганди.

— Мен сени ўзимга яқин олгандим. Сени энг яқин дўстимдан ҳам яқин олгандим. Сен бўлса мен билан бирга бирга нонушта қилишни ҳам раво кўрмадинг. Шунақа ҳам дўстлик бўладими, Абдулваҳҳоб?

— Тушунмаяпсан, Мария. Қара, барибир, ёнимга келиб чой ичяпсан. Нега менинг ҳам эътиқодимга ҳурмат кўрсатмаяпсан?

— Оббо, ғалати бола экансан-ку. Сени еб кўймадим-

ку. Менга Мөхмәт ҳақида гапириб бероласанми? Нима деб ўйлайсан: Мөхмәт менга уйланармикан?

— Билмайман. Одам: “Ошиқ бўлдим, ўляпман”, — дегани билан ўлмайди.

— Хўш, сен Мөхмәтнинг жойида бўлиб қолсанг, менга уйланармидинг?

Абдулваҳҳоб бу саволимдан шошиб қолганди:

— Ҳасбуналлоҳ!.. Бу қандай савол бўлди, Мария?

— Мисол учун дедим. Мисол келтириш ҳам гуноҳми?

— Мария! Ўта самимийлик ҳам биз учун яхши эмас.

Киз бола эркакка бундай саволларни бермаслиги керак..

Яхшигина жаҳлим чиққанди.

— Вой Худо!.. Сен ҳам ҳаддингдан ошяпсан! Саволимнинг нимаси яхшимас. Ёки мени севиб қолишдан кўрқяпсанми?

— Тушунмаяпсан... Севиб қолишдан кўрқиши эмас бу... Эътиқодимга тўғри келмайди, эътиқодимга. Қолаверса, мен ҳеч кимга ошиқ эмасман. Мен учун ҳеч кимга алмашмайдиган Селвам бор. Мен унга заррача хиёнат қила олмайман. Унга буни раво кўрмайман. У — менинг борлиғим.

— Қандай чиройли севги... Кошки, Мөхмәт ҳам мени шундай севсайди!.. Сенинг севгингга ҳавасим келяпти. Сельва билан қандай танишиб қолганингизни гапириб бер. “Фотиҳа қилингандиз”, — дейсан, “Унаштирилгандиз”, — дейсан. Ҳеч бирининг менга аҳамияти йўқ. Мен сизларнинг қандай танишиб қолганингизга қизиқяпман.

— Ислом қоидаларига кўра, унаштириш ва фотиҳа қилиниш битта маънони беради... Одамларнинг қила-диган иши йўқдай шунаقا маросимлар бор. Уч марта совчиликка борилади. Бирида қизни келин қилиш ниятини айтиш учун, бирида қиз рози бўлгани учун бошига оқ

“рўмол ташлаш”га, бир бориши “муборак бўлсин”га, яна бир боришда унаштириш кунини белгилаб келиш учун, кейин унаштирилиш учун борилади, охири йўқ бу маросимларнинг. Бир кун розилиги олинди. Кейин узук тақилди. Бир кеча эса унаштирилдик. Қандай қилиб танишганимизга келсак, айтишга айтаман, аммо бундан кейин эътиборли бўламиш, хўпми? Мен билан фақат хат орқали гаплашасан.

— Ундай дема, Абдулваҳҳоб! Тушкунликка тушганимда ёнингга боришимга рухсат бер. Сен билан гаплашсан, енгил тортгандай бўламан. Худо ҳаққи, мени ҳам тушун! Мен ўзимни ёлғиз ҳис қиляпман. Йигитлар менга ўхшаган чиройли қиз билан саломлашишга зор бўлиб юришади-ку! Сен эса мендан қочяпсан!.. Мени тушунмаяпсан!..

— Биламан... Ҳозир сенга қийин...

— Тушунганинг учун миннатдорман. Менга эътибор қиласанг ҳам, лекин ўйлајапсан. Бу мени хурсанд қилди. Қани, айтиб бер-чи, Сельва билан қандай қилиб танишгансиз?

— Тўғрисини айтсам, у ҳақда гапириш мени завқлантиради. Модомики, билишни хоҳлар экансан, унда айта қолай. Мен ҳали ўша пайтларда динни яхши билмасдим. Юртимизни мустамлака қилиб олишган инглизларнинг маданиятига ҳавас қиласдим. Инглизларга ўхшаб юриб, улардай кайф-у сафо қиласдим. Ўзимизнинг куйлар ҳам ёқмасди. “Мусулмонман”, — дейишга уялардим. Сенга одатий ҳолдай кўринган нарсалар ўша пайтларда менга ҳам шундай кўринарди. Мен ҳам кўп гуноҳ ишлар қиласдим. Нима бўлса ҳам ўша кун бўлди, уни кўриб қолган куним. Жуда чиройли қилиб ўраниб олганди. Мукаммал ўраниш жуда қийин. Лекин у мукаммал ўранганди. Биз ва

учта ўртоғим — йигит ва қызлар — айланиш учун Нил қирғоғыга чиққандик. Биздан сал олдинда Селва ва унинг оиласи чодир қуриб дам олишга чиққан экан. Селвани күрдик. Бизнинг ёнимиздан ўтиб сув олиб келишга бораётган эди. Унга гап отиб устидан кулдик. Европа маданияти бизни шу даражада алдаб қўйган эканки, биз ўз динимиздагиларнинг, ислом динида яшаётгандарнинг устидан кулардик. Европаликларни маданиятли инсонлар деб олқишлиардик. Жуда ҳам ёмон аҳволга тушиб қолганди мусулмон ёшлар!.. Европаликлар томонга ўтиб олиб ўзини-киларни ўққа тутарди. Яна сув олиб келиш учун ёнимиздан ўтиб кетди. Қайтишида унга дўстларим Мұҳаммад, Жамила, Нова ва мен масхаралаб гап отмоқчи бўлдик. Биринчи мен гап бошлашим керак эди. Бизга яқин қолиши билан:

— Бувижон, бизга ҳам озгина сув беринг.

Жойида жавоб қайтарди:

— Албатта, идишингиз борми бериб кетаман.

— Сиз одамларга сув тарқатиб юришни яхши кўрасизми?

— Йўқ. Одамларга сув беришни ёқтирмайман. Чунки одамлар чанқасалар, ўзлари сувни қидириб топишади. Лекин ҳайвонлар бундай эмас. Шунинг учун мен ҳайвонларга бераман.

Бирдан ҳаммамизнинг жаҳдимиз чиқиб кетди:

— Нима, бизни ҳайвонларга ўхшатдингми?

— Ундей дема, болам! Қариб қолганим учун кўзим яхши ажратолмади. Сенинг ёнингда ҳайвонлар ҳам борми?

— Бизга сув бериб бурнимиздан чиқармоқ чимисан? Сен одамларга қилган яхшилигингни бетига соласанми?

— Йўқ. Мен одамларга қилган яхшилигимни миннат

килмайман. Лекин ёнимда турғанларнинг фақат ташки кўриниши инсонга ўхшамай, ички қалби ҳам инсон бўлса эди...

Устимдан бомба тушиб парчаланиб кетгандай бўлдим...

Бизга:

— Яхши қолинглар, — деб узоқлашди.

Жамиланинг жаҳди чиқиб:

— Ҳали унга кўрсатаман ҳақорат қилиш қанақалигини, — деди.

Ёш йигитларнинг ёнида камситилгандай бўлишганди. Биз ҳам қизларнинг ёнида шарманда бўлгандик. Дарҳол уларнинг чодирига қараб юра бошладик. Биз ҳам унинг жаҳдини чиқарадиган гап айтмоқчи эдик. Олдимиздан яна ўшанинг ўзи чиқиб қолди ва:

— Келинг... Сомон сўраб келдингизми? — деб қолди.

Баттар жаҳдимиз чиқди.

Мен ҳақоратланганимиз учун алам билан гапирдим:

— Менга қара, сен ўзингни ким деб ҳисоблаяпсан?

— Мен ўзимни ким деб ҳисоблашим муҳим эмас, чунки ўзимнинг инсонлигимга ишончим комил. Шунингдек, мусулмонман. Ўз юртини сотмайдиган инсонман. Ўз эътиқодига содиқ қолган ва ғуур билан оёқда турган шарафли мусулмонман.

— Биз ким эканмиз? Биз кофирмизми?

— Сизлар олдин инсон бўлинг. Қолганини кейин гаплашамиз.

— Сен ким бўлибсанки, бизни ҳақорат қиласан?

— Сизлар-чи, сизлар кимсизларки, менинг устимдан куляпсиз? Масхара қилиш ҳақоратга кирмайдими? Юртингизни, ғуурингизни кўлингиздан олган инглизларга ўзингизни чиройли кўрсатишга ҳаракат қилаётга-

нингизда, мусулмон бўлганим учун менга қилган қилиқларингиздан кейин сизларни инсон деб бўладими? Инсонлик бунчалик пастга урилмайди. Бошқа гапингиз йўқми?

Биз нима дейишимизни билмай қолгандик. Уялиб-роқ гапиргандим.

— Сиз бизни нотўғри тушундингиз.

— Тушунчаларимни муҳокама қила оладиган дараҷага эришган шахсизлар деб ўйламайман. Қани, кетинглар: инглиз далаларини бориб кўринг-чи: сизларга жой бормикан? Уни қидиринг.

Орамизда энг кўп Жамиланинг жаҳли чиққанди.

Йиғлаб туриб орқага қайтди ва:

— Айтинг-чи, юртимизга инглизлар бостириб кирмадими? Бизни динимиздан айириб, замонавий бўлинглар деб қўлимизга ичкиликларни инглизлар тутқазмадими? Нега энди шу қизнинг олдида камситилишимиз керак? Нимага, нима учун? Жим турманг. Сизлар ҳам гапиринг. Шу қизнинг қайси гапи нотўғри? Бизнинг ҳайвондан фарқимиз қолдими? Уни масхара қилаётганимизнинг фарқига бормаяпти деб ўйлагандик. Уялиб кетяпман. Аҳволимизга қаранг... Қўлимизда ичкиликлар. Тилимизда кофирларнинг қўшиқлари... Яна тарбиясизлик! У ҳам етмагандай мусулмонларга душманга қарагандай қаряпмиз... Биз худосизмизми? Биз кофирми? Мусулмонларга эътиқодсизларнинг нигоҳи билан қаряпмиз. Мен буларни яхшилаб ўйлаб кўришим керак.

Хўнгир-хўнгир йиғларди Жамила:

— Оллоҳим! Бизни кечир... Бизнинг йўлимизни ўзингнинг йўлингга бошқар... Шу қизга ўхшашни хоҳдайман, мени ҳам унга ўхшат! Бу маданиятдан шу оннинг ўзидаёқ нафратландим. Кутулишни хоҳлайман. Мени қутқар! Қутқар мени!..

Ҳаммамиз ҳанг-у манг бўлиб қотиб қолгандик. Нил дарёси бўйлаб Жамиланинг овози жарангларди. Қарасам, Селва келяпти. Жамиланинг овозини эшитган экан. Кела солиб Жамиланинг бўйнидан кучоқлаб олди... Иккаласи ҳам йигларди... Селванинг маҳзун овози юрагимни эзарди.

— Синглим, бизни бир-биримиздан ажратиб қўйишди. Бизни алдашди. Ягонам менинг, хафа бўлма. Бундан кейин бошқача бўламиз. Қариндошлиқ ришталаримизни янгилаимиз. Иссиққина руҳ билан боғланамиз бир-биримизга.

Жамилани қучоқлаётган Селва билан нигоҳларимиз учрашиб қолди. Вой худойим! Бу қандай ажойиб кўзлар эди. Одамни ҳаяжонлантирадиган қарорли, викорли, илмли кўзлар. Дарров кўзларини мендан олиб қочди... Аммо руҳим ва кўзларимни бир сония ҳам ундан айира олмадим. Жуда ақлли ва ўзига ишончи катта бўлган Селвани кузата бошлагандим.

Ўша куни биринчи ишим ичкиликбозлиқдан воз кечиш бўлди. Намоз ўқишни бошладим. Диний китобларни ўқий бошлагандим. Бирдан ўзимни бошқа оламга тушиб қолгандай ҳис қилдим. Яхшигина мусулмон йигити бўлдим. Жамилага ҳам ўша кунги гаплар қаттиқ таъсир қилганди. У ҳам чиройли художўй қиз бўлди. Ўранди... Ўқиди, Селва билан қалин дугона бўлишди.

Мен эса ҳар куни Селваларининг кўчасидан ўтадиган бўлдим. Уч ой уни кўриш насиб қилмади. Ичимдаги оташ аланга оларди. Уч ойдан кейин Қоҳирадаги битта дўкондан чиқаётганида кўриб қолдим. Югуриб ёнига бордим:

— Салом, Селва! Мен Абдулваҳҳобман. Мени танидингизми?

— Нимадир сўрамоқчимисиз?

— Мен!.. Ҳалиги!.. Мен мусулмон бўлдим. Ўша куни мени ҳайратга соглан эдингиз.

Секин юра бошлаганди:

— Хурсанд бўлдим. Оллоҳ давомли қиласин.

Мен ҳам ўша қатори юриб бораркан сўрадим:

— Ишонмайсизми?

— Исломга киришнинг шарти менинг ишониб-ишонмаслигимга боғлиқ эмас. Мен ишонмасам ҳам бўла-веради. Оллоҳ кўрувчи ва билгувчидир. Агар инсонлар сизга ишонмасалар, хафа бўлманг. Мақсадингиз фақат Оллоҳга ёкиш бўлсин. Ҳар қандай қилинган яхши амалларимиз учун бандадан илтифот кутиш ширкдир. Бандаларнинг бирига ёқса, иккинчисига ёқмаслиги мумкин ва ҳақиқий мусулмон бўлганингизга ишонмайдилар. Улардан ҳам хафа бўлманг. Рухсатингиз билан кетсан. Бошқа мен билан кўришишингизга ҳожат йўқ. Сизга айтадиган охирги сўзим шу бўлиши хоҳлардим.

Бирдан мақсадга ўтдим:

— Селва, менга турмушга чиқасанми?

Қандай қилиб айтганимни ўзим ҳам билмайман.
Бир дақиқа жим тургач жавоб берди:

— Менинг билишимча, кўчадан картошка-пиёз олишади. Тинчликми? Мени шуларга ўжшатдингизми?

Шу гапларни айтгач, орқасига ҳам қарамасдан тез-тез юриб кетиб қолди. “Лекин мен сени кўчадан бошқа жойда кўрмайман-ку”, — дедим орқасидан. Эшитишни ҳам хоҳламади. Агар менга ишонганда сухбатлашарди.

Неча ой ҳаракат қилдим. Бир йил кеча-кундуз ўқидим. Битта тафсир¹, икки юзта китобни ўқиб тутат-

¹ Тафсир — Куръонининг мадрасаларда алохидаги сифатида ўрганиладиган муфассал шархи.

дим. Охири уйдагиларни юбордим. Бир неча марта боришиди ва ниҳоят розилигини олдим.... мен ҳам шуури баланд мусулмон йигит бўлгандим. Тақдиримда шу ерда ўқиш ёзилган экан — келдим. Боришим билан тўйимизни қиласиз, худо хоҳласа.

Абдулваҳҳоб орқасига ястаниб чуқур нафас олди. Кўзларини дераза ойнасидан ҳам узоқларга қарата давом этди:

— Хуллас, у билан мана шундай танишганмиз. Кейин у ҳам мени севиб қолди. Орқасидан қолмагандим. У менинг битта гапли ва қарорли эканлигимни ёқтирган экан.

— Жуда ҳам таъсирландим. Демак, художўй қизларнинг шунаقا ақллilarи ҳам бор экан-да. Нимагадир биз художўй қизларни аҳмоқ, жоҳил ва ҳеч нарсани эплолмайдиган қизлар деб ўйлардик.

— Ишонч ана шундай пайдо бўлади ва шундай амалга ошади. Яъни асл жоҳиллар кимлигини биласанми, нимани эшитса, шунга ишонгандар... Ўзларингиз танимаган инсонларингиз ҳақида ёмон фикрга бориб хато қилгансизлар. Бундай қизларимизнинг камлиги одамни хафа қиласиди. Бизнинг ҳам тушунчаларимиз ортиши билан шунақангি онгли ва маданиятли қизлар ва йигитлар сони ортади. Буни тез орада кўрасиз буларни.

* * *

Меҳметни нима қилсам бўлади? У католик қизни хоҳламайди. Хўш динсизни хоҳлармикан. Билмайман. Ойимнинг ҳоли нима бўлади? Мен эса энди диндан ҳам чиқсан эдим. Бу дардимни кимга ҳам айта олардим? Абдулваҳҳоб ҳам мен билан самимий бўлишдан ўзини олиб

кочаётганди. Мени ҳам озгина тингласа, нима қиларди? Менга Мөхәмметдан хабар олиб келса. Уни қандай қилиб күндиришим йўлларини ўргатса.

Уф-ф!..

Шунчалар сиқилдимки...

Яна ҳам аникроғи, инсонлар олтмиш йил ўтгандан кейин бирор ноҳуш хабарни эшитса, шундай ҳолатга тушарди. Мен эса ҳозир шундай ҳолатдаман.

* * *

Мен ўқишда эдим. Бил уйга келиб роса тўполон қилган экан. Уни наркотик моддалар хумори тутибди. Бақириб кўчага чиқиб кетибди. Дадам унинг ҳолини кўриб йифлаганимиш. “Тўғри, ҳаддан ташқари эркинлик инсоннинг ҳаётда яшашига зарар бераркан, мен хато қилдим”, — деганимиш. Ва ниҳоят бу гапни айтганмиш.

Шунингдек, яхши хабар ҳам мавжуд. Селиннинг дадаси келганмиш. Холамга: “Ярашайлик, жуда ҳам афсусдаман, виждоним қийналяпти”, — деганимиш. Аммо холам: “Ҳозирги гапларинг севганинг учун эмас, мени ногиронлар аравачасида кўрганинг учун. Менга ачининг учун айтяпсан. Менинг ачинишга эмас, севгига, муҳаббатга ва ишончга эҳтиёжим бор. Сен рус қизининг кўлига тушгансан, энди менга на севги ва на ишонч бера оласан. Қизимнинг курсанд қилиб юрсанг, шу менга етади. Энди эса черковга бориб гуноҳларингга тавба қил”, — дебди.

Шу ишга қаранг! Азоб тортган холам, руҳоний эса холамни азоблаган гуноҳкор эрининг гуноҳларини кечирап экан. Бу ҳақда, албатта, Абдулваҳҳобдан сўрашим керак.

* * *

Бир куни Абдулваҳҳобни ахтаришга тушдим. Ўқишига келмабди. Бир дўстини кўриб қолдим. “Кеча роса йифлаганди. Сабабини сўрасам, айтмади. Нимагадир бугун дарсга ҳам келмади — ётоқхонада қолди”, — деди.

Жуда ҳам хафа бўлдим. Қандай бўлмасин, уни топаман ва йиғлашининг сабабини сўраб билиб олмоқчи бўлдим. Кета-кетгунча ўйлаб кетдим:

“Абдулваҳҳобга нима бўлди экан! Ёки... Ёки бу йигит мени жуда севиб қолдими? Вой, нима деяпман ўзи? Унинг Сельваси, менинг эса Меҳметим бор. Ажабо, бўлмавур нарсаларни нега ўйлаяпман ўзи?”

Тўғри у яшайдиган ётоқхонага бордим. Ўша ерда экан — ётоқхона назоратчиси айтди. Мен уни кутиш залида кутиб ўтирдим. Ўн дақиқадан кейин келди.

Вой Худойим!

Унга нима бўлган ўзи?

Ранги оқариб кетган. Бирдан ўтирган жойимдан туриб кетдим.

— Нима бўлди, Абдулваҳҳоб?

— Ҳеч нима сўрама, Мария.

— Худо ҳаққи, гапир сенга нима бўлди?

— Ҳаётим... Ҳаётим остин-устун бўлди, Мария!

— Нима бўлди?

Йиғлаётганидан гапира олмасди:

— Ҳеч сўрама... Гапирадиган аҳволда эмасман.

— Ҳавотиримни оширмай гапир: нима бўлди? Сен билан дўстмиз-ку, нега айтмаяпсан?

— Селвам!

— Селвага нима қилди? Ёки бошқасига турмушга

чиқибдими?

— Селвам! Борлигим Селвам! Селвам ўлибди! Селвамни ўлдиришибди!

— Нима? Ўлибдими?

— Ҳа, ўлибди!.. Қийнаб ўлдиришибди! Кўп қон йўқотибди.

— Ким қилибди?

— Инглиз кўппаклари! “Сен ислом ташкилотидансан, кимлар билан алоқа қиляпсан — айтиб берасан”, — дейишибди. Уч ой қамоқда қолиб кетибди. Ҳар куни қийноққа солишибди. Кейин кўйиб юборишибди. Бир ойдан кейин яна қамашибди... Мисрдаги қирол Фарук¹ атрофидагилар ҳам инглизлар каби фикрлаб, унинг шикоятини эътиборга ҳам олмабди. 1936-йилнинг 20-январида ўлибди. Кетди Селвам! Жон жигарим кетди! Энди у билан у ёқда учрашгунимча бошқа кўрмайман.

— Қаерда кўришасизлар?

— Ўша ерда.

— Ўша ер — қаер?

— У дунёда... Яъни охиратда... Кўзимизни юмарюммас кетадиган дунёмиизда.

— Во-о-й! Демак, у билан ўша ерда учрашасизларми? Қандоқ яхши. Ўша ерда ҳам у билан турмуш қурасизларми?

— Албатта, турмуш қурамиз. Жаннатга кириш насиб қилсин-да. Ягона умидим шу менинг. Агар уни қайта кўрадиган кун борлигига ишонмаганимда мен бу айрилиқни кўтаролмаган бўлардим.

Унга таскин беришга ҳаракат қилиб кўрдим. Аммо тинмасдан йигларди. Мен ҳам унга қўшилиб йиглардим.

¹ Фарук I (1920–1965) — 1936–1952-йилларда Миср ва Суданинг қироли.

Қанча тасалли бермай, гапларимга кулоқ ҳам солмасди.
Йифи ичдан, тасалли эса сиртдан келган нарса эди. Шунча
гапираётган гапларим унинг кўз ёшлари билан ювилиб
оқиб кетаётган эди.

* * *

Орадан яна бир неча ой ўтди. Мөхмет ҳали ҳам келмаганди... Фақат хат ёзиб туарди. Лекин ёзган хатларида унинг севгисини тополмаётгандим. Ҳар кун бўлмаса ҳам, тез-тез хат ёзиб туардим олдинлари. У ҳам хатларимга жавоб ёзарди. Аммо мен Мөхметнинг ўзини жуда ҳам соғингандим. Оллоҳга шукурки, Абдулваҳҳоб бор экан... Ойим мени ҳали ҳам насроний деб ўйларди. Мен эса насронийликдан аллақачон кетиб бўлгандим. Лекин мусулмон ҳам эмасман. Шунча тушкунликларга қарамай Мөхметдан воз кечолмаётгандим.

Ниҳоят ўзимнинг нозик жойимни билдим. Унинг менга нисбатан меҳри менинг ҳам унга қизиқишимни ортирган экан. Унинг меҳри камайгач менини ҳам камайибди. Агар мен, ҳақиқатан ҳам, ошиқ бўлсайдим, бундай ҳолга тушармидим?

* * *

Университетни ҳам битирдим. Дипломни ҳам олдим. Энди мен журналист бўлгандим. Университет томонидан Туркияга юборилар эканман. Аслида бу гапдан хабарим бор эди. Дадам кўп айтарди: “Сенинг вазифанг — Истанбулда”, — дерди. Туркчани яна ҳам яхшилаб ўргангандим. Мөхмет келмаса ҳам уни Туркиядан топишни ўйлай бошлагандим. Балки, мен ҳам мусулмон бўлар-

ман. Ислом динини сева бошлаган эдим.

Дадам: “Сенинг вазифанг — Истанбулда”, — дерди.
Керакли маълумотларни юбориб турар эканман.

Абдулваҳҳобнинг аҳволи ҳали ҳам ўша-ўша. Унинг ёнига борганимда менга кўрс гапиради. Ҳолбуки мен уни дўст сифатида яхши қўрадим ва дардларига шерик бўлишни хоҳлагандим. У эса нуқул қаршилик қиласди. Бундан жуда эзилар эдим. Лекин уни ҳам жуда яхши англардим. Ҳали ҳам Севвани унутолмаганди. Уни жуда яхши англардим... Агар Мехметим ўлса, мен қандай аҳволга тушаман — билмасдим?..

Мехмет... Шу кетганича ҳали қайтиб келмади. Ўзи келмаса ҳам хатлари келиб турарди, мен шулар билан овуниб юрадим. Жуда ҳам чиройли хат ёзарди. “Сенсиз бу юртим жуда ҳам қоронғи”, — дерди. Шулар менга умид қилишим учун етарли эди. Ошиқлигим ҳам, ҳаяжоним ҳам камаяётган бўлса ҳам... Хатда ёзганларига қараганда ўзининг юртида мен билан турмуш курав экан.

Уни тушимда кўрдим. Унга католикдан кетганимни, черковга ҳам бормаётганимни айтдим. Жуда ҳам курсанд бўлганди... “Сени табриклайман”, — дер эди. Энди мусулмон бўлсан! Лекин бу осон иш эмасди. Динни алмаштириш, севгилисини алмаштириш осон эканми? Инсон ўз футбол жамоасини алмаштирса ҳам тушкунликка тушади-ку?! Севгилисини ёки динини қандай қилиб алмаштиради?

* * *

Якшанба кунларининг бири эди... Кайфиятим жуда тушкун эди. Ҳамма нарсадан беҳузур бўлаётган эдим. Нимагадир уни кўролмаётганим учун бетоқат бўлаётган

эдим. Охири чидай олмай Абдулаххобнинг ёнига кетдим. Бирон бир фурсат бўлди дегунча уни қўришга ҳаракат қиласдим. Мени хоҳламаса ҳам, менга бақирса ҳам, мени олдидан ҳайдаб юборса ҳам...

Мени қўриши билан қовоини солди:

— Яна нима бўлди, Мария?

— Сени қўргани келдим.

— Мени нега қўришинг керак, Мария? Сени қўриши ни хоҳламайман. Илтимос қиласдан: мени тушун энди.

— Лекин сен менга кераксан. Илтимос, Мехметга сен ҳам жат ёз. “Мария сенинг ишқингдан ўляпти, тезроқ кел”, — деб ёз. Бу ҳол менга жуда ҳам азоб беряпти.

— Бўлди қил, Мария! Сендан ҳам, Мехметдан ҳам тўйиб кетдим! Нега ҳадеб келаверасан, орқамдан қолмаяпсан? Сенга кечаги ҳафта бир неча бор: “Бошқа келма”, — дегандим-ку.

— Мусулмонлар сенга ўжшаган шунаقا кўпол бўлишадими? Мен мусулмон бўлишга ҳаракат қиласпман-ку, сен эса мени итариб юбормоқдасан.

— Ким бўлсанг, бўл! Сени қўришга бошқа тоқатим қолмади. Бир кун келиб сен, барибир, охир-оқибат мусулмон бўласан. Мен буни яхши биламан. Мен учун мусулмон бўлмоқчимисан? Мен учун мусулмон бўлаётган бўлсанг, бўлмай кўя қол. Шунаقا ҳам иймон келтиарканми?

— Ҳеч ҳам унақа эмас. Қаердан олдинг бу гапни?

— Ислом динининг камчиликларини тополмаган ҳар ақдли инсон ислом динига киришга мажбурдир. Сен ҳам ақллисан... Нима қиласан? Оллоҳ яратган дунёда ундан хабарсиз яшамоқчимисан?

— Сенинг бундай ўзингни тутишинг севиб қолгандарнинг қиликларига ўхшайди, Абдулаххоб. Ёки мени севиб қолдингми? Нималар деб валдираяпман ўзи? Ахир,

сен Селвани севардинг-ку... Лекин ўзингни тутишингга қараб бундан бошқа маъно чиқаролмаяпман. Сен фақат гуноҳ томонини ўйламаяпсан. Мени кўришинг билан уришиб ташлайсан. Мен дардларимни ким билан пойлашаман?.. Шунчалар тушкунликка тушганманки, сени кўрмасам, туролмаяпман.

— Мени тинч кўй! Дардларингни хоҳлаган одаминга айт.

Жим бўлиб қолди. Кейин кўзини бир нуқтага тикиб қотиб турди. Бирдан ўрнидан туриб бор овозда бақириб ташлади (Ҳайҳот! Биринчи марта кўзимнинг ичига тик қарashi эди):

— Хўш, мен-чи? Мен дардимни кимга айтаман? Айтсанг-чи, Мария! Мен нима қилай? Ўзимнинг дардим етмагандай, сенинг Меҳметингни эшитиб ўтиришга мажбурманми? Менинг ҳам бир дўстга, севгига, тасаллига эҳтиёж сезиб муҳтоҷ бўлиб ўтирганимда, фақат ўз севингни, ўз дардингни айтиб мени нокулай ҳолатга солиб қўйганингни биласанми ўзи?

— Вой худойим! Нималар деб валдираяпсан? Сен Селвани севардинг-ку!

— Ҳали ҳам севаман. Ҳали ҳам у менинг борлиғим, азизим. Аммо шуни унутма, Мария, севгилиси ўлганларнинг кўнгли ўлмайди. Севгилиси ўлганларнинг қалби ўлмайди... Бир кун яна севгига эҳтиёжи бўлади. Яна севиб қолиши мумкин. Ҳаёт шунақа, Мария! Ҳеч ким севгилисига қўшилиб ўлиб кетмайди... Кет ёнимдан, Мария! Сенга ўрганиб қоляпман. Ўз ақлимга ҳокимлик қилолмаяпман. Мен уйлангунимча кўзимга кўринма!

Қотиб қолгандим. Юзига тикилиб қараб қолгандим:

— Вой-й! Жинни бўлиб қолисан. Меҳметни севишими биласан. Сен мусулмон бўлсанг.

— Жуда түғри. Мусулмон бўлганим учун Мехметнинг севгилисига: “Мендан узоқ тур”, — деяпман. Нима мусулмонларнинг юраги йўқ деб ўйлайсанми? Мусулмонларнинг кўнгли йўқ деб ўйлайсанми? Мусулмонлар нафас олмайдилар деб ўйлайсанми? Мехметни севишингга келсак, мен сенга: “Уни севма”, — деб огоҳдантирган эдим, түғри, албатта, уни севишинг мумкин. Фақат мендан узоқда севишинг керак. Ҳис-туйғуларимни сенга айтишни хоҳламайман. Фақат менинг кўзимга кўринмасанг бўлди, сенга кет деяпман. Кимни севсанг сев, фақат мени безовта қилма. Мусулмон бўлганимиз билан қалбимиз тош эмас. Ўз ҳаракатимизни бошқара оламиз, лекин ҳар доим ҳам қалбимизни бошқара олмаймиз. Фақат ўз ҳис-туйғуларимизни кўлга олишга ҳаракат қиласиз. Аммо айтганимдай кўнглимизни ҳар доим ҳам ўзимиз бошқара олмай қолишимиз мумкин. Шунча гапирган гапларим тушунишинг учун етарли бўлдими? Бундан кўпини жинниларга айтиш мумкин.

Ундан ҳайратимни яшиrolмай сўрадим:

— Яъни сен мени севиб қолганмисан?

Абдулваҳҳоб менга қошлирини чимириб қаради:

— Йўқ!.. Фақат сени ўзимга яқин оляпман. Сени севиб қолмаслик учун олдини оляпман, холос.

— Бу — ғирт аҳмоқлик! Мен ҳам сени ўзимга яқин оламан, фақат севиб қолишдан қўрқиб сендан қочаётганим йўқ-ку.

— Сен қочмасанг ҳам бўлаверади.

Бу сафар мен жойимдан ирғиб турдим:

— Бу билан нима демоқчи бўляпсан? Нима мени енгилтак қиз деб ўйладингми?

— Йўқ, ундей демоқчи эмасдим. Сенинг эътиқодингга кўра мен билан гаплашиб ўтиришингга ҳеч

қандай эътиroz йўқ. Мария, нега тушуниши хоҳламаяпсан? Сени ҳадеб ёнимда кўргим келмаяпти. Агар керак бўлиб қолсанг, ўзим уйингга телефон қиласман.

Унинг бундай дейиши мен учун жуда азобли эди. Бирдан бўшлиққа тушиб қолгандай бўлдим. Ўзим қадрлаган инсонларимни қўлимдан бой бераётгандай эдим... Унга алам билан қарадим ва:

— Гапларинг жиддийми? — дея сўрадим.

Кўзларимга тик қараб туриб жавоб берди:

— Ҳа.

— Аммо мен сени кўрмасам туролмайман.

— Нега туролмайсан? Сенга ҳозир севги керак.

Ичингдаги бўшлиқни мен орқали тўлдирмоқчисан. Мехмет билан топишгач, ҳаммаси тугайди. Шунча пайтдан бери яrim кўнглингга ямоқ бўлганим сенга етмадими?

Жуда ҳам хафа бўлдим. Кўзимнинг ичи ёшга тўла эди. Кўз ёшларим оқиб кетмасин деб ўзимни зўрга тутиб турардим.

— Ҳа-а, демак, ҳаммаси тугадими?

— Ҳа... Ҳаммаси тугади.

— Мен динимдан, эътиқодимдан айрилдим. Ҳеч бўлмаганда ислом динини ўргатсайдинг. Аммо сен буни ҳам қиласман. Шуми мусулмонлик? “Менга исломни ўргат”, — деганларга ўргатмасликми? Динсиз юриш менга ёқмаяпти, лекин сендан ҳам ёрдам ололмаяпман.

— Мария! Мени қийнама... Сенга мусулмон бир қиз топиб бераман, ундан ўрганасан. Шундоқ ҳам энг асосий қоидаларини ўргатганиман. Қолганини бошқасидан ўргансанг ҳам бўлади. Мен бегона аёлга динни ўргатган қанча эркакни кўрган бўлсам, ё қиз унга, ёки йигит қизга ошиқ бўлиб қолганини эшитганиман. Эҳтиёт чораларини оддиндан кўриш керак. Мусулмон бўлган кунинг менга хат ёзиб

хушхабарни айтсанг бўлди.

Ўзимча ич-ичимдан минғирладим:

“Жинни бўлганми бу? Мусулмон бўлгач ўзим келиб сенга бу хушхабарни айтаман. Хат ёзиг вақтимни йўқотиб нима қиласман?”

Кейин чидай олмай бу гапимни овоз чиқариб айтдим:

— Мусулмон бўлсам, охирги марта ёнингга келиб ўзим айтаман.

— Уфф, оҳ Оллоҳим! Қаерданам шу қизга дуч келдим-а?! Тушунмаяпти, тушунишни хоҳламаяпти... Мария! Мен мусулмонман. Мен ислом динининг ҳукмлари ни ҳимоя қиласам, у ҳам мени ҳимоя қиласди. Гуноҳдан қочиш ҳам гуноҳ қиласликка teng. Сен менинг гуноҳимсан!.. Сенга яқин бўлишни хоҳламайман...

Тўхтади, ютинди... Нималарнидир сўрамоқчи бўларди-ю, аммо сўраб-сўрамасликни ўйлаётгани шундоқ сезилиб турганди. Юзини бошқа томонга буриб, кўзини мендан олиб қочди, кейин секингина паст овозда — гўёки гапирмоқчи эмас — фақат калималар тишлигининг орасидан зўрға чиқаётгандай гапирди:

— Яна ҳам тўғрисини айтсам, сенда Селванинг руҳини кўраётгандай бўлардим. Мендан узоқ тур!.. Охири дилимдагини тилимга чиқартирдинг...

— Ундан бўлса яна ҳам яхши-ку, бунинг нимаси ёмон. Бўпти-бўпти, кетаман. Мени деб гуноҳга ботма. Шундоқ ҳам ҳамма айб менда. Сени ўзимнинг бир бўлагимдай кўргандим. Сени жуда ҳам севгандим!

Унинг ёнидан кетаётганимда кўзи тўла жиққа ёш эди. Абдулваҳҳобнинг кўзларидаги ёш менинг ақдимни олгандай бўлди. Мехметни севмаганимда эди, ҳаммаси бошқача бўларди. Лекин Мехметни севишиимнинг сабаби

ҳам ўзи эди-ку. Мәхметни Абдулваҳҳобни туфайли севгандим ва уни жонимдан ҳам ортиқ кўришимни айтгандим унга.

Унинг ёнидан чиқиб, машинамга ўтиридим. Қарасам, орқамдан югуриб етиб келибди. Ҳам ҳайрон бўлгандим, ҳам орқамдан келгани мени хурсанд қилганди. Пушаймонлиги шундоқ кўриниб турарди:

— Мендан хафа бўлма, Мария. Кўполлигимни кечир. Албатта, ислом динига кир, хўпми? Майли сенга охирги марта бўйнимни эгаман, мусулмон бўлишинг билан келиб менга хушхабарни айт, илтимос қиласман.

— Катта раҳмат. Лекин ислом динига ҳам кирмайман, сенинг кўзингга ҳам кўринмайман. Модомики, сен орқали бўшлиқни тўлдирибман — сен шундай деб ўйлаётган бўлсанг, сени кўришнинг ҳеч қандай маъноси йўқ.

Ўзини айбдордай ҳис қилиб:

— Хафа қилиб кўйганим учун мени кечир!

Юзига қарамай жавоб бердим:

— Ҳа, жуда ҳам хафа қилдинг... Ҳаётимни барбод қилдинг!

Қизиқиб сўради:

— Менга ўрганиб қолганинг учун ҳаётинг барбод бўлдими?

— Йўқ. Мени кўришни хоҳламаганинг учун. Юрагимни парчаладинг.

— Оғриндингми, Мария? Сени хафа қилишни ҳеч ҳам хоҳламагандим, аммо менинг юрагим ҳам бошқа томондан парчаланди. Бошқа кўришмаслигимиз иккаلامиз учун ҳам яхшиликка бўлсин.

Кетаркан бирдан орқасига қаради:

— Ҳа-а, эсим борлигига айтишим керак. Мени черковга олиб борган кунинг ўша ерда бир епископ бор эди-

ку, — деди.

— Хуш, унга нима қилибди?

— Ўша епископ мусулмон бўлди...

— Нима?!

— Ҳа, мусулмон бўлибди. Ўзи топиб келди мени.

Келиб пешонамдан ўпид кетди. Мен сабабчи бўлган эканман.

Бу гапни ойим эшитгудай бўлса, юраги ёрилиб ўларди. Мехмет эшитса, хурсанд бўларди... Тўғриси, сабабини билмайман-у, мен ҳам хурсанд бўлдим ва:

— Мен ҳам сенинг хурсанд бўлганингдан севиндим. Жуда ҳам! — дедим.

Машинамни ўт олдиргим келмаётганди. Унинг ёнидан узоқдашишни хоҳламасдим. Унинг ёнида бўлиш менга қандайдир ҳузур ва қувонч берарди. Аммо унинг яна қўполлиги тутди:

— Қани энди, кета қол, Мария.

— Бутун умр кўришмаслик шарти биланми?

— Афсуски, шундай.

— Бу қандай бўлади? Мен сени кўрмай қандай яшайман энди?

— Бўлди, энди кет!.. Худодан сўрайман: ҳақиқий мусулмон бўл ва бир мусулмон йигитга жаҳл қилганингда аламингни ислом динидан олмассан?

— Бу нима деганинг?

— Баъзи ғайримуслимлар мусулмон динига киргандан кейин биронта мусулмон унинг жаҳдини чиқарса, яна қайтиб диндан чиқади-да, шунга айтяпман.

— Мен мусулмон бўлсан: “Оллоҳнинг дини исломдир”, — деб мусулмон бўламан. Одамлар учун кирмайман.

— Буни биламан. Сен сохталикни ёқтирмайсан.

— Ростдан ҳам, шундай деб ўйлайсанми?

— Ҳа, сен, ростдан ҳам, виждонли ва ахлоқли бир қизсан.

Мени мақтаганидан хурсанд бўлгандим. Ундан ажралишни хоҳламаганим учун суҳбатимизни давом эттираётгандим.

— Ростдан ҳам, ҳар бир мусулмон ҳақиқий мусулмон эмасми?

— Йўқ! Биз — бугунги кун мусулмонлари — Оллоҳга дуо қилаётганимизда жуда чиройли дуо қиласиз. Ислом динига кўра дуо қиласиз. Аммо, афсуски, исломга кўра яшамаймиз. Шуни унутма: аввало, иймон келтирганларгина ўзаро дўст бўла олади, ундан бошқаси бўлолмайди. Аммо мутаассибликда ҳаддидан ошганларнинг фикрича, битта гуруҳда бўлганларгина ўзаро биродар бўла олар эмиш. Бир кун мусулмон бўлсанг ҳеч ҳам ундайлардан бўлма. Ҳеч қачон жоҳиллардан, ишончи учун алоҳида алоҳида гуруҳлардаги мусулмонлардан бўлма. Сен билан, балки, бошқа учрашмасмиз. Шу маслаҳатимни ҳеч ҳам унутма... Ким нима деса десин, мақсадинг фақат ва фақат Оллоҳ розилиги учун бўлсин. Бу гапларимни унутма, ҳўпми? Албатта, Оллоҳ томон бўл... Сенга ислом динида бўлишинг ярашади. Унутма, Мариям!..

— Оҳ! Сен менга: “Мариям”, — дединг.

— Бўлиши мумкинмас. Нотўғри эшитгандирсан.

— Йўқ, айтдинг!.. Мариям дединг.

— Бўлди қил энди... Оғзимдан чиқиб кетгандир. Бўлди энди, хайда машинангни.

Кўз ёшимни тия олмасдим:

— Кетяпман. Энди сени бошқа кўрмайман.

— ...

Мажбур кетдим у ердан. Агар машинанинг кўзгусидан кўрганларим ёлғон бўлмаса, унинг ҳам кўзларини

артаётганини кўргандим. Кета-кетгунимча бир томондан йиғласам, бир томондан ўйлардим. Хуштор бўлиб юрганлар ҳам бунчалик севолмаса керак. Эй худойим, нега мени севиб қолди экан-а? Бекорга азобланяпти. Мен ҳам уни севаман. Лекин у мени севмайди, у менга ошиқ бўлган. Уни кўрмасдан яшашни тасаввур қиломаяпман. Мехмет қаердасан, кела қолсанг-чи энди...

Мехметнинг келишини кутишимга ҳожат қолмади. Энди ўзим Туркияга кетаётгандим...

Яна ҳорғинлик... Яна чарчаган ҳолда уйга келдим.

* * *

Епископнинг мусулмон бўлганига ҳайрон бўлгандим, буни дадамга айтиб бердим.

— Нима! Мусулмон бўлибдими? Жинни бўлганми?
— Билмайман, дада, мен ҳам ҳайрон қолдим.
— Исломдан нима топибди?
— Билмайман.

— Бўпти, тушунарли... Ўша йигит уни мусулмон қилгандир. Чунки ўша йигит маъноли ва таъсирили қилиб гапирав экан. Худога шукур, сенга ўз таъсирини ўтказолмади. Лекин сен жуда ҳам ақлли қизсан.

Дадам бу хабарни ҳазм қилолмаганди. Бир муддат залнинг у ёғидан-бу ёғига қараб секин-секин юра бошлиди, кейин менга қараб:

— Менга қара, Мария! Бу гапдан кейин юрагим ғаш бўлди. Епископнинг нима учун мусулмон бўлганини ўрганиб менга айтолоссанми?
— Қаердан ўрганаман?
— Бориб ўша Абдулаҳҳомиди — ким эди — ўшандан сўра.

— Мен унинг ёнига бормайман, дада. Менимча, у ҳам билмаса керак. Епископ ҳам унга хушхабарни айтиб кетган экан.

— Йў-ўқ.. Мен мусулмонларни яхши биламан. Улар бир епископ мусулмон бўлади-ю, унинг билан алоқани кесади, шунақами? Мумкин эмас. Мен уларнинг ислом тарихидаги хислатларини ўқигандим.

— Ўша тарихдаги мусулмонлар ҳозир деярли йўқ эмиш... Яъни жуда кам бормиш. Келажакда яна кўпаяр экан.

— Улар жуда яхши билишарди. Биз келажакда ҳатто исломнинг изини ҳам қолдирмаймиз. Аҳмоқлар билмайди...

— Лекин сиз Худога ишонасиз-ку.

— Ишончим учун диннинг бўлиши шартми?

— Модомики, Оллоҳ бор. Оламлардан нимани хоҳлашини билдириши керак эмасми, дада?

— Ҳа, мантиқ шундай дейди.

— Башарти ислом дини орқали билдирган бўлса-чи?

— Бўлди, ўзингни қийнама. Тағин сенга ҳам таъсирини ўтказмасин? Худо сақласин!.. Епископ учун жуда хафа бўлдим. Ҳалқ буни эшитса, жуда қаттиқ зарбага дучор бўлади... Охир-оқибат бу ҳол баъзиларининг мусулмон бўлишига сабабчи бўлиб қолади. Зудлик билан газетага хабар беришим керак.

— Оббо! Нима учун, дада, қандай хабар бермоқчисиз?

— Ҳозир қараб тур: нима дейишимни ўзинг эшитасан.

Дадам қаергадир телефон қилди. Тушунишим буйича дадам гаплашаётган одам ҳам мужбир, ҳам бошлиқлардан бири эди. Ҳам дадамни жуда хурмат қиласидиган-

лардан бири эди. Дадам унга нима деб ёзиши кераклиги-ни сўзма-сўз айтиб турди. Айниқса, шундай ёзишларини таъкидлади:

— Епископ тушкунликка тушиб, “Черковнинг менга бераётган пули камлик қиляпти, мусулмонликда кўп пул бор”, — деб, епископликни ташлади.

Ҳайратдан қотиб қолгандим. Дадамнинг имонини заҳарлаганлар виждонини ҳам заҳарлаб улгуришган экан.

— Нега ундей қилдингиз, дада? Ахир, бу ёлғон-ку!

— Негалиги кўриниб турибди-ку. “Епископ нима учун исломга кирди?” — деб қизиққанларнинг кўпчилиги ислом динига кириб кетиши мумкин. Шундай десак, халқни қизиқтирган саволларнинг жавобини топган бўлишади.

— Жуда ҳам ақдлисиз, дада. Лекин ёмон ниятда ишлатилган ақл сизга тинчлик берадими?

— Ривожланган дунё қуришимиз учун ақлли бўлишимиз шарт... Ҳа-а... Нега сен ўша йигитнинг ёнига бориб сўрашдан ўзингни тортяпсан?

— Унинг ўзи мени қўришни хоҳламаяпти.

— Қизиқ нима учун? Аслида бундан хурсанд бўлдим. Бўлмаса сени ҳам ўз таъсирига оларди... Ундей бўлса, ўзим бораман...

Дадамдан буни кутмагандик. Ойимнинг ва менинг ҳайрон бўлиб қараб туришимизга эътибор ҳам қилмай, курткасини кийиб, Абдулаҳҳоб билан учрашиш учун уйдан чиқиб кетди.

Икки соатдан кейин уйга қайтганда жаҳл отига минганди. Ойим қўймай сабабини сўраганида:

— Ҳеч сўрама, епископ мусулмон бўлганмиш. Ислом динининг ҳақиқий дин эканини очиқча айтиётганмиш. “Муҳаммад оддий инсон эмас. Чунки кўп хислатлар соҳиби

бўлган Исо алайҳиссалом ўликларни тирилтирар эди. Ўзидан ҳам кўп хислатларга эга бўлган пайғамбарни мақтар эди. “Ҳақиқий пайғамбар бўлмаганда Исони мақтамасди”, — деяётган эмиш. “Бу дин ҳақиқий бўлмаса, ҳақиқий деган нарсанинг ўзи йўқ. Айниқса мен инсон фитратига мос келадиган дин бўлгани учун ҳамда мусулмонлик дини мантиқли дин бўлгани учун мусулмон бўлдим”, — деганмиш.

Ойим қовоғини солиб жавоб берди:

- Тўнғиз! Жаҳаннамга кетсин!
- Ойи! Нега епископга тил теггизяпсиз?
- Энди у епископ эмас.

— Нима фарқи бор? Яна ҳам художўй ва яхши инсон бўлиб ҳаётини давом эттиради. Ҳамда ҳеч кимга тухмат қилмасдан, Исодан ҳам, Мусодан ҳам, Инжилдан ва Биби Марямдан ҳам айрилмасдан яшайди.

* * *

Меҳметдан ҳали ҳам ҳам хабар йўқ эди. Эй Худойим, мен Меҳмет десам, кўз олдимга Абдулваҳҳоб келади. Шунақаси ҳам бўладими? Бунинг устига Абдулваҳҳобдан хафаман. Сен туфайли шундай бўлди, Меҳмет. Кетдинг. Кетганинг бўйича қайтай демадинг. Уч кунга деб кетган эдинг?.. Меҳмет, мени, менинг юрагимни ёлғиз ташлаб кетдинг, бу юрак курғур эса мендан сўраб ўтирмай ўзига дўст топиб олди.

* * *

Холам ҳам алоҳида яшаш учун бошқа уйга кўчиб ўтди. Давлат унга кечаси учун алоҳида, кундуз учун алоҳида ҳамшира ажратди. Селин ҳафтада бир марта дадаси

билан айланишга чиқиб тураётган эмиш. Дадаси ҳар доим: “Қизим, мени кечир”, — деб узр сүрармиш.

Ойим холамнинг кўчиб ўтадиган уйини бизнинг уйга яқинроқ жойдан олдирган эди. Онамга қойилман... Бошқаларга нисбатан ёмон муносабатда бўлишига қарамай, опасини меҳр билан парвариш қилди.

* * *

Софини кўргани бордим. “Менинг қора марваридим”, — деб кучоқладим уни. Унинг қўғирчоқлар билан бирга хола-хола ўйнадик. Кейин унга қўғирчоқ олиш учун дўконга олиб бордим.

— Сенга совға қилмоқчиман қайсисини оласан, танла, — дедим.

Битта қора танли қўғирчоқни танлади.

— Нега уни олдинг? — деб сўрасам, кўзимга маъноли қараб жавоб берди:

— Уни ҳеч ким танламайди, кейин хафа бўлиб қолмасин деб олдим, — деди.

Ёшгина боланинг маъноли ва ҳозирги кунимизнинг аччиқ ҳақиқатини айтган бу гапларидан жуда ҳам таъсирланиб кетдим. Софининг маъсум чехрасига қараб, ичимда; “Бутун дунё қўлни қўлга бериб, Африкани ривожлантиришимиз керак. Қора танли болалар оқ танли болалар ичida, оқ танли болалар қора танли болалар ичida яшашларига мажбур бўлмаслиги керак. Ҳеч қайси бола қора танлилар орасида ўз рангини деб қийналмаслиги керак. Оқ танли болалар, қора танли болаларнинг орасига тушиб қолса, улар ҳам, руҳий қийинчилликларда қолиши мумкин”, — деб ўйладим.

Ҳайронман дунёни бошқараётган раҳбарлар нега

буни ўйлашмаяпти. Атташенинг¹ қизи ҳам ота-онаси билан бирга кетган эди. Дадасининг хизмат вазифаси юзасидан Нигерияда яшашига түғри келган экан. Ўша ўртоғим ҳам ҳабашларнинг орасида қийналиб яшаганини айтиб берганди. “Олти ёшда эдим. Ҳамма қора, битта мен оқ эдим. Роса йиғлардим”, — деб галириб берганди.

Инсоният бу масалани, албатта, кўриб чиқиши керак.

* * *

Орадан яна неча ҳафталар, кунлар ўтиб кетди. Бир куни ярим кечаси дадам ҳаяжон ичидаги келиб қолди.

— Мария, кел, қизим, сенга айтадиган гапларим бор. Энди Туркиядаги ишларинг бошланяпти. Бу кеча сенга баъзи вазифаларингни тушунтираман. Сенга Истанбулнинг Лалели туманидан битта уйни ижарага олдим. Атташенинг қизи Сузи ҳам сен билан бирга туради. Илк мақолангни Туркиядан ёзишингни хоҳлайман. Германиянинг энг машхур газетасида мақолаларинг чиқади. Туркиядаги дўстларимизнинг манзилларини ҳам сенга бераман. Қийналмайсан. Оҳ, қанийди, каллангни ишлатиб Отатуркни ўзингга оғдира олсанг... Сенга дунёларни берардим.

— Мендан бундай қилишимни сўраманг, дада. Мен Меҳмет билан турмуш қураман. Бошқасига қарамайман.

— Қизим, битта Отатуркнинг ўзи ўнта Меҳметнинг жойини босади. Ҳам давлат бошлиғи, ҳам келишган чиройли эркак...

¹ Атташе (французча: attache — кўшиб кўйилган, биректирилган) — 1) кичик дипломатик марта, увон; 2) бирор соҳа, масалан, ҳарбий соҳа вакили бўлган дипломатик ходим.

— Барибир, менга буларнинг қизиги йўқ.

— Майли, ҳеч бўлмаганда, унга яқинроқ бўл. Бизнинг тушунчаларимиз ҳақида гапириб берсанг, бизга анча ёрдаминг тегиб қоларди. Иккинчи вазифанг шуки, Туркияда қобилиятли ёзувчилар қанча бўлса, ҳаммасини аниклайсан. Улар билан ҳар хил тадбирлар ўтказасиз. Бизга бўйсунадиган, хизмат қиласидиган ташкилотлар сонини кўпайтириш.

— Хўп бўлади, дада. Уларни тақдирлаш учун ҳар хил мукофотлар ҳам бериб туришимиз керак, тўғрими? Кичкина темир парчасини олган инсонлар шон-шуҳратдан маст бўлиб қолишади.

— Баракалла, қизим. Бу гапларни сенга ким ўргатган? Менми?

— Албатта, сиз айтгансиз-да, дадажон... сиз... инсонларнинг ожиз томонини жуда ҳам яхши биласиз. Буни қандай қилиб аниқлагансиз?

— Жуда оддий. Одамлар хушомадни, мақтовни яхши кўришади. Бўлмаса шунча санъаткор олқиши олиш учун халқнинг олдига чиқармиди?

— Мукофотларни қайси хизматлари учун беришимиз керак, кечирасиз, дада, бердиришимиз керак?

— Қизим-ей, мукофот бериш учун сабаб кўп-ку. Балконини расмлар билан безагани учун мукофот билан тақдирлансан. Ўзига қараб, чиройли кийинганлар учун мукофот... Чиройли нутқ сўзлаганларга ҳам мукофот берилсан. Яхши ёзган ёзувчиларга битта мукофот. Қиморхоналарга аъзо бўлгани учун ҳам мукофот берилсан. Ярим яланғоч юрганларга мукофот. Уйида ит боққани учун мукофот. Аҳоли сонининг ортишига муносиб ҳисса қўшганларга мукофот берилсан. Намунали бошлиқ мукофоти. Битта чиройли шеър ўқигани учун ҳам мукофот берилсан.

Аълочи талабалар учун мукофот. Мукофот бериш учун сабаблар кўп. Энг асосийси мукофотни кимларга бераёт-ганингни яхши билсанг бўлди. Мукофотлар билан тақдирлаш хусусида бизнинг уюшмамиз яхши фаолият олиб боряпти. Деярли барча обрўли одамларни ўзимизга оғдириб олди. Қани энди, сен ҳам маҳоратингни кўрсат, қизим. Ҳақиқий социал-демократ журналист бўл. Бизга кўпроқ маълумотлар жўнатиб тур. Ҳали кўрасан... Сени дунёning энг машҳур журналисти қиласман.

— Агар бунга лойик бўлмасам-чи, дада?

— Сен биздай фикр юрита бошлиган кунингданоқ энг катта мукофотга лойик бўлгансан. Агар билсанг, бизнинг рухсатимизсиз ҳеч ким журналистилик соҳасида машҳурликка эришолмайди. Агар биз хоҳласак, энг оддий газета мухбирини катта журналист даражасига кўтаришимиз мумкин. Сен булар учун хавотир олма.

* * *

Мехметдан келган кейинги хат шунчаки ёзилган эди. Хатнинг мазмунидан соғинч ҳиссиёти сезилмаётганди. “Оддий руҳий ҳолатдир”, — дедим, ўзимча.

Туркияга кетаётганимдан жуда ҳам журсанд эдим. Йўл тайёргарлигини ҳам кўриб қўйгандим. Поезд эртага соат ўн бирларда кетиши керак...

Хурсандчилигимдан учайтганга ўхшардим. Ахир, у ерда Мехметни кўраман-ку! Мехметим, сени жуда соғиндим!

Мен аслида Мехметни менга ошиқ бўлиб қолгани учун севганман. Ўша севгисининг соясида баҳтли эдим. “Абдулваҳҳобнинг хислатлари унда ҳам бордир”, — деб ўйлардим ўзимча. Нима бўлган тақдирда ҳам Мехмет

мусулмон эди.

Қаранг, яна хаёлимга Абдулваҳҳоб келди! Қандай бўлмасин, уни топиб хайрлашиб кетишим керак эди. Уни топиш учча қийин бўлмади. Сездирмасликка ҳаракат қиласа ҳам, уни қидириб келганимдан севингани билиниб турарди. Уни кўрар-кўрмас гапирган гапим кейинчалик ўзимга ҳам ёқмаганди:

— Ҳеч ҳам қўрқма, мени бошқа кўрмайсан. Мени кечир, сен билан хайрлашмасдан кетолмасдим.

— Раҳмат. Мени ўйлаганинг учун хурсанд бўлдим.

Хайрон бўлиб:

— Қўйсанг-чи, сенми? Худо ҳаққи, бундай дейишингни ҳеч ҳам кутмагандим.

— Рост гапиряпман. “Оллоҳ” сўзи сенинг тилингга қандай чиройли ярашди. Бундай кейин доимо шундай дегин. Демак, энди кетяпсанми?

— Ҳа, эртага соат ўн бирда.

— Мусулмон бўлганингни кўрмас эканман-да.

Уни хафа қилиб қўйишни хоҳламагандим:

— Шунақа, шекилли. Балки, кирмасман.

— Кирасан. Сенинг руҳиятинг мусулмонликни аллақачон қабул қилиб бўлган. Фақат қалбинг билан ақлинг тўхтаб турибди.

— Миннатдорман. Сенга ҳаммаси учун катта раҳмат.

— Биласанми, кеча Сельва тушимга кирганди. Тушимда қўлимга битта хат бериб кетди. Хатида сенга ҳам салом айтибди. Туш бўлса ҳам жуда ҳам таъсирландим.

— Қизик... Агар яна тушингга кирса, менинг номимдан ҳам унга салом айт. Майли, мен энди бора қолай. Туркия ҳам сизга ватанингиздай бўлса керак. Ахир, мусулмонларнинг давлати-ку... Тезроқ мусулмонларни кўришга

қизиқяпман. Қани, күрайлик-чи, мен уларнинг орасида ўзимни қандай тутар эканман?

— Менга, албатта, хат ёз. Ёзасанми ўзи?

— Албатта, ёзаман.

— Мөхметга ҳам менинг номимдан салом айтиб қўй.

Мен мусулмон бўлганим учунгина сен билан бирга бўлади.

Бунинг учун мусулмонлигимдан миннатдор бўлсин.

— Бу нима деганинг?

— Сен бунга эътибор қилма, шунчаки гапирдим-да.

— Кетаётганимдан хурсанд бўлсанг керак?

Кўзини ердан узмай жавоб берди:

— Ҳмм, жуда ҳам хурсанд бўлдим... Қойилман, ахири тушунибсан.

— Тушунмайдиган жойи йўқ-ку бунинг.

— Майли, буни бошқа гаплашмайлик.

— Тўғри... Бўлмаса сен гуноҳкор бўлиб қолардинг.

Эҳ, Абдулваҳҳоб, сен менга нисбатан, ўзинг ўйлагандай ҳиссиётга эга эмассан. Агар шундай бўлганда ҳозир менинг кетишимга жим қараб турмасдинг. Мөхмет билан бирга бўлмаслигим учун кўлингдан келганча қаршилик қилган бўлардинг.

— Мен бирор билан унаштирилган қизнинг ҳаётига нега аралашибим керак! Бу нима деганинг? Бошқаси билан унаштирилган қизга пасткашларгина кўз олайтиради. Қўй, энди кетадиган вақтинг ҳам жанжаллашмайлик.

— Агар йигитим бўлмаганда менга уйланадигандай гапиришингни қара. Тўғри айтасан, энди жанжаллашмайлик. Бу, барибир, бизнинг сўнгги учрашувимиз бўлади.

— Худо билади.

Унинг бундай дейишидан ҳайрон бўлгандим:

— Мен Мөхмет билан турмуш кургач, унинг ёнида —

ўша ерда яшамоқчиман.

— Тўғриси ҳам шу: унинг ёнида қолишинг керак. Туркияда ҳали ҳам мусулмонлар бор бўлса, уларга менинг номимдан салом айтиб қўй. Турк биродарларимизга айтиб қўй: араблар уларнинг орқасидан пичоқ санчгани йўқ. Биродарларнинг ўртасига совуқчилик тушириш учун “Ёш турклар¹” ҳамма ёқقا ёлғон гап тарқатиши. Биродарларимга айтиб қўй, душманларнинг ҳийла-найрангига учмасин. Такрор айтаяпман: араблар битта ҳам туркни ўлдиргани йўқ.

— Аммо сен нега йиғлаяпсан?

— Селвам эсимга тушиб кетди, шунга йиғлаяпман. Сенга ҳам ўрганиб қолган эканман... Буни сенга айтмоқчи эмасдим, барибир, энди кетяпсан-ку шунга... Ёнимга ҳадеб келавермаганингда шунчалик ўрганиб қолмасдим. Энди сен кетгач ёлғизланиб қоламан. Буни ҳозирданоқ ҳис қила бошладим. Лекин шуни жуда яхши бўлишига аминман.

— Майли, яхши қол! Сен энг яхши биродар, энг яхши дўст бўлдинг. Сени ҳеч қачон унутмайман!!!

— Бўлди қил!.. Кета қол энди!

Орқасига ўгирилиб чопиб кетди. Унинг йиғлаётганини билиш қийин эмасди.

Эртаси куни ҳамма билан хайрлашиб поездга чиқдим... Онам, дадам, дўстларим... Ҳаммаси мени кузатиш учун вокзалга келишганди. Атрофимда ҳамманинг бўлишига қарамай, нимагадир кўзларим Абдулваҳҳобни қиди-

¹ Ёш турклар — XIX аср охири ва XX бошларидаги Усмонли турк империясидаги инқилобий харакат катнашчилари, “Иттиҳод ва тараккӣ” партияси аъзолари. Ёш турклар (улар дастлаб ўзларини Янги усмонлилар деб аташган)нинг асосий мақсади сulton Абдулҳамид II (1842–1918)нинг истибодонини конституцион тузум билан алмаштириш, Туркияда ажнабийлар хукмронлигига қарши кураш ва демократик жамият куриш бўлган.



рарди. Тавба, жуда ғалати...

“Агар йигит билан қиз ёки аёл билан тез-тез учрашиб, гаплашаверса, ўрталарида ўзлари сезмаган ҳолда яқинлик пайдо бўлади. Шунинг учун эҳтиёт бўлишга ҳаракат қиляпман!” — деганди. Гали тўғри экан.

Эй Худо! Ё Оллоҳим! Нималар деяпман ўзи? Ахир, бу билан Мехметга хиёнат қилган бўламан-ку. Худойим, ўзинг мени кечир. Мехметга бўлган севгим пок бўлиши керак-ку. Ишончим комил, унинг севгиси ҳам менга нисбатан худди шунаقا.

Поезд қўзгаладиган вақт бўлди. Барibir, атрофдан уни қидираётган эдим. Нима қиласарди, Абдулваҳҳоб шу ерда турган бўлса-ю, уни яна бир бор кўрсам. Мен уни ёмон ният билан севмадим-ку...

Ўз биродаримдай... яқин дўстимдай...

Роса кутдим...

Аммо уни кўрмадим.

Поезднинг қўзғалиши учун гудок чалиши уни кўришга бўлган умидларимни йўққа чиқарди.

* * *

Вагонга киргач, дераза ёнидаги жойга бориб ўтиредим. Рўпарамда тўқ сариқ сочли битта қиз ўтирган эди. Поезд юришни бошлаганига ярим соатлар бўлган эди. Ҳали ҳам қимирламай ойнадан ташқарига қараб кетаётган эдим.

Тушкун кайфиятим олдимга қараб ўтиридим-да, рўпарамда ўтирган қизга салом бердим:

— Салом.

— Салом.

— Қаерга кетяпсиз?

— Туркияга.
— Сиз-чи?
— Мен ҳам.

Поезднинг юра бошлаганига ҳам анча бўлганди. Кетмоқдаман... Аммо қалбимнинг бир парчасини Германияга ташлаб кетаётган эдим. Мен, ростдан ҳам, унга ошиқ бўлиб қолганман. Чунки унга бундай интилишимнинг бунинг бошқа изоҳи йўқ.

Ўзимни чалғитиши учун рўпарамда ўтирган қиз билан гаплаша бошладим. У билан анча сухбат қурдик. Кейин эсимга тушиб қолди.

— Кечирасиз, сизнинг исмингизни сўраш эсимдан чиқибди.

— Исмим — Фикрия. Сизники-чи?
— Меники — Мария... Қаерда яшайсиз?
— Анқарада. Сиз Отатуркни танийсизми?
— Уни ҳамма танийди-ку.
— Мен у билан бирга яшайман.
— Тушунмадим, қанақасига?
— Яъни Анқарадаги “Чанқая” кўшкида тураман.
— Қанақасига? Сиз Отатуркнинг турмуш ўртоғими-
сиз?

— Ҳозирча йўқ, лекин бўламан. У менга уйланмоқчи. Биз бир-биримизни жуда ҳам яхши кўрамиз.

— Ишониш қийин.
— Ростдан, тўғри гапирияпман. Мен унга телбаларча ошиқман.
— Бўлмаса нега поезддасиз ва бир ўзингиз кетяп-
сиз?
— Поездда юришни яхши кўраман. Менинг бори-
шимидан хабари йўқ. Унга сюрприз қилмоқчиман.

Тавба, ҳали танишганимизга уч соат ҳам бўлгани



рарди. Тавба, жуда ғалати...

“Агар йигит билан қиз ёки аёл билан тез-тез учрашиб, гаплашаверса, ўрталарида ўзлари сезмаган ҳолда яқинлик пайдо бўлади. Шунинг учун эҳтиёт бўлишга ҳаракат қиляпман!” — деганди. Гали тўғри экан.

Эй Худо! Ё Оллоҳим! Нималар деяпман ўзи? Ахир, бу билан Мехметга хиёнат қилган бўламан-ку. Худойим, ўзинг мени кечир. Мехметга бўлган севгим пок бўлиши керак-ку. Ишончим комил, унинг севгиси ҳам менга нисбатан худди шунаقا.

Поезд қўзгаладиган вақт бўлди. Барibir, атрофдан уни қидираётган эдим. Нима қиларди, Абдулваҳҳоб шу ерда турган бўлса-ю, уни яна бир бор кўрсам. Мен уни ёмон ният билан севмадим-ку...

Ўз биродаримдай... яқин дўстимдай...

Роса кутдим...

Аммо уни кўрмадим.

Поезднинг қўзғалиши учун гудок чалиши уни кўришга бўлган умидларимни йўққа чиқарди.

* * *

Вагонга киргач, дераза ёнидаги жойга бориб ўтиредим. Рўпарамда тўқ сариқ сочли битта қиз ўтирган эди. Поезд юришни бошлаганига ярим соатлар бўлган эди. Ҳали ҳам қимирламай ойнадан ташқарига қараб кетаётган эдим.

Тушкун кайфиятим олдимга қараб ўтиридим-да, рўпарамда ўтирган қизга салом бердим:

— Салом.

— Салом.

— Қаерга кетяпсиз?

— Туркияга.
— Сиз-чи?
— Мен ҳам.

Поезднинг юра бошлаганига ҳам анча бўлганди. Кетмоқдаман... Аммо қалбимнинг бир парчасини Германияга ташлаб кетаётган эдим. Мен, ростдан ҳам, унга ошиқ бўлиб қолганман. Чунки унга бундай интилишимнинг бунинг бошқа изоҳи йўқ.

Ўзимни чалғитиши учун рўпарамда ўтирган қиз билан гаплаша бошладим. У билан анча сухбат қурдик. Кейин эсимга тушиб қолди.


— Кечирасиз, сизнинг исмингизни сўраш эсимдан чиқибди.

— Исмим — Фикрия. Сизники-чи?
— Меники — Мария... Қаерда яшайсиз?
— Анқарада. Сиз Отатуркни танийсизми?
— Уни ҳамма танийди-ку.
— Мен у билан бирга яшайман.
— Тушунмадим, қанақасига?
— Яъни Анқарадаги “Чанқая” кўшкида тураман.
— Қанақасига? Сиз Отатуркнинг турмуш ўртоғими-
сиз?

— Ҳозирча йўқ, лекин бўламан. У менга уйланмоқчи. Биз бир-биримизни жуда ҳам яхши кўрамиз.

— Ишониш қийин.
— Ростдан, тўғри гапирияпман. Мен унга телбаларча ошиқман.
— Бўлмаса нега поезддасиз ва бир ўзингиз кетяп-
сиз?
— Поездда юришни яхши кўраман. Менинг бори-
шимидан хабари йўқ. Унга сюрприз қилмоқчиман.

Тавба, ҳали танишганимизга уч соат ҳам бўлгани



йўғ-у, қиз ҳамма дардини тўкиб согланди. Ўйлаб қўйган қандай режалари бўлса, ҳаммасини менга, яъни танимаган одамига айтар эди. Тушкунликка тушиб қолган одам ўзини қандай идора қилишни билмай қолар экан. Буни ўзи ҳам сал кейинроқ тушуниб қолганди.

— Вой, менинг оғзимнинг бўшлигини қаранг. Шахсий муаммоларим билан сизнинг ҳам бошингизни оғритиб юбордимми?

— Ҳеч ҳам ундаи деб ўйламанг. Сизни бундай кўрганим учун ҳайрон бўлгандим. Лекин сиз билан танишганимдан жуда ҳам хурсанд бўлдим. Энди сиз билан дугона бўламиз.

— Жуда ҳам хурсанд бўлдим. Анқарада сирлашадиган одамим йўқ. Юртимизнинг одамлари ҳали ҳам қолоқликдан қутуломмади-да. Отатурк билан яшаётганим учун гуноҳкор эканман. Ҳамма билиб қолмаслиги учун у билан бирга қўл ушлашиб ҳам юролмаймиз.

— У ҳам буни қабул қиласмайдими?

— Йўқ, нега энди? Отатурким жуда ҳам замонавий. “Халқ ҳали бунга тайёр эмас”, — дейди. Менга аҳамияти йўқ. Нима бўлганда ҳам яқинда турмуш қурамиз-ку.

— Агар сизга уйланмаса-чи?

— Бўлиши мумкин эмас. Унга борлиғимни ҳаётимни берганман. Аёлларнинг ҳуқуқини ҳимоя қилаётган давлатимиз бошлиғи менга ёлғон гапирмаса керак? Мумкин эмас. Ўйлаб кўрсангиз-чи, аёлларни ҳимоя қилиш учун эркакларга хотин устига хотин олишни тақиқлади. Нима учун? “Ўша аёл хафа бўлмасин, йифламасин”, — деб тақиқлади. Ахир, мен ҳам аёлман-ку, мени ҳам йифлатиб қўймас. Бунинг устига унинг учун ўз жонидан ҳам воз кечишга тайёр турган бир аёлнинг... Шунинг учун ундан шубҳаланмайман. Лекин унинг онасидан кўрқяпман, у мени ҳеч ҳам

ёқтирмади.

— Менимча, Отатурк ўзига ишонган бир қизни, бир аёлни: “Бошқа аёл уни ёқтирмайды”, — деб хўрламаса керак.

— Йўқ, хўрлатиб қўймайди. У — ажойиб инсон.

— Тўғрисини айтсам, Отатуркингизнинг қанака одам эканлигига жуда ҳам қизиқяпман. Замонавий экан... Сизнинг юртингиздаги одамларни “қолоқ” дейишганди.

— Тўғри, қолоқ одамлар ҳам бор. Аммо секин-аста ҳаммасини замонавийлаштирамиз. Туркияни Европага ўхшатамиз.

— Ақлли қиз экансан. Туркиядаги бошқа қизлар ҳам сенга ўхшаган ақлими?

— Албатта! Чет элда ўқиб келаётган қизларнинг ҳаммаси мендай фикрлашади..

— Жуда ҳам хурсанд бўлдим. Журналистлик фаолиятимни сизнинг юртингизда давом эттироқчиман. Мен бундан жуда ҳам мамнун бўлдим. Биринчи мақолами сиз ҳақингизда ёзаман.

— Ростданми, мени хурсанд қилдингиз. Сизни кўшкимда меҳмон қиласман. Сизни Отатурким билан таништириб қўяман. У ҳам хурсанд бўлади.


— Катта раҳмат ҳозирдан ҳаяжонланишни бошлидим.

— Сиз билан хат ёзишиб турамиз. Телефонлашиб турамиз, яқин дугоналар бўламиз.

— Жуда яхши бўларди. Қанчалар севинганимни тасаввур ҳам қилолмайсиз! Буларнинг ҳаммасини дадамга ёзаман. Ҳайратланганидан менга қойил қолади.

— Истанбулда дўстингиз борми?

— Яхши кўрган йигитим бор. У билан турмуш курмоқчимиз.



йўғ-у, қиз ҳамма дардини тўкиб согланди. Ўйлаб қўйган қандай режалари бўлса, ҳаммасини менга, яъни танимаган одамига айтар эди. Тушкунликка тушиб қолган одам ўзини қандай идора қилишни билмай қолар экан. Буни ўзи ҳам сал кейинроқ тушуниб қолганди.

— Вой, менинг оғзимнинг бўшлигини қаранг. Шахсий муаммоларим билан сизнинг ҳам бошингизни оғритиб юбордимми?

— Ҳеч ҳам ундаи деб ўйламанг. Сизни бундай кўрганим учун ҳайрон бўлгандим. Лекин сиз билан танишганимдан жуда ҳам хурсанд бўлдим. Энди сиз билан дугона бўламиз.

— Жуда ҳам хурсанд бўлдим. Анқарада сирлашадиган одамим йўқ. Юртимизнинг одамлари ҳали ҳам қолоқликдан қутуломмади-да. Отатурк билан яшаётганим учун гуноҳкор эканман. Ҳамма билиб қолмаслиги учун у билан бирга қўл ушлашиб ҳам юролмаймиз.

— У ҳам буни қабул қиласмайдими?

— Йўқ, нега энди? Отатурким жуда ҳам замонавий. “Халқ ҳали бунга тайёр эмас”, — дейди. Менга аҳамияти йўқ. Нима бўлганда ҳам яқинда турмуш қурамиз-ку.

— Агар сизга уйланмаса-чи?

— Бўлиши мумкин эмас. Унга борлиғимни ҳаётимни берганман. Аёлларнинг ҳуқуқини ҳимоя қилаётган давлатимиз бошлиғи менга ёлғон гапирмаса керак? Мумкин эмас. Ўйлаб кўрсангиз-чи, аёлларни ҳимоя қилиш учун эркакларга хотин устига хотин олишни тақиқлади. Нима учун? “Ўша аёл хафа бўлмасин, йифламасин”, — деб тақиқлади. Ахир, мен ҳам аёлман-ку, мени ҳам йифлатиб қўймас. Бунинг устига унинг учун ўз жонидан ҳам воз кечишга тайёр турган бир аёлнинг... Шунинг учун ундан шубҳаланмайман. Лекин унинг онасидан кўрқяпман, у мени ҳеч ҳам

ёқтирмади.

— Менимча, Отатурк ўзига ишонган бир қизни, бир аёлни: “Бошқа аёл уни ёқтирмайды”, — деб хўрламаса керак.

— Йўқ, хўрлатиб қўймайди. У — ажойиб инсон.

— Тўғрисини айтсам, Отатуркингизнинг қанака одам эканлигига жуда ҳам қизиқяпман. Замонавий экан... Сизнинг юртингиздаги одамларни “қолоқ” дейишганди.

— Тўғри, қолоқ одамлар ҳам бор. Аммо секин-аста ҳаммасини замонавийлаштирамиз. Туркияни Европага ўхшатамиз.

— Ақлли қиз экансан. Туркиядаги бошқа қизлар ҳам сенга ўхшаган ақлими?

— Албатта! Чет элда ўқиб келаётган қизларнинг ҳаммаси мендай фикрлашади..

— Жуда ҳам хурсанд бўлдим. Журналистлик фаолиятимни сизнинг юртингизда давом эттироқчиман. Мен бундан жуда ҳам мамнун бўлдим. Биринчи мақолами сиз ҳақингизда ёзаман.

— Ростданми, мени хурсанд қилдингиз. Сизни кўшкимда меҳмон қиласман. Сизни Отатурким билан таништириб қўяман. У ҳам хурсанд бўлади.

— Катта раҳмат ҳозирдан ҳаяжонланишни бошлидим.

— Сиз билан хат ёзишиб турамиз. Телефонлашиб турамиз, яқин дугоналар бўламиз.

— Жуда яхши бўларди. Қанчалар севинганимни тасаввур ҳам қилолмайсиз! Буларнинг ҳаммасини дадамга ёзаман. Ҳайратланганидан менга қойил қолади.

— Истанбулда дўстингиз борми?

— Яхши кўрган йигитим бор. У билан турмуш курмоқчимиз.

— Лекин олмон қиз билан турк йигити... Ораларингизда маданий жиҳатдан жуда катта фарқ бор-ку, бунга нима дейсиз? Йигитинг замонавий фикрлайдиган ёшларданми, ишқилиб?

— Ҳа, жуда ҳам замонавий. Фақат католик динидан бўлганим учун ташвишланётган эди. Мен католик динидан чиқдим. Балки, мусулмон бўларман.

— Вой, ростданми?

— Ҳа... Ҳозирча ўйлаб турибман.

— Жуда қизиқ! Бизнинг қизларимиз сизларга ҳаваси келади, сиз эса бизга ҳавас қиляпсиз-а?

Ҳайрон бўлиб:

— Вой! Сиз ҳам мусулмонмисиз?

Фикрия ҳеч ҳам пинагини бузмасдан, ҳайратланганимга парво ҳам қилмай жавоб берди:

— Албатта.

— Ҳайратимни оширдингиз... Лекин кўринишингиз бизга ўхшар экан. Мен ҳам мусулмон бўлсам, сиз билан бир хил бўларканмиз-да?

— Бунинг учун Отатуркимиздан миннатдор бўлишимиз керак. Отатурким мусулмон аёлларнинг ҳам европалик аёлларга ўхшаб юришини хоҳлайди. Диний кийимларимизни ҳам замонавийлаштиргди. Кўпгина аёлларимизни европалик аёллардан ажратолмайсиз. Отатуркимиз мутаассиблик билан курашмоқда. Ҳамма нарса ўз вақтида ҳал бўлади.

— Бўлмаса, мен ҳам мусулмон ҳисобланар эканмада. Ҳеч қандай фарқи ҳам йўқ... Қандай яхши! Иккаламиз ҳам бир хил кийинганмиз, фикрлашимиз ҳам бир хил. Маданият... Замонавийлик... Бирга ҳаракат қилишимиз учун буларнинг аҳамияти жуда катта. Демак, диннинг ҳам аҳволи шу экан-да.

Фикрия билан жуда яхши дугона бўлдик. Мен учун Истанбулда бир кеча қолди. Эртаси куни ҳам ижарага олинган уйимга жойлашиб олишимда ёрдам берди. Кейин: “Отатуркимни роса соғинидим, уни кўрмасам туролмайман”, — деб, Анқарага кетди... Жуда ҳам меҳрибон, очик чехрали, юраги ёниб турган қиз экан.

Фикрия Анқарага кетар-кетмас, мен ҳам қўлимдаги манзил бўйича Мехметнинг ёнига чопдим. Унинг мени севишига, мени жуда соғинаётганига амин эдим..

Манзилини қидира-қидира зўрға топдим. Сариқ рангли бино... Уйи иккинчи қаватда экан. Вой Худойим, ҳаяжондан юрагим ҳаприқиб кетяпти! Қизиқ, Мехмет мени кўргач, қандай аҳволга тушар экан-а?

Мени олиб келган фойтун¹ эгасининг ҳаққини бериб кетишингга рухсат бериб юбордим. Мехметнинг шу кунларда келишимдан хабари бор-ку — уйидадир...

Вой Худойим, бу қандай ҳаяжон бўлса...

Уни кўрмаганимга ҳам бир йилча бўлиб қолганди. Ҳаяжонланишимнинг сабаби ҳам, балки, шундандир.

Оёқларим жонсиздай, тиззаларим дир-дир титраётган эди... Иккинчи қаватга ҳам зўрға чиқдим... Қўлларим қалтираганидан бармоқдаримни ҳис қиласаётгандай эдим. Кўнғироқ тугмасини зўрға босдим... Эшикни битта аёл очди...

— Марҳамат, келинг.

— Мехметни сўраб келгандим, уйдами?

— Бу ерда Мехмет деган одам яшамайди, болам. Ҳана... Ўн кун олдин кўчиб кетганиларни сўраб келдингми?

¹ Фойтун — тўрт гилдиракли, очилиб-ёпиладиган соябонли енгил арава.

Улар кетишиган. Уларнинг Мехмет деган ўғли бор эди.
Ўқитувчилик қиласиди.

— Қанақасига? Сизга қаерга кетишиганини айтишмадими?

— Йўқ, болам, айтишмади.

— Бўлиши мумкин эмас. Балки, эсингиздан чиқаргандирсиз? Мехметнинг мени келишимдан хабари бор эди-ку. Уйингиздаги биронтасига айтиб кетгандир, балки, илтимос, сўраб кўринг. У менга бундай хиёнатни қила олмайди!

— Йўқ, болам, агар манзилини бериб кетган бўлса, менинг хабарим бўларди.

Ўша ернинг ўзида хушимдан кетибман. Озгина ўзимга келгач, аёл мени ичкарига олиб кирди, сув берди... Кўлимга одеколон кўйди. Аммо мен бўкириб-бўкириб йифлар эдим. Демак, ҳушим жойига қайтаётгандирки, йифлай олган бўлсан. Йифлай олишим карахт бўлиб қолишдан бир қадам олдинда бўлганимни англатади.

Аёлга ҳаммасини айтиб бергандим. У ҳам хафа бўлди. “Шу атрофда кўриб қолсан, айтаман”, — деди. Истанбулнинг танимаган, билмаган бегона кучаларида такси қидириб тентирай бошладим. Такси йўқ эди ёки мен кўрмайтгандим. Ахир яна битта фойтун дуч келди. Уйга зўрға кириб келдим.

Уйга кирганимда мен билан бирга яшамоқчи бўлган Сузини кўрдим. Уйга киришим билан бўйнимга осилиб кучоқлаб олди... У менинг ғамгин ҳолатимни кўраётган эди.

Унга ҳам борини гапириб бердим:

— Нима ҳаққи бор? Менга буни қандай раво кўрди? Ахир, мени бутун борлиғи билан севар эди-ку? Менсиз яшай олмасди-ку? Йўқ... Бу ерда мутлақо бошқа гап борга

ўхшайди.

— Оббо! Битта йигитни деб ҳам шунча йиғлайдими, азизим? Бошқа чиройлироқ қызни күрган бўлса, сени эсидан чиқариб юборгандир-да... Арзимайди... Эркакларни деб йиғлаганлар аҳмоқдир, аёлларни деб йиғлаганлар тентакдир. Яна ҳам тўғрироғи, бирор учун йиғлаш керак эмас. Кетиб қолдими? Кетса, кетсин. Агар қайтиб келса, ўшанда сеники бўлади.

— Лекин у бирор эмас, у менинг Меҳметим-ку.

— Қўй энди, Мария, унот уни. Бу дунёда ҳеч ким абадий бошқа бирорники бўлолмайди.

— Сен севгига ишонмайсанми?

— Ишонаман. Аммо “ишқ боқий” деган гапга ишонмайман. Қандайдир сабаб билан ишқ ҳам тутгайди. Шу хусусда битта мусулмондан битта гап эшигандим: “Ҳеч ким ишқни илоҳий деб ўйламасин”.

— Сенинг ичинг нафратга тўлганга ўхшайди.

— Ҳа... Бир замонлар мен ҳам севги бобида сендай фикрлардим. Кемални жуда ҳам қаттиқ севиб қолгандим. Кейин билсам, аҳмоқ бўлган эканман. Мен уни қанчалар қаттиқ севган бўлсам, у мени шунчалар бемалол ташлаб кетди. Анчагача ўзимга келолмагандим. Ҳамма айбни менга тўнкаб хат қолдириб кетганди. Буюк муҳаббатимизни битта хат билан тутатиб кетганди. Ҳа, битта хат — беरўғи битта хат орқали тутатиб кетди. Унинг назаридаги менинг қадрим бор-йўғи тўрт қатор сатрлар экан.

— Лекин, Меҳмет бошқача. У мендан қочмайди. Нега ҳам қочсин? Мен унинг борлиғиман. У менниш имад олмайди, ўзи айтган бу гапларни.

— Қўйсанг-чи бунақа сафсалаларин, Мария! Бирор бирорнинг борлиғи бўлолмайди, ўзимизни аддамайланып илтимос.

— Йўқ, мен ўзимни алдаётганим йўқ. Мехмет мени ташлаб кетолмайди.

Тўғри: “Ташлаб кетолмайди”, — деб айтишга айтдим-у, лекин ўзим қанча кун ўтган бўлишига қарамай ҳали ҳам Мехметни тополмаётгандим. Юрагим сиқиларди. Бир кун ўтириб Абдулваҳҳобга, дадамга ва ойимга хат ёздим.

Аввало, Абдулваҳҳобга хат ёзишни бошладим:

“Хурматли дўстим, яқин дўстим! Туркияга келганимдан бери ҳуисиз юргандай ҳис қиласпман ўзимни. Бошқача ҳолатдаман. Кўрсанг, ҳайрон қоласан. Беўхшов гаплар ёзсам, тушиунишга ҳаракат қил.

Истанбул Европага ўхшамайди, лекин унга яқинроқ деса ҳам бўлади. Мен бу ерга келаётганимда: “Бошқача оламга тушиб қолсам керак”, — деб ўйлаган эдим. Туркия ҳақида бошқача фикрда эдим. Фақат географик жиҳатдан олиб қарайдиган бўлсак, ажойиб шаҳар дейсан. Маданий жиҳатдан эса инсонларнинг кўриниши фарқ қилмас экан. Бизга тақлид қилишар экан.

Сенга яхши хабарим ҳам бор. Отатуркнинг севганизи билан танишиб қолдим. Бунга ўзим ҳам ишона олмаяпман. Европада ўқиган экан. Жуда ҳам беғубор, қалби тоза қиз экан. Туркияга келган куним мени ёлғизлатиб қўймади. Янги уйга жойлашиб олишимда ҳам ёрдам берди. Мен Мехметни қандай севсам, у ҳам Отатуркни шундай севар экан. Ҳаттоти унинг севгиси менинидан ҳам кучли экан. Унга қаттиқ ишонар экан. Ҳа-я, Мехмет деганимга эсимга тушди. Аслида эсимдан чиқарганим йўғу, аммо... Нима демоқчи эдим, гапирадиган гапларим эсимдан чиқадиган бўлиб қолибди. Мехметни тополмаяпман. Қидирмаган жойим қолмади. Балки, Германияга

кетгандир, илтимос, кўрган бўлсанг, менга айт: уни топишимда ёрдам бераб юбор. Мен усиз ҳолда бу ерга сиғмайман. Илтимос, сен мени бошқалардан яхшироқ тушинадиган одамсан. Маслаҳатинг керак. Ўзимнинг ақлим ишламай қолди. Бу ерда ўзимни ёлғиз ҳис қиляпман.

Яшаши жойимга қизиқаётган бўлсанг, Лалелининг Седабади кўчасида турман. Жуда ҳам чиройли уй экан. Мен билан турадиган шеригум ҳам бор. Исли — Сузи. Жуда ҳам яхши дугона... Истанбул географик жиҳатдан яхши жойга жойлашган жуда ҳам чиройли шаҳар экан. Лекин халқини тушиуниш қийин. Урушдан яқинда келгандарга ўхшайди. Баъзилари чарчаган, баъзилари ҳаётдан хафа. Тушунарсиз мұхитга тушиб қолганман.

Яна бошқа нима ёзиши ҳам билмаяпман. Сени соғиндим десам, жаҳлинг чиқса. Ҳа-я бу ерда мусулмонларни кўрдим. Ташиқи кўринишдан ҳеч ҳам мендан фарқ қилишишмас экан. Демак, мен ҳам мусулмон ҳисобланар эканман. Шунинг учун диний муаммом йўқ энди”.

Яна бироз бошқа нарсалар ҳақида ҳам ёзиб Абдулваҳҳобнинг хатини конвертга солдим.

Дадамга ҳам кўп маълумотлар юбордим. Ҳушим ўзимда эмас эди. Шундай бўлса ҳам, ўзимнинг аҳволим ҳақида ҳам ёздим.

* * *

Истанбулга келганимга ҳам анча бўлди. Бу ерда бир қанча янги дўстлар ортиридим. Лекин Мехметни тополмаяпман. Балки, Мехмет менга хат ёзган бўлса ҳам ойим уни менга айтмагандир. Ўй-хаёлларимда ҳамма нарса чалкашиб кетди. Топишим керак... Уни, албатта, топаман.

Фикрия билан телефон орқали гаплашиб турамиз. Бир ҳафтадан кейин Анқарага бораман. Фикрия билан дардлашиб келаман.

Журналист сифатида арзигулик биронта иш қилолганим йўқ. Лекин Фикрия ҳақида мақола ёздим. Мақолам газетада чиқди. Дадам ҳам мени шошилтирияпти. Нима хоҳдаётганини билмадим. Унга ёзган охирги хатимда: “Дада, Туркия Европа маданиятини ўзлаштиришда биздан ҳам ўтиб кетган. Сиз бекорга хавотир оляпсиз. Бу ерда ҳам қиморхоналар очилган... Аёллар саҳнага чиқиб ашула айтишияпти. Гўзаллик танловларини аллақачонлар бошлаб юборишган — сизнинг булардан хабарингиз бор-ку!.. Бундай танловлар учун талабгорлар жуда кўп. Сиз овора бўлманг. Шундоқ ҳам Туркия биз каби бўлиши учун бор кучи билан харакат қилаётган экан”, — дедим.

Отатуркни кўраман. Битта давлатни бошқараётган буюк инсонни кўраман. У шунақанги буюк инсонки, ўз халқи томонидан илоҳийлаштирилган!

Буларнинг нима аҳамияти бор?

Мен учун Мехметсиз ҳеч нарсанинг завқи бўлмаяпти.

Оҳ Мехмет! Оҳ Мехмет!

Мени шундай хафа қилишингга нима ҳаққинг бор ўзи?

* * *

Абдулваҳҳобдан ҳам хат келмаяпти. “Менинг кўнглимни кўтариадиган гап айтармикан?” — деб умид қилгандим.

Шундай деб юрганимда, бир кун почтачи ундан менга хат ташлаб кетса денг. Ҳаяжонланганимдан юрагим

тез-тез ура бошлади. Вақт ўтказмасдан хатни очдим.
Эътиборни тортадиган сўзлар билан бошланганди.

Шошиб хатини ўқий бошладим.

“...Оллоҳнинг саломи ҳидоятга тобе бўлганларга
бориб етсин.

Қадрли Мария!

Сенга хат ёзмаслик учун ўзимни қайтаришига ҳара-
кат қилиб кўрдим. Бўлмади, барибир, хат ёзишига кириши-
дим.

Аҳволларинг қалай? Сен ҳам ёзмай қўйдинг. Хат
ёзмасликка ҳаққинг бор, албатта, жавоб ёзмаган инсонга
яна қайта бир мартагинага хат ёзиш мумкин, сен ҳам
шундай қилдинг.

Мөхметни топдингми-йўқми — хабарини ҳам бер-
мадинг. Ёки уни топиб турмуш қурдингизми? Менга-ку
қизиги йўқ, албатта, шундай бўлса ҳам хавотир олганим
учун сўрадим.

Ислом динига кирганинг хусусида ёзганларингнинг
ислом динига алоқадор томони йўқ. Туркиянинг Оллоҳни
унутиши сени қутқармайди-ку... Улар исломий тузумни
хоҳламагани учун қандай халиқ бўлиши хусусида бир йўлни
танлай олмаятилар. Ўзлигини унуган инсонлар кўп...
Боишқа ислом давлатларида ҳам... Эндиликда нима қи-
лишларини билолмай ҳайрон. Европаликларга ўхшасин-
ми? Мусулмонлигича қолиши керакми? Ёки ҳар икки
томонга ҳам баробар бўлсинми?

Ўзинг ўйлаб кўр: сен энди ўзларининг ким эканлиги-
ни билолмаётган бекарорлардан ўрнак олмоқчимисан?
Сен бекарор бўлма. Ҳали ҳам хушхабарингни кутяпман.
Тўғрисини айтсан, кеч қоляпсан. Сендай ақлли қиз учун
уят эмасми? Яна ҳам ўзинг биласан, ахир, бу сенинг

қароринг-ку. Фақат эслатдим, холос. Оллоҳ бу дунёни ҳамма учун яратган, аммо жаннатни унга лойиқ бўлгандар учун яратган”.

Ёзган хатида ҳам яна бир қанча насиҳатлар қилибди менга. Ён томонимизда турадиган қўшнимиз менга: “Мени опа десанг ҳам бўлади”, — деганди. Ўша қўшни опа билан ҳам дўстлашиб олгандим. Уч ой ичида опамнинг журналист ўғли Серкан мени севиб қолган эди. Мен нима бўлганини, қандай содир бўлганлигини айтардим, аммо узун ҳикоя. Аёлни бир кўришда ўқишни ҳам ёзишни ҳам билмайдиган оми инсон деб ўйлайсан, кейин унинг бошқа хислатини кўргач яна фикринг ўзгаради. Унинг аламлари ҳам, тушунчалари ҳам бошқаларникига ўхшамайди: у — тоза қалбли инсон. Ўғли, менимча, демократ бўлган, шекилли. Бечора аёл: “Ўғлим ароқ ичадиган бўлди, қизим. Худосиз бўлдими?” — деб мендан сўрайди.

Бир куни уларнинг уйида ўтирганимизда “Миллият” газетасига кўзим тушди. Қарасам, ғалати рекламаларни кўрдим. Ҳар бирида европача номларни ишлатишган: “Туркларнинг дўсти Перри Лотти” деган ёзув бор, “Мушкул никоҳ” “Аср” кинотеатрида”, — дейилган. “Бустен Кеонтон”... “Лиан Ҳайд: ишқ ва жиноят!” Ҳамма нарса ёзилган экан. Опам бўлса мунғайиб бир менга қарайди, бир газетага қарайди.

— Ўқи-чи қизим, нималарни ёзишибди газетага?

— Ҳамма нарса ёзилган, сиз ўқишни билмайсизми?

— Биз бир кечада оми бўлиб қолдик. Бизнинг эски тилимизни, биз танийдиган ҳарфларни йўқ қилишди. Ҳозирги ёзувларни билмаганимиз учун бизни жоҳил деб ҳисоблашди. Уларнинг тазийкларга дош беролмай кўзларим ҳам яхши кўрмайди. Фақат расмларини хира-шира кўраман. Эски тилда ўқишни биламан, ҳозирги тилда

үқишини билмайман.

— Қандай қилиб тилингиз эскириб қолган? Нега ҳарфларингиз янги бўлган.

— Аслида ўзимиз чиқиб ўтирган шохга ўзимиз болта уряпмиз. “Ҳарфлар эски эмас”, — дейишимиз керак эди, аммо бизни лақиллатишди.

Аёл ўлкасига бостириб келганлар орасида Германия ҳам бор деб ўйлади, бизни ҳам ҳақоратлади, унинг галини бўлгим келмади.

— Албатта, бор, иккаласи ҳам бор. Олдин бизда чиққан бу газеталар.

— Нимаси бор унинг?

— Мамлакат ҳақида хабарлар бор. Ҳар куни шу ҳақда ёзишади.

— Қандоқ ажойиб! Худди шу нарсаларни 1300 йил олдин Маккадаги одамлар қилишарди. Аммо улар деворларга ёзишган. Булар эса қоғозга ёзишяпти.

— Нима дедингиз, яхши тушунолмадим. Қаерда нимани ёзишарди?

— Исломдан олдин ва кейин... ўша куни қандай воқеа содир бўлса, Маккадаги деворга ёзишган. Яъни девор газетаси бўлган.

— О-о-о! Ростданми?

— Албатта, тўғри.

— Сиз қаердан биласиз?

— Ўқиганман, болам. Дадам катта олим эди. Лекин уни...

Нимагадир бирдан йиғлаб юборди.

— Нима бўлди? Нега йиғлаяпсиз?

— Дадам... Улар дадамни осишган... Бир неча йиллар олдин.

— Ким осган?

— Фармонни бажарувчи аскарлар... Давлат хукм чиқарди, аскарлар осди дадамни. Эндиғина урушдан қайтган эди. Эллик ёшида ҳарбийга жүнатиши. Лекин дадамни “Инқиlobga қарши чиқди”, — деб осиши. Аммо дадам ҳам ҳамма қатори душманларни юртимиздан чиқариб юборган эди. Дадам мукофот олишнинг ўrniga дорга осилди. Ҳаммасини шу расмда кўриб турганларингга ўхшаб яшаш учун қилишди. Лекин буларни ўғлимга тушунтиrolмаяпман. “Бобом шунга лойик бўлган”, — дейди. Ўғлимни ҳам дадамга душман қилиб қўйиши. Қандай қилиб йифламай, қизим? Бир кун кечгача дадамни ахтарганман. Ҳеч каердан тополмадим. Шомга азон ўқилгандан кейин шайх Исмоилнинг ўғли келди ва:

- Дадангни кўрдим, — деди менга.
- Қаерда? — дедим.
- “Тақсим” майдонида, — деди.
- Эшитишим билан “Тақсим”га қараб чопганман.

Тасаввур қиляпсанми, Лалелидан “Тақсим”гача югуриб кетяпман. Кўрсам бўлди деганман. Дадам... Азиз дадажоним! Дараҳтда осилиб ётган эди. Кейин ўша дараҳтни ҳам чопиб ташлашган экан. Кўрганлар айтишарди. У ёқларга ўзим қайтиб қадам босмадим. “Одамларга ибрат бўлсин”, — деб бир неча кун дорда осилганича қолдиришган экан. Тушуняпсанми, дадамни ватан хоини, уни осганларни эса қаҳрамон деб эълон қилишганди. Ҳозиргача ўйлайман. Дадамнинг гуноҳи нима эди? Нима эди? “Исломий қоидалар билан яшайдиган миллат бўлайлик”, — дерди. Сизларнинг яшаш тарзингизни хоҳлашаётган эди улар. Ўзинг айт-чи, мамлакатингиздаги инсонларнинг ҳаммаси баҳтли яшашадими? Оталари, оналари, фарзандлари, қариндош-уруғлари билан яхши яшашадими? Айтсанг-чи, сизларга тақлид қилиб яшаш учун шунча кесилган бошларга,

шунча тўкилган қонларга арзийдими сизнинг яшаш тарзингиз? Арзийдими?

Дадажонимни дорда кўргач, дод сола бошладим. “Дада-жо-он! Дадажоним, кимларраво кўрди буни сенга?!?” — деб йиғлаб айтган гапларимни эслайман. Битта аскарнинг қўндоғи зарбидан ерга йикилиб тушганман. Ҳушимга келганимда ўша аскар мени ҳам уриб, ҳам бақираётган эди.

— Ўчир овозингни! Ўша ватан хоини учун йиғлама. Ўлкамизнинг озодлигига қарши чиқди. Бундай кўппаклар кўз ёшингга арзимайди.

— Йўқ! Ёлғон! Дадам хоин эмас. Дадам художуй, ватанига содик одам эди.

Ўлдиришгани етмагандай, дадамга ва дадамга ўхшаганларга тухмат қилишиб ҳалқни алдашар эди. Хурофотга қарши бўлган дадамни “Душманларни юртимиздан қувиб чиқаришимизга қарши... Инқилобга қарши”, — деган тухматлар билан қоралашган. Оми ҳалқни бунга ишонтиришган эди. Бирони ишонтириш қобилияти шунчалар кучли эдики, ёлғон гапларига ҳаммани ишонтира олишарди. Дадамнинг неварасини ҳам унга қарши қилиб қўйишни уddaлашди. Дадам учун йиғлашимга ҳам йўл қўйишмаганди. Улар Мени “Тақсим” майдонидан судраб узоққа обориб ташлашганди. Дадам!.. Азиз дадам... Сенга буни қандай раво кўришди! Қандай қилиб сени дорга осдилар! Ҳали ҳам сўнгани йўқ юрагимдаги оташ. Ойим ҳам дадамнинг ўлимига куйганидан сил¹ бўлиб қолганди, ўтган йили вафот этди.

Аёл юракни ўртаб йиғларди. Чукур ўйга толгандим.

¹ Сил (арабча) — турли аъзолар, асосан, ўпкада ўзинга хос яллигланиш билан кечадиган сурункали юқумли касаллик; туберкулёз.

Ўзимнинг юртим билан мусулмонлар ўлкасини солишириар эдим. Бу юртнинг бошқарувчиларини ва бошқа инсонларни ўзлигидан воз кечтириб бизга ўхшатишга ҳавас қилдирган нарса нима экан-а? Бизнинг нимамиз уларни ўзларига жалб қилган бўлса? Ўз динидан, шахсиятидан ва ўзлигидан узоқлаштиришга мажбурлаган нарсалар нима бўлиши мумкин?

Ўзимча битта сабабини топгандай бўлдим: “Демак, буларнинг ҳаммасини бизга ўхшаш учун экан-да. Биз... Қизик, бизнинг нимамиз яхши? Бизникиларнинг қўпчилигига номус тушунчаси қолмаган-ку... Фақат бизнинг техникамизнинг зўрлигига ҳавас қилишса керак, шуни баҳона қилиб, ўз динидан чиқмоқчи, шекилли”, — деб ўйлагандим.

Аёл анча йиғлагандан кейин мендан сўради:

— Сени ўзимга яқин олдим. Бўлмаса сенга яхши гапирмаган бўлардим. Газетанинг қолган жойларини ҳам ўқи, яна нималарни ёзишган экан?

— Кўп нарсаларни...

— Ўқи, ўқий қол, биттасини ўқи.

— Яна хафа бўласиз-да.

— Бусиз ҳам ҳар куни хафа бўляпман. Кўчага чиқсанг, қўпчилиги бизга ўхшамайди.

— Бўлти ўқияпман.

“Гўзаллик танловига қатнашинг. Ютқазиб қўйишдан қўрқманг. Иккиланишга ҳожат йўқ. “Ютқизиб қўйсам, шарманда бўламан”, — деб жавотир олманг. Чунки фақат ғолиб бўлганларни эълон қиласиз. Ғолиб бўлмаганларнинг кимлиги сир сақланади.

Танловда иштирок этиш қоидалари.

1. Жуда ҳам ҳалол, ориятли бўлиши керак.
2. Ёмон ном чиқармаган бўлиши керак.

— Вой! Нақадар айёрлик билан тузилган...

— Ҳа, түгри... Секин-секин ўргатиб боришининг йўли шу бўлса керак. Оиласари гўёки: “Бу ориятиларники экан”, — деб хотиржамлик билан эркакларнинг ичига ярим яланғоч киргизиб юбораверишар экан-да. Мақсад — қизларни ярим яланғочликка ўргатиш. Сизнинг юртингиз-да ҳам шундай ишлар қилишадими?

— Бўлмасам-чи. Шуни билингки, сизнинг динингизга қарши чиқадиган ҳамма нарса бизнинг ўлкамиздан келган.

— Гапинг тўғри, қолганларини ҳам ўқи.

— Жоним билан. Бошқа саҳифаларини ҳам кўрайлик-чи?

— Шу яланғоч аёлнинг расмига нима деб ёзилган экан? Тавба қилдим! Бу аёл ҳамманинг олдида ич кийимда туришга уялмайдими?

— Чўмилиш кийими дейилади, чўмилиш кийими, ички кийим эмас.

— Номини ўзгартирганинг билан кўйлак бўлиб қолмайди-ку, барибир, ички кийимлигича қолади-да.

— Бизнинг чўмилиш кийимларимиз бундан ҳам қисқа. Сизларники ҳозирча тиззадан келаркан. Яқинда сизларники ҳам бизнидай қисқа бўлади.

— Вой худойим! Бу — қандай разиллик?! Юртимиздаги инглизларни кувиб чиқариб, яшаш тарзини олиб кирибмиз-да. Нима ҳам қилардик, қани, ўқи-чи, нима деб ёзибди.

— Бу реклама экан. “Оғриқлардан халос бўлинг”, — деб дорининг номини кўрсатишибди.

— Хўш... дорининг яланғоч хотинга нима алоқаси бор?

— Мақсадлари: бир томондан дорини ярим яланғоч

аёл билан бирга чиқариб, эътибор тортиб дорининг савдо-сини юритиш бўлса, иккинчи томондан маҳсулот ёрдамида ярим яланғоч аёлларнинг расми орқали халқнинг кўзини рекламаларга мослаштиришdir. Агар сизнинг динингиздаги инсонлар ярим яланғоч аёл сурати чиққанини баҳона қилиб бу дориларни сотиб олишмаса, вазият ўзгариши мумкин. Ниятларига етмаган бўларди. Агар ҳеч ким шу дорини сотиб олмаса, қайтиб бунаقا reklama чиқаришармиди? Шуни унутмангки, янгича маданиятга инсонлари секин-асталик билан рекламалар ёрдамида мослаштириладилар. Бизнинг юртимизда ҳам шундай йўл тутишган экан... Мана шу мақола сизни қизиктирса керак. Эшитинг: нима деяпти: “Европа гўзаллик танлови учун ҳакамлар ҳайъати раҳбари Меврижа Вольф келди”. Яна бошқа хабар ҳам бор: “Бенруби мусобақаларда иштирок этиш учун Париждан келди”. Шу ерда эса: “Бу — миллий бурчимиз”, — деб ёзилган. Кўзимни газетадан олиб аёлга қарадим. Мусулмонларнинг ўлкаси Туркияning бундай йўл тутиши мени лол қолдирганди, тўғриси. Хафа қилиб қўймасликка ҳаракат қилиб, эҳтиёткорлик билан ўз фикрларимни айта бошладим:

— Афсус! Гарчанд, буюк бир халқ бўлишингизга қарамай сизларни ўзларига қарам қилиб олишга улгурибди. Ҳамда жуда осонлик билан. Кеча французларни юртингизда қувиб солган бўлсангиз, бугун Бенруби Париждан келяпти, қизларингизни ярим яланғочликка олиб чиқиш режасини амалга ошириш учун. Сизлар эса унинг келишидан хурсанд бўляпсизлар. Тўғрисини айтсам, сизларга раҳмим келди. Тез тузоққа тушибсиз. Рақибларингизни қийнамасдан ўз хоҳишингиз билан киряп-сизлар тузоққа. Ишонсангиз, ҳар қандай вазиятда ҳам сизларнинг бу аҳволингизга йифлагим келяпти.

Дадам ўтказган йиғилиш...

Йиғилишдан олдин режалаштирилган! Ачинганимдан битта мақола ёзган эдим:

“Ёлғонларга ишонган турк халқининг онги очилмокда”.

Афсуски, газета бу мақоламни чоп эттирмади.

Туркия ҳақида кўрганларим, эшитганларимдан мени кўп ҳайратлантирарди. Лекин вақт ўтган сайин кўрганларим ва эшитганларим хотирамда бир ипга тизила бошлади. Янги дўстлар орттиридим, шаҳар ҳаётини ўргана бошладим. Шундай қилиб Туркияда яшашга ҳам ўрганиб қолдим.

* * *

Фикрия билан учрашдик. “Чанқая” кўшкига яқин бир уйда — гўдаклигида сут эмизган аммасининг уйида ўтиридик. Бироз тоби йўқ экан...

— Нима бўлди? — деб сўрадим.

— Зотилжам¹ қайталади, — деди.

— Шунақами? Тезроқ тузалиб кет? Қўркма, зотилжам касаллигининг давоси топилган, хафа бўлма.

— Хафа бўлмай бўларканми? Отатуркнинг онаси Зубайдада хоним энди мени ўғлигараво кўрмайди-ку.

— Йўқ, йўқ, дарров тушкунликка тушма. Сизларда битта яхши мақол бор-ку: “Чиқмаган жондан умид бор”, — деган. Умидингни сўндирма... Хўш, Отатурк қаерда? Мени у билан таништирмайсанми?

— Измирга кетган. Нимагадир кўнглим ғаш. Ҳеч қаерга сиғмай кетяпман. Мен усиз яшай олмайман. Унга телбаларча ошиқман, Мария... Жуда ҳам!..

¹ Зотилжам (арабча; ўпканинг яллиғланиши) — ўпканинг юкумли касаллиги; пневмония.

— Хавотир олма, “Миллатнинг отаси” каби даражага етган одам сени ташлаб қўймас. Сендан ошиқ бир қиздан воз кечишга вижданни йўл қўймайди.

Сұхбатимизга аммаси ҳам қўшилди:

— Мен ҳам шундай дедим, тушунтиридим, аммо Фикрияга гап уқтириб бўлмаяпти.

— Гап уқмаётган сизнинг Фикриянгиз эмас, аммажоним, қалбимга гап уқтириб бўлмаяпти. Нега Измирга мени ҳам олиб кетмади? Нега у менсиз баҳтли? Мен эса усиз баҳтли эмасман. Ёрдамчиси Музаффар ҳам қўлидан келганича мени хотиржам қилишга уриняпти, аммо юрагим хотиржам эмас.

Кейин эса менга гапира бошлиди:

— Менга эътибор қилма. Ўзингдан гапир-чи, нималар қиляпсан? Мехметни топдингми?

— Йўқ. Ўқитувчи бўлибди, аммо қаерда ишлаётганини билмайман.

— Хавотир олма. “Чанқая” кўшкида ҳаммага гапим ўтади. Таълим вазирлиги орқали уни сенга топиб бераман.

— Ростданми? Бу яхшилигингни ҳеч қачон унумайман. Истанбул ҳокими ҳам топиб беришга сўз берганди. У билан тадбирда танишган эдик. Аммо сенинг ёрдаминг билан уни тезроқ топишимга аминман.

Ўша кун уларницида ётиб қолдим. Эртаси куни Истанбулга қайтиб келдим. Орадан бир ҳафта ўтгач Фикрия телефон қилиб қолди. “У Мехметни топган, шекилли”, — дея хурсанд бўлиб кетгандим.

— Алло, Фикрия!

— Ҳа, менман.

— Нега йиғлаяпсан?

— Йиғлаяпман, Мария. Отатурк мени “Муниҳа” оромгоҳига жўнатиб юборяпти.

— Ўҳ-хў, жуда қиммат оромгоҳ-ку.

— Пулини Отатуркнинг ўзи тўларкан. Аммо менинг боргим келмаяпти. Мен Отатуркдан узоқда бўлишни хоҳдамаяпман. Кетсам, у билан яна бирга бўла олмайдигандай ҳиссиёт бор ичимда.

— Ундей дема, Фикрия! Борсанг, даволаниб келасан. Отатурк сени ташлаб кетмайди.

— Лекин онаси Зубайдада хоним мени ёқтирмайди. Буни яхши биламан. Отатуркни мендан айнитишса-чи. Энди ўзинг айт: мен усиз қандай яшайман?

Кўп ўтмай Фикрияни “Муниҳа”га жўнатиши. Ўзининг муаммолари билан бўлиб менинг илтимосим эсидан чиқиб кетганди. Орадан бир ой ўтгач, ундан хат келди. Хатни қалам билан эмас, кўз ёши билан ёзган эди гўё.

“...Азизим Мария.

Ишон: бу ерлар мени эзяпти, бу ерлар сиқяпти. Мен тамом бўлдим, ҳеч нарса ёқмаяпти. Фақат Отатурк учун даволанишга рози бўлгандим.

Кеча ундан хат олдим.

“Нима қилсанг ҳам тезроқ тузалишига ҳаракат қил. Мен сени соғлом кўришини истайман”, — деб ёзганди.

Агар у билан охир-оқибат бирга бўлмасам, ўзимни ўлдираман.

Усиз менга ҳаёт қоронғи. Нима учун ўзини менга шунчалар севдирдики? Нега уни шунчалар севдим экан-а? Нимагадир ғалати ҳиссиётлар бор менда.

Илтимос сендан Анқарага бориб Отатуркка айт. Мен усиз яшолмайман. Ёлвораман: унга бориб айт...”

Фикрия оташ бўлиб ёнаётган эди. Унинг қайғуси билан овора бўлиб, Мехметни қидиришни тўхтатиб қўйгандим.

Бир куни базм кечасида Истанбул ҳокими ёрдамчиси билан танишиб қолдим. “Тез кунда бундай исмли йигитни топиб бераман”, — деганди.

Фикриядан яна ғам тұла хат олган куним, “Миллият” газетасидан одамни караҳт ахволга туширувчи хабарни ўқиётган әдим: “...Мустафо Камол подшо, Латифа хоним билан турмуш қуришди”. Вой худойим! Бу хабар Фикрия учун ўлим фармона-ку. Энди Фикриянинг ҳоли нима бўлади? Унга энди ким тасалли беради? Қандай сўз, калималар билан юпатади. Оҳ, Фикрия, Фикриягинам! Тамом бўлдинг, гўзал Фикриям, тамом бўлдинг! Бу хабарни ўқирканман, мен ҳам сен учун сендан кам куймадим, Фикриям!

Анчагача йиғидан ўзимни тўхтатолмадим. Аммасига телефон қилдим. У ҳам йиғлаётган эди.

— Фикриямга буни қандай қилиб айтамиз, Мария қизим? Фикрия тамом бўлади. Фикриям бу янгиликни эшлиши билан тамом бўлади-ку... Энди нима бўлади, худо ҳаққи, бир нарса де, менинг ақлим ишламаяпти.

— Менинг ҳам... Менинг ҳам тилим лол. Нима дейишга ҳам ҳайронман.

Кейин ўтириб Фикрияга хат ёздим. Уни бундай ёмон хабарни эшлишига секин-секин тайёрламоқчи бўлдим. Йигирма кундан кейин ундан хат келди. Хат эмас ўлим хабари эди гўё.

“...Азизим Мария... Менга ёрдам бер, илтимос! Бугун газетада Отатуркни кўрдим. Орқасида бўйи пастроқ бир аёл, ёнида эса ёрдамчиси зобит Музaffer турган экан. Газетани берган аёлдан: “Бу аёл ким?” — деб сўраган әдим. “Хотини бўлса керак. Уйланди-ку, эшиштмадингми?” — деди. Мен унинг гапига ишонмадим. Аммо юрагим чилпарчин бўлди, Мария! Илтимос сурини-

тириб күр-чи. Отатурк бошқаники бўлдими? Мен энди у билан бўлолмайманми? Худо ҳаққи, менга, албатта, ёз. Тез кунларда шифохонадан чиқишига ҳаракат қиласман. Балки, сенинг хатингдан олдин ўзим бориб қоларман. Отатурк учун Париждан олган тўппончани ҳам олиб бораман. Бу тўппончани унга совға қиласман. Ишончим комил, Отатурк меникидир. Уни бошқаларга бериб қўй-майман...”

Яна нималарни ёзмаган дейсиз бу хатда...

Ўша куни кечки пайт Фикриядан телефон келди. Туркияга келибди. Бўғик паст овозда зўрға гапираётган эди:

— Ўз кўзларим билан куриб ишонч ҳосил қилиш учун эртага “Чанқая” кўшкига бормоқчиман. Ишонгим келмаяпти, Мария.

Ўша куни мен учун жуда ҳам оғир кун эди. Кечгача хабар келмади. Эртаси куни аммасига телефон қилганимда эшитган гапимдан юрагим чилпарчин бўлиб минг бўлакка парчаланди:

— Кетди, Фикриям кетди, Мария! Бутун Отатурк олиб берган тўппонча билан пешонасидан отиб, ўз жонига қасд қилди. Ёки шундай деб кўрсатишиди. Ҳар бир ишнинг ҳақиқати Оллоҳга аёндир!

Бундай хабарни эшитгунча ўлганим яхши эди!. Бутун умр эсдан чиқмайдиган хабардан тамом бўлгандим.

Фикрия муҳаббат учун қурбон бўлганди... Фикрия энди бу ёруғ оламда йўқ. Бир неча кундан кейин битта газетада шуларни ўқидим:

“Турк аёли озодликка эришиди!”

Фикриянинг хотирасига эса кичкина хабар ёзилганди, холос.

Ойим билан ҳам, дадам билан ҳам хат орқали хабарлашиб турибмиз. Мен дадамга керакли бўлган маълумотларни юбораман, мақола ёзаман. Фақат ўз ишимни меҳр билан қилолмаётгандим. Дадамнинг пулларини Меҳметни топиш йўлида сарф қилаётган эдим. Дадам: “Пулдан қайғурма, қизим. Истанбул кўчаларида японлар билан қўл ушлашиб юрсанг бўлди”, — дер эди. Дадам билмайди-да бу ерларда японлар масаласи аллақачон тўхтатилганини.

Фикрияning ўлимидан кейин анчагача ўзимга келолмай юрдим. Фикрия ўлган эди. Лекин менинг ўлишимни истамасдан ўлганди у. Зобит Музаффардан менга ёрдам беришни, яъни Меҳметни топиб беришни сўраган экан.

Менга зобит Музаффардан хат келди.

“Хурматли Мария хоним... Фикрия хоним воситачилигига бизга келган илтимосингизни бажо келтирдик. Меҳмет Измирдаги ўрта мактабда ўқитувчи бўлиб ишлаётган экан. Манзилини сизга юборяпман”.

Вой Худойим! Қандай гўзал хабар-а? Куш бўлиб учайдганга ўхшардим... Дарҳол йўл ҳозирлигини кўрдим... Меҳметни кўраман энди... Ҳа, уни кўраман. Телбаларча шоша-пиша югуриб-елиб автобекатга бордим ва чипта олиб Измир автобусига ўтирдим.

Эй худойим! Автобус нега тез юрмаяпти. Нега тез тез тўхтаяпти!.. Бу йўллар мени тушунмаяптими? Бу автобус мени тушунмаяптими?

Йўл анча узоқ экан. Икки кундан кейин Измирга кириб бордик.

Манзилда кўрсатилган Меҳмет ишлаётган ўрта мак-

табни қидириб топиб бордим. Эрта тонг бўлгани учун ҳали ҳеч ким келгани йўқ эди. Мактабнинг боғида ўтириб Мехметнинг келишини кута бошладим. Ҳали дарс бошланишига бир соат бор экан. Эй Худо, тезроқ ўта қолсайди шу бир соат ҳам.

Ўтирган жойимда менинг ақдимга ёмон хаёллар кела бошлаганди.

Хўш, мени нима сабабдан излаштиrmади экан? Мени кўргач уялиб қолармикан? Мени кўргандан кейин уятдан юзи қизармайдими? Ер ёрилса-ю, ернинг тагига кириб кетгудай бўлмайдими? Лекин нега ер тагига кириб кетиши керак? У ҳам, албатта, мени қидирган бўлса керак. Ким билсин, балки, у ҳам мен учун кўз ёш тўккандир.

Ана шуларни хаёл суриб ўтирган эдим, ёнимга мактаб қоровули келди:

- Кечирасиз, бирор юмуш билан келдингизми?
- Ҳа... Биттасининг келишини кутяпман.
- Сиз... Сиз туркларга ўхшамаяпсиз?
- Ҳа, турк эмасман. Бу ерга чет элликлар киритилмайдими?
- Нега кирмас экан?! Бизнинг юртимизда чет эллик-лар учун эшигимиз доим очиқ.

Қаердан келдингиз?

- Истанбулдан. Ҳозир автобусдан тушгандим.
- Ў-ў-ў!. Бўлмаса қорнингиз ҳам очдир. Юринг, менинг аёлим сизга нонушта тайёрлаб беради.
- Миннатдорман. Соғ бўлинг.

Ўзимдан хафа бўлиб кетдим. Бу инсонлар менга чин дидан ҳурмат кўрсатаётган эди. Ҳолбуки мен уларнинг юртига ёмон ниятда келганлардан бири эдим. Лекин ҳеч қандай ёмонлик қилмаганим учун худога шукр қиласман. “Бу миллатни йўқ қилишга уринганлар уларнинг инсоний

хислатларини кўришмаяптими?” — деб ўйлардим, ўзимча.

Бордим... Улар мактабнинг бир четидаги уйда яшашар экан. Очик чехра билан мени кутиб олган хоним чиройли қилиб нонушта тайёрлади.

Кичкина ўғилчаси ҳам бор экан. Исми Иззат экан. “Сен биз билан яшайсанми?” — деб сўради. Ҳали жавоб беришимни ҳам кутмасдан болаларча маъсумияти билан: “Бўлмаса менга битта машина ясад берасизми?” — деб қолди.

Боланинг бу илтимосига юрагим эзилди. Бу болаларга биз — ривожланган давлат инсонлари — ўйинчоқ эмас, курол тайёrlаётган эдик. Ўша жойда ўзимга ўзим сўз бердим. Мен ҳам мусулмон бўлиб, уларнинг сафига кириб оламан.

Хонадон соҳиблари мен билан суҳбат қуришарди. Менинг хаёлим эса Меҳметда эди. Мен: “Меҳмет агар хоҳласанг, мен шу ернинг ўзидаёқ мусулмон бўламан”, — дейман деб хаёл суриб ўтирадим. Бу қароримдан роса хурсанд бўлса керак. Унинг хурсанд бўлган ҳолатини тасаввур қилаётган эдим.

Ниҳоят соат саккиз бўлди. Мактабнинг дарвозасига чиқиб сўрадим. Ҳали келмаган экан. Мактабга орқамни ўтириб, энди кўча томонга қараган эдимки, унинг келаётганини кўрдим. Вой худойим, ҳеч ҳам ўзгармабди — ўша-ӯша.

Кутилмаган ҳолда мени кўриб қолди... Кўзларига ишонмай ҳанг-у манг бўлиб жойида туриб қолди... Кейин югуриб ёнимга келди.

— Хуш... Хуш келдинг, Мария!

— Хуш кўрдим...

— Мени қандай қилиб топдинг?

Ғалати бир кайфиятда ҳайрон бўлиб сўради.

— Нега мени олдингидай: "Мариям", — демаяпсан?
— Ҳайратдан шошиб қолдим. Юрагим ўйнаб кетди.
— Сенга нима бўлди, Мехметим? Нега ҳеч ҳам мендан хабар олмадинг?

Бошим айланиб кетди.

— Кел, шу ерга ўтирайлик: ҳаммасини тушунтириб бераман.

— Нимани тушунтирасан?

— Сени нега қидирмаганим сабабини.

— Нима! Сен мени қидириб топишни ўзинг ҳоҳладингми? Мен бўлсам, балки...

— Сени қидиришни ўзим ҳоҳламадим.

— Нега? Нима учун мени қидирмадинг? Ишонгим келмаяпти. Ахир, сен ўзинг мени қаттиқ севиб қолганингни айтган эдинг-ку!

— Ҳа, мен айтган эдим. Лекин сен билан турмуш куролмасдик, Мария. Сен билан дунёқараашларимиз мос келмайди.

Ҳали ҳам ўзимга келолмаётган эдим:

— Бор-йўқ сабабинг шуми ҳали сенинг? Энди ҳозир мен айтадиган гапимга караҳт бўлиб қоласан, — дедим.

— Қандай гап?

— Сен кутган гап.

— Қандай гап айтсанг-чи, қизиқиб кетяпман.

— Мен... Мен...

— Ҳа, сен...

— Ҳаяжонланганимдан айтолмаяпман.

— Айта қолсанг-чи, мени ҳам ҳаяжонлантиряпсан.

— Мен ҳам мусулмон бўлмоқчиман. Энди ҳеч қандай муаммо қолмади.

— Нима? Мусулмон бўлмоқчимисан?

— Ҳа... Ҳа... Агар ҳоҳласанг, ҳозироқ бўламан. Мен

бунга ўзимни яхшилаб тайёрлаганман.

— Мария... Мен мусулмон эмасман-ку!..

Үша пайтдаги ҳолатимни сўз билан таърифлаб беромайман. Кўзимнинг атрофи олдинига қоронғилашди, кейин яна ёруғлашгандай бўлди. Жуда ёмон аҳволда эдим.

— Ни-ма-а-а! Сен мусулмон эмасмисан?

— Йўқ, эмасман. Мен атеист социалистман.

— Сен... Сен... Яъни динсизмисан?

— Ҳа. Мен замонавий демократ камолчиларданман.

— Йўқ, бўлиши мумкин эмас!.. Ёлғон гапиряпсан!

— Йўқ. Ёлғон гапирмаяпман.

— Сен... “Рӯёларга ўхшаган бутунлай бошқа давлат барпо қиласиз” деган тузум — атеизм асосида юритилган тузумми?

— Ҳа, лекин...

Кутилмаган бундай гапдан ҳаяжонланиб, нима дейишини ҳам, нима қилишини ҳам билмай қолгандим. Кулокларимга ишонмасдим. Лекин бу гапларни у ўз оғзи билан гапираётган эди.

Караҳт бўлиб қолгандай эдим.

Унинг кўзига қараб туриб сўрадим:

— Мехмет, сўзингдан қайтдингми? Энди менга уйланмайсанми? Мендан воз кечган бўлсанг, нега менга хабар бермадинг.

— Айтотмадим. Лекин менинг қандай қийналганимни сен билмайсан.

Шу пайт ёнимизга ўшина қиз келди ва:

— Мехмет, бу қиз ким? — дея сўради.

Мехмет нима дейишини билмай дудукланиб :

— Германиялик дўстим, — деди.

— Бу қандай таништириш бўлди? — дедим Мехметга, норози оҳангда.

Шунда ўша қиз менга қараб:

— Бўлмаса ўзингиз айта қолинг.

— Мен унинг борлиғиман. Бўлажак турмуш ўртоғиман. Исмим — Мария. Лекин ҳозир у нимагадир мен билан ҳазиллашяпти.

Қизнинг жаҳди чиқиб кетди.

— Мен эса унинг унаштирилган қайлиғи бўламан.

Исмим — Руқия...

— Бўлиши мумкин эмас.

— Бу аллақачон содир бўлган, хоним...

Хушимдан кетиб йиқилиб тушмаслик учун ўзимни зўрга тутиб Мехметга қарадим:

— Ростдан ҳам, бошингга катта ташвишлар тушган экан.

Зинапояга ўтириб қолдим. Холам тортган азоб ҳам шунаقا бўлган экан-да. Алданиб қолганим учун ўзимни кечиролмаётган эдим. Бу аламни кўтаролмай хушимдан кетиб қолибман. Таранглашиб қолган асабларим ўзини бўш қўйиб юборган эди. Билни ўйлаб қайғуришим, Мехметни топиш учун сиқилганларим, дадамнинг топшириклиари — ҳаммасини кўтаришга асабларим дош беролмаганди.

Кўзимни очсам, шифохонада эканман. Қон босимим тушган экан. Мени касалхонага олиб келибди. Мени нима учун ташлаб кетганини сўрамадим ҳам. Бўлган тортишувларни эслаб ўзимдан жаҳдим чиқди. Унинг ёнида хушимдан кетиб ўзимни хўрлангандай кўрсатганим алам қилди менга.

Мехмет ёнимда ўзимга келишимни кутиб ўтирган экан. Мени ташлаб кетиш сабабини сўрамаслик учун ўзимни ҳеч нарса бўлмагандай тушишга қарор қилдим. Бирдан мавзуни ўзгартириб янги барпо қилинган инқилоб

ҳақидан сўрай бошладим:

— Демак, Усмонли давлатини йиқитдингиз, ғалаба қилдингиз. Қайси тузумга ўтмоқчисизлар? Европа тузумигами?

— Ҳа... Ҳа, Мария. Бир кун келиб европаликларга ўхшаймиз.

— Яъни мен яшаб келаётган тузум, давлатни янги-ча бошқариш тузумига ўтмоқчисиз, тўғрими? Пок қалбли инсонларни динидан урф-одатидан маҳрум қилиб, аёлининг қўлини бошқа эркакларнинг қўлига тутқизиб қўядиган Ҳанслар кабиларни, сув ўрнига ароқ ичадиган, никоҳни хурмат қилмайдиган, ўзлигини унугтадиган авлодларни яратишни хоҳлаяпсизми? Европанинг кўчалари фоҳишалар билан тўлиб тошганидан хабаринг борми? Сиз олиб кираётган тузум бу ерни шундай ахволга келтиришини биласанми? Ўз давлатингга, ўз миллатингга буларни қандай раво кўрасан? Кейин виждонинг қийналмайдими? Бунинг устига баъзи давлатларнинг мақсади мусулмон давлатларни ўзларига бўйсундириб, қарам қилиб олиш экан.

— Ўз юрtingни ёқтирамайсанми?

— Сен-чи, ўзинг ёқтирасанми?

— Мен замонавий ҳаёт кечиришни хоҳлайман.

— Сен хоҳлаётган ўша ҳаётда дин йўқ — шуни биласанми? Борлари ҳам черковга маҳкум қилинган.

— Биламан. Дин бизга тўсқинлик қиляпти. Шунинг учун...

— Қайси дин тўсиқ бўляпти?

— Фарқи йўқ. Ҳамма динлар бир хил.

— Йўқ. Ислом дини билан бошқа динларни солиштирма.

Қалбим ларзага келиб кетганди. Кейин ўзимни тутиб туролмай яна давом этдим:

— Мәхмәт!

— Лаббай?

— Сен менга ваъда берган юртинг ўша — ўзим яшаётган тузум эдими?

— Ҳа, ўша сен яшаётган тузум.

— Мәхмәт! Сени таний олмаяпман... Нахотки, мен неча ойдан бери қидириб тополмай юрган севгилим Мәхмәт сен бўлсанг?

— Мен ҳар доимгидекман, ўзгарганим йўқ.

— Сен бунга лойиқ эмассан, Мәхмәт! Эсиз, сен учун тўккан кўз ёшларим! Афсус...

— Бундай дема, Мария. Мен сени, ростдан ҳам, севганман. Энди шундай бўлиб қолди. Унаштирилганман. Тан олишим керак, сени кўришим билан қалбимдаги севги яна қайтадан жонланди.

— Менга уни эслатма. Илтимос қиласман сендан. Сен жим тур: фақат мен галираман. Сендан кўп нарса сўра-моқчиман.

Эй, худойим! Бу нимаси? Ростдан ҳам, мен севган Мәхмәт шуми? Ишонгим келмаяпти. Ишониш қийин, зўрға гапимда давом этдим:

— Сен учун буларни гапириш шунчалар осон, демак: “Шундай бўлиб қолди...” Агар сенинг бунақа одамлигингни билганимда унаштирилган бўлмаган тақдирингда ҳам сенга қайрилиб қарамасдим. Ўз миллатидан нафратланган, ўзлигидан, ўз динидан уялган сендай инсон мени севганингда нима ўзгарабди? Афсус, минг марталаб афсуслар бўлсин! Ҳали менинг борлиғим менинг ҳаётим деб юрган одамим сенмидинг? Энди билсам, сен буларга арзимас экансан. Сени ўзим ўз хаёлимда мукаммал қилиб буюклаштирган эканман.

— Мени хақорат қиласма, Мария!

— Ҳали буни ҳақорат деб ўйлајапсанми? Сенга ўхшаганларга бундай ҳақоратни илтифот деса бўлади. Сен жуда пасткаш одам экансан. Мен аҳмоқ бўлса сени, ўзимча, буюк инсон деб ўйлабман.

Унга кўзларига қарапканман, нафратимни яшира олмадим:

— Демак, муносабатимиз шу ергача экан-да? Мана энди ҳаммаси тугади. Мен орзу қилган қаҳрамоним қандай инсон бўлиши кераклигини яхши биламан энди... Яхши қол!.. Мени тинч кўй энди...

— Мария, шошма ҳали гапим тугамади, ҳаммасини сенга тушунтиришим керак...

Унинг менга хиёнатини, унаштирилган қайлиғи ҳақидаги баҳоналарини эшитишга тоқатим йўқ эди. Шунинг учун: “Сенинг шахсий ҳаётинг мени қизиқтирумайди”, — деган маънода гапни бошқа ёққа бурдим.

— Сенинг ўзингга хос гапирадиган гапларинг борлигига ишончинг комилми? Менинг юртимдагиларни менга тушунтирмоқчимисан? Уларни эшитишнинг менга қизиги йўқ. Чунки мен сенинг кўкларга кўтарган тузумингни илоҳийлаштириб сиғинаётганинг ўша Европа давлатида туғилиб вояга етганман ва ўша маданиятнинг ичида яшаяпман. Ўша Европа маданияти менинг қўлимдан укамни олди, дадамни олиб-олмаганини эса билолмаяпман. Лекин дадам бутун дунёни динсизлаштириш учун ҳаракат қиляпти. Сен энди ўша маданиятингни кимга ўтказмоқчи бўлсанг, ўтказ. Фикрингнинг менга қизиги йўқ. Ҳар битта гапингни Европадан олгансан. Уларни битталаб йиғиб, тўплаб, кейин ўз жамиятингга тарқатяпсан. Ҳозир эса сен мендан ўргангандарингни менга ўргатмоқчи бўляпсанми? Отатурк ҳам шунчалар ожиз эканлигинизни айтганди.

— Адашяпсан.

— Илтимос, жим бўл! Қайси бирида адашяпман? Лайицизм кўллаб-кувватлашингизни айтиб адашяпманми? Уни ҳам Европадан ўргандингиз. Демократиядами? Кўри-нишингиздами? Кийинишингизда ҳам Европага тақлид қиляпсиз. Сиз ҳатто ўз тақвимингизни ташлаб бизнинг тақвимда яшаяпсизлар-ку. Кечагина сизларга қарши уруш қилган ўлкаларни, бугун қулоқ очиб, ўзингизни уларга қўш-кўллаб топширяпсиз. Кеча қизларингизга кўз тиккан одамнинг кўзини ўйиб олишга ҳам тайёр эдингиз. Лекин бугун гўзаллик танлови номи остида қизларингизни яrim яланғоч қилиб бутун дунёга кўрсатяпсиз. Хўш нима учун? Ниманинг ҳисобига? Фақатгина улардан мукофот олиш учун... Маданиятинг шуми? Қани бу ерда сенинг шахсий фикринг, сенга оид бўлганлари қаерда? Ўзингга оид бўлган йўлинг қани, айтоласанми?

— Камолизм.

— Ўзингни алдаяпсан. Камолизм деган ғояни бу ўлкада кўрмадим. Борга ўхшайди, лекин ичи бўш. Кўрганларимнинг ҳаммаси Европадан келган. Ўзлигидан уялган сенсан... Мадҳ-мақтов, шон-шуҳрат, хушомад-у замонавийлик учун ислом динини ҳам тарк этгансан. Бечорагина инсон!

— Нима, Усмонлилар қилган хатони тақрорлаб юртимишни душманларга бериб қўйишимиз керакми?

— Ўша душман деб атаётганинг ким? Ўзларингиз ҳавас қилганларингизмасми? Кулгимни қистатма... Мени: “Четдан келган, ҳеч нарсани билмайди”, — деб ўйлама. Лозаннада бой берилган ерларни¹ сизнинг халқингиз бил-

¹ Лозанна конференцияси — Яқин Шарқ масалалари бўйича 1922-йил 20-ноябрь — 1923-йил 24-июнда бўлиб ўтган конференция. Туркия Англия — Грекия интервентларига қарши урушда (1919—1922) галаба қозонганидан кейин ўтказилган. Унда бир томондан — Туркия, 2-томондан

мас, аммо мен яхши биламан. Ҳатто, ерингиздан ҳам қадрли бўлганлари бор. Кошки, фақат ерларингизни бериб қўйсангиз эди. Сенга ўхшаш одамлар ориятини ҳам бериб қўйган. Аммо буни парвойингга ҳам келтирмайсан...

— Сен нималар деяпсан, Мария? Сен буларнинг ҳаммасини қаерда ва қачон ўргангансан? Мени ҳайратда қолдирдинг.

— Тўғриси, сен ҳам мени ҳайрон қолдирдинг. Ҳайрон қолдирганда ҳам ақлимга сифира олмайдиган дараҷада ҳайратлантиридинг. Меҳметбейнинг қандай одам эканилигини кеч бўлмасдан билдириб қўйдинг, бунинг учун сенга ташаккур айтаман.

— Лекин сенинг гапиришинг бошқача. Ҳудди мусулмонларга ўхшаб гапиряпсан. Сен каби танқидчини бу ерда ёки мусулмонлар орасида ҳеч қачон кўрмаганман. Сенга ўхшаб исломни қўллаб-куватлаб, ёқлаб гапирган бирор инсонни ҳалигача кўрмагандим.

Шифохонанинг мен ётган хонасида мендан ташқари яна бешта бемор ҳам бор эди. Ҳаммаси бизни кузатиб, сұхбатимизни тинглашаётган эди:

— Буни ўзим учун шараф деб биламан. Бир неча ойлардан бери ўқияпман. Исломнинг бир қанча ҳукмлари ни ўргандим. Оллоҳнинг бир қанча каломини ўргандим.

— Ислом динини мен ҳам биламан, Мария.

— Сенми? Кулгимни қистатма. Шошма, сумкамдан битта дафтаримни олай, ундан Куръон оятларидан бир нечтасини ўқиб бераман. Яъни Оллоҳнинг каломларидан. “Агар Ер юзидаги барча дов-дараҳт қалам бўлиб, денгиз

— Буюк Британия, Франция, Италия, Япония, Греция, Руминия, Югославия иштироқида Лозанна тинчлик сулхи имзоланди (1923-йил 24-июль), Туркияning хозирги чегаралари белгиланди. Капитуляциялар рёжими ва чет эллик фукароларнинг иктисадий ва сиёсий имтиёзлари, Туркия устидан халкаро молиявий назорат бекор қилинди.

(сиёх бўлса ва) ундан сўнг яна етти денгиз ёрдамга келса, Оллоҳнинг сўзлари тугаб битмас. Албатта, Оллоҳ қудрат ва ҳикмат эгасидир” (Луқмон сураси 27-оят). Ўзинг айт-чи, Мехметбей, сен денгизларни ҳам тутатадиган даражада кўп илм эгаси бўлган Оллоҳнинг сўзлари ва яратганларидан қанчасини биласан? Инкор қилиб кутулмоқчи бўлдинг. Ҳақиқатни ўрганишдан кўрқаркансан. Кулоқ сол: Куръонда нима дейилган: “Албатта, Оллоҳ қудрат ва ҳикмат эгасидир”. Лекин сизлар Оллоҳнинг хукмларига эътибор қилмабсизлар.

— Лекин Усмонлида...

— Мен Усмонлидан эмас, Куръондан, Оллоҳнинг сўзларидан гапирияпман. Усмонли хато қилгандир, тўғри қилгандир — у бошқа масала. Шуни айтишим керакки, Усмонли сизларга қараганда жуда ҳам ғуурули бўлган... Мана шу оятдаги сўзларга нима дейсан? “Сизларнинг туғилишингиз ҳам, қайта тирилишингиз ҳам Яратганга боғликдир. Шубҳасиз, Оллоҳ ҳамма нарсани кўргувчи ва билгувчиидир”. Аммо сен Оллоҳни танимаганинг учун қайта тирилишингга ишонмаяпсан. Афсуслар бўлсин.

Кейин мавзуни бирдан ўзгартириб гапни бурдим.

— Унаштирилган қайлифинг чиройли қиз экан! Мендан воз кечишингга арзиди. Сен айблаётганим йўқ. Ҳамма айб — ўзимда. Ўзим айборман... Фақат Оллоҳни таниганим учун ўзимни ҳам кечираман. Сенга ишониб катта аҳмоқлик қилдим. Лекин ислом динидай гўзал ҳаёт тарзини танлаганим бу аҳмоқликни кечиради.

Менинг гапларимдан Мехмет лол бўлиб қолганди.

Мехметдан умидимни узиб Истанбулга қайтдим. Сузига бўлиб ўтган гапларнинг ҳаммасини айтиб бердим. Сузининг ҳайрати ошиб:

— Сен тўлиқ мусулмон бўлибсан-ку.

— Йўқ, ҳали тўлиқ мусулмон бўлганим йўқ. Аммо, албатта, бўламан. Ойим билан дадам мени кечиришмаслиги тайин. Майли, кечиришмаса ҳам мен ҳақиқий динни топдим. Ота-онамни ранжитмаслик учун Оллоҳ амрларига қарши бормайман ҳамда жаҳаннам оташида ёнишни хоҳламайман. Оллоҳ мени яратадиганда улардан сўрамаганку. Нега энди мен Оллоҳ буюрган динга кириш учун улардан рухсат сўрашим керак?

— Балки, Мехметдан ажралганинг учун тушкунликка тушиб қолганингдан шундай деяётган бўлишинг мумкинми?

— Сенга айтган билимларимни тушкунлик ўргатган бўлиши мумкинми? Бундан кейин Мехмет деган ҳеч кими ни танимайман. У ҳақида гапиришни хоҳламайман.

У оддий Мехметдир: қалбимга кирди — кетди!..

Қалбимни бироз яралади: тилкалади — кетди.

Ҳаётнинг ўзи дард берар ҳам даволар. Қара:

Ўткинчи ишқ келди-ю, тўхтамай ўтди — кетди¹.

— Нақадар гўзал шеър. Шоир бўлибсан! Сени тушунаман. Буни ҳазм қилиш осон эмас. Лекин сенга қойилман: оёқда тик турибсан. Ҳам ўзингга бўлган ишончинг яна ҳам ортган. Қойил, табриклайман сени.

— Гапинг тўғри. Унинг европаликларнинг ҳаётига қизиқаётганини билиб бирдан кўнглим қолди. Мен ўз сўзида турадиган қатъиятли эркакларни ёқтираман. Менга у, барибир, “бошқа бирор”нинг сояси каби ёққанди. Менинг қалбимда доимо ўша “бошқа бирор” бор эди. Мен эса Мехметни ўша “бошқа бирор” деб тасаввур қилганман,

¹ Ушбу китобдаги барча шеърларни Алишер Равшанов таржима қилган

холос. Лекин ҳар доим ўша “бошқа бирор”ни — Абдулах-хобни құмсарадим. У менга ошиқ эди. Уни яхши билганим учун Мехметнинг қандай одам эканлигини ажратишим қийин бўлмади. Зитлер қонуни каби. Балки, унга турмушга чиқарман. Унга бўлган қизиқишим ўйлаганимдан ҳам кучли.

Бир неча ҳафта давомида ички руҳий тўқнашувлар гирдобида қолдим. Лекин ички тўқнашуварим енгил кечди. Абдулахҳоб қалбан мени бунга олдиндан тайёрлаб борган экан. Ислом динига киришим унчалик қийин бўлмади. Бир куни қўшни опанинг ёнига чиқдим. “Мен мусулмон бўлмоқчиман, менга калимайи шаҳодатни ўргатинг”, — дедим. Мени кучоқлаб олди, курсанд бўлганидан йиғлади ва менга калимайи шаҳодатни ўргатди. Янгидан туғилгандай бўлдим. Ўзимни шунчалар енгил ҳис қилдимки, худди күш бўлиб самода учайдигандай эдим. Айтмоқчиманки, энди мен бошқа инсонга айланган эдим.

Сайд-и Нурсий ҳазратларининг калимайи шаҳодат хақида ёзганларини ўқидим. Баъзи дин олимларининг сухбатларини тингладим.

“Ла илаха иллаллох” дейиш “Бошқа илоҳарни тан олмайман, мен учун битта илоҳ бордир, у Оллоҳ”, — деган маънони берар экан. “Ашҳаду анла илаха иллаллоҳу ва ашҳаду анна Мұхаммадан ъабдуху ва росувлух” эса “Мен шоҳидлик қиласманки, Оллоҳдан бошқа илоҳ йўқ ва Мұхаммад Оллоҳнинг бандаси ва Расулидир”.

Нақадар гўзал!

Исломга қадам қўйиш билан Оллоҳдан бошқа илоҳ йўқлигини ўргатади. Бошқача қилиб айтганда: “Диний қоидаларни фақат Оллоҳ қўяди”, — дейилади. Ҳеч ким ўз хоҳишига кўра диннинг номидан ҳалол ва гуноҳни ўргатишига ҳаққи йўқ. Насронийлар каби адашиб: “Пайғамбар-

га Оллоҳ деманг, инсондан устун қўйманг”, — дейилади, “Муҳаммад Оллоҳнинг бандаси ва Расулидир”, — дейилади... Муҳаммад бир бандадир ва Оллоҳнинг Расулидир. Эй Худойим! Жуда ажойиб айтилган калимайи шаҳодат! Ислом динига ана шундай калимайи шаҳодат билан кирилади.

Абдулваҳҳобга хат ёза бошладим.

“Ассалому алейкум. Салом, Абдулваҳҳоб, аввало, хушхабарни айтай. Ниҳоят мусулмон бўлдим. Қўшини опага калимайи шаҳодатни айтдим.

Ўша опа жуда ҳам хурсанд бўлди. Бўйнимдан қучоқлаб йиғлади.

“Динимизга хуш келдинг, азизим!.. Оллоҳ сени жаннати билан мукофотласин!..” — деди.

“Омин... Лекин насроний динида ҳам омин дейилади”, — дедим.

“Бўлиши мумкин. Насроний динида ҳам, бошқа динларда ҳам, шунингдек, бошқа таълимотларда ҳам исломий ҳукмлар бордир. Динсизликда ҳам... Аммо ҳар қандай ҳолатда ҳам: “Уларнинг баъзи томонлари ислом динига тўғри келаркан”, — деб ислом дини билан тенглаштирилмаслик керак. Ислом фақат Оллоҳнинг динидир... Инсонлар ислом номидан баъзи хуроффотларни киргизсалар ҳам Қуръоннинг аслини ҳеч ким ўзгартиrolмайди. Бунга ҳеч кимнинг ҳаққи йўқ”, — деди.

“Жуда ҳам баҳтлиман. Жуда... Буларни зудлик билан Абдулваҳҳобга айтишим керак”, — дедим ва сенга ёзмоқдаман:

“Оллоҳнинг саломи сенга бўлсин Абдулваҳҳоб!

Ислом дунёсидан сенга саломлар бўлсин! Жуда ҳам

ҳаяжондаман... Сенга айтадиган яна битта хушхабарим бор. Түхтә ҳаяжонланиб кетма ўзингни тутиб тур. МЕН... МУ-СУЛ-МОН... БҮЛ-ДИМ! ҲА МЕН МУСУЛМОН БҮЛДИМ. Кечирасан, буни айтгандим-а.

Қалай, хурсанд бўлдингми? Ишончим комилки, жуда ҳам хурсанд бўлгансан.

Сенга айтадиган яна бошқа битта янгилигим ҳам бор. Мен Меҳмет билан ажралдим. “Ҳар ҳолда, сендаги хусусиятни унда кўрмагач, бирдан кўнглим қолди”, — дейишни хоҳлардим-у, аммо бундай дея олмайман. Меҳмет мени ташлаб кетди. Бошқа қизга унаштирилган экан. Мен ҳам айтадиганимни айтдим... Уни ҳаётимдан бутунлай ўчириб ташладим. Кейин нима бўлди биласанми? Сени соғиндим. Агар билсанг, мен сенга жуда ҳам боғланиб қолган эканман...

Бу ерда жуда кўп воқеалар бўлди... Сенга олдин айтган дугонам Фикрия ўз жонига қасд қилиб ўлди. Отатуркнинг бошасига уйланганини ҳазм қилолмади...

Мен жуда кўп бошқа дўйстлар орттиридим, мақолалар ёздим... Аммо тан олишим керак, сени ҳеч ҳам унумтолмадим.

Тез орада бориб қоламан. Дадам: “Келма”, — деди. Майлига, дадамнинг гапига кирмайман, барибир, бораман. Шундоқ ҳам: “Журналист сифатида қалам тебратмадим”, — десам ҳам бўлади. Чунки ёзган мақолаларимни газетада чиқаришмади.

Бу ерлардагилар ўз ҳалқини алдаб келаётган экан. Қўрқинчли ўзгаришилар бўляпти. Қўриб туриб чидаш қийин. Ҳалқи тумтарақай бўлиб кетяпти. Сен буни яхши тушунсанг керак, олдин Мисрда ҳам шундай тарқоқлик бўлган экан-ку. Жумҳурият дейишади-ю, аммо камчилигининг фикри эътиборга олиняпти. Бошқаларини бу

“жумхуриятчилар” одам ўрнида күришмаяпты.

Нима қилишини ҳам билмайсан киши бу ерларда? Шу кетиши бўлса, ҳали кўп ёмон кунлар бўладигандай хаёлимда... Аммо шуни билишингни хоҳлардимки, мен мусулмонларга ўхшаб, мусулмончасига яшаяпман.

Лекин Исломга кириш осон экан-у, исломда қолиш одамдан ғайрат талаб қиласар экан. Нимани қандай бажаришим кераклигини менга билдири. Унутма, сен менинг устозим ҳисобланасан.

Сендан яна битта нарса сўрамоқчиман. Айбга буюрма, илтимос. Сени жуда ҳам яхши кўраман. Мен билан турмуш қуришга рози бўласанми?».

Ўша кеча ёзаверибман, ёзаверибман қанча соат ёзганимни ўзим ҳам билмайман. Эртаси куни хатни почтадан жўнатиб юбордим.

* * *

Орадан бир ой вақт ўтган эди. Бир куни бозор айлануб уйга кириб келганимда кўзларимга ишонмадим. Нимага дейсизми?! Уйда Абдулваҳҳоб билан тортишувдан кейин мусулмон бўлган собиқ епископ ўтирибди. Уйдаги хизматкор аёл уни уйга киргизган экан. Мени кўриши билан ўрнидан турди.

— Вой! “Хуш келибсиз, жаноб епископ”, — дедим.

Епископ билан анчагача сұхбатлашиб ўтиридик. Епископ жуда ҳам ҳаяжонланаётган эди:

— Хабаринг бор мен ҳам энди мусулмон бўлганман. Сен ҳам мусулмон бўлибсан: буни мен ҳам биламан. Энди биз бир-биримизга қандай мурожаат қилишини ўрганишимиз керак.

— Худо ҳаққи, айтсангиз-чи, сиз мени қандай қилиб топдингиз?

— Манзилингни Абдулваҳҳоб берди.

— Келишингизнинг сабабини билсам бўладими?

— Сенга Оллоҳнинг амрига кўра Абдулваҳҳобдан совчи бўлиб келдим. Оддин дадангнинг олдига совчиликка боргандим. Аммо, китобларда ёзилишича, бир оиланинг қизи мусулмон бўлгач, ота-онаси узатишга рози бўлмаса, тўғри қизнинг ўзидан сўраса ҳам бўлар экан. Мен дадангнинг розилигини олмоқчи бўлган эдим. Даданг: “Мен аралашмайман”, — деди. Ойинг: “Агар мусулмонга турмушга чиқса, уни фарзандим деб ҳисобламайман”, — деди. Шунинг учун тўғри ўзингнинг ёнингга келдим. Абдулваҳҳоб сени жуда ҳам яхши кўрар экан. “Қалбининг тозалигини жуда ёқтираман”, — деди. Сен нима дейсан?

Ишонинг ўзимда йўқ хурсанд эдим.

— Розиман... Ўйлаб ҳам ўтирумайман. Шундоқ ҳам турмуш қуриш таклифини унга ўзим айтган эдим.

— Жуда ҳам хурсандман.

— Абдулваҳҳобнинг аҳволи қандай? Яхшими?

— У нима ҳам қилсин, ўтиrsa ҳам турса ҳам бор фикр-у хаёли сенда. “Ўзимдан жаҳлим чиқади”, — дейди. “Бу ёғи ортиқча”, — дейди. “Лекин нима қилай, юрагимга гап уқтиромаяпман”, — дейди.

— Билардим, менга қаттиқ-қаттиқ гапириб: “Ҳадеб кўзимга кўринаверма, мени гуноҳга ботиряпсан”, — дейишидан мени севишини сезгандим.

— Энди нима қилмоқчисан?

— Эҳ-ҳе! Ҳаммаси бирдан ўзгариб кетганидан нима қилишга ҳам ҳайронман. Аммо битта ишимдан мамнунман, мен энди мусулмон бўлдим. Бундан жуда ҳам баҳтлиман. Сизга мусулмонларнинг буюк шоири Нажиб

Фозилнинг¹ битта шеърини ўқиб бераман:

Құнғироқ овози.

Хонамда ёңган шамни ўчирди құнғироқ навоси,
Күзларимга күрінмиш ҳалқа-ҳалқа учган овози.

Олдимдан лип этиб ўтди-ю, қолди оловдай излар,
Очилди тупроқ остидаги қават-қават дахлизлар.

Чақмоқлар ёниб-үчди, чақмоқлар ўчиб-ёнди.
Чукур сойларда тиниб ётган сувлар уйғонди.

Үңг-у сүлга тебранар ҳам данг-дунг қылар құнғироқ.
Тұхтамай чалар құнғироқ, тұхтамай чалар құнғироқ,

Сувлар титрар, буюмлар титрар, метинлар қалтира,
Баҳайбат құнғироқлар құрқинч-у даҳшат ила титрар.

Күрдимки, қадам-бақадам тұда-тұда кашишлар
Абадий зулмат-ла қопланған қабрга кирмишлар.

(1925)

— Шунчалар таъсирли шеърки, худди менга атаб
ёзилғанга ўхшайди.

— Йўқ, фақат сенга эмас, иккаламизга атаб ёзил-
ғанга ўхшайди, Мария.

— Гапингиз түғри. Айтгандай, сиз қандай қилиб
мусулмон бўлдингиз?

— Ўзингга маълум, Абдулваҳҳоб Ислом динини жуда
чиройли қилиб тушунтиради. Агар ислом дини чиройли

¹ Нажиб Фозил Қисакурек (1905–1983) — турк шоири, драматург ва ёзувчи.

қилиб тушунтирилса, ислом динини асло қабул қилмайдигандай бўлиб кўринганлар ҳам, барибир, қабул қилишади. Худога шукур қиласман. Энди Мисрга араб тилини ўрганиш учун кетмоқчи бўлиб турибман. Лекин бунинг учун менда имкон бўладими-йўқми — унисини билмайман. Хўш, шундай қилиб энди сен бизга келин бўлдинг. Тезлик билан буни Абдулаҳхобга ёзишимиз керак. Сенинг рози бўлишингга ишонганди-ю, аммо... Даданг билан ҳам тез-тез учрашиб туради. Ақллиигини қара, дадангнинг кўнглига йўл топиб сенга ҳамманинг розилиги билан уйла-нишни хоҳлайди. Даданг, менимча, ислом дининг фаолиятини чукурроқ билиш учун ўзини ишонгандай кўрсатяпти.

Ҳайратим ошганидан юрагим ҳаприқиб кетди.

Бир неча кундан кейин собиқ епископ Германияга қайтиб кетди. Мен ҳам Германияга кетмоқчи бўлиб юргандим.

Кетишдан олдин Истанбулнинг исломий обидаларни ўзида мужассам этган гўзалликларини томоша қилиш учун сайр қилмоқчи эдим ва бу мақсадимга эришдим.

Бир нечта жоме масжидларга бордим. Айни вақтда хонадошим Сузига ҳам ислом динини тушунтиришни бошлаган эдим. Унинг ҳам мусулмон бўлишини хоҳлар эдим. Лекин у қулоқ солмаяпти-да.

Қўшни опанинг уйига чикдим... Энди Истанбулдан зерика бошлаган эдим. Одамларнинг қарамликка интилиши — замонавийликка интилиши жаҳлимни чиқара бошлаган эди. Уларнинг бундай кўр-кўrona ҳаракатини кўришга бошқа тоқатим қолмаган эди. Ҳеч бўлмаганде ўн ўн беш кишининг эсида қоладиган нималардир айтишим керак эди. Ичимдаги гапларни опага айтганимда, бунга эътиroz билдириди.

— Гапларимни яхшилаб эшиш, жон қардошим. Ҳеч

қачон исломнинг амларини яхши билмасдан ваъз айтма, мунозарага кирма. Кейин ислом динини яхши билмаганинг учун сени оёқости қиладилар. Мантиқий саволлар бериб, сени довдиратиб ташлашади. Ҳатто сени чалкаштирадилар.

— Ислом дини мантиқий дин эмасми?

— Мантиқий дин, албатта, Лекин мантиқдан ҳосил бўлмаган. Баъзида тўғри бўлган нарсалар ҳам мантиқقا тўғри келмаслиги мумкин. Жаннатдан қўчкорнинг туширилишини¹ мантиқ қабул қилмайди. Мантиқнинг ҳам иймонлиси бўлиши керак.

— Бу нима дегани?

— Яъни ислом ваҳий динидир. Ҳар кимнинг ақли ваҳийни тушунолмайди. Ақл олдин иймонли бўлса, кейин исломнинг ҳукмларини идрок эта олади. Ўрганмай туриб ўргатолмайди. Ҳамма нарса ҳам мантиқ билан ҳал бўлмайди. Ислом динига кирган қанча одам пухта ўрганмай туриб ислом динини бошқаларга ўргатишга ҳаракат қилишган. Фақат ўзлари яхши билмаганлари учун ожизлик қилиб

¹ Жаннатдан қўчкорнинг туширилиши — маълумки, Аллоҳ таоло ўз ҳалили Иброҳим алайхиссаломни синаш учун унга ўғли Исмоилни ўзи учун курбонлик килишни буюради. Оллоҳ амрига биноан Иброҳим алайхиссалом ўз ўғли Исмоил алайхиссаломни қурбон килишга ҳар томонлама тайёр бўлади ва ўғли Исмоил алайхиссалом ҳам бунга рози бўлади. Иброҳим алайхиссалом бу ишга бел боғлаб энди ўғлининг қонини оқизмокчи бўлганди Оллоҳ бунинг бир синов эканлигини англатади ва ўғлининг ўрнига курбонлик килиш учун жаннатдан бир қўчкор юборади.

Бу Куръонининг Саффот сураси 104–108-оятларида қўйидагича ифодаланган:

“Бас, Биз унга нидо кийдик: Эй Иброҳим, дарҳаккат сен (кўрган) тушингни рост-бажо кийдинг. Албатта, Биз, чиройли амал кийтувчиларни мана шундай мукофотлармиз. Албатта, бу (яъни Иброҳимнинг ўз ўғлини курбон килишни буюрилиши) очик-равшан имтиҳондир, холос”.

“Биз (Исмоилни жаннатдан туширилган) катта бир (қўчкор) эвазига куткариб қолдик (ёки Исмоилнинг курбонлигини унинг ўрнига сўйилган қўчкорнинг курбонлиги билан қабул кийдик). Ва кейинигилар орасида (Иброҳим) ҳакида (гўзал мактоб-олқишилар) қолдирдик”. Курбонни карши маънолари таржимаси. Таржимон: Абдулазиз Мансур

Иброҳим алайхиссалом Исмоил алайхиссаломнинг ўрнига жаннатдан туширилган қўчкорни курбонлик кеттиридилар. Бу одат авлоддан авлодга ўтиб, то киёмат давом этадиган суннатта айланди.

диндан чиқиб кетишган. Ёки ўзлари билмаганликлари учун бошқаларга ҳеч нарса ўргатолмаганларидан азият чекишигандык. Шунинг учун сен ўзлигингни йўқотма. Ислом дини мукаммал ўрганмасдан билганларингни бошқаларга тушунтирма. Сен ҳозирча бунга тайёр эмассан. Аммо, ишончим комилки, ҳаммасини яхши ўрганиб-ўзлаштирган мусулмон бўласан. Шоир айтганидек:

Сояларда дам олиб, Ҳақдан жаннат сўраганлар.
Бирор заҳмат чекмайин жаннат келсин деганлар.

— Энг аввало, нима қилишимни маслаҳат берасиз?

— Ҳар бир кўрган хатоларингга қараб туриб одамларни танқид қилма. Эрта ётиб, эрта туришни одат қилиб ол. Ҳар куни фикҳ билими ол ҳамда биттадан қисса ўқишга ҳаракат қил. Куръон тиловат қилишни ўргангунингча, ҳар куни Куръоннинг бир нечта саҳифасини ўқишга ҳаракат қил. Инсонларга яхши билганларингни ўргат. Билмаганларингни ўргатишга уринма. Агар билмаган нарсангни сўраб қолишиша: “Билмайман”, — дейишдан торгинма.

— Фикҳ нимани англатади?

— Қандай ибодат қилишни, ҳаром ва ҳалолни, ислом динининг аҳкомларини ва буларни қандай бажаришни ўргатадиган фан. Бу фаннинг ҳам хурофотли ва хурофотсиз томонлари бор.

— Аммо ҳамма нарсада хурофот бўлса, ўй-фикрларим саросимага тушиб қолмайдими?

— Тушсин. Саросимага тушган ўй-фикрлар астасекин билан тўғриланади. Саросимага тушмаган ўй-фикрлар эса ҳар доим лойқа кўринади, яъни доимо гумон остида бўлади.

— Суннат нима дегани?

— Буларнинг барчасини бир зумда билиб олишнинг

иложи йўқ. Ислом илмларидан таҳсил олиб, маълум вақтдан кейин ўрганасан. Суннат ислом дини яратилишининг тамал тошларидан биридир. Бу ҳукмлар қуидагилардир: фарз¹, вожиб², суннат³, мустаҳаб⁴, мубоҳ⁵. Булар қаторида шуларни ҳам ўрган: ҳалол, ҳаром, макруҳ⁶, муфсид⁷.

— Тўғри айтасиз, аммо буларнинг ҳаммасини бирдан ўргана олмайман-ку. Вақтим ҳам йўқ. Иншооллоҳ,

¹ Фарз (*арабча; катъият, мажбурият*) — ҳамма мусулмонлар бажариши катъий буорилган амаллар. Буларга Куръонда кўрсатилган диний эътиқод, маросим, урф-одат талаблари, ахлоқни ва ҳукукий месъёрлар киради. Фарз иккни турга — “фарзи айн” ва “фарзи қифоя”га бўлинади. Биринчи тури барча мусулмонларга баб-баробар буорилган бўлиб, уларнинг агади 40 атрофида (масалан, намоз, рўза, тахоратдаги фарзлардир). Амри маъруф, нахий мункар, илм олиш ҳам “фарзи айн”га киради. “Фарзи қифоя” эса бир қисм мусулмонлар бажарса, колгандар зинмасидан сокит бўладиган ишлар. Масалан, жаноза намози, кафанлаш, мурдани ювиш, дағи этиш кабилар. Шарнатта кўра, фарзнинг бу турига кирувчи ишларни хеч бир мусулмон бажармаса, ҳамма мусулмонлар гуноҳкор бўладилар.

² Вожиб (*арабча; мажбурият, бурч*) — ислом шариати тушунчаси. Мусулмонларнинг Аллоҳ ва Мұхаммад саллоллоҳу алайхи васаллам амрларнингина эмас, якка ҳукмдорлар (халифа, подшо, амир, хонлар) фармойишни ҳам бажариши мажбурий эканлингина англатади. Мажбурийлик нуқтани назаридан вожиб фарздан кейин, суннат талабларидан олдин туради. Исломда вожибини инкор этиш оғир гуноҳ ҳисобланса-да, коғирликка нисбат берилмайди.

³ Суннат (*арабча; одат, анъана, хатти-харакат тарзи*) — исломда мусулмонлар учун ибрат ҳисобланган Мұхаммад саллоллоҳу алайхи васалламнинг сўзи, килган иши, хатти-харакатлари. Суннатта тегишли ҳар бир маълумот ҳадисларда берилган ва тўлпам қилинган. Суннат исломда Куръондан кейинги, уни тўлдирувчи манба, ислом илоҳиёти ва шариатнинг иккинчи асоси сифатида эътироф этилган.

⁴ Мустахаб (*арабча; севилган, ёктирилган*) — шаръий амал. Буни бажарган киши савобли бўлади, бажармаган киши гуноҳкор бўлмайди. Шаръий ҳукмлар китобларнда мўмин-мусулмонлар килишлари маъкуб бўлган ўнлаб мустахаб амаллар (нафл намозларини ўниш, нафл рўзасини тутиш, садакалар бериб юриш, турмушда оддий одоб кондаларига риоя этиш, атрофдаги одамлар учун турли фойдали ишлар қилиш ва бошқалар) кўрсатиб ўтилган.

⁵ Мубоҳ (*арабча; умумий, ихтиёрий иш-харакат*) — шарнат тушунчаларидан бири. Унга кўра, килиш ва кильмаслик баробар бўлган амал. Уни килган кишига ҳам, кильмаган кишига ҳам савоб ҳам, гуноҳ ҳам йўқдир. Ҳаром бўлмаган, ман килинмаган (кайтарилмаган) ишларнинг ҳаммаси мубоҳдир. Масалан, ўтириш, туриш, юриш, ётиш, ухлаш, ҳалол таомларни ейиш ва бошқалар.

⁶ Макруҳ (*арабча; рад этилган, кораланган, номакбул*) — шарнат ҳукмларидан бири. Катъиян такиқ килинмаган, лекин номакбул ҳисобланган ва рад этилган амаллар макруҳ ҳисобланган. Макруҳ — Пайгамбар саллоллоҳу алайхи васаллам кайтарган иш демакдир. Ҳар бир мусулмон макруҳ ишлардан сакланиши лозим. Макруҳ ишни гуноҳдан қўркиб кильмаган киши савобли, кильверган киши гуноҳли бўлади.

⁷ Муфсид (*арабча; бузувчи*) — шаръий амалларни бузувчи нарсалар ва ҳолат. Масалан, намозда қаҳқаҳа отиб кулиш, гапириш, атайн рўзани бузиш, Оллоҳни ва Куръонни ҳакоратлаш кабилар. Шаръий амални бажаришини бошлагандан сўнг уни узрсиз, қасддан бузиш гуноҳ ҳисобланади. Унга тавба қильмоқ ва шу бузилган амални қайта адо қильмоқ лозим.

Абдулваҳобга турмушга чиққач ундан ўрганарман. Энди мен Истанбул күчаларини айланмоқчиман. Билганларим-нигина одамларга айтишим мумкин. Сизга сўз бераман: ўзим билмаган мавзуда баҳс юритмайман. Агар мен билан боришни хоҳласангиз, юринг: бирга айланамиз.

— Майли, бораман: таклифингдан хурсанд бўлдим. Биринчи бўлиб Султон Аҳмад¹ мақбараасига борамиз.

Иккаламиз бирга кетдик.

— Вой, мачитнинг эшигига нега қулф осилган?

— Давлат ёпдириб кўйди.

— Нима учун?

— Сабаби кўриниб турибди-ку. Лекин, албатта, бир кун келиб бу эшиклар очилади. Мен бунга ишонаман. Чунки ҳеч қайси тузум зулм ўтказиш билан давом этмаган... Французлардан, инглизлардан қутулишни баҳона қилиб, ислом динидан қутулмоқчи бўлганларга қарата буюк шоир Мехмет Акиф² шундай деган:

“Истанбулга келиб боқсам: бозор каби башарият,
Наъра билан тебранарлар, мана ... ўша ҳуррият.

Чиндан, чекинаркан мантиқ, ғазаб кўтарса ғалаён,
У кун кимни кўрсам: қилмиши телбалардай ноаён.

Гўёки телбалар-у жиннилар озод бўлиб занжирдан,
Жиннихонани кулатиб чиққанми ҳаммаси бирдан?!

Тўрт томон юрар онгсиз оломон — кўлида байроқ:
Бу сурув саркорининг ақди биттага камлиги чатоқ”.

¹ Султон Аҳмад I (1590–1617) — Усмонлилар салтанатининг 1603–1617-йиллардаги ҳукмдори.

² Мехмет Акиф Эрсой (1873–1936) — Усмонлилар ҳукмронлиги давридаги шоир. Туркия мадхияси сўзлари муаллифи, ветеринар, ўқитувчи, диний маърифатпарвар (Куръон таржимони), депутат.

— Ҳа... Аҳмок, жинниларга қолди бу миллат тақдири.

— Шоир ҳам зўр қилиб таърифлабди бўлаётганларни. Дарҳақиқат, давлат нима қилишини билмаяпти. Юринг: газета сотаётган одамнинг олдига борайлик. Унга бир-икки оғиз гапим бор.

Унга яқин қолганимизда бақириб чақираётган эди:

— Ёзибди, ёзибди! Туркиямиз гўзалининг ютуғини ёзяпти.

Мен қичқирган одамдан сўрадим:

— Қандай ютуқ ҳақида ёзяпти?

Газета сотувчиси менга бир қараб олди-да, кейин жавоб берди:

— Гўзалимиз юксакликка эришди.

— Нимаси билан?

Газета сотувчиси нима деганимни тушунмаганди.

— Ма, ол: газетадан ўқи.

— Лекин мен сендан сўраб билмоқчиман... Ўз ватандошингнинг, ўз динингдан бўлган бир қизнинг одамларнинг олдига ярим яланғоч чиқаётганидан хафа эмасмисан? Европада бундай гўзаллик танловлари бошланганида насроний динидагилар исён кўтаришган эди. Сен битта насронийчалик бўлолмадингми?

Газета сотувчининг гапларимдан жаҳли чиққан эди:

— Оббо! Шунга қаранглар. Сен насронийсан. Биз мусулмонмиз — тушундингми?

— Тўғри, ўз қизларининг ярим яланғоч юришидан уялиш ўрнига хурсанд бўлган мусулмонсиз.

У ердан кейин спиртли ичимликлар сотиладиган дўконга кирдим. Ўзимни арслон ёки қоплон деб ўйламайман-у, аммо бошқача куч ҳис қилгандим:

— Салом!

- Марҳамат, келинг, mademoiselle¹.
- Сизга саволим бор эди. Сиз спиртли ичимликлар инсонларининг соғлиғига зарар келтиришини билмайсизми?
- Сотувчи менга маъноли қараб:
- Биламан.
- Ароқ ичиб маст бўлган одамларнинг хотинларига, фарзандларига зулм ўтказишини, мингларча оиланинг ичкилик оқибатида бузилиб кетаётганини, ислом динида ҳам спиртли ичимлик ичишнинг гуноҳ эканини билмайсизми?
- Албатта, биламан.
- Ҳаром нарса сотган одамнинг пули ҳам ҳаром эканини биласизми?
- Албатта, биламан.
- Бўлмаса нима учун спиртли ичимлик сотяпсиз?
- Энди бу мамлакат ҳур, озод ва демократик давлат бўлди. Ҳамма нарсага рухсат берилган. Давлат қурдирган спиртли ичимликлар заводини.
- Давлат виждонсиз ва динсиз бўлса, сиз ҳам динсиз бўласизми? Бундай ақл соҳибларига афсуслар бўлсин. Ҳудонинг олдида қандай жавоб берасизлар?
- Жавобини кутмасдан дўкондан чиқиб кетдик.

* * *

Ўзимни жанг майдонида юргандай ҳис қилаётган эдим:

Эндинина Боязид² майдонига келган эдикки, похол

¹ Французларда турмушга чикмаган кизларга мурожаат шакли.

² Йилдирим Боязид I (1359–1403) — усмониллар сулоласига мансуб Туркия султони (1389–1402), султон Муродхон I (1359–8139) нинг тўнгич ўғли, султон Ўрхон (1326–1359) нинг наебираси.

шляпа кийган иккита аёлга дуч келиб қолдик.

— Кечирасиз, хонимлар, сизларнинг вақтингизни олиб беш дақиқа сухбат қурсак бўладими?

Ноз-карашма ила сузилиб жавоб беришди:

— Марҳамат қилинг, сизни эшитаман.

— Қайси диндансиз?

Аёллар ҳайрон бўлишди:

— Албатта, ислом диниданмиз.

— Ишончингиз комилми?

— Албатта, ишончим комил.

— Бўлмаса нега Европанинг динсиз аёлларига ҳавас қиляпсизлар? Узр, қизиққаним учун сўрадим?

— А-а! Сиз чет элликсиз, туркчани жуда чиройли гапирав экансиз.

— Ҳа мен дадамнинг тузоқларини деб... Аммо бу тузоқлар уларнинг ўзига қарши ишлатилди. Туркияда динсизликни тарғиб қилишимни буоришган эди. Шунингдек, сизлар Европага ҳавас қилаётганингизда улар сизлар учун мана шундай тузоқлар қўйишияпти.

— Лекин биз динсиз бўлмаймиз.

— Унда айтинг-чи: динингизга оид нима қолган ҳозир қўлингизда?

Аёллар жуда ҳайрон қолишли.

Қани уларнинг бунга жавоблари.

Бу саволга жавоб бериш нари ёқда турсин, ҳаттоқи ислом динининг у ерлардан кетиб қолганини сезмай ҳам қолишганди.

Эътиборларидан қолганди ислом.

Аммо ислом дини кетганининг фарқига боришимаганди. Энг ачинарлиси ҳам шу эди-да.

Энг эътиборлиси, уларнинг ақли биттага кам эди.

* * *

Мен ўша куни кўрган ҳар бир одамдан сўрадим:

“Сиз мусулмонмисиз?”

Ҳаммаси ҳам “ҳа” жавобини берарди. Нақадар ғалати ҳалқ! Ҳамма нарсасидан айрилган, ислом динининг бу ерлардан кетиб қолган бўлишига қарамай ўзларини мусулмонмиз деб ўйлардилар.

Айланиб-айланиб китоб бозорига бориб қолдик. Битта китоб дўконига кириб ҳайратга тушгандик. Дўконга “Бисмиллаҳир роҳманир роҳим” деб ёзилган экан. Лекин эгаси дин душмани экан. Сотаётган китобларининг баъзиларини биламан. “Динни ўлдирдик” номли китоблардан эди.

Қандай қилиб мусулмонлар буларни кўрмаслиги мумкин? Қандай қилиб бундай аҳволга келиб қолишган бўлса? Ҳа-я, эсимга тушди, дадам нима деган эди: “Агар мусулмонларга динингиз ёмон”, — дейдиган бўлсак, дарҳол динларини ҳимоя қилишга ўтишади. Айёллик билан секин-секин уларни динларидан узоқдаштирамиз. “Уларни динларининг қоидаларидан уяладиган ҳолга олиб келасан”, — деганди.

“Шунақаси ҳам бўларканми, дадажон? Худога қарши чиқиб бўларканми? Охирида ўзингиз борадиган жойингиз ҳам Оллоҳники-ку. Сизни тутиб ололмайди деб ўйладингизми?” — деб айтольсам, қанийди.

Йўлимда учраган ҳар кимга: “Биласизми бир кун Farb маданияти кириб келса, сизнинг номусли сўзингиздан масхара қилиб, устингиздан куладиган бўлишади. Farb мамлакатларида шунаقا. Лайцизм ёшларни олдинига динсиз қилди. Кейин эса номус душманига айлантириди”, — деган эдим, битта ёш қизнинг жаҳди чиқиб:

“Қарангаларап-а, битта ажнабий келиб, бизга ақл ўргатадиган бўлдими?” — деб бақирди. Ёнидаги ўртоғи эса: “Нега жаҳдинг чиқади? Бу кетишда унинг айтганлари бўладиганга ўхшайди. Шу газетани ўқисанг-чи, нималарни ёзишибди: “Рус давлатларида бўлганидек, бизда ҳам шаръий никоҳни бекор қилиш керак”, — дейилган. Ҳатто Отатурк ҳам яхши кўрган қизига қизнинг шаръий никоҳ ўқитишни хоҳлагани учун уйланмаган экан. Отатуркдай буюк қаҳрамонни ҳам ўз таъсирига олибди”, — деганди.

Ҳа-я, Отатурк деганимга эсимга тушди. Уни кўргандим. Битта тадбирда. Менга катта илтифот кўрсатганди. Унинг ҳайкаллари нақадар бўйдор эканлигига ҳайрон қолдим. Бўйини гўёки икки метрдан қилиб тасвирлашган. Аммо бўйи меникидан сал калта экан. Инсон санъати билан нималар қилмайди дейсиз. Ўзини катта кўрсатиб ясаган ҳайкалтарошларни роса уришса керак. Аммо афсуски, Отатурк ҳам Ғарб тамаддунини тушунадиганлардан бири эмас эди. Лекин мен Ғарб тамаддунини жуда яхши биламан. Бу миллатга ачинишмнинг сабаби ҳам шу эди.

Эй Худойим, бу инсонларга нидо қилгим келди...

— Алданиб қолманг! Сизларни синдиromoқчи бўлганлар, сизларни синдириш учун арабча, туркча, форсча, лазча¹, курдча... қанча тил бўлса ҳаммасини ўрганиб орнгизга кириб олган. Алданиб қолманг! Кўзингизни очинг!

Ўша куни уйга зўрға оқшом пайти етиб келдик. Опа билан хайрлашаётганимда:

— Сенга бир гап айтсам, жаҳдинг чиқмайдими? — деди.

¹ Лазлар — Кора дengизнинг жанубий-шарқида — Туркияning шимолий-шарқида жойлашган тарихий худуд — Лазистон вилоятининг аҳолиси.

— Йўқ, — дедим.

— Жуда ҳам яхши қизсан. Идрокинг аъло даражада. Аммо эътиборингдан чиққан битта нарса бор. Бу миллатни ислом динини бўйин эгдириш учун, очиқ чехра билан, мулойимлик билан аста-секин тушунтириш кераклигини унугиб қўйдинг. Жуда тез гапириб улар билан хужум қилмоқчидай бўляпсан. Ислом динининг илк пайдо бўлган замонларда Оллоҳ қандай йўл билан ислом динини бандаларга ўргатган бўлса, биз ҳам ўша йўл қоидаларини яхшилаб ўрганишимиз керак. Агар қўпол муомала қиладиган бўлсак, инсонларни ўзимиздан узоқлаштирган бўламиз.

— Гапингиз тўғри, опа, лекин нима қилай уларга қараб туриб чидай олмаяпман?

— Агар сен менинг билганиларимни билсанг эди... Мақсад-режаларидан хабаринг бор, буни эшийтдим. Лекин мен ўша режаларни қандай амалга оширишганини кўрганман. Мен нималарни кўрмадим, кўз кўриб, қулоқ эшитса ҳам ишонгинг келмайдиган кунларни кўрганман. Шунга қарамай ўзимни сокин тутишга ҳаракат қиляпман.

— Тўғри, дадангизни дорга осилганини кўргансиз: ундан ҳам даҳшатли бошқа нима бўлиши мумкин.

— Ҳа, сен ҳақсан, дадамнинг танаси дорнинг сиртмоғида неча кунлар қолиб кетганини кўришдан ҳам, билишдан ҳам ёмони йўқ, тўғри. Мен фақат дадамни эмас, ислом динининг ҳам дорга осилганини кўрганман. Аекин ислом дини дадамга ўхшаб ожиз эмас, шунинг учун ислом дини ўлмади. Ҳа, ислом дини ўлмайди. Улар исломни ўлимга ҳукм қилдилар, лекин ўлдира олмадилар.

* * *

Турмуш куришга аҳдлашганим одамим — Абдулваҳобни бир он бўлсин хаёлимдан чиқаролмасдим. Ётоқ-

хонага телефон қилиб навбатчига роса илтимос қилиб туриб олдим телефонга чақириб беринг деб. Назоратчи: “Биз ҳар бир талабанинг қайлиқларига уларни чақириб бераверсак, назоратхонада бизни бир дақиқа ҳам ўтиришимизга йўл қўйишмайди”, — деб телефонни ўчириб қўйишганди.

Уйга тез-тез телефон қилиб тураман. Ойим мусулмон бўлганим учун роса тўполон қилди. Дадамдан ҳеч қандай садо чикмаганди. Баъзан Селин бизникига келган вақтида телефон қилиб қолсам, у билан ҳам гаплашиб турардим. Ҳали уларнинг уйига телефон ўрнатишмаган эди.

* * *

Билнинг севгилиси Деми менга телефон қилди. “Неча ойдан бери оиласми кўрмадим. Илтимос, Билни кўндириб беринг”, — деди. Мен эса: “Озгина сабр қилиб кутиб тур, яқинда уйга бораман”, — дедим.

* * *

Мусулмон бўлганим учун яна ҳам севиниб шамолдай учиб юрган эдим. Жойимда туролмасдим, олдимдан чиққанга: “Сизларни алдашяпти, нега уларга ишоняпсизлар?” — деб сўрардим. Сўнгги вақтларда ниятимнинг яхши бўлса ҳам, уни амалга ошириш усулим нотўғри эканини билиб олдим.

Маълум бўлишича, Сузининг мендан жаҳли чиққан экан. Бир куни ёрилиб қолди:

— Менга қара, Мария! Неча йилдан бери қилаётган ишларимиз, барча ҳаракатимиз ўз мевасини бераётган вақтда сенинг бу аҳмоқликларингга ортиқ чидай олмайман.

Хайрон бўлиб:

— Нима иш қилдингиз?

— Нималар қилмадик! Ишладик, ҳаракат қилдик. Кўрмаяпсанми катта бир ҳалқни шундай европалаштирикки, эркакларига ҳам, аёлларига ҳам ўзимиз киядиган кийимларимизни кийдирдик. Кийимларини ўзгартириш бўйича ғалаба қозондик. Қара, давлат ишида ишлайдиган аёлларнинг бошларини ўраб юриш тақиқланди. Европадан ҳам ўтиб кетяпти булар. Бизнинг ўлкамизда ўранган роҳиба аёллар ишлашлари мумкин. Аммо бундай аҳмоқлар подаси юртларидан диний қоидаларнинг озгинасини ҳам қолдирмаганимизни сезмай ҳам қолишибди. Биз уларнинг иқтисодиётини ҳам ўз назоратимизга олдик. Яна нима керак сенга, Мария? Тангридан ўзингга бало сўраб оляпсанми? Бу ўлкада спиртли ичимликлар заводи қурилди, Қиморхоналар расмийлаштирилди, сони ортди, фоҳишахоналар очилди. Бундан каттароқ ғалаба бўладими?

Кайфиятим тушиб кетганди:

— Тўғри, тақиқланган эмас. Битта эркак ўнтаси билан юриши тақиқланмаган.

— Аҳмоқ бўлма, Мария! Театрларига эътибор қарат... Кинотеатрига қара... Ҳаммасида бизнинг асарларимизни саҳналаштиришяпти, бизнинг киноларимизни томоша қилишяпти. Булар биз учун буюк ғалаба эмасми? Технология бўйича доим биз илформиз. Энг ажойиби бу миллатга ўз технологияларини ривожлантира олмаслигига ишонтиридик. Шунча ютуқларга эришиб турганимизда сен ақддан оздингми, Мария? Ўзингга келиб қоларсан деб аввалига индамадим. Энди бу қилифинг нимаси? Кўчаларда юриб олдингдан чиққан одамга ислом динини тушунтиряпсанми сен? Яна уялмасдан менга ҳам айтиб берганинг нимаси? Кечагина ислом динига кириб уни ҳаммадан яхши биладигандай мақтаниб юришингга қара!

Етар, бас! Бўлди қил энди! Сенинг бу қилиқларингга чидашга тоқатим қолмади!!!

Сузидан жаҳдим чиққанди:

— Менга қара, Сузи! Мен исломни эмас, империализмнинг эксплуататорлигини тушунтиряпман. Уларни қарам қилиб олмоқчи бўлаётганимизни тушунтиряпман уларга, энди тушундингми? Қани, айт-чи, Бенруби эринмай Европадан бу ерга нима учун келди? Гўзаллик танловида ҳакам бўлиш учунми а? Унинг мақсади фақат шундан иборат деб ўйлайсанми? Бу миллатнинг қизлари ярим яланғоч бўлганда келган Бенруби улар ўранганда келармиди?! Бу миллатни ўз динидан воз кечтириш учун қилинаётган бу ҳаракатларнинг қаерида маданият бор, қаерида инсонийлик бор? Шу миллатнинг бағрида неча асрдан бери насронийлар ҳам, яхудийлар ҳам яшаб келяпти. Аммо бу миллат уларни ўз динларидан ажратиб ташламади-ку.

— Йўқ, азизим! Уларни ҳам мусулмон қилиш учун оз ҳаракат қилишган дейсанми?

— Бироқ насронийларнинг қизларини, эркакларини йўлдан чиқаришга, фоҳишалик қилдиришга уринишмади. Уларнинг борлиқларига кўз олайтирмадилар... Ислом динига даъват қилиши эса табиий ҳол. Чунки инсонларни ҳақиқий динда бўлишини хоҳлашган. Аммо Ғарб тамаддуни бу миллатни динсиз қилиш учун ҳаракат қиляпти. Ўзларини дўст кўрсатиб яширинча душманлик қилишяпти. Ҳақиқий мақсадларини яширишяпти. Лекин улар эса қачон уруш қилган бўлсалар ҳам, нима ўйлаган бўлсалар ҳам ҳар доим мақсад ва ниятларини очиқ айтиб ошкора ҳаракат қилдилар. Кейин мусулмонлар ҳам хато қилишлари мумкин. Қилдилар ҳам. Бунинг учун ислом динини айблаб бўлмайди-ку.

— Бўлди, етар! Бас қил Мария! Сени мусулмонларнинг тарафини оладиган адвокат каби кўришга тоқат қилолмаяпман... Қанчалар аҳмоқ экансан-а! Кўрган одам сени ақли қиз деб ўйлади.

— Тўғри ўйлашади. Чунки ақдиман.

Тортишувимиз тугамай эшикнинг кўнғироғи жиринглади. “Опам бўлса керак”, — деб ўйлаб бориб эшикни очдим. Очсан!... Ўҳ-хў! Кимни кўрдим денг? Меҳмет... Турган жойимда қотиб қолдим ва:

— Тинчликми, Меҳмет, нега келдинг? — дея сўрадим.

Меҳмет ғалати қараш билан жилмайиб қаради менга ва:

— Сен билан гаплашиб олгани келдим, — деди.

Кўлимни белимга қўйиб эшикни тўсиб туриб олдим. Энсамни қотириб сўрадим:

— Нимани гаплашасан?

— Нимани бўларди... Иккаламиз ҳақимизда.

— Иккаламизми? Энди иккаламиз деган гап қолмади. Дунё тўла одам. Лекин иккаламиз деган гапда маъномазмун қолмаган. Фақат алоҳида бўлсаккина, бир маъномазмун касб этиши мумкин.

— Кулоқ сол, Мария! Мен сенинг мусулмон бўлганинг учун жуда хафа бўлдим. Шунга қарамай сени кўришим билан сенга бўлган муҳаббатим яна олов бўлиб ёна бошлиди. Энди сенга ўйланишга рози бўлдим. Унаштирув фотиҳамни буздим. Кел энди, ярашайлик. Илтимос, мени хафа қилма!

— Вой! Нақадар ажойиб! Ростданми? Қандай гўзал шарафга эга қилдинг мени. Лекин тушунмаган жойим: сенга турмушга чиқаётган ким? Мендан ҳам сўраб кўрдингми?

Етар, бас! Бўлди қил энди! Сенинг бу қилиқларингга чидашга тоқатим қолмади!!!

Сузидан жаҳдим чиққанди:

— Менга қара, Сузи! Мен исломни эмас, империализмнинг эксплуататорлигини тушунтиряпман. Уларни қарам қилиб олмоқчи бўлаётганимизни тушунтиряпман уларга, энди тушундингми? Қани, айт-чи, Бенруби эринмай Европадан бу ерга нима учун келди? Гўзаллик танловида ҳакам бўлиш учунми а? Унинг мақсади фақат шундан иборат деб ўйлайсанми? Бу миллатнинг қизлари ярим яланғоч бўлганда келган Бенруби улар ўранганда келармиди?! Бу миллатни ўз динидан воз кечтириш учун қилинаётган бу ҳаракатларнинг қаерида маданият бор, қаерида инсонийлик бор? Шу миллатнинг бағрида неча асрдан бери насронийлар ҳам, яхудийлар ҳам яшаб келяпти. Аммо бу миллат уларни ўз динларидан ажратиб ташламади-ку.

— Йўқ, азизим! Уларни ҳам мусулмон қилиш учун оз ҳаракат қилишган дейсанми?

— Бироқ насронийларнинг қизларини, эркакларини йўлдан чиқаришга, фоҳишалик қилдиришга уринишмади. Уларнинг борлиқларига кўз олайтирмадилар... Ислом динига даъват қилиши эса табиий ҳол. Чунки инсонларни ҳақиқий динда бўлишини хоҳлашган. Аммо Ғарб тамаддуни бу миллатни динсиз қилиш учун ҳаракат қиляпти. Ўзларини дўст кўрсатиб яширинча душманлик қилишяпти. Ҳақиқий мақсадларини яширишяпти. Лекин улар эса қачон уруш қилган бўлсалар ҳам, нима ўйлаган бўлсалар ҳам ҳар доим мақсад ва ниятларини очиқ айтиб ошкора ҳаракат қилдилар. Кейин мусулмонлар ҳам хато қилишлари мумкин. Қилдилар ҳам. Бунинг учун ислом динини айблаб бўлмайди-ку.

— Бўлди, етар! Бас қил Мария! Сени мусулмонларнинг тарафини оладиган адвокат каби кўришга тоқат қилолмаяпман... Қанчалар аҳмоқ экансан-а! Кўрган одам сени ақли қиз деб ўйлади.

— Тўғри ўйлашади. Чунки ақдиман.

Тортишувимиз тугамай эшикнинг кўнғироғи жиринглади. “Опам бўлса керак”, — деб ўйлаб бориб эшикни очдим. Очсан!... Ўҳ-хў! Кимни кўрдим денг? Мехмет... Турган жойимда қотиб қолдим ва:

— Тинчликми, Мехмет, нега келдинг? — дея сўрадим.

Мехмет ғалати қараш билан жилмайиб қаради менга ва:

— Сен билан гаплашиб олгани келдим, — деди.

Кўлимни белимга қўйиб эшикни тўсиб туриб олдим. Энсамни қотириб сўрадим:

— Нимани гаплашасан?

— Нимани бўларди... Иккаламиз ҳақимизда.

— Иккаламизми? Энди иккаламиз деган гап қолмади. Дунё тўла одам. Лекин иккаламиз деган гапда маъномазмун қолмаган. Фақат алоҳида бўлсаккина, бир маъномазмун касб этиши мумкин.

— Кулоқ сол, Мария! Мен сенинг мусулмон бўлганинг учун жуда хафа бўлдим. Шунга қарамай сени кўришим билан сенга бўлган муҳаббатим яна олов бўлиб ёна бошлиди. Энди сенга ўйланишга рози бўлдим. Унаштирув фотиҳамни буздим. Кел энди, ярашайлик. Илтимос, мени хафа қилма!

— Вой! Нақадар ажойиб! Ростданми? Қандай гўзал шарафга эга қилдинг мени. Лекин тушунмаган жойим: сенга турмушга чиқаётган ким? Мендан ҳам сўраб кўрдингми?

Аслида уни хафа қилган нарса менинг мусулмон бўлишим эди. Мени кўлга олиш учун менга уйланмоқчи бўлган. Насроний қизнинг мусулмон бўлганига чидай олмаётган эди. Лекин мингларча мусулмонларнинг динсиз бўлишидан севинар эди. Ҳаммасини тушунгандим. Ўзимни гўлликка солиб сўрадим:

— Ахир, сенга художўйлар ёқмасди-ку?

— Аммо сен бошқачасан.

— Насронийлигимда менга уйланмаган Мехмет мусулмон бўлганимда менга уйланишни хоҳлаб қолдими? Яна ўзини ноёб инсондай ҳис қилиб, гўё менга лутф-марҳамат кўрсатгандай бўлиб олдимда катта кетиб туришини-чи бунинг. Сен менга уйланишни ният қилган бўлсанг ҳам мен сенга тегмайман. Сен ўзингни ким деб ўйлаяпсан? Ваъдасида турмаган, инсонийликдан чиқкан бир бечорасан-ку! Ўлсам ҳам, сенга эрга тегмайман. Айтгандай, сенга ҳам хабар берай: мен ҳам унаштирилдим.

Шошиб қолди:

— Бундай бўлиши мумкин эмас, мени билан ҳазилашяпсан.

— Ҳақиқатан ҳам, шундай бўлди. Қасам ичишга ҳам тайёрман!

— У ҳам художўйми?

— Албатта, шунингдек, ҳақиқий художўйлардан.

Уни сен ҳам танийсан.

— Ким экан? Менинг художўй танишим йўқ-ку?

— Абдулваҳҳоб.

— Бўлиши мумкин эмас. Унинг унаштирилган қайлифи бор-ку.

— Қайлифи ўлибмиш!

— Сени қандай қилиб топди?

- Ўзим унга ёздим. Шундоқ ҳам у менга ёқарди.
- Демак, менга бўлган севгинг ёғон экан-да.
- Йўқ, ёғон эмасди. Аммо аҳмоқдик экан. Сени шунча кутганим... Шунча тўккан кўз ёшим.... Энди ўз тенгимни топдим деб ўйлайман.
- Вой, номуссиз! Демак, мен севган қизга эга чиқмоқчими?

— Оғзингга қараб гапир! Сен ўша қизга эгалик қилганмидинг? Сенинг яхши кўрганларинг бошқаларнинг хотинини йўлдан уриб, ётогига тортаётганда, уларга ҳам номуссизлар деганмидинг? Айниқса, сен уйланмай, ташлаб кетган қизга унинг эгалик қилиши ҳеч қайси динда гуноҳ ҳисобланмаган. Чунки сен ажралган эдинг. Гапнинг қисқаси, энди кетишинг мумкин, Мехмет.

— Сенинг бу қилиғинг одамгарчиликка тўғри келмайди.

— Вой Худойим! Одамгарчиликни гапираётган одамга қаранглар-а?! Одамгарчиликни сендан ўрганмайман. Иккаламизнинг кўзларимиздаги одамгарчилик ҳеч ҳам бир-бирига ўхшамайди.

— Ундаи дема, Мария! Хато қилган бўлсан, кечирим сўрайман.

Унинг гапларидан кўзларимни юмдим. Кейин шунақангидан ҳайрат нигоҳи билан қарадим-да:

— Кечирим сўраш — яхши хислат. Аммо мен сенга ўхшамайман. Мен сўз бердимми: сўзимдан қайтмайман, вайдамда тураман. Айниқса, сенга турмушга чиқишнинг ўзи аҳмоқлик бўларди. Сен ҳам атрофингдагилар каби шаръий никоҳни хоҳламайсизлар, аммо ҳар доим яна бошқа қиз топиб, уни ўзингга ошиқ қилдириб бўлганингдан кейин бошқасининг орқасидан чопасан. Нима бўлган тақдирда ҳам ўзингизга мос қонунлар ёзиб олгансиз.

“Биттаси билан турмуш куриш мумкин, иккинчисига рухсат йўқ”, — деб, хушторларнинг йигирманчисига рухсат берасизлар. Сенда меъёр йўқ, Меҳмет, меъёр. Ислом динининг қоидаларини рад этасизлар, гуноҳ ишларнинг ҳаммаси тасдиқлайсизлар. Бундай дунёқараш билан яшайдиган, ўзлигини йўқотган, Оллоҳдан узоқлашган инсонлар билан яқин бўлолмайман. Дўстона бошлаган муносабатимизни дўстона якун топтиридик. Хуш қол, Меҳмет!.. Фойдасиз бутларни ташлаб, раҳмати чексиз бўлган Оллоҳга яна қайтишингизни тилаб қоламан.

Меҳмет кетди. Ўзимдан ҳайратландим!.. Негадир хафа ҳам бўлмадим, йифламадим ҳам!!! Ҳайратдаман! “Ундан бошқасини севолмайман”, — дер эдим-ку. Ажабо! Меҳмет қандай қилиб сездирмай юрагимдан чиқиб кетди экан.

Демакки:

Инсон фахрланар, кўз ёш тўқар ҳамда бўлар пушаймон,
Дил оғринар, қалб қартайур, юрак эса тўхтамас бир он!
Башариятнинг дил-қалби барқарормас, лек бекарордур:
Бугун севган инсонидан кечар бир кун, бўлмас паришон.

* * *

Сузи яна аҳмоқона телбаларча ҳужум қиласар эди. Негадир менинг мусулмон бўлганимни ҳазм қилолмаётган эди. У билан тортишишни истамайман — чарчагандим. Аммо эрталабки нонушта вактида ҳам чакаги тинмагач, бу сафар мен унга бақира бошладим:

- Етар! Бас қил энди! Бўлди қил, Сузи! Қотилларнинг тарафини олишни тўхтат энди! Мени ўз ҳолимга кўй!
- Оғзингга қараб гапир! Кимни қотил деяпсан?
- Уларни, яъни сизникиларни. Уларнинг ҳаммаси

қотил! Дадамнинг: “Нима қылсангиз қилинг, мусулмонларни бир-бири билан низо чиқартириб, урушни бошлатишимиз керак. Бир-бирларини ўлдиришлари керак”, — деб айтган гапларини ўз қулоқларим билан эшигтанман. Мусулмонлар бирон марта бундай пасткашликни қилишдими? Битта насронийни бошқа насронийга ўлдиришдими? Ғарбликлар ишлаб чиқараётган қуролларини кўпроқ сотиш учун уруш бўлишини хоҳлашяпти. Ўзинг ўйлаб кўр, ислом давлатларида қурол ишлаб чиқаришга рухсат бермаган Америка ва Ёвропа шунча қуролларни ким учун ишлаб чиқаряпти? Уйғонсанг-чи, Сузи, кўзингни оч! Миллиардларча инсонларни бир дақиқада йўқ қиласидиган қуроллари бор уларнинг қўлида. Дунёни қайта-қайта йўқ қилиб юборадиган бомбалари бор уларнинг қўлида. Ким учун бу бомбалар? Нима учун одамларни ўлдирадиган бу қуролларни ясаб туриб: “Биз тараққийпарвармиз”, — деган гаплар билан чалғитишаётпти. Кўзингни оч, Сузи! Уларнинг ишини ваҳший ҳайвонлар ҳам қилмайди. Улар қандай қилиб одам ўлдириш билан тараққийпарвар бўлишади?! Йигирма йилдан кейин одамларни ўлдирадиган бомбаларни ҳозирдан тайёрлаб қўйишган.

Нима десам ҳам унга фойдаси бўлмади.

Ўрнимдан туриб опаникига чиқиб кетдим... Опа онги тоза, фикр доираси кенг мусулмон аёл эди. Аммо мен унга ўхшаганларни ҳеч қачон учратмаган эдим. Мен учун фақатгина ўша опа диний қоидаларга амал қилиб яшаётган эди. Аммо битта шу опа билан динни тиклаб бўлмайди-ку. Ахир, битта одам учун мингларча опалар, биродарлар керак бўлади.

Опанинг эшигидаги қўнғироқ тутмасини босаётганимда ичкаридан Куръон тиловати эшитилар эди. Нақадар буюк китоб!!! Инсон онги Куръоннинг маъносини ту-

шунмаса ҳам, рухи англайди ва инсонни ҳайратлантиради. Демак, Куръоннинг маъносини ақдимиз тушунмаса ҳам, руҳимиз тушунар экан-да.

Опа келиб эшикни очди. Юзида маъюслик бор эди ва:

— Кел, қадрдон синглим, кел, — деди.

Ичкарига кирдим ва:

— Ҳозиргина Куръондан ўқиган сураларингиз сизга нималарни англатди?

— Қизиқаётган бўлсанг, марҳамат, эшит: айтаман.

Бир-биrimизга қараб жойнамознинг устига ўтиридик. Қўлимга ҳозиргина ўқиган сурасини маъносини айтиб берди.

Мен опага ҳайрат билан қарадим ва сўрадим:

— Сиз ўқишни билмайман деган эдингиз-ку? Айнан шундай дегандингиз. Энди қарасам: жуда ҳам идрокли ва билимли экансиз. Ёки идрок бошқа, билим бошқами?

— Менинг билимим бор, фақат араб тилида таҳсил олганман. Мени инқиlobчилар жоҳил билимсизга чиқарди. Кейин эса бир кечанинг ўзида мен ўқиган алифбо бекор қилинди. Алифбо ислоҳоти нималар қиласа қилди. Ўша пайтларда динни тўлиқ билмасдим ҳам. Ҳали жуда ёш бола эдим. Кейин ўқиб ўрганганман. Ақлим бўла туриб нима учун ўқиб ўрганмаслигим керак?

— Ҳмм. Сиз жуда ҳам қобилиятли экансиз. Кечиравиз, бироз чалғиб қолдим. Ўқиганларингизда айтилишича, қорни оч инсонларнинг қорнини тўйдирмаган мусулмонлар ҳақиқий мусулмон ҳисобланмас экан-да?

— Албатта, худди шундай.

— Ҳақиқатан ҳам, жуда ажойиб. Оч қолганлар билан иши ҳам бўлмайдиган мусулмонлар бундай оятлар борлигини билишадими?

— Билмадим. Билганим мусулмонларнинг кўпчилиги Куръонга эътибор қилишмаяпти. Мен фақат ўнуни биламанки, агар эътибор берсанг, бугун дунё бўйлаб оч қолган инсонларнинг қорнини тўйдираётган инсонларнинг кўпчилиги мусулмон эканлигини кўрасан.

Опа менга яна бир қанча нарсаларни тушунтириб берди.

Унинг сұхбатига тўйиб бўлмасди...

Лекин мен кетишим керак эди. Германияда ҳам шундай чиройли гапирадиган мусулмон топсам, яхши бўларди.

Тополмасам-чи?! Майли зарари йўқ, ахир, энди Абдулваҳҳобга турмушга чикяпман-ку, ҳаммасини ундан ўрганаман... У энди менинг дунё ва охиратни ўргатган устозим ҳамда турмуш ўртоғим бўлади, иншооллоҳ.

* * *

Ҳа-я, сал қолса унутардим.

Ойим, дадам, холам ва Селин биргаликда Истанбулга келишиб меникида уч ой туриб кетишган эди. Бу уч ой ичидаги нималар бўлди, нималар бўлмади дейсиз... Яхшиси, бу ҳақда айтмай кўя қолай. Серкан исмли битта журналист бола менга, Али исмли зобит холамга ошиқ бўлиб қолишиша денг. Ўшандаги ҳам нималар яшамадик, нималар қилмадик. Буларни сизларга айтмадим. Агар эҳтиёж туғилиб қолса, балки, бошқа жойда айтиб берарман ёки ёзарман.

* * *

Истанбул кўчаларини айланиб юрдим. 600 йиллик тарихга эга Усмонлининг кўчаларида ҳали ҳам викор бор эди. Одамлар уйларининг болохоналари гуллар билан қопланган, ҳамма ёқ топ-тоза, инсонлари пок қалбли, ҳамма

ёққа дарахтлар экилган. Инқилобга энди эришган бўлишига қарамай, баъзи одамлар асирга тушгандай ҳолатга кириб қолган эди. Туркияning 2000-йиллардаги ҳолатини кўришни истардим. “Ўз эътиқодидан уялган мимлат қандай ҳолатга тушиб қолар экан?” — деб ўйлардим ҳар доим.

Ҳаммаси бўлиб олти ой турибман Туркияда. Истанбулни тарк этиб кетиш ҳам қийин бўлаётган эди. Тушунтириб беролмайдиган тушкун ҳолатда “Циркечи” станциясига¹ келдим. Опа, Сузи ва бир нечта қўшнилар мен билан хайрлашиш учун келишганди. Қўшнилар билан ҳам ажойиб хотираларим бор. Лекин буларни сизга айтмагандим.

Эҳ, дунёning ишлари қизиқ экан... Туркияга душманлик қилиш учун жўнатилган эдим, аммо Истанбулдан дўст бўлиб қайтиб кетяпман!

Сузи жуда ҳам хафа... Кетаётганим учун афсусланмаяпти, мусулмон бўлганим учун афсусланяпти...

— Яхши биламан сени, Мария, сен Германияда исломни унутасан, — деди тўсатдан.

Титраб кетдим:

— Худо сақласин! Мен мусулмонман, Сузи.

Бу гапни эшитган опа бирдан неча кундан бери менга айтолмаётган гапини Сузига айтди:

— Сочини бекитиб, бошига рўмол ҳам ўрайди, исмини ҳам ўзгартиради.

Мен соддадиллик билан опага жавоб қайтардим:

— Бошимга рўмол ўраш учун мен ҳали ёшлиқ қиласман-ку. Исмимни ҳам ўзгартирмайман. Мен мусулмон бўл-

¹ Станция (латинча: statio — тўхташ жойи; бекат) — 1) темирйўл поездлари ёки курукликтаги бошқа транспорт воситалари тўхтайдиган жой (асарда шу маънода); 2) маҳсус вазифа бажарувчи айрим муассасалар, корхоналар ёки илмий-текшириш иши олиб борувчи муассасалар номи; 3) бортида илмий асбоб-ускуналари бўлган космик аппарат.

дим. Турк ёки араб бўлганим йўқ-ку. Лекин шу онда пайғамбаримиз Мұҳаммад саллоллоҳу алайхи васалламнинг: “Исмнинг маъноси яхши бўлмаса, уни ўзгартириш керак”, — деганларини эсладим. Ва ҳатто ўз даврларида бундай исмларни ўзгартирган эканлар. Исмимнинг маъносини сўраб кўраман: агар яхши бўлмаса, албатта, ўзгартираман. Албатта, Омлоҳнинг амрларига бўйсунаман. Ўраниб юриш ҳақида гапирадиган бўлсан: ёш қизлар бошини ўраб юришлари шартми? Аммо кўчаларда бошини ўраб юрган биронта ёш қизни кўрмадим. Бўлмаса ёш қизлар ҳам бошини ўраб юришига жавобгар эканлар-да. Мен буни билмаган эканман. Бунинг учун бир фурсат ҳам бўлмаганди.

— Албатта, қизим, мусулмон аёллари ёш-қарисига қарамайди, ҳаммаси ўраниб юришлари керак. Ҳаттоки ёш қизларнинг яхшилаб ўранишлари муҳим. Жуда қариб қолганларнинг имкони бўлмаса, кўчага чиқаётганда киядиган кўйлакларини киймасликларига ружсат борлиги Нур сурасининг 60-оятида хукм бор¹.

— Бўлмаса нега мен Истанбул кўчаларида сизга ўжшаб ўраниб юрган ёш қизларни кўрмадим?

— Ўзинг яхши биласан-ку! Ёшларга онгига: “Агар очиқ юришса, замонавий бўлишади”, — деган тушунчани сингдиришган. Дин қолмади-ку, ўраниш қолармиди. Сен ҳали ҳам бизнинг юртимизни яхши тушунмадингми? Шунчалар тез бузилиб кетган ўлкада ўранадиганлар бўларканми, менинг қадрдан синглим? Лекин, шунга қарамай оз бўлса-да, ўраниб юрадиганлар бор, аммо улар

¹ Хотинлардан ўтириб (кексайиб) қолган, никоҳ (эрға тегиши)ни ўйламайдиганлари бирор зиннат билан ясанмаган ҳолларида кийимларини (ёпинчикларини) ечиб кўйишларида уларга гунох йўклир. Ўзларини пок (ёпинчикда) тутишлари улар учун яхшироқдир. Аллоҳ эшитувчи ва билувчиидир (манба: Куръони карим маънолари таржимиаси. Таржимон: Абдулазиз Мансур).

кўчага чиқишига кўркишади.

Ўша пайтда мен ўзимни Оллоҳнинг ёнида гуноҳкорга ўхшаб қолгандай ҳис қилиб, титраб кетдим... Ўранишим кераклигини тушунгандим.

— Нега бўлмаса менга: “Ўран”, — демагансиз?

— Ўзинг билсанг керак деб ўйлаган эдим. Ҳали атрофингдагиларнинг олдида ўраниб юришинг қийин бўлса керак? Лекин ишончим комилки, сен буларни енгиб ўтсан, нафсингга қийин бўлса ҳам...

Атрофдагилар ким бўлибди менга. Агар Оллоҳим шуни буюрган экан, нега энди ўранмас эканман? Поезднинг юришига ўн дақиқа қолибди. Энди нима қилсам экан-а? Ҳа, ёпинчиғингиз остида рўмол кўрган эдим. Шуни менга бероласизми? Бошимни ўрамоқчиман.

Опа ҳам ҳайрон бўлди. У менинг бу қадар тез рўмол ўрашимни сира кутмаган эди. Ўйлаб ҳам ўтирумасдан ёпинчиғининг остидан рўмолни чиқариб менга берди:

— Нега бермас эканман! Сен хоҳласанг бўлди: дарҳол топиб бераман.

Рўмолини менга берди. Лекин қандай ўрашни билмасдим. Атрофдагилар бизга ҳайрон бўлиб қарашарди. Мен уларнинг нигоҳи остида опанинг ёрдами билан бошимни ўраб олган эдим. Ўзимга жуда ҳам ёқкан эди. Сумкадан кўзгумни чиқариб, ўзим қарадим. Энди мусулмон бўлганимга ишонган эдим. Бошимда йўқ пайтида ҳам мусулмон эдим, энди эса қалбим роҳатланди. Энди ташки кўринишдан ҳам мусулмон бўлгандим. Атрофдагилар танқид қилишар эканмиш-а?! Менга нима улардан?! Мен атрофдагиларнинг хоҳишига кўра яшашим керакми ёки Оллоҳнинг амрига кўрами? Агар Оллоҳнинг амрига кўра эмас, атрофдагиларнинг хоҳишига қараб яшайдиган бўлсам, менинг ўзлигим қаерда қолади?

Сузининг жуда жаҳди чиққанди, шунинг учун опа ҳам тушунсин деб ярим туркча бақира бошлаганди:

— Сен ўхшайсан энди кампиршога. Сен бўлдинг энди яшил хотин!

— Мен учун асосийси атрофдагиларнинг нима деб қарашлари эмас, Оллоҳнинг ёнидаги ўрнимнинг қаердалиги. Атрофдагиларнинг мен ҳақидаги фикрлари Оллоҳнинг ёнидаги ўрни олдида умуман қиймати йўқ. Яшил кўринсам, нима қилибди?! Айни вақтда сен шунча пардозандоз қилган бўлсанг ҳам, чиройли кўринаётганинг йўқ. Сендан один бўёқларинг кўзга ташланади.

Ана! Поезд жўнашга тайёр.

Иккаласи билан кучоқлашиб хайрлашдим. Кейин мени кузатиб қўйиш учун келган иккита қиз ва учта аёл билан хайрлашдим. Улар қўшниларим эди. Кейин вагонга чиқдим. Деразасидан уларга қараб кўлимни силкитиб яна хайрлашдим. Ўз жойимни топиб ўтирдим.

Опа соғинчдан, Сузи эса уни ёлғиз ташлаб кетаётганим учун хафалигидан йиғлаётган эди... Мен эса бу дунёning қизиқ ишларига ва бу ўлканинг инсонлари учун йиғлаётган эдим.

Бечоралар! Шундай ёмон тузоқقا тушибдики, бу кетишида бу тузоқни кўришларининг имкони йўқ.

Шунақа ачинарли ҳолат учун йиғлагандим.

Бир томондан хурсанд ҳам эдим. Абдулваҳҳобга қовушаман.

Поезд шаҳардан узоқлашар экан, Истанбулга охирги марта қарадим.

* * *

Германияга келадиган кунимни оиласдагиларга айтмаган эдим. Абдулваҳҳобга сюрприз қилмоқчи бўлган

эдим. Шунақа ҳаяжонланаётган эдимки.

Поездда битта муфти¹ билан танишиб қолдим. Менинг насроний динидан мусулмонликка ўтганимни билб ўзи ёнимга келди. Менга хурмат кўрсатиб мевали пироглардан олиб келди.

Ундан сўрадим:

— Исмим — Мария. Бу исм ислом динига мос келадими?

— Мария, Биби Марямга ўхшаб кетади. Ўзгартиришинг шарт эмас. Агар ўзингнинг ислом динига ўтганингни исбот қилмоқчи бўлиб, янги бир инсон бўлиб шакланмоқчи бўлсанг, исмингни ўзгартиришингни маслаҳат бераман, яна ихтиёр ўзингда. Бу — менинг бир фикрим, холос. Исломга биноан шарт эмас.

— Бўлмаса ўзгартираман.

Бирпас ўйлаб турдим ва танлаган исмимни айтдим:

— Селва деб қўйсам бўладими?

— Маъносини эслай олмадим.

— Аммо бу исмни мисрлик битта қизга қўйишган эди.

— Бўлмаса маъноси ёмон бўлмаса керак, ўйлашимча, арабларнинг кўпчилиги исмларининг маъносини яхши билишади.

— Бўлмаса исмим Селва бўлади.

* * *

Узоқ йўл босиб келарканмиз Германия чегарасидан ўтганимиздан кейин юрагим тез ура бошлади. Кёльнга келганда поезддан тушдим. Дарров битта такси тўхтатиб

¹ Муфти(й) (арабча; фатво берувчи) — мусулмонларда олий лавозимли руҳоний: шариат конунларини талкин килувчи, шариат ва ҳуққу масалалари юзасидан ҳукм чиқарувчи, фатво берувчи лавозимли уламо.

Абдулваҳҳобнинг ёнига кетдим.

Кутилмаганда қаршисида пайдо бўлганимни кўриб хурсанд бўлиб кетди. Нима қилишини билмай шошиб қолди. Мен унинг бўйнига осилмоқчи бўлдим.

Кўли билан “бўлмайди” деб ишора қилди.

— Хуш келдинг... Ҳам исломга, ҳам бу ерга хуш келдинг, Мария. Сени бундай гўзал кўриш қандай ёқимли.

— Энди менинг исмим Мария эмас, мен исмимни ўзгартирдим.

— Ўзингга қандай исм кўйдинг?

— Селва...

— Нима! Рост гапиряпсанми?

— Ҳа. Гапим рост. Менинг ўша қизга нисбатан хурматим кучли эди... Сен ҳам уни севардинг. Исмим билан уни, руҳим билан ўзимни сенга ҳадя қилмоқчи бўлдим.

— Аммо ундан раشك қилсанг-чи.

— Йўқ, раشك қилмайман. Агар мендан кейин бўлганда қизғанган бўлардим. Лекин у ёнингда бўлганда мен бўлмаганман, мени танимас эдинг.

Абдулваҳҳоб биринчи марта бунақа кўзларимга қараб севинч билан гапиради:

— Қалайсан, Мария... Кечирасан, Селва?

— Яхшиман. Ўзинг яхшимисан?

— Оллоҳга ҳамдлар бўлсин, мен ҳам яхшиман... Интиқлик билан келишингни кутаётган эдим. Ишонсанг, бу ҳолимдан ўзим ҳам ҳайронман. Яхиси, дадангнинг ёнига бирга боришимиз керак.

— Дадам билан муносабатингиз яхшими?

— Тўхтовсиз тортишамиз. Берган саволининг жавобини диққат билан тинглайдиган даражада олийжаноб.

У билан узоқ вақт сухбатлашдик. Кейин биргаликда бизникуига бордик. Ойим билан, дадам билан хурсанд бў-

либ күришдик. Ойим ўзини тутолмай бақириб-бақириб йиғлар эди... Биринчи берган саволи ҳам бошимдаги рўмол ҳақида эди:

— Мариям, нега мусулмонларга ўжшаб бошингни рўмол билан ўраб олдинг? Ёки уларга ҳавасинг келдими?

Аслида ойимнинг хабари бор эди мусулмон бўлганимдан.

— Ҳа, ҳавасим келганди, ойи.

Ойим йиғлаганча дадамга қараб гапирди:

— Кўрдингми? Уни мусулмонлар юртига юборишимиз керак эмасди. Ох, менинг Мариям! Ох қизим-а?! Қанийди, мусулмонликка ҳавас қилган ҳолингни кўргандан кўра ўлим хабарингни эшитсайдим.

— Йўқ, ойи. Мен борган мамлакатда мусулмонлар бор эди-ю, лекин мусулмонлик йўқ эди.

— Шунақаси ҳам бўларканми? Шундай катта ҳалқнинг тўнғизларига нима қилибди?

— Ойи, улар тўнғиз эмас, оғзингизга қараб гапиринг. Кейин уларга нима қилганини дадамдан сўранг. Дадам жуда яхши билади уларга нима қилганини.

Дадамга кўзимни тикиб туриб сўрадим:

— Шунақами, дадажон? Ўша мусулмонларининг бундай аҳволга тушиб қолишининг сабабини сиз жуда яхши биласиз, тўғрими?

— Кўйсанг-чи, Мария, бунақа гапларни. Кел, яхшиси, ёнимга ўтири-да, ўзингдан гапир. Нималар қилдинг? Бизсиз яшаган ойларинг қандай ўтди? Шулардан гапир.

— У ерда ўтказган ойларим фақатгина ўзимни тушуниш билан ўтди.

— Мехметга нима бўлди? Мен тамомила тушунолмадим.

— Мехмет деган одам энди йўқ. Бу ҳақда гапи-

ришни хоҳдамайман.

Ойим бундай фурсатдан фойдаланиб орага гапга кўшилди::

— Ана, мусулмон деганлари шунақа бўлади.

— “Мусулмон бўлмаганлар яна ҳам яхши?” — деб ўйлайсизми, ойи? Шунингдек, Мехмет мусулмон эмас. У йигит Оллоҳнинг динини менсимайдиган, инсонларни ўзига илоҳий қилиб олган бечора. Оллоҳнинг илоҳлигини менсимай, Ленинни ёки Мустафо Камолни илоҳийлаштирганлардан бири бўлган. Оллоҳнинг ҳақиқий динини ўзи танимайди, лекин уни танқид қиласидиган бир бечора бола у.

— Нима? Нима дединг? Оллоҳнинг дини дедингми?

— Ҳа, ойижон, Оллоҳнинг дини.

— Оллоҳнинг Инжилдан бошқа дини бор эканми?

— Сиз айтиётган бу Инжил Матто, Марк, Лука ва Юҳанноларнинг Исо алайҳиссалом ҳақидаги эшитган ва билганларидир, ойи. Ҳақиқий Инжил эса Куръондадир. Куръонга кўра насронийлик ўзгартирилган экан. Куръон ёлғон гапирмайди ва ўзгартирилмаган ягона китобдир. Оллоҳ: “Мукаммал дин сифатида сизга ислом динини бердим”, — деб буюрган. Китобда Исо пайғамбарнинг ҳаёти ҳақида ҳам ёзилган. Исо алайҳиссалом ҳақида кейинги келгандар фақатгина шу тўрт кишининг (Матто, Марк, Лука ва Юҳаннонинг) ёзганларини ўқишлиари мумкин. Масалан, шу Инжилларнинг ҳаммаси Исо алайҳиссаломдан кейин ёзилган. Куръон пайғамбаримиз Мухаммад саллоolloҳу алайҳи васалламга ваҳий қилиб юборилган ва у буларнинг ҳаммасини китоб қилиб ёздирган. Кейин эса бу оятларни саҳобаларига бехато ёдлатди. Пайғамбаримиз ҳаёт вақтларида Куръон китоб шаклига келтирилган. Баъзи бир инсонлар ўзлари учун Куръон ёздирмоқчи бўлган. Фақат баъзи сабабларга кўра чала қолган. Чала қолган китобларни

Ҳазрати Абу Бакр¹ бир жойга йиғдирган, Ҳазрати Үсмон² эса ўз замонида Қуръон китобини кўпайтирган. Яъни пайғамбаримизнинг ўzlари ёздирган Қуръон китобини. Инжилни эса тарихчилар Исо алайҳиссаломдан кейин ёзишган. Сиз уни муқаддас деб ўйлаяпсиз. Исо алайҳиссалом ўша Инжилларни текширмаган. Фақат Ҳазрати Муҳаммад саллоллоҳу алайҳи вассаллам Қуръонни текшириб, ҳар бир бандини кўздан кечириб чиқкан. Энди ҳақиқатни тан олсангиз, яхши бўларди.

Абдулваҳҳоб менинг бу гапларимдан ҳайрон бўлиб қолганди. Ойим эса жинни бўлаёзганди:

— Мария... сенинг эсинг оғиб қолганми? Тангри ҳаққи, Бу билан нима демоқчисан? “Пайғамбаримиз Муҳаммад”, — деб, нима демоқчи бўляпсан.

— Мен мусулмон бўлганман, ойи, ўзингизни билмаганга олманг! Бошимдаги рўмолни кўрмаяпсизми?

Ўйламай гапириб қўйгандим. Бечора ойим жинни бўлаёзганди. Лекин у олдиндан биларди... Биларди, аммо бунчалик эканини билмасди ёки бу айтганларимнинг но́түғрилигига, Германияга қайтгач мени яна илгариги ҳолатимга қайтишимга ишонган... Энди кўрсаки, ахвол тубдан ўзгарган.

— Бўлиши!.. Бўлиши!.. Бўлиши мумкинмас. Сенга берган сутимга рози эмасман.

¹ Абу Бакр Сиддик (571–634) — Муҳаммад саллоллоҳу алайҳи вассаллам даъвати билан исломни биринчилардан бўлиб кабул қилган, дастлабки тўрт халифадан биринчиси (632–634). Муҳаммад саллоллоҳу алайҳи вассалламнинг энг яқин сафдоши, қайнатаси (Оишанинг отаси). У исро ва меъорож ходисасини энг биринчи бўлиб тасдиклаган Муҳаммад саллоллоҳу алайҳи вассаллам унга Сиддик, яъни имони кучли деб лакаб берган.

² Үсмон иби Аффон (такмидан 575–656) — дастлабки тўрт халифадан учинчиси (644–656). У аввал Пайғамбар саллоллоҳу алайҳи вассалламнинг кизи Рукияга ўйланган, у вафот этгач, Расууллоҳо иккинчи кизи Умму Кулсумни ҳам Үсмонга никоҳлаб берган, шунинг учун “Зун-Нурайн” — иккى нур эгаси, деган ном олган. Үсмоннинг бўйри билан Қуръони карим матни тўпланиб, бир бутун (мусҳаф) китоб шаклига келтирилди ва турли ўлкаларга тарқатилгани.

— Нега бўлмас экан, ойи? Сиз, дадам ва ҳаммангиз... “Ҳар ким ўзи хоҳлагандай бўлиши мумкин, бизда эркинлик бор”, — деган эмасмидингиз? Ўғлингиз, қизингиз никоҳсиз яшаётганда эркинликни ёқлайсиз-у, мен Оллоҳнинг динига кирганимда эркинлигимни чегараламоқчимисиз? Мана энди мен ўз хоҳишинга кўра яшамоқчиман. Сутни мен учун сизга берган ҳам Оллоҳдир. Агар мен Оллоҳнинг иродасига қарши чиқсан, ана ўшанда мен эмган сут ҳаром бўлади.

— Нега энди Оллоҳники бўларкан? Ўша сутлар менинг кўкрагимдан чиқсан.

— Нима?! Яъни сиз ўз кўкрагингизни ўзингиз яратганимисиз? Унинг ичидаги сут фабрикасини ўзингиз қурганимисиз? Витаминаларни, илиқликини, эмишим учун кўкрагингиздаги тешикчаларни ўзингиз очганимисиз? Мен учун сут ҳосил қилган сабзавот-меваларни ҳам сиз яратдингизми? Сиз бердингизми? Мен Оллоҳнинг йўлидан юарар эканман, ўша сутлар мен учун ҳалолдир. Агар Оллоҳнинг йўлидан қайтган куним, ўша сутлар менга ҳаром бўлсин. Шунда ҳам сизга мен учун сут берганингизга раҳмат айтишим керак. Ёки селикон¹ қўйдирган оналарга ўхшаб, “Кўкрагимнинг шакли ўзгармасин”, — деб мени эмизмаганингизда нима қилган бўлардим? Соғ бўлинг, ойижоним. Ўша сутларининг ҳаққини адо этаман.

— Вой, Тангри! Вой-дод! Мен бу азобларга чидай олмайман.

Ойим ўзини йўқотиб қўйиб ва креслога йиқилиб қолди:

— Тангри, бу ёғи қандоқ бўлади? Қизимнинг мусулмон бўлишга нима ҳаққи бор? — дея алжирарди.

¹ Селикон — сунъий кўкрак.

Кечки пайт намоз ўқиётганимни кўриб қолди. Яна жини қўзиб мени намоз ўқиётган жойимда ура кетди. Тел-баларча уради ва:

— Мана бу Исо учун! Буниси Биби Марям учун! Бу Тереза она учун! Бу... Буниси эса черков учун!..

Эътибор қилмасликка ҳаракат қиласдим. Абдулваҳ-ҳоб айтиб берганди, Ҳабаш Билол¹, Ҳазрати Сумайялар² жуда кўп тазийаларга учраган экан. “Мен ҳам озгина тазийикқа учрасам, ҳеч нарса қилмайди”, — дедим. Ҳатто диним учун азобланиш менга маънавий озуқа бераётган эди.

Ойимга қўшилиб укам Бил ҳам, тинимсиз менга зулм ўтказа бошлаганди ва:

— Уйимиздан чиқиб кет, — дейишарди.

Дадам эса:

— Қизим, мен сени ёқдайман. Абдулваҳҳоб жуда ажойиб яшаш усули ҳақида гапириб берарди, — дерди.

Фақат ойим уни кўп қарғарди. Баъзан сочимдан судраб, бошимни деворга уради.

Уч кундан кейин Абдулваҳҳоб билан учрашганимда унга йиғлаб туриб ҳаммасини айтиб бердим.

Менга қўшилиб у ҳам йиғлади ва:

¹ Билол ибн Рубоҳ Ҳабаший (?-641) — ислом тарихидаги биринчи муazzин. Баланд, ширали, таъсири овозга эга бўлган. Асли ҳабашистонлик, Маккада исломни биринчилардан бўлиб қабул килган қўуллардан. Ҳўжаси Умайя ибн Ҳалаф исломдан воз кечишни талаб этиб унга тоқат килиб бўлмас азобларни берар эди. Абу Бакр Сиддик розияллоҳу анху Билол розияллоҳу анхуни Умайядан сотиб олиб, озодликка чиқарди. Пайгамбар саллоппоҳу алайҳи васаллам билан Мадинага хижрат қиласган. 622-йилда Мадинада оммавий азон айтиш жорий этилганда у биринчи бўлиб баланд овози билан мусулмонларни намозга чорлаган ва бир неча йил давомида Мұхаммад саллоппоҳу алайҳи васалламга муассинлик қиласган.

² Сумайя розияллоҳу анхо (?-615) — дин йўлида шахид бўлган биринчи муслима аёл. Мушриклар саҳобалардан Аммор ибн Ёспир розияллоҳу анху (?-615) ва у инишининг оталари Ёспир розияллоҳу анху ҳамда оналари Сумайя розияллоҳу анхоларни ҳам тутиб келиб, диндан кайтариш учун қаттиқ азобладилар. Улар азобларга чидам билан сабр қилиб, иймонларидан кайтишга кўнмадилар. Сумайя розияллоҳу анхонинг икки оёқларини қозикқа boglab, аврат жойларига назарга санчдилар. Сўнгра Амморнинг отаси Ёспир розияллоҳу анхуни ҳам ўлдиридилар. Бу икки улуғ инсон — эр-у хотин Ислом йўлида, иймон учун биринчи шахидлар бўлиш шарафига эришдилар.

Hera gng on kytinum kepak?"

Схін Менінг кытранм ғауана ғоуажан. Абыйарас-
хонд ғолпам.

Ynra kewunnum gvar oinn mehn aha ypu.
Ahyarla lazvadamo yinjapuk.

— *Xa, amo antithanmuk*, Cebasih xam cerehanm
yayn, yira xnehat kinunum xoxamazan *sunm*. Kehin ceh
Mexmetihin raha6 ket*sunm*. Meh Mexmetihin *6op-nyen* ya
mapta kypar *sunm*. Amo ceh yira typmura inkmorahn
3unih. Ceba yavarjua kehnih cehra: „Yhn rauua ket”, — *je6*
stomatcam. Ceh Typrnika kettra, cehn uyhyarap confi-
rah *sunm*, yhn *gy3* gunah tuyuytunqo *6epomasnah*.

— Пограй на міні-гамаках, а я підбігаю за тобою!

— Chen nuk kypbar kyunjaohok ektipnigko kovashun. Amo Cebaran xam cereap 3jum. Kaugum nikkuna gyavning
kettahan. Nitintank fyppyminn nykotmacank yih, Geprah
baajesma ja typpuminn yah gyavaphn cerha ce3ajumpacankka
xapskar knavajun. Chen jnagaq tyvahapn kyanira yhry kea-
macun. Chehnr kya euuapnhrta gapjoumn etmashun. Hart-
mcoc, ninfama. Meh gyn kytapomasnsha.

ров гап бошладим. Унинг нега йиғлаётганини эмас, балки бўладиган тўйимиз ҳақида гап очдим:

— Нима деб ўйлайсан, Абдулваҳҳоб? Барибир, бир ойдан кейин тўй қилмочимиз-ку, шу бир ойнинг ўтишини кутиб ўтирмасдан турмуш қурайлик ва мени тезроқ қутқар...

Абдулваҳҳоб ҳеч нарса демасди. Кейин бирдан ўзимга келдим-да, сабабини сўрадим:

— Сен йиғлаяпсанми? Нега бунча паришонсан? Нима бўлди, Абдулваҳҳоб? Нима қилди гапирсанг-чи?

— Ҳеч сўрама, Селва, сўрама. Хурсанд бўлишимни ҳам хафа бўлишимни ҳам билолмай қолдим... Мени ҳайрон қолдирадиган битта хат келди.

— Хатда нима ёзилган экан?

— Ҳаммаси...

— Айта қолсанг-чи! Хатда нима ёзилган экан?

— Селва... Селва тирик экан...

— Нима? Селва тирик эканми?

— Ҳа... Тирик экан... Худойим бу нимаси? Ҳаёлларимчувалашиб қолди. Селванинг тириклигига хурсанд бўлишни ҳам, хафа бўлишни ҳам билмай қолдим.

Ўтирган жойимдан туролмай қолдим. Тиззаларим титраб, мени кўтарадиган кучи қолмаганди.

Зўрга гапирдим:

— Бу қандай бўлибди? Нега уни ўлди дейишган экан?

— Миср зиндонидан бир неча ой хабар олишолмаган экан. Кейин: “Сизнинг маҳкумангиз ўлди”, — дейишган экан. Аммо ўтган ҳафта чиқиб келган эмиш. Жуда ҳам ҳорғинмиш. Жуда кўп қийноқларда қолганмиш.

Дунём гўёки устимга йиқилгандай бўлди. Шу ёшим-гача бундай кучли руҳий зарбага учрамагандим.

Үтирган жойимдан туролмайман, анчагача йиғлаб үтирдим. Абдулваҳҳоб ҳам ёнимда йиғлаб үтириди. Үтган-кетган бизга қааради.

Гүёки чалажон инсонга айланиб қолгандай бўлдим. Кейин ундан сўрадим:

— Энди нима қиласиз, Абдулваҳҳоб?

Бошини эгиб, пешанасини ушлади. Менга ачин-гандай қаради.

— Билмайман... Билолмай қолдим... Ақлим ишламаяпти. Карактман... Йўқ, аслида мен ўлдим, Селва. Нима деб изоҳ беришни ҳам билмайман, ҳайронман!

Бирдан ўзимни кўлга олдим.

— Ҳайрон қоларли жойи йўқ. Сен унинг ҳаққисан. Сен унга уйланишинг керак. Ўқишини битиришингга ҳам бир ой қолди.

— Сен... Сен?

— Мендан хавотир олма. Сен кетганинг билан динимдан воз кечмайман. Бу ёруғ оламнинг жафоси бир кун келиб ўз ниҳоясига етар. Бошқага турмушга чиқмасам ҳам ўзимга бошқа уй топишим керак. Балки, Истанбулга — опамникига кетарман. Лекин сен кетишинг керак, Абдулваҳҳоб. Бор... Сен Севваникисан. Ўзимни ўйлаб, унга тегишли бўлганни ундан тортиб олмайман. Бундай ноҳақлик қилишга ҳаққим йўқ.

— Сенга бошқа нарсани гапирмоқчи эдим.

— Менга ҳеч нарса гапирма. Шундоқ ҳам ўша қиз кўп азоб тортиди. У менинг диндош дугонам. Унинг бундан кейин бахтли бўлишини хоҳдайман.

Абдулваҳҳоб билан хайрлашдик. Иккаламиз жуда ёмон аҳволда эдик. Йиғлаганча чиқиб кетдим... Машинамга кириб олган бўкириб-бўкириб йиғлаб олдим.

Абдулваҳҳоб! Бу қандай ташвиш бўлди? Бу қандай

севги бўлди? Сенсиз бу ерлар, чиндан ҳам, энди қопкоронғи, сенсиз бу ерлар менга торлик қиласи. Оллоҳим! Кал-катта шаҳарда мен усиз қандай яшайман? Тамом бўлдим мен! Тамом бўлдим! Оллоҳим, менга сабр бер... Сен менинг қалбимни ҳузурга тўлдир.

Машинага қандай газ берганимни, қандай ҳайдаб келганимни эслолмайман. Уйга келганимда кўзларим шишиб кетган, ўзим бир аҳволда эдим.

Ойим мени кўрар-кўрмас гапирина бошлади:

— Исқирти! Мусулмонларнинг тўнғизи! Нимага яна келяпсан бу уйга? Нима бўлди? Яна йиглатишдими? Йигла, йиглаб баттар бўл, сени Исо қарғади, Исо! Бундан кейин сен ҳеч қачон кулолмайсан.

— Шунчак йўлдан чиқиб кетганларга, беҳаё баччавозларга, Оллоҳга қарши уруш бошлаган динсизларга, мазлум инсонларга ва маъсум болаларга бомбалар ташлаб портлатаётган қотилларга нима учун Исонинг қарғиши тегмаяпти? Ишчиларига хизмат ҳақининг озгинасини бериб, қолган фойдасига ўзига люкс машиналар олганларни нега Исо қарғамаяпти? Одам ўғриларига, болаларга тажовуз қилаётган исқиртларга қарши нега курашмаяпти? Агар унинг шундай хусусияти бўлса эди, оддин ана ўшаларни қарғаб йўқ қилган бўларди. Кўпам жигимга тегманг!.. Оллоҳга, қайтинг, ойи!

— Менга қара, Мария. Агар яна бир марта мени исломга даъват этганингни эшишиб қосам, Биби Марям ҳаққи, қасам ичаман: сени ўз қўлларим билан бўғиб ўлдирман! Менга “Мусулон бўл” деган гапинг нафсониятимга отилган ўқдай тегяпти. Бошқа бунақа гапирганингни эшийтмай!

— Қойилман, ойи!.. Фарбликларнинг динсизлик таклифини қабул қилган баъзи мусулмонларга қараганда жу-

да яхши ўзлигингизни биладиган шахсиятга эга экансиз!

Бил билан севгилиси Деми келганди. Деми яна: “Турмуш қурайлик”, — деб, ялинишга тушди. Кўзи ёришига бир ҳафта қолган экан.

Бил телбаларча жавоб берди унга:

— Мен сен билан уйланиш учун эмас, кўнгилхушлик учун юрдим.

Дадам Билни уришиб берди.

Бил эса:

— Мен эркин, хур ёшларданман — аралашманг, — деди.

Ўғлидан танбех, эшитган дадам индамай хонасига чиқиб кетди.

Деми:

— Бу кеча сеникида қолсам бўладими, ҳозир борадиган жойим йўқ, эртага бирон бошпана топарман, — деб рухсат сўради Билдан.

Эрта тонгдан Билнинг чинқириги ҳаммамизни кўркитиб юборганди.

Бил йифлагб бақираётган эди:

— Илтимос қиласман, ўлма, севгилим, ўлма, майли, сен билан турмуш қурамиз, истасанг, ҳозироқ уйланаман!..

Ҳаммамиз унинг хонасига чиқиб бордик. Не кўз билан кўрсак, Деми жонига қасд қилиб ўзини ўлдирибди. Бил ўзини унинг устига ташлаб:

— Ўлма, севгилим, мени ташлаб кетма, — деб йифлаётган эди.

Жуда ёмон бўлди. Ҳаммамизнинг бошимиз қотиб қолган эди. Нима қилишимизни билмай полиция чақирдик. Унинг уйидагилари ҳам етиб келишди. Онаизори қаттиқ изтироб чекиб, йифидан ўзини тўхтатолмади.

Отаси эса:

— Ўлгани яхши бўлди, орият сақланди, — деди.

Ҳаммамиз карахт бўлиб қолдик.

Дадамнинг қаттиқ ғазабланганини биринчи кўриш им эди ва у шундай деди:

— Жаноб, чивин эмас, одам ўлди!.. Бунинг устига бу марҳума сизнинг қизингиз-ку. Ноҳақдик қиляпсиз, — деди.

Марҳуманинг отаси қайси диндан эканини билмадим.

У одам бепарволоварча:

— Эртага ёқиб, кулини ахлатга ташланг, — деди.

Бил бунга чидомлай қаршилик қилди ва:

— Йўқ, уни ёқмайсиз! — деди.

Марҳуманинг отаси эса Билни гап билан қайириб ташлади:

— Сенга нима? Унга ким бўласан? Сен ўзинг уни тириклигига ёқсансан, мен эса ўлигини ёқяпман. Арадашибшишга ҳаққинг йўқ.

Хеч қандай гап топиб беролмай жим бўлиб қолдик.

Дадам:

— Эркин яшаш, ҳур бўлиш масаласини бошқатдан кўриб чиқишимиз керак, шекилли, — деб чиқиб кетди.

Демини ҳаммамизнинг кўз ўнгимизда қорнидаги боласи билан қўшиб ёқишли. Онаси билан опаси роса йиғлашди. Демининг жаноза маросимига дадаси келмади. Ўлган одамни ёқиш даҳшатнинг ўзгинаси эди. Агар мурданни ёқиш одати мусулмонларда бўлса, бутун дунё оёққа турарди. Ёғдан ҳосил бўлган тутун ва дуднинг ҳаво билан қандай қоришиб кетишини тушунмагандим. Миллионларча инсонлар ёқилади.

Демининг жаноза маросимида нимагадир Билга кўзим тушди. Мен умримда давомида ғамдан бунчалар

ўзини олдириб қўйган инсонни кўрмаган эдим. Унинг бу ҳолати мени ҳам шундай ғамга ботирган эдик, Абдулаҳ-ҳобнинг ташвишини ҳам унутгандим. Демининг ўлигини ёқишаётганди, аммо унга қараб турган Бил тириклиайн ёнаётган эди.

Қабристондан қайтиб келдик. Бил бўкириб-бўкириб йиғлаганча ётогига кириб кетди. Шу кирганича бир неча кун хонасидан оёққа қалқмади ва ётганича:

— Деми, сен бундай ўлимга лойиқ эмасдинг. Сени бундай ҳолга келтирмаслигим керак эди. Сен бунга лойиқ эмассан, — деб йиғларди.

Бил ҳеч нарса емаётганди, икки кунда бир, зўрга бир-икки луқма оғзига солиб қўярди. Биз унинг бу ҳолидан хавотирга тушгандик.

Бу кунлар мен учун даҳшатли туш каби ўтарди.

Бир куни ойим телбаларча бақирифидан чўчиб вахимага тушдик. Ҳаммамиз тепага олдига чиқиб бордик. Эй Оллоҳим!.. Не кўз билан кўрсак, Бил ҳам ўз жонига қасд қилиб ўзини ўлдирган экан.

Ўлдик... Ўлдик... Ўша куни ҳаммамиз ўликлар каби эдик.

Мен ва ойим мен хушдан айрилган эдик.

Дадам эса бақириб йиғлаб фақат битта гапни такрорларди:

— Боламни нима учун бунчалар куйдирдим, азобладим!.. Мен ёвуз дадаман!

Мен ҳам бунга чидолмай:

— Укажоним!.. — деб унинг тобути устига ўзимни отиб йиғлардим.

Гўё осмондан устимизга ўлим ёғаётгандай эди. Дафн маросими ўтгач уйга қайтиб келганимизда унинг бизга ёзиб кетган хатини ўқидик. Деми учун ёзган экан:

“Унинг ўлимига мен сабабчи бўлдим, энди менинг ҳам яшашга ҳаққим йўқ”, — деган гапларини кўп такрорлаган эди хатида.

Абдулваҳҳоб ҳам келган эди. Қаердан эшигтан бўлса... Ойим уни ҳайдаб солди, аммо дадам кўриб қолиб, уни эшикнинг оғзидан қайтариб келди. Абдулваҳҳоб бизга тасалли берди. Шунақанги маъноли гаплар гапирган эдики, худди эзилган юракларга малҳам қўйгандай бўлди.

Ҳафталар, кунлар ўтди: ичимиздаги олов бироз совигандай бўлса-да, ҳали ҳам юрагимиз ёнаётган эди. Худди қора булутлар бизнинг устимизда сузиб юргандай эди. Ҳаммамиз бурчак-бурчакка тиқилиб ўз қобиғимизда ўз ёғимизга қоврилиб ётар эдик. Шунча ғами етмагандай ойим кўпроқ менга ачинарди: “Нега ҳам мусулмон бўлдинг?” — деб.

* * *

Катта меҳмонхонада кириб нима қилишимни билмай хаёл суриб ўтирган эдим. Дадам келди... Ўрта хонага кириб кетди. Мен ҳам унинг ёнига бордим.

— Салом, дада! Яхшимисиз?

— “Жуда ҳам яхшиман”, — десам, ишонармидинг, Сельва? Жуда ҳам баҳтиқароман.

Ойим дадамнинг менга: “Сельва” дея мурожаат этганини эшитиб қолибди. Ёнимизга келиб дадамга телбаларча ташланиб, бақира бошлади:

— Бундан кейин Марияни Сельва демайсан, тушундингми? Бўлмаса оқибати ёмон бўлади. Бор кирдикорларингни айтиб бераман.

Дадам ҳайрон бўлиб сўради:

— Қандай кирдикорларим бор экан?

Ойим жаҳл устида жавоб берди:

— Шунча йилдан бери мусулмонлардан нафрат-
ланишимиз учун курашиб келган эдинг, энди Марияни
Селва дея олмайсан. Унинг исми — Мария. Ҳар доим
Мария бўлиб қолади ёки бу уйдан чиқиб кетади.

Дадам ўйлаб ҳам ўти rmsдан жавоб қайтарганди:

— Нега ўзинг чиқиб кетмаяпсан?

Дадамнинг бундай дейиши менга ёқмаганди.

— Дада!

— Лаббай.

— Сизнинг ҳушингиз жойидами? Ҳозир гапирган
гапингизни фарқига бориб гапирдингизми? Ойим билан
оғир гаплашдингиз.

— Ҳа ва ҳеч қачон бундай бўлмагандай.

Хурсандчилигимдан йиглаб юбордим. Фақат бир
томондан хафа бўлдим. Яккаланиб қолган кунларимда
дадам менинг тарафимни олаётган эди... Йиғлаб туриб
бўйнидан кучоклаб олдим. Менда ҳеч қайси немис қиз-
ларида учрамайдиган ҳиссиёт бор эди. Сабабини ўзим ҳам
бilmайман.

— Дадажоним! Оллоҳ сизни ҳидоятга бошласин.
Ёлғиз қолганимда менинг сирдошим, дўстим бўлдингиз.
Бу яхшилигингизни ҳеч қачон унутмайман.

— Уйга келишимдан олдин Абдулваҳҳобнинг ёнига
боргандим. Ниҳоят чипта олибди. Эртага Мисрга кетаёт-
ган экан. Юр, бирга унинг ёнига бориб озгина суҳбат-
лашиб келамиз. Сал бўлса ҳам енгил тортардинг. У билан
суҳбатлашган одам яхши таскин топади.

— Фақат у мени кўрганидан хурсанд бўлса ҳам
боришимни хоҳламайди... Лекин сиз: “Мен олиб келдим”,
— десангиз, ҳеч нарса бўлмайди. Ҳам ҳозир ёнимизда ҳеч
ким йўқлигида озгина дардлашардик.

Дадамнинг ўзини тутиши ўзгариб қолган эди. Бу-

нинг тагига етиш учун ҳазил аралаш оғзидан гап пойладим:

— Сизни тушунмаяпман, дада! Йўқ, барибир, тушунмадим. Худди сиз мусулмонларга ўхшаб гапираётгандайсиз.

— Бўлиши мумкин. Нега тушунмайсан бунинг ҳайрон қоладиган жойи йўқ-ку?

Ойим эшикнинг орқасига ўтиб бизни пойлаб турган экан. Дадамнинг жавоби ойимнинг асабларидан ҳам ошиб тушган эди. Овозининг борича бақириб хонага бостириб кирди:

— Мен жинни бўлаётганга ўхшайман! Қарангларчи, менда жиннилик аломатлари кўриняптими? Ғалати овозлар эшитяпманми?

— Йўқ, ойи! Менга ким қарайди? Мен ҳам жинни бўлай деяпман. Қаранг... Қаранг... Жинниларга ўхшаб қилиқ қилиб қарадим.

* * *

Дадам билан Абдулваҳҳобнинг ёнига бордик.

Зўрға бораётган эдим. Энг оғир кунларимизда бизни ёлғиз ташлаб қўймаганди. Ҳар доим ёнимизда бўлди. Укам ўз жонига қасд қилганидан кейин дадамни ёлғиз ташлаб қўймабди, яширинча таскин бериб юрганмиш. Уни охирги марта кўрганимда ойим уни уйга киргизмаганди, аммо дадам эшик ёнида кўриб қолиб қайтариб уйга олиб кирган экан. Ўшандан кейин бизникига бошқа келмаганди.

Унинг олдига етиб борганимизда унинг ҳолатида қандайдир паришонлик бор эди. Биринчи кўрганимдаги қиёфаси йўқолиб, ўрнига даҳшатли қиёфа келганди. Биринчи марта бизни хонасига таклиф қилиши эди. Чой

дамлаб, бизга икром қилди.

Чой узатаётганида гапни айлантириб менга хушхабарни айтди:

— Селва, агар билсанг, даданг ислом динига қизика бошлади.

Бундай янгиликдан, албатта, севинган эдим. Ёлғон гапириб нима қиласан, гапнинг моҳиятини тушунмаганим учун бошида шунчаки қараб қолгандим. Дадам бир четга ўтиб, газета ўқий бошлади.

Дадам, укамнинг ўлимидан кейин Билнинг мавзусига ҳеч қайтмаганди. Агар гап очилиб қолгудай бўлса, мавзуни ўзгартириб гапни бошқа ёқقا буради. Мен Абдулваҳҳобнинг бу гапини аввало: “Укамнинг вафотига тааллуқли”, — деб ўйлагандим. Тўсатдан миямга тақ этиб урилгандай бўлди. Абдулваҳҳобнинг: “Даданг ислом динига қизика бошлади”, — деган гапини кейин тушунгандим. Ўрнимдан қандай қилиб сакраб турганимни билмай қолдим.

Бу хабардан кейин севинганимдан бақирдим:

— Нима! Дадам ислом динига қизиқяптими? Бўлиши мумкинмас... Вой Худойим! Ростданми? Бу қандай бўлди?

Билардим. Ким суриштиrsa, Оллоҳнинг ҳақиқий динини топган.

Дадамга қарадим. Ҳаёли бошқа жойда эди. Эътибор қилмаётгандай кўринарди, газетасини ўқиётганди. Югуриб бориб бўйнидан қучоқлаб олмоқчи бўлгандим, аммо ўзимни тутдим. Ҳозирча қизиқаётган экан... Дадамга бироз вақт керак...

Биз Абдулваҳҳоб билан оддимиизда дадам йўқдай хис қилиб ўзаро сухбатлаша бошладик.

Ундан сўрадим:

— Қандай бўлди, Абдулваҳҳоб?

— Ўзим ҳам ҳайрон бўлдим. Бир куни исломий қоидаларни ўрганмоқчи эканини айтди.

— Қанчалар хурсанд бўлганимни тасаввур ҳам қи-
ломайсан. Шундай қоронғи кунларимда яхши гап эши-
тишга эҳтиёжим бор эди. Нақадар бахтисан-а, Абдул-
ваҳҳоб! Икки йил ўтмасдан учта одамни мусулмон бўли-
шига сабабчи бўляпсан. Агар дадам исломий қонун-қоидаларни ўрганишни бошлаган бўлса, демак, ҳаммаси аниқ.

Абдулваҳҳобнинг юзига қарадим... Аччиқ ва яна ҳам
аччиқ кулимсирашга ўхшаган ҳолатда жавоб қайтарди:

— Тўғри, агар дадангиз ҳам мусулмон бўлса, менинг
ҳаракатим билан уч киши мусулмон бўлади. Икки йилда-
ми ёки бир йилдами... Мен бир ўзим бу ерга келганимдан
бери икки кишининг мусулмон бўлишига сабабчи бўлдим.
Бошқалар бир ўзи, қизиқ, нечта одамни ислом динидан
чиқарган бўлса? Билолмаймиз. Сиз, дадангиз, епископ
мингларча мусулмонларга бадал бўлишингиз мумкин.
Аммо холосани ҳам ўйлашимиз керак.

Анча сұхбатлашганимиздан кейин кўз қирим билан
Абдулваҳҳобни кузата бошладим. У ҳам беихтиёр аламли
нигоҳлари билан менга қараб-қараб қўярди... Йиғлаб
юбормаслик учун ўзимни зўрга ушлаб тургандим... Севган
инсоним севган инсонининг ёнига кетаётган эди. Балки,
мени ўзини ўйлаган худбин дерсиз, лекин, илож қанча,
инсоний табиатимиз шунаقا экан. Абдулваҳҳобнинг кета-
ётгани, бунинг устига севган ёри билан бирга бўлиши,
буларнинг ҳаммаси мени Билнинг ўлимидан ҳам баттар
азоблаётган эди.

Ундан сўрадим:

— Абдулваҳҳоб! Менга ислом йўлида тўғри кетишим
учун дастур тузиб бероласанми? Шундай дастур бўлсинки,

мен устоз тополмаганимда, дўст тополмаганимда бу дастур менинг устозим ва менинг дўстим бўлсин.

— Тўғри гапирдинг, Сельва... Ҳаёт инсонни кутилмаган ҳолда нималар қилишини билиб бўлмайди. Бу дунёдаги айрим йўлларнинг чиқиши жойлари бор, айримларининг эса охири берк... Шунинг учун ҳамма нарсага тайёр туришимиз керак. Бўлмаса мен ҳозир битта дафтар олиб келай ва биргаликда рўйхат тузамиз.

Чиройли дафтар олиб келди.

Дафтарнинг иккинчи бетига чиройли қилиб: “Ҳаёт дастури”, — деб ёзди.

Кейин фикридан қайтиб:

— Йўқ, нотўғри ёздим. Ҳаётнинг дастури ҳеч бир инсоннинг кўлида эмас-ку. Ҳаётимиз дастурини фақат Оллоҳ тузади! Биз фақатгина тафсилотларнинг дастурини тузишимиш мумкин. Бу ҳам Оллоҳнинг изни билан амалга ошади.

Ёзганларини ўчириб ташлаб, жойига: “Дастур билан яшаш таърифи”, — деб ёзди ва менга тўғри келадиган нима бўлса, шуларнинг кетма-кетлигини тузди.

— Аввало, сенга ўнта асосий тавсияни бераман. Бу жуда ҳам керакли:

1. Қанча қийналсанг ҳам, ҳеч қачон ислом динида бўлганинг учун афсусланма. Афсус қилсанг, ўша заҳотиёқ тавба қил.

2. Дунёнинг қаерида бўлишидан қатъий назар шарҳлашлари ва тушунчалари бошқа-бошқа бўлган ислом мазҳабларининг ҳеч бирини четга суриб қўйма, улардан ўзингни узокда тутма. Улар сени четлатишсалар ҳам.... Ҳар доим ўша гуруҳларнинг яхши ва фойдали томонларини ол ва қўлингда келгунча уларни қўллаб-куватла. Куруқ

ақидапарастлик хислатига эга инсонлар ўзининг мазҳабидан бошқалари яхши ишларни амалга оширса ҳам уларни кутлашмайди. Омад тиламайди. Сен ҳеч қачон ундаилардан бўлма. Ўзининг мазҳабидан бошқасини мусулмон сифатида қабул қилмай, ўзи билмаган ҳолда ўз мазҳабини илоҳийлаштиради.

3. Ҳар куни камида икки соат исломий илмингни оширадиган китоблардан ўқиб тур. Буни ўзинг учун қиласан. Албатта, икки соат ўқишинг кераклигини унутма. Ўқиётган китобингдаги ўзингга ёққан жумлаларни алоҳида битта дафтарга ёзиб боришни одат қил.

4. Ўзинг яхши билмайдиган мавзуларда ҳеч қачон ва ҳеч кимга гапирма.

5. Қийналсанг ҳам, хоҳишинг бўлмаса ҳам, албатта, ибодат қилиб тур. Ибодат қилмаслик учун ўзингча баҳона қидирма.

6. Зикр қилишни унутма. Қара, зикр ҳақида Оллоҳ нима деган. Бу олий амрни қалбингда сақла. Қалблардаги имонни мустаҳкамлаш учун Оллоҳ шундай дейди: “Огоҳ бўлингизким! Оллоҳни зикр қилиш билан қалблар ором олади” (*Раъд сураси 28-оят*). Қалбингда имонингни мустаҳкам сақдашинг учун бу амрни унутма.

Абдулваҳҳоб кейингисига ўтишдан олдин зикр ҳақида тушунча беришни хоҳлади.

— Бу оятда “ором олмоқ” деганда нимани назарда тутган — “шубҳаларсиз ишониш”ни. Бу ерда қалбларнинг ором олиши кенг маънода берилган. Қалбинг ишончи зикр орқали тўғри йўлда бўлади. Зикр қилиш билан эътиқодинг мустаҳкамланади. Зикр қилиш билан юраклар ором олади. Куръон ўқиш ҳам зикрdir. Намоз ўқиш ҳам

зикрдир. Аммо бу зикрлар Оллоҳни ёдга солишининг махсус зикри билан фарқ қиласди. Оллоҳнинг йўлидан юрган бир қанча инсонларни кўрганман: “Ҳозир зикр қиласиган вақт эмас”, — деб кўп зикр қилувчиларни айблайвериб, ўзлари сира зикр қилмайдиган ҳолга тушиб қолишган. Шуни унутма! Ҳар куни камида ярим соат: “Оллоҳ, Оллоҳ” ёки “Ла илаха иллаллоҳ” ёки бошқа зикрлар тақорорлаб юр. Ҳоҳласанг, ичингда ўқи — хоҳласанг, овоз чиқариб ўқи. Аекин: “Овоз чиқармасдан қалбдан қилинган зикр яна ҳам яхши бўлади”, — дейишади қўпчилик диний уламолар. Агар зикр қилиб юрсанг, дунёning нарига чеккасига кетсанг ҳам ёлғиз қолмайсан... Оллоҳ ҳар доим бандасининг ёнида бўлади. Лекин энг яхши яқинлик банда ўзини Оллоҳга яқин эканини ҳис қилган вақтдир. Оятда: “Зикрни хоҳласанг, ўтириб, истасанг туриб, хоҳласанг ётганингда ўқи”, — дейди. Яна Қуръон шундай дейди: “Сиз қаерда бўлсангиз ҳам У сиз билан биргадир” (Ҳадид сураси 4-оят). Ўша вақтда, яъни зикр қилган вақтда мусулмоннинг қалби уйғонади, маънавий дарёда покланади. Акс ҳолда у бу аянчли дунёning қабих ишларига дош беролмайди. Мусулмон қийналиши мумкин. Сельва, ҳар куни зикрларни тақорорлаб юришни канда қилма. Оллоҳ дейди: “Қалбаги имон зикр қилиш билан мустаҳкамланади”. Акс ҳолда тез-тез имонинг ҳақида шубҳаланасан. Ғафлатда қолиб кетишинг мумкин. Ўзингни идора қилолмас ҳолга келиб қолишинг мумкин. Ўзингнинг қадрингни йўқотма. Аммо сенда ҳам ҳар қандай инсонларга ўхшаб гуноҳ қилишга, исён қилишга ундейдиган нафс ва гуноҳ туйғуси бўлиши мумкин. Агар ўз нафсингни ўз назоратингга олмасанг, ички оламингда бошбошдоқлик юзага келади. Шунда сен бу бошбошдоқликнинг олдини ололмай қоласан... Ҳар кун, ҳа, ҳар кун... Ҳар бир ишингда Оллоҳ билан бирга бўл! Банда-

ен ҳар дони Оллох билан дир. Аммо банда қалбан ҳар куни өңдөт ажратиб, рамзий мезгида Оллох билан ёлғыз қолишига ҳаракат қылса, файзли бўлади. Оллохга яқинлигини хис қилади, ором олади, қалбидаги бир қанча машаққатлардан, дардлардан фориг бўлиб покланади. Фақат баъзи инсонларнинг ширкия аралашган зикр тарзи ҳам бор. Ҳеч қачон сен ундайлардан бўлма. Зикр қилаётганингда қалбининг фақат Оллохга йўналсин. Зикр қилаётгандан била туриб, ихтиёр равишда яхши кўрган инсонларини ўйлайдиганлар ҳам бор. Бу асло тўғри эмас. Агар бу ўй беихтиёр бўлса, бунинг айби йўқ. Буни унутма: “Қалблар Оллоҳни зикр қилганда, яъни ёд этса, — дейилади оятда, — қачонки тилинг: “Оллох, Оллох”, — деб зикр қилганда қалбинингда бошқа ишларни ўйламасликка ҳаракат қил, хаёлинг чалғиса ҳам зикрдан тўхтама, яна давом эт”. Дин, оят-у калималардан ва ҳадис-у шарифдан иборат. Яъни шариат хукмларининг манбаси иккитадир. Биттасини зикр қилаётганингда ихтиёрий ҳолда иккинчисини хаёлингга келтирма. Беихтиёр келса: “Астағфируллоҳ, Раббим, мени кечир. Биласан, бу менинг ихтиёrimda эмас”, — дегин. Кечирасан, менимча, оддин ҳам булар айтган эдим-а? Хаёлим жойида эмас-да.

Абдулваҳҳоб яна бошини эгиб дафтарга ёзишда давом этди.

7. Оллоҳни севадиганлардан йироқ бўлма. Бугунги кунда Оллоҳни севадиганлар учрата олмаслигинг ёки кам учратишинг мумкин. Аммо билингки, бир кун келиб Аллоҳни севадиганлар кўпаяди.

8. Билингки, бу дунё тугайди, у дунё эса боқийдир, яъни ҳеч қачон тугамайди.

9. Агар сен жавобини ўзинг топа олмайдиган савол-

га ёки маъносини тушунмаган оятга дуч келсанг, билгинки, бу оятнинг бошқа томонини англамаган бўласан. Эсингизда бўлсин: оятларни бири биридан фарқли, яъни ҳар хил томондан кўриб чиқиш мумкин. Битта оятда жуда кўп шарҳ, муҳим хабар ёки ҳукмлар бўлиши мумкин. Буларни тушуниш учун кўпроқ илм ва тажриба талаб қилинади. Ислом дини ўрганиш учун қулай диндир, аммо арzon дин эмас. Уни машаққатсиз ўрганиб бўлмайди. У учун бироз машаққат чекиш керак. Бунинг учун самимият ва ғайрат талаб этилади.

10. Бутун дунё исломга келиши керак шарт. Умрингнинг охиригача буни инсонларга тушунтириш жараёнингда чарчадингми — дам олишни ҳам унутма. Шуни унутма: саҳобалар эрта ётиб, эрта туради. Пайғамбаримиз таълимоти бўйича ҳаракат қилмайдиганлар кеч ётиб кеч туришади. Тонг отгунча ўтиришар, диний суҳбатлар қуришади-ю, диннинг таълимотига амал қилмайдилар ва амал қилмаганликларининг фарқига ҳам боришмайди. Тонг отиши билан тунда қилинган таълимотга амал ҳам қилишмайди. Асло ундейларга ўхшама.

11. Бомдод намозини ўқиб тугатганингдан кейин қуёш чиқадиган вақтгача зикр айтсанг, жуда яхши иш қилган бўласан. Кейин ҳам хоҳлаган вақтинг ва хоҳлаган соатда зикр қайтаришинг мумкинdir.

12. Албатта, Куръон ўқишини ўрган. Агар қўлингдан келса, бир ойда бир марта ёки уч ойда бир марта хатм тушириб тур. Агар эплолмасанг, ҳар йили Рамазон ойида, албатта, Куръонни хатм қил.

13. Албатта, чиройли қилиб ифодаланган Куръон тафсирини ўқи. “Бир нечта таржима ва тафсир китоб-

ларини бир-бири билан таққослаб ўқи”, — деган бўлардим-у, аммо бундай китобларнинг немисча таржимаси борми-йўқми — билмайман-да. Тақводор ва илмли устоз қидир. Агар топа олмасангиз, фиқҳ китоблари билан кифояланиб тур. Шуни унутма: бандаси ўз имкониятларига кўра жа-вобгардир. Хатоларинг бўлса, мушкул аҳволда қолган вақтинг, тўғри ва нотўғриларни ажратолмай тушкунликка тушиб қолган вақтинг ҳам, имкони борича ўзинг билган исломий қоидаларга асосланиб яша. Бу хусусда Оллоҳнинг бизга ваъдаси бор: яхши билан ёмонни ажратиб олиши-миз учун ўзи бизга йўл кўрсатади. Яъни биз исломий ҳаётда яшасак, Оллоҳ бизга билмаганларимизни ўргатади. Анфол сурасининг 29-оятида Оллоҳ таоло аник баён қилган¹. Такрор айтяпман: бу оят — биз Оллоҳга итоат эт-сак, тингласак, мушкулликлардан фориғ бўлишимиз учун Оллоҳнинг бизга берган сўзи баён қилинган оятдир.

14. Тарих китобларини ўқимоқчи бўлсанг, ислом тарихидан бошлама. Чунки бундай китобларни ёзганлар орасида ислом тарихининг ўтмишни урушдан иборат қи-либ кўрсатганлар ҳам бўлиши мумкин. Энг биринчи пайғамбаримизнинг ва пайғамбарлар тарихини ўқи. Бу китобларни ўқиётганингда Куръонга қарши айтилган фикрларга дуч келишинг мумкин, аммо бунга эътибор қилма. Бу хусусда хурофотлар тўқиб чиқишиган. Шуни англа ва бундай тўқима гапларни ислом динига ағдарма. Диний билим даражанг ошгандан кейин ислом тарихини ўқи.

¹ “Эй, имон келтирганлар! Агар Аллоҳдан кўрксангиз, сизлар учун (ҳак билан ноҳакликни) ажрим этувчи (ёрдам)ни берур ва гунохлариниздан ўтиб, сизларни мағфират қилур. Аллоҳ улкан фазл соҳибидир” (манба: Куръони карим маънолари таржимаси. Таржимон: Абдулазиз Мансур).

15. Ўзинг учун уч-бешта ёзувчини танлаб ол. Кучинг етмаса, бир-иккита ёзувчи танлаб олсанг ҳам бўлади. Ўша ўзинг танлаган адиларингнинг ҳамма китобини ўқиб чиқ. Бу билан сен ўша адиб билган билимларнинг бир қисмини ўрганган бўласан. Агар топа олсанг, бир ойда бир марта нашр қилинадиган исломий журналларига обуна бўл. Ўқишга вақтинг бўлмаса, сарлавҳаларини кўриб чиқишинг ҳам фойдали.

16. Ўз соғлиғингга эътиборли бўл. Учта ҳалол оқни кўп еб қўйишдан қоч. Уларни кўп истеъмол қилсанг, бош мия фаолияти ва тана аъзоларингга зарап етказиб қўйган бўласан. Ўз соғлиғига эътиборли бўлиш ҳам бир ибодатдир. Шуларни ҳар доим ёдингда тут. Уч оқ нарса — бу ун, шакар ва туз.

17. Ҳар доим хафа ва тушкун бўлиб кўринма ва кувноқ бўлишни ҳаром деб билма. Унутма: кўп йиғлайдиган, кўп куладиган инсонлар ақли расо инсонлар ҳисобланмайди. Оллоҳ Қуръони Каримда: “Ҳар нарсада меъёр яхши”, — деб таъкидлагандир. Яъни олдинга ҳам ўтиб кетма, орқада ҳам қолиб кетма — ўртада бўл.

18. Агар имкон топа олсанг, ёз ойларида қир-адирларга чиқиб дам олиб тур. Ҳавоси тоза жойларда, ҳеч бўлмаса, бир-икки ой қол. Ўша ерларда кўпроқ китоб ўқисанг, яна ҳам яхши дам олган бўласан. Зотан мусулмоннинг ҳордиқ чиқариши битта ишдан иккинчи ишга ўтишидир. Оятда шундай дейилган.

19. Одамлардан ҳақорат эшитсанг, ҳеч қачон ислом динидан хафа бўлма ва ўзингни ҳаётнинг яхши-ёмон кутилмаган тасодифларига ҳозирлаб бор. Ўзингга эътиборли бўл, қадрингни бил ва ҳар бир қилган ишингнинг тўғри

эканига ишончинг комил бўлса, ким нима деса ҳам ортга чекинма... Чарчашиг мумкин, аммо тушкунликка тушма. Чарчаш одатий ҳолдир ва дам олгач ўтиб кетади. Аммо тушкунликка тушиб ҳолати дам олиш билан ўтиб кетмайди. Қайтадан тирилиш, яъни ҳаммасини бошидан бошлиш керак бўлади.

Абдулваҳҳоб ёзишни тутатиб менга қаради:

— Ҳозирча шунчаси билан қаноатланиб турсанг бўладими, Мария? Кечирасан, Селва...

— Сен нима десанг — шу. Менга берган тавсияларинг жуда ҳам аҳамиятли. Сенга қанча миннатдорчилик билдирам ҳам камлик қиласди... Бу дафтарни бутун умр сақлайман, иншооллоҳ.

Бир мuddат дадамга қараб қолдим. Қизиқ дадам, Абдулваҳҳобнинг ички дунёсини тушуниш, уни кузатиш учун рол ўйнайтими? Дадамдай одам қандай қилиб ўзгариши мумкин?

Ҳаяжонланиб сўрадим:

— Абдулваҳҳоб! Дадамни қандай қилиб ислом динига ишонтиридинг?

— Мен ҳеч нарса қилганим йўқ. Фақат ўз бурчимни бажаришга ҳаракат қилдим. Бир одамга нисбатан олдиндан гумон қилинса ёки: “Бу катта одам исломга кирмайди”, — деган нотўғри хулосаларга борса, хато ўйлади. У ҳолда ҳеч кимса вазифасини жойида тўғри адo қилмаган бўлади ва ҳеч ким исломдан буюк эмасдир.

Бу аснода мен дадамни кузатиб турадим.

Ҳар куни йиғлайдиган, бахтсиз бўлган:

“Мен ўғлимни эркинлик учун ўлдирдим”, — деб қичқирган одам Абдулваҳҳобни ҳайрат билан тингларди ҳамда юзида кувонч балқирди.

Нафратланган киши бундай кувонч билан тингла-

масди.

Абдулваҳҳоб билан бўлган мазмунли сұхбатимиз якунига етгач уйга қайтдик. У ҳам эртаси куни Мисрга кетиш учун чипта олишга бориши керак эди. Дадам эса ислом динига кирганини ҳам, кирмаганини ҳам айтмади...

Бу инсон аслида менинг ҳақиқий дадамми ёки дадам эмасми — билиш учун қизиқиб ҳам кўрмадим. “Билиб нима қиласман, — дедим ўзимга ўзим. — Олаётган ҳар бир нафасимиз ҳам бизники эмас — уни яна қайтариб берамиз. Ҳаммамиз ўлиб кетамиз.

Бу инсон менинг ҳақиқий дадам бўлса, нима бўлади; аксинча бўлса, нима бўлади?”

Энди менга буни аниқлашнинг кераги йўқ эди.

Мен Сем каби инсонга фарзанд бўлганимдан мамнун эдим. Ўсмирлик давримда жуда даҳшатли руҳий тушкунликка дуч келгандим. Аммо кейинчалик бунга эътибор бермасликка, эсламасликка муваффақ бўлдим, бу ҳолатга қандай эришганимни эса билмайман. Зотан ойим ҳам бу гапни ёлғонга чиқарган эди. Бўлмаса нима учун ўша одам: “Мен сенинг дадангман”, — деган эди.

Анчагача бу гапни ўйлаб юрдим, кейин эсимдан чиқардим.

Фақат шу бўлса, кошкийди. Мен ҳақимда яна бошқа гап ҳам бор. Мен ҳақимдаги бошқа гап шу эдики, нима эмиш, мен бир турк қизи эмишман. Ойим вафот этгандан кейин дадам мени бир ўзи боқишига қийналиб Сем оиласига бериб юборган экан. Ўша пайтларда уларнинг боласи бўлмаган экан.

Бир неча йил ўтиб Бил туғилган экан. Бу гапларни ҳам унутиб юбордим.

* * *

Абдулваҳҳоб кетгандан кейин анча йиғладим...
Ўзимни йўқотиб кўйдим... Уйқуларим бекарор бўлди,
ҳаётим бетартиб бўлиб қолди. Лекин мен ўзимни қўлга
олишим керак эди...

Ҳаёт ўзи шунаقا баъзан тушунарсиз бўларкан.
Айниқса, менинг ҳаётим...

Мен бир кун келиб, яъни 1990-йилда ёшим саксон
бешга бориб қолганда ўтган кунларимни туркиялик ёзув-
чига ҳикоя қилиб бериш хаёлимнинг бир четидан ҳам
ўтмаганди.

* * *

Орадан ҳафталар ўтди. Оиламиздаги мотам туш-
кунликлари ҳам аста-секин камайиб бораради. Лекин
менинг мусулмон бўлишим туфайли юзага келган кескин-
лик ҳали ҳам давом этмоқда эди.

Дадам мени ҳайрон қолдирди. Ўзини олдириб кўй-
ганди, битта гапни такрорлайдиган бўлиб қолганди:

— Ошиқча эркинлик ёшликни барбод қилмоқда, —
дерди нуқул.

Дадам бу гапларида самимий эди.

* * *

Мен ҳам энди тайёргарлигимни кўриб кўйгандим.
Энди Истанбулга — опамнинг ёнига кетишга қарор қил-
гандим.

Чунки менда бошқа чора қолмаганди. Ўғлидан —
укам Билдан ажраб қолганига қарамай ойим менга ҳам
кун бермай кўйганди. Бунинг устига Абдулваҳҳоб кетгач,
бу ерлар менга тор келиб қолганди. Лекин қиз боланинг ўз
уйимни тарқ этиб кетишим тўғрими-йўқми — билолмай

иккиланаётган эдим.

“Йўқ, ундан эмас, мусулмон қизнинг жойи ё отасининг олди ёки ака-укаларининг уйи”, — деганди опам. Аекин мен уйимни тарк этиб кетаётганим йўқ-ку, мени ўз уйимга сиғдиришмаяпти...

Хоҳлашмагани етмагандай ойим ҳар гапининг орасида:

“Даф бўл, сени кўришни хоҳламайман”, — дерди.

Мажбуран кетмоқчиман...

Билинг ўлимини, Абдулваҳҳобнинг кетиб қолиши ни ҳазм қиломай қийналиб юрганим етмагандай, ойимнинг тинимсиз уйдан ҳайдайверишига чидай олмасдим. Ўзимга ўзим қарор қилдим: энди Истанбулга кетаман. Поездга чипта олдим.

Икки кундан кейин кетишим керак.

Ота уйидаги охирги кечам...

Тун яримида ҳожатга бориш учун ўрнимдан турдим.

Қарасам: меҳмонхонанинг чироги ёниб турибди. Секин бориб, эшикнинг калит тирқишидан ичкарига қардим.

Эй Оллоҳим!

Ичкарида кўрган ҳолатимни ҳеч хаёлимга келтира олмасдим.

Дадам намоз ўқиётган эди!..

Хурсандчилигимдан қичқириб юборишимга сал қолди. Эшикни оча солиб ичкари кирдим.

Дадам чўчиб тушди, лекин намозини бузмади. Йифлаб намоз ўқиётган эди.

Намоз ўқиётган бўлишига қарамай дадамни кучоқлаб, юзидан ўпиб олдим.

Дадам намозини давом этди.

Мен ҳам қучоқлашда давом этдим. Болаларча бегубор эдим... У аттаҳиятга ўтирди. Тиззасига бошимни күйиб ётиб олдим. Мен йиғлар эдим, дадам намоз ўқирди.

Салом берib намозни тутатгач:

—Жон қизим, сенинг шарофатинг билан кирдим ислом динига. Ҳозирча ойингга сездирганим йўқ. Билниг қайғуси бироз енгиллашсинг, кейин айтаман, — деди.

Уни яна қучоқлаб олдим. Энди Сем ҳам дадам, ҳам диндош биродарим эди... Менинг олдимдаги қадри яна ҳам ортган эди.

* * *

Ҳис-туйғуларимни баъзан шеърларга тўкар эдим:

Мариялар, Ҳанслар, келинглар!
Дардингизни бир ислом англар.
Хой, сен ҳам кел, қизисан инглиз,
Фарқи йўқ: немисмисан ё француз!
Дунё: “Эркинлил”, — дея отаркан хандон,
Шул боис зулмат ичра бўғиларди чандон:
Оқибат борган жойи — кимсасиз майдон!
Маъбуд дея суринаркан замонавийлик орасидан,
Сезмади: пичоқламиш кимлар унинг орқасидан
Мехр-оқибат соғинар инсоният руҳи,
Лек кўпdir ранж-у озори ҳамда гуноҳи.
Сен олмондирсан, арабми ёки туркдирсан,
Исёнкор ё гуноҳкорсан, билмам, кимдирсан?..
Илоҳ танҳо Оллоҳдир: буни сира унутма!!!
Йўқ қил санамларинг, кел, исломни тан ол,
Оллоҳдан қочолмайсан, наҳот тушунмадинг:
Оқибат Оллоҳга қайтасан: кулогингга илиб ол.
Қара, атрофингни ўраб олмиш жаҳолат,
Назар сол, Оллоҳ ҳаққи, эътиқод учун боқ.

Инсонийлик шаънига муносибми шу одат?..
Магар инсонийлик олами бўлса бу ерда,
Сўйланг: ҳайвонот олами қолди қаерда?..

* * *

Тинимсиз йиглар эдим. Дунё иши бунчалар ғалати!..
Кутилмаган ҳолда бир йилда тўрт фасл бўлади, мен эса бир
йилда ўн фаслни бошдан кечирдим.
Ойим алам олаётгандай сўради:
— Неча кундир Абдулваҳҳоб кўринмайди? Яна нима
бўлди?

Ойимга ҳаммасини айтиб бердим.
— У Мисрга кетди, ойи, энди қайтиб келмайди.
— Турмуш қуришингиз нима бўлади?
— Бўлмайди... Шунисини маъкул кўрдик.
— Ўзингни алдама. Уни Мисрга Исо улоқтириди.
— Ойи! Сиз танийдиган Исо билан мусулмонлар-
нинг тан олган Исо алайҳиссалом битта одам эмас экан.
Исо алайҳиссаломга ҳам гуноҳкорларга бунчалик жазо
бериш хукуқи берилмаган экан. Шунинг учун уни Мисрга
Исо алайҳиссалом отганига ишониш жуда катта хатодир.
— Уни Исо лаънатлаган... Уни Мисрга Исонинг
лаънати отган.
— Бўлмаган гап! Лаънат келса, фақат Оллоҳдан
келади. Илтимос қиласман: бундай деманг, бас қилинг.
Бундай фикрлаш инсонни мушрикка айлантириб қўяди.
Чунки кетганига бир ҳафта бўлди, борган заҳоти телег-
рамма юбормоқчи эди... Юбормади... Юрагим сиқиляпти.
Сиқилиш нимаси — жоним чиққудай бўляпти.

Рұҳим олов-олов ёнаётган эди. Савол тўла нигоҳим
билин ойимга қарадим:

— Ойи! Нега мени тушунишни истамайсиз?.. Ёки

тушуниб турибсизми?

Шу пайт эшик жириングлаб қолди.

— Почтачи келган бўлса керак, ўзим қарайман.

Эшикни очар-очмас кўзларимга ишонмадим.

— А-а-а! Абдулваҳҳоб!.. Сен бу ерда нима қиляпсан?..

— Селва... Селва ўша пайтда ўлган экан. Дўстим Файзулоҳ оиламдагиларга мени: “Битта немис қизга уйланяпти”, — деб айтгач улар шу ёлғонни ўйлаб топишибди. “Келиши билан шу ерлик қизларга уйлантирамиз”, — деган экан. Қайта дунёга келсам ҳам бошқасига уйланармишим? Сенга бу ҳақда хат ёзмадим: чипта топар-топмас сенга ўзимни келтирдим.

Инсон ожиз мавжудот экан. Инсон қандай хаёлларга берилмайди дейсиз?.. Вакти келса, бир инсон бошқа бирининг ўлгани учун курсанд бўлиши ҳам мумкин экан... Лекин нима ҳам қилар эдик?.. Инсонмиз.... Баъзан жуда кучли, баъзан заифмиз.

Шу пайт ойим чақириб қолди:

— Ким келди, Мария?

— Ойижон, Абдулваҳҳоб келибди. Исо уни урибди ва:

— Сенинг жойинг унинг ёнида, тез Селванинг ёнига кет, — дебди. Абдулваҳҳобни Мисрдан бу ерга — менга юборибди.

ТАМОМ

VEKALETNAME
(Türk dildə)

Geçəkdir, Ben (soyadım, adım – Eminə Şenlikoglu; Adresim – Sillistre sok: №10 Daire 3 Nur apt: Yavuzselim Fatih İstanbul; e-posta – eminesenlikoglu@eminesenlikoglu.org; telefon numaram – +90 532 552-96-11) işbu yazıyla aşağıdakı şahsa – Özbekistan'dan Matyakubov Ergashbay Rozumbayevich'e (yaşayan yeri – Taşkent şəhəri, Almazar İlçəsi, Karakamış 2/4, ev 13, daire 30; pasaport serisi ve numarası – AA 1625558; e-postası – foneylka.uz@mail.ru; telefon numarası – +99 890 954-52-99) «MARIA» kitabımı Özbekçe yayılmasına vekalet veriyorum. Bu vekalet hakkı, beş yilliğinə (2026 7. aynə kadar Not: 7 ay tərəfləmə döşəni hədiyyə ettim) devam edir.

Aynca bu eser Özbekistan'da Özbekçe yayılmasına sadece Matyakubov Ergashbay Rozumbayevich sahibi, Kararlaştırılan sürenin sonuna kadar başqa kimseñin bu eseri Özbekçe yayılmasına hakkı yoktur.

Vekalet verenin soyadı, adı: Eminə Şenlikoglu

Vekaletçi verenin imzası:

Vekalet yeri: Sillistre sok: №10 Daire 3 Nur apt: Yavuzselim Fatih İstanbul

Vekalet tarixi: 24 Mart 2021

BAKOLATNOMA
(Üzbek tiliində)

Хакиагам хам, Мен (имяни, фамилияни – Eminə Şenlikoglu; яшаш жойын – Sillistre sok: №10 Daire 3 Nur apt: Yavuzselim Fatih İstanbul; электрон майкроси – eminesenlikoglu@eminesenlikoglu.org; телефон раҳамиши – +90 532 552-96-11) ушбу хат билди мен күйнүгүн шахса, яши Узбекистондук Matyakubov Ergashbay Rozumbayevichga (яшаш жойи – Ташкент шаҳри Олмазар туманин Коракамини 2/4 13-й 30-квартираси; паспорт сериси ва раҳамиши – АА 1625558; электрон майкроси – foneylka.uz@mail.ru; телефон раҳамиши – +99 890 954-52-99) «MARIA» китобинин Ўзбек тилиндә чөп этиштига ваколат бердим. Бу ваколат хукукот беш йил (2026 йылının 7-ойнчага) тикшер. Ишох: 4-ий таржима учун ваколатнама! Ҳаким: 7-ойнчага!

Шунингдек, Узбекистонда бу асарин Узбек тилиндә чөп этиши, ваколатти фокат Matyakubov Ergashbay Rozumbayevichiga тегишини, Келишиштган муддат тутамагүчча бошка кеч күм Узбек тилиндә бу асарин чөп этиштига ваколати бўй.

Ваколат бергани шахсийнинг исем-фамилияси: Eminə Şenlikoglu

Ваколат бергани шахсийнинг имzası:

Ваколат берилгани жой: Sillistre sok: №10 Daire 3 Nur apt: Yavuzselim Fatih İstanbul

Ваколат берилгани тарix: 2021-йил 24-чираг



27.05.1953й.

Асар асосий қаҳрамони насроний қыз — Мария асар бошида иркчи ва ҳатто миллатчи шахс сифатида күзга ташланади. Лекин вақт ўтиши билан бошқа ирк ва миллат вакиллари ҳам ўзлағы каби одам эканлигини англайди.

Тасодиғни қаранг, Мария иккита мусулмон йигит — мисрлик Абдулваҳҳоб ва туркиялик Мөхмәт — билан танишиб, дўстлашиб қолади ҳамда улардан бири — Мөхмәтни севиб қолади. У билан пурмуш куриш учун кимдир ўз эътиқодидан возкечиши керак...



ISBN 978-9943-7200-4-6

9 789943 720046